

საქართველოს საეკლესიო მემკვიდრეობა



2

საქართველოს საეკლესიო მემკვიდრეობა
თბილისი - 2005




ჯვარი ეახისა - შექუული მტყულოთა სწობის, წმიდა ნინოს თმო. IVს.

ძლიერებათ ჯვარო ეახისათ,
ღაგვისუკ და ღაგვისუარე ზკენ



ქართული მწიგნობრობა



დაბეჭდა უწმიდესისა და უნეტარესის, სრულიად საქართველოს
კათოლიკოს-პატრიარქი ილია II-ის დაცვა-კურთხევით



ገጽ ፳፻፲፯

ገጽ ፳፻፲፰

ገጽ ፳፻፲፱

ገጽ ፳፻፳፬



ბრძანებითა და ნივთის ბოძებითა ღმრთივ გვირგვინოსნისა დიდისა დედოფალთ დედოფლისა თამარისაჲთა, მე, იოანე ანჩელმან რკინაელმან ხელვყავ საშინელისა ამის ხატისა პატივით მოჭედად. მფარველმცა არს მეფობისა მათისა აქა და საუკუნესა. მოიჭედა ხელითა ბექასითა, ქრისტე, შეიწყალე.

წარწერა ანჩისხატის მოჩარჩოების ქვედა არშიაზე.
ამჟამად ხატი დაცულია საქართველოს ხელოვნების მუზეუმში



ვნიგოლ ხანძოელი
მინიატურა XII ს-ს ხელნაწერიდან

აღმობრწყინდი, ვითარ მთიები ზეცისა სამყაროდსა და შეჭურვილმან
მადლითა სულისა წმიდისაჲთა განაბრწყინვენ სამწყსო შენი
ღმრთისმეცნიერებითა, ღმერთშემოსილო მამაო, და მოიწიე რა სანახებსა
კლარჯეთისასა, აღმართენ უდაბნოსა შინა მონასტერნი ღიდშუენიერნი
სადიდებლად ღმრთისა და ილუაწე სასოებითა და დაითმინენ ძრავალნი
განსაცდელნი. მოძღვარო და განმანათლებელო ივერთა ერისაო, ნეტარო
გრიგოლ, განმამეოხგუეყავ წინაშე ქრისტესა მეუფისა და გუთხოვე
წყალობაჲ



სანძოა

საგალობელნი აღვსებისანი საქვეყნო სათხოვარი

ერი შენი ივსენ სახიერებით,
განწირული და გლახაკი,
რომელი ღუაწლსა შინა
დაწუნებულ არს მარადის მტერთაგან,
არამედ შენდა მოივლტის, სახიერ,
ვითარცა ღმერთ ხარ, რათა ივსნე მტერთაგან
მადიდებელნი შენნი.

* * *

ნუ შეურაცხ-ჰყოფ
ერსა შენსა გლახაკსა და დაწუნებულსა,
არამედ შემწე ეყავნ
მარჯუენად შენი ძლიერი და მაღალი,
შობილო ქალწულისაგან,
და მივსენ ჩუენ მონებისგან მტერთა ჩუენთაძსა
ავარის ნათესავთა,
და ძლევაჲ მოჰმადლე მეფესა ჩუენსა.


* * *

ევედრე ძესა
შენსა, და ღმერთსა ჩუენსა, ყოვლად უბიწოო,
რათა მოგუანიჭოს ჩუენ
გამოკსნად ულლისაგან მტერთა ჩუენთაძსა,
და მეფესა ჩუენსა მოჰმადლოს
ძლევაჲ ბარბაროსთაჲ.

* * *

გარდააცვ მშულდსა ჰოი ძლიერო,
წარემართე და სუფევედ, რომელი იშვე ჩუენთვს
ქალწულისაგან,
და მტერნი ჩუენი ურწმუნონი დაუმორჩილენ
მეფესა ჩუენსა მორწმუნესა,
რომელსაცა უპყრიეს ჯუარი შენი,
და აცხოვნე ერი შენი,
რომელნი სარწმუნობით
გალობითა გადიდებენ.

ბრიბოლ ხანძთიელი



ოპიზის (818 წლის ახლო დროის) ბარელიეფზე წარმოდგენილი არიან ცენტრში იესო ქრისტე, მარცხნივ – აშოტ კურაპალატი, მარჯვნივ დავით წინასწარმეტყველი. აშოტი ამ ბარელიეფზე სიმბოლიზებულია, როგორც „მეფე ნებითა ღმრთისაჲთა“. იგი წარმოდგენილია აქ, როგორც შთამომავალი დავით წინასწარმეტყველისა, რომლის შთამომავლად ითვლებოდა თვით ქრისტე და ამის გამო აშოტის მეფობის უფლებაც თვით ღვთაებისგან წარმომდინარედ იგულისხმება.

ეპოქიკი თაყაიშვილი



ჟურნალი ეძღვნება სრულიად საქართველოს კათოლიკოს-პატრიარქს, ილია II-ს

არა დიდ არს სამოცდაათი წელი, არამედ მასში
ჩატეული ღვაწლი და ამაგი თქუენი, უწმიდესო
და უნეტარესო მეუფეო ჩვენო...

განამრავლოს უზენაესმა ღლენი თქუენი ცხოვრებისანი.
გაკურთხოთ ყოვლითა კეთილითა ქუეყანისათა და სუფევდენ თქუენსა
ზედა კურთხევანი მამისა ჩუენისაჲ.

გილოცავთ მომავალ ღლეთა თქუენტა სიმრავლეს.

იგი შეიქმს წამისყოფით ერთსა ასად, ასსა ერთადო – ბრძა-
ნებს რუსთაველი.

არაფერი არს შეუძლებელი ღვთისაგან და...

გვენატრება საუკუნეთა მანძილზე მინავლებულ ამ დიდ ტაძრებში
წირვა და ლოცვა თქუენი... მათ ხატებთან დანთებული წმიდა
სანთლები და გალობა ქართული...

უფალო შენით, უფალო შენით!



სრულიად საქართველოს კათოლიკოს-პატრიარქი,
უწმიდესი და უნეტარესი, ილია II



კონსტანტინოპოლის, ალექსანდრიისა და
საქართველოს პირველიერარქები კაბადოკიაში

თურქეთის საქართველოში

გასული წლის 14-21 მაისის თვეში მისი ყოვლადუწმიდესობის, მსოფლიო პატრიარქის – ბართლომეოს I-ის მიწვევით თურქეთის რესპუბლიკაში – კაბადოკიისა და ტაო-კლარჯეთის მხარეში იმყოფებოდა სრულიად საქართველოს კათოლიკოს-პატრიარქი ილია II.

მის უწმიდესობას ახლდნენ ქუთათელ-გაენათელი მიტროპოლიტი კალისტრატე (მარ-გალიტაშვილი), ცხუმ-აფხაზეთის მიტროპოლიტი დანიელი (დათუაშვილი), დასავლეთ ევროპის მიტროპოლიტი აბრაამი (გარბელია), ბათუმისა და სხალთის ეპისკოპოსი დიმიტრი (შიოლაშვილი), ზუგდიდისა და ცაიშის ეპისკოპოსი გერასიმე (შარაშენიძე), არქიმანდრიტი ზენონი (იარაჯული), საქართველოს საგანგებო და სრულყოფილებიანი ელჩი თურქეთში, ბატონი ტარიელ ლებანიძე. დელეგაციას მუდმივად თან ახლდა და მასპინძლობას უწევდა სტამბულის გენერალური კონსული ბატონი თეიმურაზ შარაშენიძე.

14 მაისს საქართველოს მართლმადიდებელი ეკლესიის დელეგაცია სტამბულში ჩაფრინდა, სადაც გაიმართა შეხვედრა მის ყოვლადუწმიდესობა ბართლომეოს I-თან

საუბარი შეეხო საქართველოს ეკლესიისათვის ისეთ მტკივნეულ საკითხებს, როგორიცაა ჩვენი ეკლესიის ადგილი დიპტიხში... (სამწუხაროდ, ეკლესიათა დიდი ნაწილის თანხმობის მიუხედავად, რომ საქართველოს ეკლესიამ დაიბრუნოს თავისი კუთვნილი ადგილი, დღემდე გადაუჭრელია). ითქვა, რომ იგი საბოლოოდ მართლმადიდებელთა საერთო კრებაზე გადაწყდება.

შეხვედრაზე ასევე დაისვა საკითხი, რათა საქართველოს წარმომადგენლობის, დიპლომატიებისა და მათი ოჯახებისათვის სტამბულში გაიხსნას ეკლესია, სადაც წირვა-ლოცვა ქართულად აღევლინება. მსოფლიო საპატრიარქომ ეს ნებართვა უკვე დაადასტურა. დღეისათვის მხოლოდ თურქეთის ხელისუფლების ნებართვაა საჭირო.

თურქეთში საქართველოს დელეგაციის პირველი ორი დღე სტამბულში (ყოფილ კონსტანტინოპოლში) არსებულ წმიდა ადგილების მონახულებას დაეთმო. მოილოცეს წმიდა სოფიის დიდი და დიდებული ტაძარი. სამწუხაროდ, ეს დიდი სიწმიდე მართლმადიდებელთა ხელში უკვე დიდი ხანია, აღარ არის. იყვნენ ხორას, „წყარო ცხოვრებისას“ და ვლადიკავის მონასტრებში. მოილოცეს ეს დიდი სიწმიდეები. მცირე პარაკლისი ჩატარდა ვლადიკავის ყოვლადწმიდა ლეთისმშობლის სასწაულომოქმედ ხატთან...

ეწვივნენ ხალკის ცნობილ აკადემიას, რომელიც სამწუხაროდ გასული საუკუნის 70-იან წლებში დაიხურა. თავის სიტყვაში, რომელიც მისმა უწმიდესობამ და უნეტარესობამ ილია II-მ სემინარიის წინ წარმოსთქვა, ბრძანა:

„მე ნამყოფი ვარ აქ და ვიცი ამ დიდი სასულიერო სასწავლებლის ისტორია. ჩვენთვის ცნობილია, რომ მრავალ დიდ პიროვნებას დაუმთავრებია ხალკის აკადემია, რომ აქ არის უნიკალური ბიბლიოთეკა, ისეთი, როგორც მსოფლიოს არც ერთ კუთხეში არ არსებობს. დიდი სიყვარულით მოვედით აქ, რათა შევთხოვოთ წმიდა სამებას მშვიდობა, წინსვლა, სულიერი ამაღლება კონსტანტინოპოლისა და საქართველოს საპატრიარქოთა... ჩვენი ქვეყნებისა და ერებისა. ასევე აღვაკლებთ ლოცვებს, წმიდა სამების მიმართ, რათა განახლდეს ხალკის აკადემიაში სწავლის პროცესი“...

16 მაისს დელეგაციის წევრები კაბადოკიისაკენ გაემგზავრნენ, რომლის დედაქალაქად უწინ ქალაქი კესარია ითვლებოდა. ეს ტოპონიმი, ფაქტობრივად, დღესაც შენარჩუნებულია. ამჯერად კაბადოკიის დედაქალაქს „კაისერი“ ეწოდება. სანახაობრივად საოცარი და მშვენიერია კაბადოკია. იგი სავსეა ეკლესიებით... მაგრამ დღეისათვის ისინი სდუმან... მათში წირვა-ლოცვა არ აღევლინება...

კონსტანტინოპოლისა და საქართველოს ეკლესიათა მეთაურების ვიზიტის პერიოდში კაბადოკიაში იმყოფებოდა ალექსანდრიისა და სრულიად აფრიკის პაპი და პატრიარქი, უნეტარესი პეტრე VII, რომელიც შარშან საქართველოს სტუმარიც ბრძანდებოდა.

სამწუხაროდ, საქართველოს დელეგაციისათვის მხოლოდ გამომგზავრების ჟამს გახდა ცნობილი, რომ კაბადოკიაში, იმ მრავალ ტაძართა შორის, რომელთაგან არც ერთი მოქმედი არაა, ქართული ტაძარიც ყოფილა. მისი ნახვა, დროის სიმცირის გამო, ვერ მოხერხდა.

ვიზიტი კაბადოკიაში იმითაც იყო მნიშვნელოვანი, რომ მას შემდეგ, რაც ბიზანტიის იმპერიამ არსებობა შეწყვიტა, ამ მიწაზე პირველად აღევლინა მართლმადიდებლური წირვა-ლოცვა, რომელიც სამმა პატრიარქმა აღასრულა.

ამავე დროს, კაბადოკიაში ჩასული იყო ასევე, ქართული ეკლესიის მრევლიც...

ამ მოგზაურობის დროს საქართველოს მართლმადიდებელი ეკლესიის დელეგაციას შეუერთდა კიდევ ორი მღვდელმთავარი: ახალციხისა და ტაო-კლარჯეთის ეპისკოპოსი თეოდორე (ჭუაძე) და ზონისა და სამტრედიის ეპისკოპოსი საბა (გიგებერია).

განსაკუთრებით მნიშვნელოვანი იყო წირვა-ლოცვა, რომელიც საუკუნეების შემდეგ წმიდა ელენესა და კონსტანტინეს სახელობის ტაძარში ჩატარდა. იგი ტრანსლირებული იყო ევროპის ასამღე ქვეყანაში, როგორც უმაგალითო ფაქტი. მწუხრის მსახურება ღია ცის ქვეშ შეასრულეს არქიმანდრიტმა ზენონმა და არქიდიაკონმა დემეტრემ, სხვა სასულიერო პირებთან ერთად.

მეორე დღეს, ადგილობრივი ხელისუფლების ნებართვით, უკვე ტაძარში აღევლინა წირვა-ლოცვა, რომლის დიდი ნაწილი ჩატარდა ქართულ ენაზე. გაისმა ქართული საგალობლები... წირვა-ლოცვას უმეტესად ქართველი მრევლი ესწრებოდა. ეს იყო ერთი გამორჩეული და შთაბრძნობელი დღე ყველა მათგანის ცხოვრებაში, ვინც ამ დიდებულ წირვა-ლოცვას ესწრებოდა. თავის ქადაგებაში, რომელიც მისმა უწმიდესობამ, ილია II-მ წარმოსთქვა წირვის შემდგომ, ბრძანა:

„...წმიდა მამები ამბობენ, რომ არსებობს სულთა კავშირი და ჩვენ გვწამს, რომ დღეს ჩვენთან ერთად აქ იმყოფებიან წმიდა ნინოს, წმიდა ვიორგის, წმიდა ბასილი დიდისა და სხვათა, კაბადოკიელ მამათა და დედათა სულები. აღვაფლენთ ლოცვებს, რომ მშვიდობა, სიხარული, სიყვარული სუფევდეს ჩვენს შორის. ამინ!“ *

და აი, დადგა განსაკუთრებით ნანატრი წუთები... საქართველოს ეკლესიის დელეგაცია და მრევლი ტაო-კლარჯეთისაკენ გაემგზავრა...

საკუთნეთა შემდეგ სრულიად საქართველოს კათოლიკოს-პატრიარქმა ტაო-კლარჯეთის მიწას პირველად დაადგა ფეხი.

ტაო-კლარჯეთში დელეგაციას კიდევ ერთი წევრი – ახალქალაქისა და კუმურდოს მთავარეპისკოპოსი ნიკოლოზი (ფაჩუაშვილი) შეუერთდა...

დროის სიმცირის გამო მისმა უწმიდესობამ მხოლოდ სამი ტაძარი მოილოცა – ხახული, ოშკი და იშხანი.

საპატრიარქოს უწყებაში

დრონი მოგალნის ... კარ გაიღების თავადა

ტაო-კლარჯეთი ადრინდელი შუა საუკუნეების ქართული კულტურის უმნიშვნელოვანესი კერაა. აქ შენდებოდა დიდი ტაძრები, იქმნებოდა ბრწყინვალე მწერლობა – ორიგინალური და მთარგმნელობითი, კალიგრაფიული შედეგები, შედეგები ფრესკული და მინიატურული ხელოვნების, იჭედებოდა ჯვარ-ხატები, ნათობდა ნამდვილი დიდი შემოქმედებითი ცხოვრება, „მღუღარებაჲ სულისაჲ“... ამ ყოველივემ განუმეორებელი ეპოქა შექმნა მთელი ქართული აზროვნების ისტორიაში...

ეს იყო ეპოქა გრიგოლ ხანძთელისა, აშოტ დიდი კურაპალატისა, გიორგი მერჩულესი და რაც განსაკუთრებით მნიშვნელოვანია, ბაგრატიონთა გვარის აღზევებისა, ეპოქა საქართველოს გადარჩენისა, დასაწყისი მისი გაერთიანებისა. ეპოქა, რომელმაც მყარი ნიჟარები მოუშადა დავითისა და თამარის მოსვლას, დიდთა საქმეთა მათთა.

ვახუშტი ბატონიშვილი, რომელიც ნაკლებად იცნობდა მის დროს უკვე ოსმალთა მფლობელობაში არსებულ ქართულ მიწა-წყლებს, მაინც ხშირად იხსენებდა და აღწერდა (ცხადია, შეძლებისდაგვარად) ამ მხარის ეკლესიებსა და ციხე-კოშკებს და მუდამ მათ გამოჩნეულ მნიშვნელობაზე მიუთითებდა.

ტაო-კლარჯეთის სამთავრო პირობითი ცნებაა. იგი მარტო ამ ორ კუთხეს არ მოიცავს, არამედ საქართველოს მთელ სამხრეთ-დასავლეთ ნაწილს.

ძველ ქართულ წყაროებში მას ეწოდება ზემო ქართლი, რომელიც შემდგომ, XVI საუკუნის ბოლოდან ოსმალებმა დაიპყრეს. მასში ტაოსა და კლარჯეთის გარდა შედიოდა შავშეთი, ერუშეთი, არტანუჯი, კოლა, ოლთისი, ისპირი, ბასიანი, აჭარა, ლაზეთი და ასევე სამცხე-ჯავახეთი, ანუ ახლანდელი ბორჯომი, ახალციხე, ადიგენი, ასპინძა, ახალქალაქი, ბოგდანოვკის რაიონი და თრიალეთის ნაწილი.

ცენტრი იყო არტანუჯი. იგი ვახტანგ გორგასალს დაუარსებია. აქვე განაგებდა ქვეყანას მეფე. აქვე ჩაისახა პირველად საქართველოს გაერთიანების დიდი იდეა... ტაო-კლარჯეთმა, როგორც დამოუკიდებელმა სახელმწიფომ, IX-დან XI საუკუნის დასაწყისამდე იარსება. თუმცა, რა თქმა უნდა, ადრეც, არაბთა შემოსევამდე აქ ჰყოლოდა დიდი კულტურა... ეს მხარე ტაძრებით იყო მოფენილი, მაგრამ მტრის ხელმა იავარჰყო ყოველივე, მოსპო და თითქმის ნანგრევებად აქცია.

დიდხანს იყო გზები ჩაკეტილი ამ კუთხისაკენ. და მხოლოდ XIX საუკუნიდან, ისიც მხოლოდ უცხოელ მოგზაურთა და მეცნიერთა წიგნებში, გაჩნდა მსჯელობები ტაო-კლარჯეთის ქართულ ეკლესიურ ნაგებობათა შესახებ.

ასე მაგალითად, გერმანელი მეცნიერი (ბოტანიკოსი) კარლ კოხი, თავის წიგნში „მოგზაურობა პონტის მთებსა და თურქეთის სომხეთში“, რომელიც 1846 წელს გამოვიდა, იხსენიებს ბანას ტაძარს, რომელსაც თავისი სიდიდითა და სილამაზით გაუოცებია იგი. კოხი წერს, რომ მთელ აღმოსავლეთში, კონსტანტინოპოლის გამოკლებით, ბანას ბადალი ტაძარი არ შეხვედრია. მას ამ ტაძრის სქემაც ჩაუხატავს.

ტაო-კლარჯეთის ძეგლების შესწავლის საქმეს დიდი ამაგი დასდო ვენეციელმა მეცნიერმა ნერსეს სარგისიანმა. მან ამ მხარეში 1843-1853 წლებში იმოგზაურა. იგი ეძებდა სომხურ სიძველეებს... ყოველივეს, რასაც ვხვდებოდა, იწერდა კეთილსინდისიერად... მათ შორის ქართულ წარწერებსაც. ეს მან გადასცა მარი ბროსეს, რომელმაც ისინი სათანადო კომენტარებით გამოაქვეყნა.

წარწერები ძირითადად ოშკიდან და იშხნიდან იყო. სახელწოდება „ოშკი“, სამწუხაროდ, პირველად მესმისო, წერდა ამის გამო მარი ბროსე; ვახუშტისაც არა აქვს იგი მითითებული თავის რუკაზე, არც ტექსტში, როცა თორთომის ხეობას აღწერს, და საერთოდ, არც ერთი რუკა და მოგზაურობათა მასალები, რომელიც შევამოწმე, ამ სახელობის ტაძარს არ მიუთითებენო.

1874 წელს აჭარასა, ლაზეთსა და ტაო-კლარჯეთის მხარეში იმოგზაურა პოლკოვნიკმა გიორგი ყაზბეგმა. იგი წერს: გეოგრაფიულმა მეცნიერებამ უნდა აღიაროს, რომ თურქეთის საქართველოს რამდენიმე ნაწილის, მაგალითად, შავშეთისა და მთიანი ლაზეთის შესახებ მან ბევრად უფრო ცოტა იცის, ვიდრე შუა აფრიკის შესახებო. ყაზბეგი ხელოვნებისმცოდნე არ იყო და ნანახის შესახებ ჰყვებოდა მხოლოდ შთაბეჭდილებების მიხედვით. შორს იყო არქიტექტურის, საერთოდ ხელოვნების ისტორიის პრობლემებისაგან. მაგრამ მისი მოკლე ცნობები ინტერესს მოკლებული არაა.

1878 წლიდან, როცა ბერლინის ტრაქტატის მიხედვით საქართველოს ტერიტორიის ნაწილი, რომელიც თურქეთის მფლობელობაში იმყოფებოდა, რუსეთის იმპერიაში გადავიდა და, ამგვარად, ისევ საქართველოს დაუბრუნდა, ტაო-კლარჯეთის სიძველეთაღმის ინტერესმა რამდენადმე ისევ გაიღვიძა.

ამავე პერიოდში ბათუმის ოლქში, როგორც ერთ-ერთი კომისიის წევრი, ჩავიდა დიდი მეცნიერი დიმიტრი ბაქრაძე, რომელმაც იქ არქეოლოგიური მასალები მოიძია. მოიხილა ტბეთი, ოპიზა, ანჩა და დოლისყანა. 1881 წელს მან ასევე იმოგზაურა ყარსის ოლქშიც, რომელთანაც იმაჟამად მიერთებული იყო არტაანი და ოლთისი... რამდენიმე სტატია გამოაქვეყნა, ხოლო არქეოლოგიურ ყრილობას წარუდგინა ვრცელი მოხსენება.

1888 წელს მამაწმიდაში, სვეტში, ფორთაში, ოპიზაში, დოლისყანასა და ენი-რაბათში იმოგზაურა აკადემიკოსმა ა. პავლინოვმა, რომელმაც 1893 წელს მოგზაურობის ანგარიში გამოაქვეყნა MAK-ის III ტომში. ძეგლების აღწერილობა მოკლეა, მაგრამ მათ თან ახლავს ძალზე კარგი ფოტოსურათები. მოცემულია მათი ზომები, ზოგჯერ არაზუსტად, მაგრამ დღემდე თითქმის შეუცვლელი.

ყველაზე მნიშვნელოვანი რეკოლუციამდელი პერიოდის ნამუშევრებიდან, რომელიც უშუალოდ ტაო-კლარჯეთისადმი მიძღვნილი, სიძველეთა დიდ მკვლევარს, აკადემიკოს ექვთიმე თაყაიშვილს და დიდ მეცნიერს – ნიკო მარს ეკუთვნით.


ექვთიმე თაყაიშვილის ხელმძღვანელობით სამხრეთ-დასავლეთ საქართველოში სამჯერ გაემგზავრა ექსპედიცია. ამ ექსპედიციათა მასალები გამოქვეყნებულია. მან შეისწავლა, აღწერა და ფოტოებზე გადაიღო უძვირფასესი ძეგლები ქართული ხუროთმოძღვრებისა (ამის შესახებ უფრო ვრცლად ქვემოთ გვექნება საუბარი).

ექვთიმე თაყაიშვილის ბოლო ექსპედიციის შემდეგ, რომელიც 1917 წელს მოეწყო, სამწუხაროდ, დიდი ხნით, სრულიად ჩაიხურა გზა სამუსულმანო საქართველოსკენ – ტაო-კლარჯეთისა და ლაზეთისაკენ. ეს რთული და მძიმე პერიოდი იყო. ჩამოთავდნენ ათეული წლები, თითქმის მთელი საუკუნე... ამ ხნის განმავლობაში დაზიანდა, დაინგრა, გაჩანაგდა ქართული ხუროთმოძღვრების სავსებით უნიკალური, განუმეორებელი ძეგლები და, აი, უკვე ჩვენს დროში გარედან, სხვა ქვეყნების მოგზაურთა და ხელოვნებისმცოდნეთა ნაწერებში, რომელნიც შედარებით იოლად აღწევდნენ ტაო-კლარჯეთის მთებამდე, გაიღვებდა ხოლმე ზოგადად, ძუნწად, მაგრამ უდიდესი შთაბეჭდილებებით სავსე შეფასებები და ნანახით მიღებული ტკივილების ანარეკლები... ასე წვეთ-წვეთად შეგროვდა უცხოელ ავტორთა ნაწერები და ჩვენამდეც მოაღწია. ამ ნაწერებს თითქმის ყოველთვის თან ახლავს ტაძრების ფოტო-სურათები.


და მაინც... ჩვენს დროში, არც ისე დიდი ხნის წინათ, 1979 წელს, კინორეჟისორმა გურამ პატარაიამ და კონოპერატორმა ირაკლი ონოფრიშვილმა, დიდი წვალებით, მაგრამ ღვთის ნებითა და წყალობით, ტაო-კლარჯეთის აკრძალულ ზონაში შეაღწიეს და საოცარი ფილმი გადაიღეს. სასწაულს ჰგავდა ჩვენთვის მაშინ ამ ტაძრების ეკრანზე ხილვა...

აი, ეს არის თითქმის ყველაფერი, მთელი იმ დოკუმენტური მასალის ინფორმაცია, რომელსაც დღემდე ვფლობდით.

ამჯერად კი, მაღლობა უფალს, „გაიღო კარი“... რა თქმა უნდა, ასე თუ ისე. და სულ ახლახან, მისმა უწმიდესობამ და უნეტარესობამ, კათოლიკოს-პატრიარქმა ილია II-მ



ბანას ნანგრევი



დოლისენა



ომკი



ბანას ტაძარი დღეს



იშხანი. სამხრეთი ფასადი. IX ს-ის I ნახ. სრულიად საქართველოს კათალიკოს-პატრიარქი ილია II დელეგაციის წევრებთან ერთად.



ოთხოთა ეკლესია



ოთხოთა ეკლესია



საქართველოს ეკლესიის დელეგაცია ტაო-კლარჯეთში

სამღვდელოებასა და მრევლთან ერთად მოილოცა ტაო-კლარჯეთის ტაძრები... ნახევრად
ჩამოშლილნი და მწუხარენი, მაგრამ მაინც დიდნი და თვალშეუდგამნი, მაინც მშვენიერნი...
ისინი გვიხმობენ ჩვენ, ყველას... ქართველნი... მათაც ისევე ვენატრებით, როგორც
გვენატრებიან ჩვენ.


დაგენათის დიდი გრიგოლ ხანძთელი – „ვარსკვლავი უდაბნოთაჲ“. წაგვიძღვება მისი
ნათელი სული.

ღრმად გვწამს ქართული ხალხური სიბრძნეც...

„... დრონი მოვალნის,

კარ გაიღების თავადა.“

უფალო შენით... უფალო შენით...



ოპიზა

დრონი მოვალნის ... კარ გაიდების თავადა გაგრძელება, დასაწყისი გვ. 15

საქართველოს პოლიტიკურ ისტორიაში, VI, VII საუკუნეთა მანძილზე არსებობს ორი დიდი „ტენილი“: ეს არის საქართველოს სახელმწიფოებრივ ერთეულთა დამოუკიდებლობის გაუქმება VI საუკუნეში, ხოლო შემდეგ, VII საუკუნიდან, არაბთა ბატონობის ვრცელი პერიოდი.

პირველად მე-ნ საუკუნეში ირანმა დაიპყრო და შეიერთა იბერიის (ქართლის) სამეფო, რომელსაც ხანგრძლივი სახელმწიფოებრივი ტრადიციები და მრავალსაუკუნოვანი ისტორიული წარსული ჰქონდა. და „დაესრულა მეფობა ქართლისა“.

იბერიის სამეფოს დაცემას მოჰყვა ლაზიკის (დასავლეთ საქართველოს) სამეფოს დაცემა. მას შემდეგ წარმოებს ხანგრძლივი, დიდი ომები ირანისა და ბიზანტიის იმპერიებს შორის ლაზიკაში (დასავლეთ საქართველოში) პოლიტიკური უპირატესობის მოპოვებისათვის. ეს ომები იმით დასრულდა, რომ ლაზიკა საბოლოოდ ბიზანტიის იმპერიის გავლენის სფეროში დარჩა. ამის შემდეგ ბიზანტიამ იქ თანდათან გააუქმა მეფობა.

აღმოსავლეთ საქართველოში არაბებმა (VI, VII სს. განმავლობაში) სრულიად ახალი მიმართულება მისცეს არა თუ მხოლოდ იბერიას, მთელი კავკასიის ხალხთა ისტორიას. არაბები უკვე კარგა ხნით დამკვიდრდნენ აღმოსავლეთ საქართველოში. და არა მხოლოდ იქ. მათი ყვილი და ცხენების თქარუნი დასავლეთ საქართველოსაც სწვდებოდა. მიმდინარეობდა განუწყვეტელი ბრძოლები დამპყრობელთა წინააღმდეგ. სრულიად აოხრებული და ღონისგან დაცლილი იყო ქვეყანა. ბრძოლა უსწორო იყო და ქართველ ხალხს ძვირად დაუჯდა იგი... ცეცხლითა და მახვილით გაიარა მურვან-ყრუმ თითქმის მთელი საქართველო... მოაოხრა და მიწასთან გაასწორა ქვეყანა... მისი მრავალსაუკუნოვანი კულტურის ძეგლები, ეკლესიები, ციხე-კოშკები. მოსრა ადამიანთა საცხოვრისები და, ცხადია, არა მხოლოდ მურვან ყრუმ... მომხდურთა ბელადები ერთმანეთს ტოლს არ უდებდნენ საქართველოს ნგრევაში...

დრო და დრო, რა თქმა უნდა, ქართველთა ერისმთავრები ახერხებდნენ არაბებთან ბრძოლას და სჯაბნიდნენ კიდევ მათ.

ასე იყო მაგალითად, ნერსე ერისთავის მთავრობის ჟამს, როცა მან დაამარცხა არაბთა სარდალი ბარაბა და განდევნა იგი.

ასე მოხდა VIII საუკუნის ორმოციან წლებშიც, როცა არაბულ ხალიფატში არეულობა დაიწყო და იგი ხალიფების პირველი დინასტიის დამხობით დასრულდა... ამ დროს საქართველოს დიდი ნაწილი გათავისუფლდა არაბთა მფლობელობისაგან და თუმცა არა-ხანგრძლივად, აღდგენილ იქმნა „მეფობა ქართლისა“.

საქართველოს ხელისუფლების სათავეში იმ დროს იდგა გორგასლიანთა ძველი ეროვნული დინასტიის უკანასკნელი დიდი წარმომადგენელი არჩილი, რომელმაც განააზღვა ერთიანი იბერიის სახელმწიფოებრივი ტრადიცია. მიიღო „ქართველთა მეფის“ ტიტული. ეს კი უკვე ნიშნავდა საქართველოს სახელმწიფოებრივი დამოუკიდებლობის აღდგენას.

მაგრამ ეს დიდხანს არ გაგრძელდებოდა. არაბებმა ისევ მოიბრუნეს სული და ახალი რისხვით დაატყდნენ საქართველოს. „მოაოხრეს და შემუსრეს ყოველი შენებული ქართლისა“ და მრავალგზისი ბრძოლის შემდეგ, საბოლოოდ მძიმე, უთანასწორო ბრძოლაში სძლიეს ქართველთა ლაშქარს.

მაგრამ, როგორც შემატანე გვამცნობს, ქართველ ხალხში არ ჩამკვდარა, არ გატენილა წინააღმდეგობის ძალა და მოლოდინი იმისა, რომ სათანადო ჟამის მიხედვით, „ჩვეულებრივსაებრ მამულისა სლვისა“ ისევ განეგრძო ბრძოლა ქვეყნის დამოუკიდებლობისა და

თავისუფლებისათვის. მოვიდა ეს ჟამიც... ეს არის ხანა VIII-IX საუკუნეებისა, ოდეს ქვეყნის ცალკეული მხარეები თანდათან აღწევენ თავს უცხოელთა ბატონობას. ასე ეყრება საფუძველი ქართულ ფეოდალურ სახელმწიფოებრივ ერთეულებს.

პირველად სახელმწიფოებრივი დამოუკიდებლობა აღდგა დასავლეთ საქართველოში, ოდეს „მოუძღვრდეს ბერძენი“ და საფუძველი ჩაეყარა დასავლეთ საქართველოს „სამეფოს“. ამავე ხანებში შეიქმნა ქართული ფეოდალური სამთავროები კახეთსა და ჰერეთში...

IX საუკუნის პირველ მეოთხედში 809–826 წლებში საფუძველი ჩაეყარა ეროვნულ სახელმწიფოებრიობას ცენტრალურ იბერიაში, ქართლ-მესხეთის მხარეებში, რომელიც ძველი იბერიის სახელმწიფოებრივი ტრადიციების მემკვიდრედ გამოდის და იწოდება „ქართველთა სამეფოდ“.

თვით უფლის ნებით მოვიდა ტაო-კლარჯეთში აშოტ კურაპალატი. ეს იყო მამინ, ოდეს ქართლი არაბებს ეპყრათ და ძალმომრეობის ტახტი თბილისში ედგა არაბ ამირას. აღარ შესწევდა ძალა კეთილმსახურ მეფეს მათ განსადევნად, ვერ ჰპოვა მან ეს ძალა თავის ერშიც; აიყარა ოჯახითა და მცირე რაზმით და დასახსნელი გზის საძიებლად წარემართა საბერძნეთს.

და აი, ფარავნის ტბასთან, შესვენების ჟამს, გარდამოუვლინა მას ღმერთმა სასწაული... შეიცნო აშოტმა უფლის ხმა და შედგა იგი ღვთით განჩინებულ მოწამებრივ გზაზე, რომელიც საბერძნეთის ნაცვლად შავშეთ-კლარჯეთისა და ერის სულის ხსნისაკენ უხმობდა.

და მოვიდა მეფე მურვან ყრუსაგან აოხრებულ შავშეთ-კლარჯეთში. იწყო დანგრეული ქვეყნის შენება.

გეოგრაფიული თავლსაზრისით, მტკვრისა და ჭოროხის აუზის ვრცელი ტერიტორიები და კერძოდ, ტაო-კლარჯეთის მხარე, უძველესი დროიდანვე დასახლებული იყო ქართველური მოდგმის ხალხით, რომლის სამხრეთი საზღვარი მდინარე არაქსზე გადიოდა. უცხოელ ავტორთა — აპოლოდორეს (ჩვ. წ. აღრიცხვამდე II ს.), ტაციტუსის (ჩვ. წ. აღრიცხვამდე III ს.), მიქაელ პორფიროგენეტის (XI ს.) და სხვათა ცნობებით, არაქსს აქეთ იმთავითვე იბერიის სამეფოში შემავალი მესხური ტომები ცხოვრობდნენ. პირველი საუკუნეებიდან ტაო-კლარჯეთის მხარე თანდათან აქტიურ პოლიტიკურ ცხოვრებაში ებმება, რაც განსაკუთრებით შეინიშნება ვახტანგ გორგასალის დროიდან, როცა აქ ციხე-ქალაქი არტანუჯი დაარსდა. დიდი აღმავლობით ვრცელდებოდა ქართული ფეოდალური კულტურა და ეკონომიკურად მოღონიერებულ ქვეყანაში ფართოდ იშლებოდა შემოქმედებითი მუშაობა, შენდებოდა ეკლესია-მონასტრები. არაბთა შემოსევებმა შეაფერხეს საქართველოს პოლიტიკურ-კულტურულ-ეკონომიკური წინსვლა. ტაო-კლარჯეთის მხარე არაბებსა და ბიზანტიელებს შორის ბრძოლის ასპარეზად იქცა. VIII საუკუნის პირველ ნახევარში იგი მთლიანად ააოხრა მურვან-ყრუს შემოსევებმა. ომის შემდეგ ტაო-კლარჯეთი ბიზანტიას დარჩა თავისი გადამწვარი სოფლებით, ამოვარდნილი მოსახლეობითა და დანგრეული ეკლესიებით. იგი მთლიანად გაუდაბურებული იყო. აქ თავიდან უნდა აღმოცენებულიყო ენაც, ეკლესიაც, მწიგნობრობაც, საერთოდ სიცოცხლე. სამწუხაროდ, ასეთივე უნუგეშობა სუფევდა მამინ მთელ საქართველოში. და პირველად აქ გაიშალა „ერთიანი, ძლიერი საქართველოს ხის ფესვები“. გაიშალა, ალბათ, იმიტომაც, რომ სარკინოზნი მომორებით იყვნენ ამ კუთხისაგან და ხელს ვერ შეუშლიდნენ.

გაიშალა დიდი მშენებლობა მთელ სამხრეთ საქართველოში, რომელსაც აშოტ კურაპალატთან ერთად, სათავეში ჩაუდგა დიდი გრიგოლი. „ყოველი საქმენი და ღვაწლნი გრიგოლისანი, რომელი უჯერო არს“, აღწერილია გიორგი მერჩულის თხზულებაში. ამ ნაწარმოების მიხედვით ვგებულობთ ტაო-კლარჯეთის არა მხოლოდ სულიერ, არამედ პოლიტიკური და ეკონომიკური ცხოვრების იმდროინდელ ისტორიასაც. სწორედ ამ ნაწარმოებში ითქვა პირველად, რომ „ქართლად ფრიადი ქუეყანაჲ აღირაცხების, რომელსაცა შინა ქართულითა ენითა ჟამი შეიწირვის და ლოცვაჲ ყოველი აღესრულებს“.

აშოტ I იყო კაცი, არაბების წინააღმდეგ ბრძოლაში განსაკუთრებით თვალსაჩინო და გამოჩენილი. იგი საქართველოს ისტორიაში აშოტ დიდის სახელითაა ცნობილი. მეისტორიე გვამცნობს, რომ ამ ბრძოლების დროს აშოტს მტერთაგან გამოუხსნია თბილისი და თავისი სამშობლოს საზღვრებიც განუმტკიცებია. მაგრამ საბოლოოდ იმ დიდ უთანასწორო ბრძოლაში მან ვერ შეძლო თავისი მდგომარეობის შენარჩუნება.

შავშეთ-კლარჯეთი, სადაც აშოტ I მისულა, იყო „ქვეყანა კლდოვანი“, რომელიც გიორგი მერჩულის სიტყვები რომ გავიშოროთ, „ყოვლით კერძო შეზღუდვილ არს მთათა მიერ, და ვენაკებისა და წყალთა მათგან, საშინელად ძნელოვანთა ადგილთა მავალთათა“.

აშოტ I და მასთან ერთად „ერი თუსი მცირელი“ გამაგრდა ამ მხარეში და იწყო მტერთაგან იავარქმნილი კუთხის ხელახლად შენება. დაიწყო საქართველოს მხარეთა ახლად შეკრება... და „სამეფოს“ მკვიდრი საფუძვლის ჩაყრა.

სრულიად განადგურებული და იავარქმნილი იყო ამ დროს შავშეთ-კლარჯეთი და საერთოდ, მთელი დასავლეთ-მესხეთის თემები... ცხადია, მძიმე პირობებში უხდებოდა აშოტს ყოველივე ამის მოვლა და ხელახალი აღორძინება...

ამის შესახებ უადრესად საყურადღებო ცნობებია დაცული, უპირველეს ყოვლისა, გიორგი მერჩულის წიგნში „გრიგოლ ხანძთელის ცხობრება“.

ხოლო სუბმატ დავითის-ძე გადმოგვცემს, რომ როდესაც აშოტ I დამკვიდრდა შავშეთში, „კევი შავშეთისა უშენებელ იყო მაშინ გარეშე მცირედთა სოფელთასა, რამეთუ სპარსთა (ე. ი. მუსულმანთა) უფლებისასა აოკრდა, ოდეს იგი ყრუმან (მურვან) შემუსრნა ციხენი ყოველნი და მოვლო შავშეთიცა და დადონი“. ამას დამატებია ქოლერაც და ქვეყანა სრულიად უკაცრიელი გამხდარა.

ტაო-კლარჯეთი, საერთოდ, იმთავითვე საკმაოდ ვრცელ ტერიტორიას მოიცავდა.

ტაოს საქართველოს წარსულში ბევრი ბრწყინვალე ფურცელი ჩაუწერია. იგი იყო საქართველოს სამხრეთ-დასავლეთის მტკიცე კედელი და ევროპულ ცივილიზაციასთან დამაკავშირებელი მთავარი კარი.

ტაო გაშლილი იყო მდინარე ჭოროხის აუზის სამხრეთ-აღმოსავლეთ ნაწილში. იგი მოიცავდა ყოფილი ოლთისის „ოკრუვს“, თორთომს, იშხანს... ხშირად ტაოში შედიოდა ისპირიც. მისი სოფლები ღრმა ხეობებშია გაშენებული.

ტაო იმთავითვე ქართველთა ტომით, მესხებით იყო დასახლებული. მურვან ყრუს ლაშქრობის დროს აოხრდა ტაო. ნანგრევებად იქცა ეკლესია-მონასტრები. განადგურდა მოსახლეობა. ამ მხარის აღორძინება დაიწყო აქ აშოტ დიდი კურაპალატის მოსვლის შემდეგ. ამ დროიდან იწყება წინათ გასომხებული მოსახლეობის ხელახალი გაქართველება. სწორედ აშოტ I-ის დროს მოვიდა აქ დიდი გრიგოლ ხანძთელი. მას იმდენად აოხრებული დახვდა ყოველივე, რომ იშხანში ჯერ კიდევ დიდი ხნით ადრე აშენებული წმიდა ტაძარი – „პირველი დიდებულება“ საძებარი დაურჩა. მხოლოდ ღვთისაგან ეცნობა ტაძართან მისასვლელი გზა, „რამეთუ მის ჟამისა კაცთაგან მიუვალი იყო ადგილი იგი და მირაივიდეს იშხანს, ფრიად უხაროდა პოვნაჲ დიდებულისა მის ადგილისაჲ“.

ტაო საკმაოდ დიდ ტერიტორიას მოიცავდა. იგი კლარჯეთთან ერთად გამოდიოდა საქართველოს გაერთიანების შესაძირკვლედ. დავით აღმაშენებლის დროს ტაო საქართველოს „ოქროს ხანის“ ერთ-ერთი მშენებელი იყო.

მონღოლთა ბატონობის პერიოდში და გიორგი ბრწყინვალის დროს ტაო სამცხე-საათაბაგოს სამთავროს ეკუთვნოდა. XV საუკუნის დასასრულიდან მტრების განუწყვეტელი შემოტევების გამო იწყება საქართველოს დაკნინება. ერთიანი სახელმწიფო დაიშალა სამ სამეფოდ და ხუთ სამთავროდ. ეს პროცესი შეეხო ტაოსაც. დაიწყო უმძიმესი პერიოდი საქართველოს ცხოვრებაში, აღმოსავლეთშიც და დასავლეთშიც. საბოლოოდ კი, 1921 წლის 13 ოქტომბრიდან ყარსში დადებული ხელშეკრულებით ოსმალეთმა მიიღო ოლთისის ოლქი, რომელშიც შედიოდა ტაო.

ტაომ კლარჯეთთან ერთად უდიდესი როლი შეასრულა ქართული კულტურის ისტორიაში.

სამწუხაროდ, ტაოს დიდი ტაძარი, რომლის ფოტოს გადაღება ექვთიმე თაყაიშვილს მოუხწვია, დღეს უკვე აღარ არსებობს... უაღრესად დიდ, ზემიწიერ შეგრძნებას იწვევს მნახველში ამ სურათის ნახვა... ტაძარი კი აღარ არსებობს... მტრისა და დროის მსახვრალ ხელს აღუგვია იგი პირისაგან მიწისა.

მაგრამ აქვე, სოფელ პარხალში, დგას დიდებული ბაზილიკა, რომელიც დღეს ჯამეთაა გადაკეთებული. ეს პარხალია.

სოფელი პარხალი პარხლის წყლის ვიწრო ხეობაშია, რომელიც პონტოს ქედზე ალთი-პარმალის (ექვს-თითა) მთასთან იწყება. პარხალი და მისი მიდამოები ძალზე წყალუხვი მხარეა. იგი ოთხთა ეკლესიის გეგმის მიხედვითაა აგებული. თავის დროზე მოუხატავთ, მაგრამ ამჟერად ამ მხატვრობის მხოლოდ ფრაგმენტებიღაა შემორჩენილი... ჯერ კიდევ 1874 წელს, როცა პარხალი მის პირველ მკვლევარს გიორგი ყაზბეგს უნახავს, ფრესკები შედარებით უკეთეს მდგომარეობაში ყოფილა. იგი წერს: „(საკურთხეველში), ყველაზედ უფრო თვალსაჩინო ადგილას, შენახულია წმიდანთა გუნდით გარსშემორტყმული მაცხოვრის გამოხატულება. წმიდანთა სახეები აქა-იქ-ღა გადარჩენილა, მაგრამ მაინც უკეთესადაა შენახული, ვიდრე ტბეთში“.

პარხალი იოანე ნათლისმცემლის სახელობისაა და X საუკუნით თარიღდება. ტაოში მდებარეობს იშხნის კათედრალიც, რომელიც IX საუკუნეში აუგიათ სოფელ იშხანში, ჭლორხის მარჯვენა შენაკადის, ოლთისის წყლის მარჯვენა ნაპირას. ვახუშტი ბაგრატიონი წერს: „... ამ კეგზედ არის იშხანის ციხე, ფრიად მაგარი, დიდშენი და ეკლესია გუნბათიანი, დიდშენიერად ნაგები. აქ იჯდა ეპისკოპოზი მწყემსი ისპირისა, თორთომისა, ბაიბურდისა, ვიდრე ტრაპიზონის მთამდე, და აწ ცალიერ არს“ („აღწერა სამეფოსა საქართველოსა“. 1941 წ., გვ. 136-137).

ამ ადგილას წინათაც არსებულა საეპისკოპოსო ტაძარი, რომელიც VII საუკუნის პირველ ნახევარში აუგია მართლმადიდებელ ნერსე ეპისკოპოსს.

იშხნის ტაძრის აშენების ისტორია ცნობილი გახდა მას შემდეგ, რაც აკადემიკოსმა ნიკო მარმა გამოაქვეყნა დიდი მამის „გრიგოლ ხანძთელის ცხორება“. გრიგოლ ხანძთელმა, როგორც ცნობილია, VIII საუკუნის ბოლოს და IX საუკუნის პირველ ნახევარში ააშენა მონასტრები, პირველ ყოვლისა – კლარჯეთში, სადაც იგი გახდა კლარჯეთის თორმეტი უდაბნოს არქიმანდრიტი. ამ მონასტერთაგან, უშუალოდ მისი და მისი მოწაფეების მიერ აშენებული იყო ხუთი. იშხნის ტაძარი ერთადერთია ტაოში, რომელიც გრიგოლის სახელთანაა დაკავშირებული. გრიგოლის „ცხორებიდან“ ვგებულობთ, რომ მას „გამოეცხადა ღმრთის მიერ... იშხნისა პირველი დიდებულება... და ეუწყა, ვითარმედ კუალად განახლებად არს პირველებერ ხელითა საბანისითა, და ეცნობა გზაცა მისავალად, რამეთუ მის ჟამსა კაცთაგან მიუვალ იყო ადგილი იგი“.

ამრიგად, იშხანი მეორედ იქნა აგებული IX საუკუნის პირველ ნახევარში. აშოტ I-ის, ბაგრატ I კურაპალატისა და მისი ძმების ნივთიერი დახმარებით აშენდა იშხნის საყდარი. მისი პირველი ეპისკოპოსი იყო საბანი. მისი სასულიერო ხელისუფლება ვრცელდებოდა კლარჯეთიდან ბაიბურთამდე, უფრო იქითაც და მთელ თორთომის მხარეზე.

ტაოს მეორე საეპისკოპოსო საყდარი იყო ბანაში, სადაც დიდად განთქმული მრევალი ტაძარი იდგა (ამჟამად, ისე, როგორც ამ მხარის სხვა დიდებული ეკლესიები, ისიც სავალალოდ გამოიყურება). ეს ტაძარი აავო აღარნასე II კურაპალატმა (იგი აღესრულა 923 წელს) X საუკუნის დასაწყისში.

კლარჯეთში ორი საეპისკოპოსო კათედრა იყო – ანჩისა და ტბეთის. ამათგან ადრინდელია ანჩისა (იგი იშხანისაზე უფრო ძველია). შემდეგ მას მიემატა ტბეთის საეპისკოპოსო, რომელიც აშოტ კუხმა დააარსა (ქ. 918). მისი პირველი ეპისკოპოსი იყო სტეფანე მტბეკარი.

ტაოსა და კლარჯეთის ეპისკოპოსები (აწყურის ეპისკოპოსთან ერთად) იწოდებოდნენ ზემო ქართლის ეპისკოპოსებად. მათ შორის, მეფის კარზე ყველაზე დიდი პატივი მინიჭებული ჰქონდა, როგორც ეს ხელშეწიფის კარის გარიგებიდან ჩანს, იშხნის ეპისკოპოსს – იშხნელს.

ტაძარს, რა თქმა უნდა, თავისი პირვანდელი სახით ჩვენამდე არ მოუღწევია. დაზიანებული ყოფილა იგი 1917 წელსაც, როცა ექვთიმე თაყაიშვილმა ნახა, შეისწავლა და აღწერა, ცხადია, შეძლებისდაგვარად.

გამორჩეულად დიდებული ყოფილა იშხნის ფრესკები. სამწუხაროდ, დღეს იგი მთლიანად მოსპობილია. ექვთიმე თაყაიშვილი გვაუწყებს: იშხნის მუხთარმა მითხრა: მეფის სალდათებმა ხიმტების წვერებით მოშალეს ფრესკები, თორემ წინათ საკმაოდ იყვნენ დაცულნი; რომ პირველი მსოფლიო ომის დროს მართლა მოუვიდა ზიანი ამ ტაძარს, ამას კაპიტანი ნ. შუგუროვიც აღნიშნავს თავის ბროშურაში ხახულის მონასტრის შესახებო.

საგულისხმოა, რომ იშხნის ფრესკებით მუსლიმებიც კი მოხიბლულნი ყოფილან. მათი თქმით, „სახელგანთქმულია სილაშაზე ოშკის ტაძრისა, ადგილმდებარეობა ხახულისა და მხატვრობა იშხნისა“. (ნ. მარი).

ისე, როგორც ამ მხარის სხვა დიდებული საყდრები, იშხნის საყდარიც ლაპიდარული წარწერებითაც მდიდარი ყოფილა...

ექვთიმე თაყაიშვილის მიკვლევით, ტაძრის უძველესი ისტორიული წარწერა ცოტა ნაკლოვანად შემორჩენილია ჩრდილო ეკვდერის კედელზე; ამ წარწერაში მოხსენიებულია ბაგრატიონთა შორის პირველი „ქართველთა მეფე“ ადარნასე II (ქ. 923) და მისი ოთხი შვილი. წარწერაში არსებული თარიღები აღნიშნავს 917 და 936 წლებს, ხოლო თვით წარწერა შესრულებულია 954-955 წლებში. „წარწერას დიდი მნიშვნელობა აქვს საქართველოს ისტორიისათვის, სხვა რომ არა ყოფილიყო რა, მარტო მის აღმოსაჩენად ღირდა ჩვენი ექსპედიციის მოწყობაო“, – წერს ბატონი ექვთიმე.

იშხნის კათედრა არსებობდა ოსმალთა მიერ ზემო ქართლის დაპყრობის შემდეგაც. იგი საბოლოოდ XVII საუკუნის მეორე ნახევარში გაუქმდა.

ძველ ქართულ თემში, ტაოში, მდებარეობს ოშკის მონასტერიც. მაღალი მთის ფერდობზე, თორთომის წყლის მარცხენა ნაპირას. X საუკუნეში, როცა ამ ტაძარს აშენებდნენ, თორთომის ტბა არ არსებობდა. იგი გვიან, 1791 წელს, ძლიერი მიწისძვრის შედეგად გაჩნდა. მიწისძვრამ მოსწყვიტა ხორსბაშ დაღის მთის მწვერვალი, ჩააზავა თორთომის წყალში და შეაგუბა. ამის შედეგად წარმოიშვა უზარმაზარი ტბა... ბუნების ასეთი ცვლილების გამო ოშკის უმშვენიერესი, დიდი ტაძარი განსაკუთრებით მიუვალის შთაბეჭდილებას ქმნის. აღმოსავლეთით მას უვლის მანუსორის ხევის ხრამი, სამხრეთ-დასავლეთით ოშკის ხევის ხრამი. ჩრდილოეთით აღმართულია მაღალი ქედი სობათი და მისი კლდოვანი მწვერვალი – ბალაბეთი. აღმოსავლეთის და სამხრეთ-დასავლეთის ფრიად ღრმა ხეეებს თან ახლავს კლდოვანი ქედები მწვერვალებითურთ. ამ ღრმა ხევითა და მაღალ მწვერვალოთა შორის, ხელოვნურად დაკავებულ ფართობზე აღმართულია უზარმაზარი ნაგებობა საუფლო სასახლისა... – ოშკის მონასტრის მშვენიერი გუმბათი უფრო მაღლა ადის, ვიდრე ორი მახლობელი მწვერვალი...

ექვთიმე თაყაიშვილის დროს, ოშკის ტაძარი ცუდად არ ყოფილა დაცული... ეს იმის გამო, რომ მაჰმადიანებს მისი სამხრეთი მხარე მიზეზთად ჰქონიათ გადაქცეული... დანარჩენი ნაწილები კი ბოსლად, საჯინიბოდ, ფარეხად და თივის საწყობად გამოუყენებიათ და შესაბამისად კიდევ გადაუტიხრავთ. ამჟამადაც ასეა, ოღონდ ბევრად სავალალო მდგომარეობაში.

ტაძარი, იმთავითვე ფრესკებით შესამკობად ყოფილა განკუთვნილი. ეს იქიდან ჩანს, რომ მისი შიდა კედლები მსუბუქი, ფერადოვანი ქვით არის ნაშენი. წარწერის მიხედვით, მისი მონატვა დაუწყიათ 1036 წელს (მთელი 75 წლის შემდეგ), რომელიც ასე იკითხება:

„ქ. სამებაო წმიდაო, ადიდენ შენს მიერ გვრგუნოსანნი მეფენი ბასილი და კონსტანტი, რომელთა მიერ განსრულებულ იქმნა მეორედ დაბურვითა ტაძარი ესე ღმრთისაჲ

მონაზონობასა გრიგოლისა და დავითისა. ქრისტე, შეიწყალე მონაჲ გრიგოლ და წყალობით მოიხსენე კალატოზი იესე“.

ამ წარწერიდან ირკვევა, რომ ოშკის ტაძარი ხელმეორედ გადაუხურავთ იმპერატორებს ბასილი II-სა და კონსტანტის, ე. ი. ტაძრის დაბურვა უნდა მომხდარიყო 1022–1025 წლებში.

სამწუხაროდ, ოშკის მხატვრობიდან თითქმის აღარაფერი გადარჩენილა. მხოლოდ აქ-იქ-ლა ჩანდა მათი ნარჩენები. ამ ნარჩენებიდანაც კარგად იგრძნობა მათი მონუმენტური სტილი და სიდიადე. ამ ფრესკათა ფრაგმენტული ჩანახატები გაუკეთებია მაშინ ახალგაზრდა ლადო გუდიაშვილს...

ოშკის მონასტერში იმთავითვე დიდი სასწავლო-შემოქმედებითი საქმიანობა მიმდინარეობდა. აქ ამზადდებდნენ მომავალ საეკლესიო მოღვაწეებს, ასწავლიდნენ წერა-კითხვას, კალიგრაფიას, ღვთისმეტყველებას, საეკლესიო გალობას, უცხო ენებს, საეკლესიო წეს-კანონებს და სხვ. დიდი გუმბათიანი დარბაზი განკუთვნილი იყო წიგნთსაცავისა და, უმეტესად, ხელნაწერთა გადამწერთათვის.

როგორ შეიძლება აუღელვებლად გახსენება ამ მთელი რიგი ძვირფასი ხელნაწერებისა. მათ უმეტესობას თან ერთვის მინაწერი, რომ ისინი სწორედ აქ, ოშკის მონასტერში არიან გადაწერილნი.

ოშკის ტაძარი, თავისი სიდიდითა და ქანდაკოვანი სამკაულის მხრივ ტაოში მეორეა, ბანას მრგვალი ტაძრის შემდეგ.

ტაძრის აღმშენებლები ყოფილან ტაოს ბაგრატიონები, ადარნესე კურაპალატის შვილები – ბაგრატ ერისთავთ ერისთავი (966 წ.) და დავით მაგისტროსი, შემდეგ დავით დიდად წოდებული, ტაოს კურაპალატი (1001 წ.).

ტაძრის გარეთა კედლები დაფარულია მრავალრიცხოვანი ასომთავრული, მეტწილად წითელფერადოვანი წარწერებით. „ბევრი მათგანი დაღუპულია, ზოგისგან ცალ-ცალკე სიტყვა, თუ ასოები დარჩენილა, მაგრამ, საბედნიეროდ, მაინც ბევრი წარწერა გადარჩენილა და იკითხება. ეს წარწერები ძვირფას ცნობებს გვაწვდიან ამ ტაძრის მშენებლობისა და სხვა ისტორიულ პირთა შესახებ და ამიტომ მათ საქართველოს ისტორიისათვის დიდი მნიშვნელობა აქვთ“, – წერდა ექვთიმე თაყაიშვილი 1917 წლის ექსპედიციის შემდეგ... სამწუხაროდ, ეს წარწერები მას შემდეგ კიდევ უფრო მეტად დაზიანდა, ზოგიც მთლიანად მოიშპო...

ისტორიულ ტაოში მდებარეობს ოთხთა ეკლესიაც. იქ, სადაც ჭოროხს ერთვის ოთხთა ეკლესიის წყალი. ოთხთა ეკლესიის ბაზილიკა გარეგნულად ძალიან ჩამოჰკავს პარხლის ტაძარს. ძველს IX საუკუნით ათარილებენ. იგი ამჟამად საკმაოდ დაზიანებულია.

ტაოს სიძველეთა შორის ყველაზე ხანდაზმულია ბანა. იგი თარიღდება VII საუკუნით (გ. ჩუბინაშვილი). არსებობს სხვა მოსაზრებაც (ე. თაყაიშვილი მას IX საუკუნით ათარილებს). გერმანელმა მოგზაურმა კარლ კოხმა, როცა იგი 1843 წელს ნახა, ჯერ კიდევ დაუზიანებული იყო. კოხი ტაძრის გამაოგნებელი, გრანდიოზული სილამაზითა და სიდიადით მოხიბლული წერდა: „ყველაზე ლამაზი და ყველაზე მშვენიერია მათ შორის ბანა, რაც მე ამგვარი რამ მინახავს მთელს აღმოსავლეთში, კონსტანტინოპოლის გამოკლებით“.

ტაძარი მდებარეობს ოლთისის წყლის შენაკადის, მდ. ბანას მარჯვენა ნაპირას. დღეს იგი ნანგრევებადაა ქცეული, მაგრამ ამ ნანგრევებიდანაც დიდი სილამაზე და სიდიადე გამოსჩანს. იგი მარად დაუვიწყარი შთაბეჭდილებით გავსებთ.

ხახულის მონასტერი მდებარეობს თორთომის წყლის მარცხენა შენაკადის, ხახულის წყლის ხეობაში. მონასტერი გაშენებულია შუახევში, მდინარის მარცხენა ნაპირზე, მთის ძირას.

მთავარ ტაძარს, ადრე, ჩვეულებისამებრ, გარს ერტყა მცირე ეკლესიები.
მაჰმადიანებს, იმთავითვე, მთელი ტაძარი ჯამედ გადაუქცევიათ... ამის გამო, შედარებით უკეთაა შენახული.

ტაძარი მონასტრული ყოფილა, მაგრამ დღეს მისი მცირე ფრაგმენტებიღაა. შემორჩენილია ასომთავრული წარწერები.

ხახულის მონასტერი ძველი საქართველოს განათლების ერთ-ერთი კერა იყო. აქ სწავლობდნენ შემდგომში ცნობილი სასულიერო მოღვაწენი, ღვთისმეტყველნი, მქადაგებელნი, მთარგმნელნი, კალიგრაფნი და სხვა. აქ მიუღია პირველდაწყებითი სწავლა და აქვე აღკვეცილა ბერად დიდი გიორგი მთაწმიდელი... ჩვენამდე მოაღწია ხახულის მონასტერში გადაწერილმა ხელნაწერებმაც...

ტაძარი აუშენებია დავით კურაპალატს X ს. II ნახევარში.

საოცრებაა ქართული სულისა და ქართული ხასიათის ფენომენი... წვალებით მოპყვებოდნენ ჩვენი წინაპრები ამქვეყნიური ცხოვრების გზას. ცეცხლისა და მახვილის მრისხანებაში, როცა არც კი იცოდნენ, გადაურჩებოდა თუ არა მათი ნაღვაწი დამპყრობლის შემოსევას, თითქმის მუდამ რომ მძვინვარებდა და ქვეყანას აღარყოფნით ემუქრებოდა. ქართველი კაცი არა მხოლოდ ქვეყნის საარსებო მატერიალურ დოვლათს ქმნიდა, არამედ სულიერ საზრდოსაც დიდ ძალისხმევას ახმარდა. ახალი ტაძრების კედლებიც ამოჰყავდა და ისეთ ფრესკებსაც ხატავდა, მრავალი საუკუნის შემდეგ განათლებულ კაცობრიობას რომ აღაფრთოვანებდა. მტერი ანგრევდა, თვითონ კი მაინც ქმნიდა, მაინც აშენებდა, მაინც ხატავდა და სწამდა, ამითაც ამარცხებდა მტერს.


აქ იგრძნეს, ტაო-კლარჯეთში, ყველაზე ადრე და ყველაზე კარგად ქართველთა ერთობის აუცილებლობა. არაფერი არ გვიშველის, თუ ერთად არ ვიქნებითო და შეერთდა მაშინ ქართველი ხალხი. ამ შეერთებამ იმ შორეულ საუკუნეში საქართველო გადაარჩინა...

უფლის ხელი მიუძღოდა მაშინ აშოტსაც, გრიგოლსაც, ბაგრატსაც... ყოველთა საძმოთა მათთა, და ერსა ჩვენსა, რომელთაც იწამეს ეს ერთადერთი ჭეშმარიტება. იმ დიდ ტაძრებში დანთებულმა წმიდა სანთლებმა და მარადისმა მხურვალე ლოცვამ საქართველოს ახალი გზა უჩვენა.

არის, ალბათ, ქართველთათვის დიდი სიმბოლო ტაო-კლარჯეთისაკენ ახლად გახსნილი გზის შეცნობაში.

ქვეყნად არაფერია შემთხვევითი და ტაო-კლარჯეთი, თავისი დიდი საღოცავებით, დიდთა მამათა მადლით, გრიგოლისა და აშოტის მადლით, ბაგრატიონთა მადლით, ისევე მოვიდა ჩვენთან, რათა როგორც მაშინ, დღესაც იხსნას საქართველო გაქრობისაგან. გვისხნას ჩვენც, ოღონდაც, ამ მძიმე შეჭირვების უამს, ყური მივუგდოთ უფლის ხმას, რომელიც გვმოდგნავს — „იყუარებოდეთ ურთიერთას“. ყური მივუგდოთ დიდი გრიგოლის ვედრებასაც, ურთიერთდანილობისაკენ რომ მოგვიწოდებს.

უფალო შენით, უფალო შენით...





ასე გამოიყურებოდა ბაგრატიონთა სატახტო ქალაქი არტანუჯი ერთი
საუკუნის წინ

ამონარიდი წიგნიდან: — ბაგრატიონთა ღვთიური წარმომავლობის შესახებ

ტახტის მფლობელობის ხანგრძლივობის მიხედვით ბაგრატიონები ევროპის ერთ-ერთი უძველესი სამეფო დინასტიაა.

წარმოშობით ისინი, დღეს თურქეთის შემადგენლობაში მყოფ, ძველი ქართული ისტორიულ-გეოგრაფიული რეგიონიდან, სპერიდან (დღევანდელი ისპირი) არიან.

სპერიდან გამოსულ ბაგრატიონთა ერთი შტო ქართლში დამკვიდრდა და ისინი ქართველები არიან, ერთი შტო სომხეთში. ისინი სომეხი ბაგრატიონები არიან, ხოლო ერთიც აღბანეთშია.

ქართველი ბაგრატიონები პოლიტიკური მოღვაწეობის სარბიელზე VI ს-ის 50-იან წლებში გამოდიან და ხელისუფლებას XIX საუკუნის დასაწყისამდე ფლობენ.

VI ს-ის 50-იან წლებში ქართლი აჯანყდა ირანელთა წინააღმდეგ. XI ს-ის ქართველი ისტორიკოსი წერს, რომ აჯანყების მოთავეებმა გუარამ განაჩინეს ერისთავად, და ესე არს ერისთავი ქართლისა და მამა ბაგრატიონთა. და ესე ქართლისა ბაგრატიონიანი შვილის შვილნი და ნათესავნი არიან მის გუარამისნი. ჩვენამდე მოღწეული უძველესი ქართული საისტორიო თხზულება, „მოქცევაჲ ქართლისაჲ“ ქართლის პირველ ერისმთავრად იმავე გუარამს ასახელებს, თუმცა არაფერს ამბობს მისი ბაგრატიონობის შესახებ. ისტორიკოსი წერს: „ნელად-რე შეკრბა ქართლი და განაჩინეს ერისთავად გუარამ და მერმე კურაპალატადცა“. ამ წყაროს ცნობით ქართლის მომდევნო ერისთავნი (ერისმთავარნი) ამ გუარამის ჩამომავალნი იყვნენ.

რომ ქართველ ბაგრატიონებს ხელისუფლება VI ს-დან უპყრიათ, ამას X ს-ის ბიზანტიელი ისტორიკოსი კონსტანტინე VII პორფიროგენეტიც ადასტურებს.

ბაგრატიონთა ქართლში დამკვიდრების შესახებ არსებობს სხვა ვერსიაც. XI ს-ის ისტორიკოსის, ჯუანშერის („ქართლის ცხოვრება“) თანახმად არჩილ ერისმთავართან (VIII ს.) ქართლში მოვიდა დავით წინასწარმეტყველის ჩამომავალი „ადარნასე, ძმისწული (ძისწული) ადარნასე ბრმისა, რომლისა მამა მზახებულ იყო ბაგრატიონიანთადაცე და ბერძენთა მიერ დადგინებულ იყო ერისთავად არეთა სომხითისათა და ტყუეობასა მას ყრუისასა შთასრულ იყო იგი შვილთა თანა გუარამ კურაპალატისთა კლარჯეთს და მუნ დარჩომილ იყო. ითხოვა არჩილისაგან და რქუა: „უკეთუ ინებო და მყო მე, ვითარცა მკვიდრი შენი, მომეც ქუეყანა“ და მისცა შულავერი და არტანი“. XIII ს-ის სომეხი ისტორიკოსის, ვარდან დიდის ცნობითაც ბაგრატიონები ქართლში VIII ს-ში მოვიდნენ.

ჩანს, სომეხი ისტორიკოსის, ვარდანისა და „ქართლის ცხოვრების“ ამ ავტორის (ჯუანშერი) ცნობა ბაგრატიონთა ქართლში მოსვლის შესახებ ერთი საერთო, ჩვენთვის უცნობი, სომხური წყაროდან მომდინარეობს. საეჭვოა, რომ სომხეთიდან მოსული სომეხი (თუ ის სომეხი იყო) ქართლის ერისთავად დაედგინათ. ასევე საეჭვოა, რატომ უნდა ეღვაწა მას ქართული სახელმწიფოს გაძლიერებისათვის.

რატომ ვენდოთ ჩვენთვის უცნობ სომხურ წყაროს და არა ბაგრატიონთა გვარის მემკვიდრის მართალია, არ არის გამორიცხული, რომ გვარის მემკვიდრე (როგორც ვარაუდობენ, თვითონაც ბაგრატიონი), გარკვეულ ტენდენციურობას იჩენს, მაგრამ სუბტაქ დავითის-ძე სარგებლობს ბაგრატიონთა სახლის „ქრონიკით“, „მოქცევაჲ ქართლისაჲ“-თ. მისი ცნობების გარკვეული ნაწილი დასტურდება უცხოური წყაროების, სხვა ავტორთა ცნობებით, წარწერებით. ივანე ჯავახიშვილი იხილავს რა ამ თხზულებას, მაღალ შეფასებას აძლევს მას, როგორც სანდო საისტორიო წყაროს. ამ ავტორის მრავალი სხვა ცნობა უცილობლად დასტურდება სხვადასხვა წყაროების მონაცემებით და რატომ მაინცდამაინც ბაგრატიონთა ქართლის ერისმთავრებად დამკვიდრების საკითხში უნდა იყოს ის შემცდარი (თუ ყალბი). ამასთანავე, გასათვალისწინებელია ჯუანშერის ცნობა, რომ არჩილთან მოსული ადარნასე დავით წინასწარმეტყველის ჩამომავალი



ტბეთის ეკლესიის შიგა სვეტის საყრდენი

იყო და არა სომეხი, რომლის მამა ბიზანტიის ხელისუფლების მიერ სომხითის მხარეთა ერისთავად იყო დადგენილი და მურვან ყრუს ლაშქრობის შემდეგ დაემკვიდრა კლარჯეთს.

აღნიშნულთან დაკავშირებით დგება საკითხი, როდის შეიძლება ჩამოყალიბებულიყო თვალსაზრისი ქართველ ბაგრატიონთა ღვთიური წარმომავლობის შესახებ. მარკვარტის აზრით ეს თეორია IX ს. ბოლოს და X ს. დასაწყისში შემუშავდა, კ. კეკელიძის და პ. ინგოროვას აზრით IX ს-ის დასაწყისში, აშოტ I ბაგრატიონის მმართველობის დროს. ე. თაყაიშვილის აზრით – VIII ს-ში. ექვ. თაყაიშვილი თვლის, რომ ამ თეორიამ გარკვეული ცვლილებები განიცადა და გადამუშავდა და XI ს-ის დასაწყისისათვის ჩამოყალიბდა იმ სახით, როგორც ის წარმოდგენილია სუმბატ დავითის ძის თხზულებაში.

VIII ს-ის მეორე ნახევარში აღმოსავლეთ საქართველო არაბთა მფლობელობაში იმყოფებოდა. ამ დროს მიმდინარეობდა ეროვნულ გამათავისუფლებელი ბრძოლა; VIII-IX ს-თა მიჯნაზე უცხოელთა წინააღმდეგ (არაბები, ბიზანტია, ხაზარები) ბრძოლის პირობებში ხდება ეროვნული ძალების შეკრება, იწყება ქართული ქვეყნების გაერთიანების პროცესი. ყალიბდება ახალი ქართული სახელმწიფოები. მათ შორისაა ტაო-კლარჯეთის (ქართველთა) სამთავრო, რომლის სათავეში აშოტ ბაგრატიონი დგას. აშოტი კურაპალატის ტიტულს მოიპოვებს. სამთავრო მის დროს აღწევს სიძლიერეს. მისი გარდაცვალების შემდეგ ქართველთა სამთავრო საგრძნობლად სუსტდება. ამდენად ვფიქრობთ, თეორია ბაგრატიონთა გვარის ღვთიური წარმომავლობის შესახებ სათანადოდ IX ს. დასაწყისში გაფორმდა.

ბაგრატიონთა წარმომავლობის პრობლემას სხვადასხვა ასპექტები აქვს. ერთი, რომ ისინი წინასწარმეტყველის ჩამომავლები, ე.ი. ღვთიური წარმოშობისანი არიან და რომ მათი ხელისუფლება ღვთის მიერაა დადგენილი.

როგორც ცნობილია, ანტიკურ ხანაში შესაძლებლად მიაჩნდათ სახელმწიფოს სათავეში მდგომ პირთა (ფარაონი, კეისარი) გაღმერთება. ქრისტიანული რწმენა ასეთ შესაძლებლობას არ უშვებს, მაგრამ ადასტურებს, მეფეთა ხელისუფლების ღვთის მიერ დადგინებას. პავლე მოციქულის მოძღვრების თანახმად, „ყოველი ხელმწიფებასა მას უმთავრესისასა დამორჩილდენ, რამეთუ არა არს ხელმწიფებაჲ, გარნა ღმრთისაგან, და რომელნი იგი ხელმწიფებანი, ღმრთისა მიერ განწესებულ არიან“ (25, თ. 13, მუხლი 1). ევროპულ ლიტერატურაში საგანგებოა აღნიშნული, რომ ქვეყნების შექმნისას ღმერთმა სანიმუშო წესრიგი დაამყარა და განსაზღვრა ყველას ადგილი, რომ მეფეს ძალაუფლება ღვთისაგან ებოძა და არ შეიძლება მის წინააღმდეგ გამოსვლა.

თეორიები სამეფო ხელისუფლების ღვთისმიერობის შესახებ სამეფო ხელისუფლების გაძლიერების დროს იქმნებოდა. ასე მაგ., რუსეთში, ივანე II მრისხანეს დროს, XVI ს-ში საგანგებოდ აღინიშნებოდა, რომ მისი ხელისუფლება ღვთის მიერ იყო დადგენილი. ასევე დადასტურებულია ევროპელი დინასტიებისათვის ხელისუფლების ღვთის მიერ ბოძება.

ყურადსაღებია ის ფაქტი, რომ ბიზანტიის იმპერიაში ვერც ერთმა დინასტიამ ვერ დაამკვიდრა თავისი საგვარეულოს უფლის მიერ დადგინების იდეა. ბიზანტიაში გაღმერთებული იყო იმპერატორის ტახტი, თვით ბასილევსი, მისი ადგილი საზოგადოებაში, მისი რანგი, მაგრამ არა დინასტია.

ქართულ სინამდვილეში ადრიდანვე აღიარებული იყო, რომ ბაგრატიონები უფლის ჩამომავალნი არიან. ძნელია გადაჭრით თქმა, როდის ჩამოყალიბდა ეს კონცეფცია, მაგრამ უდავო უნდა იყოს, რომ ის ბაგრატიონთა სახლის ძლიერების ხანაში უკვე არსებობდა. IX ს-ის 20-იან წლებში გრიგოლ ხანძთელი ასე მიმართავს ბაგრატიონთა ტაო-კლარჯეთის სამთავროს დამაარსებელს, აშოტ კურაპალატს: „დავით წინასწარმეტყველის და უფლის მიერ ცხებულისა შვილად წოდებულ ხელმწიფეო“, ხოლო XI ს-ის 30-იან წლებში ისტორიკოსმა სუმბატ დავითის-ძემ საგანგებო თხზულება უძღვნა ბაგრატიონთა სახლის ისტორიას, და წარმოადგინა ამ გვარის ღვთიური წარმომავლობის გენეალოგია. ეს თხზულება შესულია ქართველთა წმიდა წიგნში „ქართლის ცხოვრება“. ამასთანავე ქართულ სინამდვილეში მყარადაა წარმოდგენილი თვალსაზრისი მეფის ხელისუფლების ღვთის მიერ დადგინების შესახებ. მეფე დავით IV

აღმაშენებელი თავის „ანდერძში“ საგანგებოდ აღნიშნავს, რომ მეფობა მას ღვთისაგან „ერწმუნა“. ბაგრატიონთა მეფობა უცილობლად დასაბუთებულია მათი წარმომავლობით. ასევე თამარ მეფე დარბაზს მიმართავს, რომ საყდარი, სამეფო ტახტი, „ერწმუნებულ არს ჩემდა პირველ ღმრთისაგან და შემდგომად მშობელთა ჩემთაგან“.

სუმბატ დავითის ძის თხზულების „ცხოვრება და უწყება ბაგრატიონთა...“ „შესავალი“ ნაწილისათვის (გენეალოგიური ნუსხა) წყაროა „ბიბლია“, სახელდობრ „დაბადება“ (თავი 10), ადამიდან აბრაამამდე. აბრაამიდან სუმბატის სქემა მიჰყვება მათეს სახარებას (1,1-16). სუმბატი აღნიშნავს, რომ იოსები იყო ძმა კლეოპასი, აქ მისი წყაროა ევსევი კესარიელის საეკლესიო ისტორია. შთამომავლობის სქემას აგრძელებს კლეოპადან, მიჰყავს სოლომონამდე, რომელსაც ჰყავდა 7 შვილი. წარმოდგენილია რა ბაგრატიონთა უფლისაგან წარმომავლობის გენეალოგიური ნუსხა, სუმბატი ქართველ და სომეხ ბაგრატიონებს საერთო, ღვთიური ძირიდან წარმოშობილად თვლის.

ამგვარად, ქართულმა საისტორიო ტრადიციამ სომეხი და ქართველი ბაგრატიონები საერთო ძირიდან წარმოშობილად წარმოადგინა და მათ მიერ ამიერკავკასიაში ხელისუფლების მიღება მონათვლასთან, გაქრისტიანებასთან დააკავშირა, რითაც კანონიერი გახდა მათი გამეფება ქრისტიანულ სამყაროში. აღსანიშნავია, რომ იმავე სუმბატის თანახმად ეს შვიდნი ძმანი პალესტინიდან („ფილისტინი“) მოდიან, პალესტინასთან საკუთრივ იერუსალიმთან აკავშირებს მათ კონსტანტინე პორფიროგენეტიც.

„მეფე“ საქართველოში სახელმწიფოს არსებობის და მომავლის რწმენის სიმბოლო იყო. მართალია, VI ს-ის 30-იან წლებში ირანელებმა გააუქმეს ქართლში მეფობა, მაგრამ როდესაც იმავე საუკუნის 70-იან წლებში აღსდგა ადგილობრივი ხელისუფლება და შეიქმნა ე.წ. ერისმთავრის ინსტიტუტი, თვით ეს ერისმთავრები და მათი თანამედროვე ქართული საზოგადოება მათ „მეფედ“ თვლიდნენ. საინტერესოა ქართული წყაროს ცნობა, რომ გუარამის მემკვიდრემ „მეფობისა სახელი ვერ იკადრა სპარსთა და ბერძენთა (ბიზანტიელთა, მ. ლ.) შიშისაგან, არამედ ერისთავთა-მთავრად ხადოდა“. ე. ი. ქართველთა გაგებით ის „მეფე“ იყო. ამ სახლის მემკვიდრე, სტეფანოზ ერისმთავარი პირდაპირ ამბობს: „მე მეფეთა საყდართა ვზიო“.

საქართველოს მეფეთა ტიტულატურა ზუსტად ასახავს დინასტიის პოზიციას, ადასტურებს მათ ბიბლიურ წარმოშობას: „იესიან, დავითიან, სოლომონიანი“.

თვალსაზრისი ქართველ ბაგრატიონთა მეფე დავითისაგან წარმომავლობის შესახებ გაზიარებულია X ს-ის ბიზანტიელი ისტორიკოსის კონსტანტინე პორფიროგენეტის, ასევე X ს-ის სომეხი ისტორიკოსის ჰოვაკანეს დრასხანაკერცის მიერ.

X ს-ის ბოლოს და XI ს-ის დასაწყისში ერთიანი საქართველოს პირველი მეფის ტაოკლარჯეთის ბაგრატიონთა და დასავლეთ საქართველოს დინასტიათა გამაერთიანებელ ბაგრატი III ბაგრატიონით იწყება ერთიანი საქართველოს მეფეთა ზეობა, მიუხედავად იმისა, რომ XV ს-ის ბოლოს და XVI ს-ის დასაწყისში ერთიანი საქართველო ქართლის, კახეთის, იმერეთის სამეფოებად (და სამცხის სამთავროდ) დაიშალა, ყველა ამ სამეფოთა სათავეში ბაგრატიონთა სამეფო სახლის სხვადასხვა შტოთა წარმომადგენლები დასხდნენ. არაბბაგრატიონი „მეფედ“ არ აღიქმებოდა.

როგორც დასაწყისში აღვნიშნეთ, ბაგრატიონები ევროპის ერთ-ერთი უძველესი დინასტიაა, ხოლო მეფობით – ყველაზე ხანგრძლივი. ევროპაში ბაგრატიონებზე ადრინდელი მეროვინგების დინასტია იყო, რომლის დამაარსებელია ხილდერიკ I (457-481). მაგრამ მეროვინგებმა მხოლოდ 751 წლამდე იარსებეს – ისიც უნდა ითქვას, რომ თანამედროვე ევროპულ ისტორიოგრაფიაში მეროვინგების „სამეფოს“ უფრო ტომთა კავშირად თვლიან და პირველ სამეფოდ კაროლინგების სახელმწიფოს მიიჩნევენ, რომელიც 751 წელს დაარსდა. ევროპაში ყველაზე ხანგრძლივად ხელისუფლება უპყრიათ მონაკოს მეფეებს (მთავრებს), XIII ს-ის ბოლოდან (თუ XIV ს-ის დასაწყისიდან – ზოგი ხარვეზებით) დღემდე. ბაგრატიონთა მეფობას IX საუკუნიდან თუ ვიანგარიშებთ, მათ 900 წელი უმეფიათ, თუ მივიღებთ მათი ხელისუფლების დასაწყისად VI ს-ის 70-იან წლებს – 1250 წელი. აქვე დგება ბაგრატიონების ფარნავაზიანთა დინასტიასთან გენეტიკური

კავშირის საკითხი. IV ს-ის სომეხი ისტორიკოსის, ფავსტოს ბუზანდის და ქართულ წერილობით წყაროებზე დაყრდნობით გამოთქმულია თვალსაზრისი, რომ ბაგრატიონები ფარნავაზთა განშტოებას წარმოადგენენ, რაც იძლევა საცთურს მათი „მეფობის“ ხანგრძლივობა 21-22 საუკუნით ვივარაუდოთ.

დიდა ამ საგვარეულოს დამსახურება ერისა და ქვეყნის წინაშე. დიდი ავტორიტეტი მოიპოვეს მათ გამეფებისთანავე. იმ დროს, როდესაც ჩვენს ირგვლივ და მთელს ევროპაში ჩვეულებრივი მოვლენა იყო დინასტიათა ცვლა, ჩვენში ეს არ მომხდარა. უდავოა, რომ ამ მხრივ დიდი მნიშვნელობა ჰქონდა ქართული ეკლესიის მიერ მათი ღვთიური წარმომავლობის აღიარებას, რაც IX ს-ის დასაწყისში გრიგოლ ხანძთელის ზემოთმოტანილი სიტყვებით დასტურდება. მაგრამ ამ აღიარებასაც დამსახურება უნდოდა. XV ს-ის ბოლოს და XVI ს-ის დასაწყისში, როდესაც ერთიანი საქართველო სამ – ქართლის, კახეთისა და იმერეთის სამეფოებად დაიშალა, სამთავეს ტახტი ისევ ბაგრატიონთა სამეფო სახლის წარმომადგენლებმა დაიკავეს, და ფაქტიურად საგვარეულოს შეცვლის ცდას ადგილი არ ჰქონია (თუ მხედველობაში არ მივიღებთ იმერეთის სამეფოში XVII-XVIII სს. არაბაგრატიონთა მიერ ტახტის დაკავების რამდენიმე უშედეგო ცდას). ნიშანდობლივია, რომ ჯერ კიდევ XI ს-ში, როდესაც საქართველო ბოლომდე გაერთიანებული არ იყო, 50-იან წლებში, ლიპარიტ კლდეკარის ერისთავთან ბრძოლაში ფაქტიურად დამარცხებული მეფე ბაგრატ IV ბიზანტიაში გაემგზავრა და წარსდგა საიმპერატორო კარზე, „ლიპარიტის სათნოთა სწრაფით ვერღარა შემოიქცა ბაგრატ თავის მამულსა ზედა და დაყო მუნ სამი წელიწადი“. ამ წლებში ქვეყანას ფაქტიურად ლიპარიტი განაგებდა, მაგრამ ის თავს „მეფედ“ ვერ აცხადებდა. ეს მაშინ, როდესაც ბიზანტიის იმპერიაში ჩვეულებრივი იყო იმპერატორის ტახტიდან ჩამოგდება. ლიპარიტმა მხოლოდ ის გააკეთა, რომ ბაგრატის მცირეწლოვანი შვილი გიორგი, რომელიც მეფე ბაგრატმა კონსტანტინოპოლში გამგზავრების წინ ქუთაისში მეფედ აკურთხა, გამოიყვანა და ხელმეორედ აკურთხა მეფედ. XI ს-ის ქართველი ისტორიკოსი წერს: „ვიდრედა იყო ბაგრატ საბერძნეთს, ითხოვა ლიპარიტ ძე ბაგრატისი, გიორგი მეფედ, რათ მოსცეს იგი ღედამან მისმან და დიდებულთა მის ქუეყანისათა, მოიყვანეს საყდარსა რუისისასა და აკურთხეს მეფედ და მოიყვანეს მზრდელად მისა ლიპარიტ“. ჩანს ლიპარიტმა იცის, რომ არც ერი და არც ეკლესია არაბაგრატიონის მეფობას არ დაუმეებს, და ის მხოლოდ „მზრდელის“ ფუნქციით უნდა დაკმაყოფილდეს. ბაგრატიონებს ამ დროს უკვე ისეთი მდგომარეობა აქვთ, რომ ყოვლისშემძლე, ბიზანტიისაგან ზურგამაგრებული ლიპარიტიც კი ვერ ბედავს ტახტის ხელყოფას.

დინასტიის შიგნით ტახტისათვის ბრძოლა არც თუ იშვიათია. XV ს-დან საგვარეულოს შიგნით მთელი რიგი განშტოებები იქმნება, მაგრამ ტახტი მხოლოდ ბაგრატიონებისაა, ვახუშტი ბაგრატიონი საგანგებოდ აღნიშნავს: „... ჩვეულება იყო საქართველოს ნათესავთაგან მაშინ, რამეთუ არა ვისმე იპატრონებდნან, უკეთუ ჰყავთ მემკვიდრე მეფეთა ნათესავი“.

ბაგრატიონთა სამეფო სახლის მდგომარეობის განმტკიცებას დიდად შეუწყო ხელი იმ გარემოებამ, რომ ქართულმა ეკლესიამ სცნო თვალსაზრისი მათი ღვთიური წარმოშობის ბაგრატიონთა სამეფო ხელისუფლების უფლის მიერ დადგინების შესახებ.

საკუთრივ საქართველოში მეფე იყო ის ცენტრი, რომლის ირგვლივ ერთიანდებოდა სახელმწიფოს ცნება. მეფის ხელისუფლების არსებობა საზოგადოებას მომავლის რწმენას უნერგავდა. ეს მეფე საქართველოში ბაგრატიონი იყო. საქართველოსთვის „მეფე“ სახელმწიფოს არსებობის, მომავლის რწმენის სიმბოლო იყო. ეს კარგად იცოდა რუსეთის ხელისუფლებამ და ამიტომ იყო საქართველოს ანექსიის შემდეგ სამეფო სახლის წარმომადგენლები სამშობლოდან რომ გაასახლეს.

მარიამ ლორთქიფანიძე

აკადემიკოსი

ქებაჲ კლარჯეთისა უდაბნოთაჲ

რამეთუ ბუნებით ერთ-გუამ არს
ქუეყანაჲ უდაბნოთაჲ მათ,
და კეთილად შეზავებულ
მზისაგან და ჰაერისა

რამეთუ არცა ფრიადი სიცხედ
შესწუავს მათ,
და არცა გარდარეული სიცივეჲ
შეაურევს მყოფთა მისთა.

არამედ განწესებით ღვას
თვსსა საზღუარსა
უნოტიოდ, უხორშაკოი,
უმიწოდ, მზუარედ,

რამეთუ კაცთა
ნახჭნი ფერხთანო—
არაოდეს თიხიან ექმნებიან
სლვასა მათსა.

ხოლო წყალი კეთილი
და შეშად ნებისაებო—
უნაკლულოდ აქვს აღმოცენებული
ქვშათა მათ შინა.

ურიცხვ მდინარი
და სიმრავლე წყალთა ჰამოთაჲ,
ბუნებით მხიარულებად
მოცემულ არს ღმრთისაგან.

და არს იგი უგზო და მიუვალ რამთურთით
სოფლისა წესისა მცხოვრებელთაგან,
რამეთუ ღადლოთა მათთა შინა მაღალთა
არა მკვიდრობად მათი.

და მორტყმულ არს ერთ-კერძო მათთა იგი,
და ერთ-კერძო (ხევნი კლარჯეთისანი.
ხოლო) შავშეთისა დიდთა წყალთა შეკრებისა
გარემოსლვად
გარე-მოადგას ზღუდის სახედ უძრავისა.

გრიგოლ ხანათქილი

ქადაგება

უწმიდესისა და უნეტარესის, სრულიად საქართველოს კათოლიკოს-პატრიარქის, ილია II-ისა

ქრისტე აღსდგა!

წმიდა მჟევე ღავით წინასწარმეტყველი ამბობს: „დიდ ხარ შენ, უფალო და საკვირველ არიან საქმენი შენი“. ღვთის საქმენი და საკვირველებანი კი ამქვეყნად ადამიანთა შორის გამოვლინდება – „უფალი მეფობს!“ სწორად მცხოვრები ადამიანი ღვთის ნების აღმსრულებელი უნდა იყოს; მისი ნება ღვთის ნებას არ უნდა ეწინააღმდეგებოდეს და ამ შემთხვევაში სიკეთე იხეიბებს. უფალი ირჩევს ადამიანებს თავისი სამწყსოდან. ღავით წინასწარმეტყველი ამბობს: „აღამაღლა უფალმან რჩეული ერისაგან თვისისა“. უფალია განმგებელი ცათა და ქვეყანისა.

ამ ქვეყანაზე მრავალი ერია, მაგრამ, ალბათ, მსოფლიოს არც ერთ ქვეყანას არ ჰყავს ღვთის სახელისათვის და მის საღიდეზოდ იმდენი თავდადებული მოწამე, რამდენიც ჩვენს ერშია. შემთხვევით არაა, რომ ჩვენი დიდი წმიდანი ილია მართალი ამბობს: „მაცხოვარი ჯვარს ეცვა ჩვენთვის და ჩვენ ჯვარს ვეცვით უფლისათვის“. მართლაც, რომ გადავხედოთ საქართველოს წარსულს, მის ისტორიას, დავინახავთ, რომ მთელი ოცი საუკუნის განმავლობაში ქართველი სიცოცხლის ფასად იცავდა თავის მამულს, თავის ენას, მართლმადიდებელ სარწმუნოებას. ეს ყველაფერი მტყველებს იმაზე, რომ ქართველი ერი, საქართველო, შეიძლება ითქვას, არის ახალი ისრაელი, ერი, რომელიც აირჩია უფალმა. მაგრამ ერთიც უნდა გვახსოვდეს, – როცა უფალი ირჩევს ადამიანს, ან ერს, ან გვარს, მას დიდ პასუხისმგებლობასაც აკისრებს, რადგან იგი უნდა იყოს მაგალითი ყველასათვის. ხშირად მიფიქრია, რამ მისცა ძალა წმიდა ნინოს, რომ ჯერ კიდევ ბავშვი შორეული კაბადოკიიდან წამოსულიყო საქართველოში, წამოსულიყო იმისათვის, რომ ექადაგა სახარება. რამ მისცა ძალა წმიდა გიორგის და სხვა წმიდანებს, რომ ასეთი წამება გადაეტანათ ქრისტესათვის?

რამდენიმე დღის წინ ჩვენ დავბრუნდით თურქეთიდან, სადაც მსოფლიო პატრიარქის მიწვევით ვიმყოფებოდით. კაბადოკია აუცილებლად უნდა ნახოს ადამიანმა. ახლა თანდათან იხსნება გზები და მრავალ თქვენთაგანს მიეცემა კაბადოკიის ხილვის საშუალება. ეს არის საოცრება. ეს ის გამოქვაბულებია, სადაც ასი ათასობით ბერი და მონაზონი მოღვაწეობდა. ამასთან, ამგვარ გამოქვაბულებს საერონიც აკეთებდნენ და ისინიც მოღვაწეობდნენ. საოცრებაა ეს. მსოფლიოში ერთადერთი ადგილია ასეთი.

როცა ნახავ კაბადოკიას, მის ტაძრებს, გამოქვაბულებს, მის მხატვრობას, – მიხვდები, რომ იმ სულიერებამ, რომელიც სუფევდა კაბადოკიაში, იმ დიდმა რწმენამ, თავდადებულმა სიყვარულმა და სასოებამ წამოიყვანა წმიდა ნინო საქართველოში. უფალმა მისცა მას ეს ძალა. მაგრამ სამწუხარო ისაა, რომ კაბადოკია დღეს დაღუპებულია. სულიერი კაბადოკია დღეს აქ არის, საქართველოშია. იქ მხოლოდ

ცარიელი გამოქვაბულებია, რომლებიც ამჟამად მუზეუმადაა გამოცხადებული. იქ არ შეიძლება სანთლის დანთება, არ შეიძლება წირვა-ლოცვა. მხოლოდ ტურისტების რივი დგას, რომლებიც ამ საოცრებას ათვალიერებენ.

ჩვენთვის კაბადოკიაც, იერუსალიმიც, ათონიც და სხვა წმიდა ადგილებიც საქართველოშია.

კონსტანტინოპოლში რომ ჩავედით, იქ ასევე ჩამობრძანდა ალექსანდრიისა და სრულიად აფრიკის პაპი და პატრიარქი პეტრე VII. თქვენ მას იცნობთ, რადგან საქართველოში ბრძანდებოდა. და აი, სამმა პატრიარქმა, მთავრობის ნებართვით, კაბადოკიის წმიდა კონსტანტინესა და ელენეს ეკლესიაში შეასრულა წირვა. წინა საღამოს შესრულდა მწუხრი. მოხდა საოცრება, ესეც ღვთის განგებით, მსოფლიო პატრიარქმა დამავალა მე და საქართველოს დელეგაციას, რომ მწუხრი ჩვენ ჩავეტარებინა. ასე რომ, კაბადოკიაში მწუხრი ქართულად დაიწყო. იქ იყო ჩვენი სამღვდლოება, მგალობელთა გუნდი და ლოცვის აღვლენა საქართველოს ზედა წილად. ეს ღია ცის ქვეშ ხდებოდა. მეორე დღეს თურქეთის მთავრობამ უკვე დაავრთო ნება წირვა ეკლესიაში შესრულებულიყო. კონსტანტინოპოლისა და ბიზანტიის იმპერიის დაცემის შემდეგ, ეს პირველი შემთხვევაა, რომ კაბადოკიაში წირვა შესრულდა. და მასშიც ქართველი მგალობლები აქტიურად მონაწილეობდნენ. ეს წირვა მრავალმა ტელეკომპანიამ პირდაპირი ეთერით გადასცა. მინდა გითხრათ ისიც, რომ მთელი კაცობრიობა აღნიშნავს კონსტანტინოპოლის დაცემის 550 წლისთავს. ამდენი დრო გავიდა, იქ წირვა-ლოცვა არ შესრულებულა. და აი, ჩვენ მოვესწარით ამ დიდ მადლს.

საოცარი კიდევ ის იყო, რომ მთელი ტაძარი თითქმის სულ ქართველებით იყო სავსე. ისინი ჩამოსულნი იყვნენ როგორც საქართველოდან, ასევე კონსტანტინოპოლიდან და ანკარიდან. ქართველები რომ არ ყოფილიყვნენ, ტაძარი, ალბათ, ცარიელი იქნებოდა. ჩვენ, რა თქმა უნდა, თან გვქონდა წმიდა ნინოსა და წმიდა გიორგის ხატები (ისინი ხომ კაბადოკიელები არიან), საოცარი განცდა დაგვეუფლა. ვგრძნობდით, რომ წმიდა ნინო და წმიდა გიორგი ჩვენთან ერთად იყვნენ. ლოცვის დროს თითქმის ყველა ტიროდა – ციდან საოცარი მადლი გადმოდიოდა და ჩვენს სულებს ავსებდა. ღვთის განგებით, ალბათ, დადგა ამის ჟამი, – წარმოიდგინეთ, რომ წირვა აქ ხუთასი წელია არ ჩატარებულა და პირველი ლოცვა საქართველომ დაიწყო.

კიდევ ერთხელ მინდა ვთქვა, რომ მსოფლიო პატრიარქმა და ალექსანდრიის პაპმა და პატრიარქმა ასე მომმართვეს: „**რა კარგია, რომ ჩამოვიდნენ ქართველები, რა ძლიერია საქართველოს ეკლესია!**“ ვმადლობთ უფალს ამ სულიერი ძალისათვის, რომელსაც ის გვანიჭებს. ჩვენ, რა თქმა უნდა, არ ვიმსახურებთ იმ დიდ მადლს, რომელიც გადმოდის ღვთისაგან, მაგრამ, ალბათ, ისევ ჩვენი წინაპრების ლოცვით ხდება ეს ყველაფერი.


წირვის შემდეგ, თურქეთის გავლით, მანქანებით წამოვედით. როცა იმ საზღვართან მივედით, რომელიც ძველად საქართველოს ეკუთვნოდა, დავანთეთ სამი სანთელი, დავდგით წმიდა სამების ხატი და უფალს ჩავაბარეთ ჩვენი მიწა-წყალი. ჩვენთან ერთად იყო ახალციხის ეპისკოპოსი თეოდორე და იქ, ადგილზე, ჩავაბარეთ მას **ტაო-კლარჯეთის ეპარქია**.

ჩვენი მიზანი იყო მოგველოცა ქართული ტაძრები – ხახული, ოშკი, იშხანი. ეს საოცარი ტაძრებია. წარმოიდგინეთ სვეტიცხოველი ან ბაგრატის ტაძარი – აი, სწორედ ამხელა ეკლესიებია ისინი. მაგრამ, სამწუხაროდ, სავალალო მდგომარეობაშია. იმედი გვაქვს, რომ ღვთის მადლით, დადგება დრო, როცა იქ იქნება ქართული წირვა-ლოცვა.

მინდა აღვნიშნო, რომ საოცარი სითბოთი გვხვდებოდნენ თვითონ თურქები, რა თქმა უნდა, ქართველებიც. ისინი ახლა გამაჰმადიანებულნი არიან, თუმცა ქართული იციან. მათ სიხარულს საზღვარი არ ჰქონდა. და აი, როცა ჩვენ ახლანდელ საზღვარს, სოფელ სარფს მიუახლოვდით (თქვენ იცით, სოფელი სარფი შუაზეა გაყოფილი), თურქეთის მხარეს გაგვაჩერეს. ჩვენთან მოვიდა ერთი გამაჰმადიანებული ქართველი და იქვე, თავის სასტუმროში მიგვიწვია: „ეს სასტუმრო ჩემია და თუ შეიძლება, შემობრძანდით და დამლოცეთ“. მე დავლოცე ისიც, თურქეთში მცხოვრები ქართველებიც და იმ ქვეყნის ყველა კეთილი ნების ადამიანი, რომელიც იცავს, უფრთხილდება და უვლის როგორც ჩვენს, ისე იქ არსებულ მსოფლიო კულტურული მემკვიდრეობის სხვა ნიმუშებს.

კაბადოკიის მადლი გეწოდეთ თქვენ და სრულიად საქართველოს! წმიდა ნინოს, წმიდა გიორგის, წმიდა ბასილი დიდის, წმიდა გრიგოლ ღვთისმეტყველისა და სხვა მრავალი კაბადოკიელი წმიდანის, ასევე ტაო-კლარჯეთში და ლაზეთში მოღვაწე მამებისა და ღვთისმეტყველების მადლი გფარავდეთ.

ამინ!



კაბადოკიის შესახებ იხილეთ გვ. 193

კლარჯეთში იყო დიდებული ლავრა „შატბერდი“, ხანძთა აშენებული იყო ისეთს კლდეზე, რომელიც „უფიცხეს არს უფრო ს ყოველთა მათ უდაბნოთა კლარჯეთისა უდაბნოთა“. იგი მდებარეობს კარჩხალის წყალზე და ეხლა ხოსტად იწოდება; უდაბნო კლარჯეთისა ოპიზას, ხანძთასა და ოპიზას შუა დახატულია (სამცხე-საათაბაგოს მღვდელმთავარი. დ. ბაქრაძე) „შუა კლარჯეთს კლდეზე სოფელსა, რომელსა ერქუა არტანუჯი, ჯუანშერის სიტყვით, ვახტანგ გორგასარმა ააგებინა „არტანუჯისა ციხე“. იქვე მახლობლად იყო „ახიზისა ციხეც“. ტყეში მყოფი არტანუჯი შემდეგ აოხრებულია და განაახლა და ხელმეორედ „აღაშენა ეგრეთვე ციხედ და წინა კერძო მისსა, ქუეშეთ აღაშენა ქალაქი“ აშოტ დიდმა კურაპალატმა. გიორგი მერჩულის სიტყვით, „აღაშენა ციხე არტანუჯისა საცხოვრებლად დედუფლისა მეუღლისა თ სისა „და მას შინა კეთილად ცხოვნდებოდა.“ ...არტანუჯი დიდი სავაჭრო ცენტრიც ყოფილა. ... სადაც დიდი ალებ-მიცემობა იყო გაჩაღებული. ამას გარდა არტანუჯის ციხე საქართველოს ზღუდე და კარი იყო...

ტაო კლარჯეთის სამხრეთით მდებარეობდა, რომლის სამხრეთ საზღვარი, მამასადაძე, ტაოს ჩრდილოეთის საზღვარი უნდა ყოფილიყო. ტაო ორად იყოფებოდა. ისტორიკოსი მოგვითხრობს, რომ დავით კურაპალატს მეფე „ბაგრატ გაეზარდა შვილად, მპყრობელად ორისავე კერძოსა ტაოსაო“.

არსებობდა „იმირ-ტაო“ და „ამირ-ტაოც“. იყო „ქუეშო ტაო“ და რასაკვირველია, ზემო ტაოც იქნებოდა.

... შავშეთ-კლარჯეთსავით ტაოც VIII-IX ს სრულებით აოხრებული, უშენი და უმკვიდრო იყო, ასე, რომ, როდესაც ქართველი ბერები ამ ქვეყანაში თავიანთ ნაყოფიერს მოღვაწეობას შეუდგნენ, მაშინ მსოფლიონი ერის კაცნი იქ ჯერ ცოტანი იყვნენ. საზოგადოდ, „კლარჯეთს და ტაოთა შინა და შავშეთს და ყოველთა მათ მახლობელთა ქვეყანათა მცირედნი იპოვებოდეს შენებულ ტყეთა შინა ადგილ-ადგილ. იქ, სადაც ოდესღაც ცხოვრება სდულდა და ხელოვნების დიდებული ნაშთები იყო აგებული, მაშინ დაბურული უგზო-უკვლო ტყე იყო ამტყდარი. გიორგი მერჩულე მოგვითხრობს, რომ იშხანიც კი, რომლისა „პირველი დიდებულიება“ თავის დროს ანცვიფრებდა გრიგოლ ხანძთელსა, „მის ჟამსა კაცთაგან მიუვალ იყო ადგილი იგი“ და როდესაც, როგორც იყო, მაინც გზას მიაგნეს, „ფრიად უხაროდა პოვნაი დიდებულისა მის ადგილისა ო“, – დასძენს ისტორიკოსი. ახალმა ქართლით გადმოსულმა მოსახლეობამ თავისი მხნეობითა და ნიჭით კვლავ ააყვავა ეს კუთხე, დიდებული ეკლესია-მონასტრებით მოჰფინა და ქართული მწერლობის ერთ გამოჩენილ სადგურთაგანად აქცია.

ივანე ჯავახიშვილი

ტომი II 1983

გურჯული ვაიზი

(ამონარიდი შუშანა ფუტკარაძის წიგნიდან — „ჩვენებურების ქართული“)

ერთი ვაიზი ვქნათ გურჯიჯა ენით, გამჩენელი დუევეროთ ჰემ სულით, გულით, ვეხუეწნეთ გამჩენელს სულ ყუელა ენით.

ღმერთო, ბატონო, უენ შებზიბრაღმ...

იცოდე, გურჯული რომ ქართულია, ქართული ენა მეტად ტკბილია. იმ დუნიას ენა ჩუენებურია.

ღმერთო, ბატონო, უენ შებზიბრაღმ..., კითხვა და ლოცვა ემრი გვიზამა, გუასწავლა თეელი ჩუენ ფილამბერმა, ეყურბანოს მას სულმა და გულმა,

ღმერთო, ბატონო, უენ შებზიბრაღმ...

ამ დუნიაში ჩუენ მუსაფირი ვართ, პაწა ხან უკან საფლავში წავალთ, ღმერთ გამჩენელის უზურზე მივალთ...

ღმერთო, ბატონო, უენ შებზიბრაღმ...

ლოცვა და კითხვა დეიკარგა, წევიდა, სულ ყველამ მისდა დუნიაში წევიდა, ქალებმა კაცებ ქემა გუუხდა.

ღმერთო, ბატონო, უენ შებზიბრაღმ...

ულოცავი თუ არი კაცი და ქალი, ძალლი და ღორი მაზე კაი არი. დეიზრუკვის ჯოჯოხეთში მისი ხელ-პირი.

ღმერთო, ბატონო, უენ შებზიბრაღმ...

...რათ გინდა დუნიაში კაი სმა და ჭამა. ყუელა ესენი გეიარს და წავა, სული გეიწმინდე, გული გეისუფთე

ღმერთო, ბატონო, უენ შებზიბრაღმ...

რათ გინდა დუნიაში დიდი ქონება, ცოტამ იკმარე, მეიკრიფე გონება. დიდი ქონების სავალი ბევრია.

ღმერთო, ბატონო, უენ შებზიბრაღმ...

...სახლში იმდენი ქონება მეიტაი, ოჯახს და სტუმარს ერთათ რომ გეიტანს, იმაზე მეტი რათ გინდა ნეტაი.

ღმერთო, ბატონო, უენ შებზიბრაღმ...

სახლ-კარი რომ გაქ ასე ამსილი, რატომ არ გახსოვს ხალხი დავსილი... იცოდე მაგის პასუხს მოქთხოვენ.

ღმერთო, ბატონო, უენ შებზიბრაღმ...

ქელცარიელი არნა დატიო; კარზე მომდგარი, ატირებული, არ დაგავიწყდეს, ღმერთის შვილია ყუელა თხუელი და გაჭირვებული. შეძლებისდაგუარ ხომ დაეხმარე?

ღმერთო, ბატონო, უენ შებზიბრაღმ...

სიკდილის საათი ჩუენთან რომ მოვა, თეთრი სინათლე თუალიდან წავა; გონჯი ეშმაკი ჰემ მაშინ მოვა, ველარ გვიშველის ტირილი, გლოვა. მთელი ნასაქმი მოგვნახავს, მოვა.

ღმერთო, ბატონო, უენ უმზვიბრალო...

ემშაკს გაგუაცლის ნასაქში მადლი, სანთლად დაგუადგება სინათლე ბადრი. აღარ გუექნება სიკდილის შიში.

ღმერთო, ბატონო, უენ უმზვიბრალო...

მეგონა სიკდილი ზალიან შორეთა. სიკდილი არ აქცთება, ეცადე ფართა, ცოდვა და მადლი რომ ეიწონება, ესნა დევნახოთ იმ დღესა თუალითა, ცოდვებს ვერ აცდები ვერსად დამალვითა.

ღმერთო, ბატონო, უენ უმზვიბრალო...

გაყრა კაი არ არი ამ დუნიას დედ-მამაზე, გულის საყუარელ ქოჩორა შვილზე, გასქდება გული იმ წარე წამზე.

ღმერთო, ბატონო, უენ უმზვიბრალო...

შეიყრებიან ხალხი, გზას დაგვილოცავენ, სამოთხეს გვისურვებენ, დაგუალაგებენ, მარტუაჲ საფლავეში მიგუალაგებენ.

ღმერთო, ბატონო, უენ უმზვიბრალო...

დაქვჩება ამ ქუეყნის სახლი და კარი, ფარა, საქონელი რაცხა, რომ არი. საფლავეში ჩამოქყუება, მადლი რაც არი.

ღმერთო, ბატონო, უენ უმზვიბრალო...

თუ გაქ საფლავეში შენი იმანი, მაშინ მოქცილდება შავი ეშმაკი. საფლავეი გახდება კაი გულის სახლი.

ღმერთო, ბატონო, უენ უმზვიბრალო...

თუ არ გაქ იმანი, ჩახუალ საფლავეში. დარტყმენ თოფუზს, შეხუალ ლეზაბში, არ გამოგაქცევენ იმ წმინდა კარში. **ღმერთო ბატონო, უენ უმზვიბრალო...**

არ იქნება დუნაში იმ სოფ ასაბი, გახდები მაშინ ცეცხლის ქაბაბი. არ მოვლენ შენთან შენი ბალმენები.

ღმერთო, ბატონო, უენ უმზვიბრალო...

ილოცე, იკითხე, ღმერთი დეიჯერე. ქვეყნის სახელი ცრემლით იტირე, თავში ჭკუა შეიკრიფე. კარგად დეიფიქრე.

ღმერთო, ბატონო, უენ უმზვიბრალო...

ზუელი კდარები, თლათ შენიანები, შენიდან მადლსა გულით ელიან. მადლი აკეთე. მათაც უგზავნე.

ღმერთო, ბატონო, უენ უმზვიბრალო...

იმათთვინ ეს დუნია დეიწუა, არ დარჩა. გუანახვოს ისენი ღმერთ გამჩენელმა.

ერთმანებ შევხდეთ სამოთხის კოშკში.

ღმერთო, ბატონო, უენ უმზვიბრალო...

ჭურები მოვლენ, ხალ გეგვიგებენ, სამოთხის კარებ თან გეგვიღებენ. შიში არ ქვქონდეს, მუჟდეს გვიზამენ.

ღმერთო, ბატონო, უენ უმზვიბრალო...

...ილოცე, იკითხე, ზიარეთზე წაჲ, შეიბრალე დუნის ღარიბი ყველაჲ.

ობოლ შეხედავ, გახდები სულ კაჲ.

ღმერთო, ბატონო, უენ უმზვიბრალო...

გული გეისუფთე ღმერთზე ხუეწნაში, შენი ნალოცი წავა ზეცაში...
სამოთხე მოვა ამდენ ლოცვაში.

ღმერთო, ბატონო, შენ უმგვიბრალო...

... არიგებენ ცოდვა და მადლის დეფთერებს. ეწერება თელათ,
რაცხა ისაქმე. გამოაჩენენ დამალულ ცოდვებს.

ღმერთო, ბატონო, შენ უმგვიბრალო...

მადლი ისაქმე შენ ამ ღუნიაში, ისე შემოხვალ იმ ღუნის ჯენნეთში.
მუდამ გახსოვდეს ღმერთ-გამჩენელი.

ღმერთო, ბატონო, შენ უმგვიბრალო...

..ნეტაა შენ, რომ გაქ ენა ქართული, სხუაზე რათ გექცევა თუალი
და გული.

შეინახე ენა, გულში ჩარგული.

ღმერთო, ბატონო, შენ უმგვიბრალო...

გახსოვდეს ვინ ხარ საიდან მოსული, ვისი სისხლი გაქ ტანში გართული.
იცოდე, რომ გაქ სისხლი ქართული. ქართულ ქოქზე ხარ ამომართული...

ქართული ენა გულში დამალე.

ღმერთო, ბატონო, შენ უმგვიბრალო...

დიდ ბატონს უყუარს ყუელაი მილლეტი. ყუელა ენაზე ესმის სათქმელი.
ღმერთ შეეხვეწე, შეთხუე სამოთხე.

ღმერთო, ბატონო, შენ უმგვიბრალო...

ღმერთს შეეხვეწე ლამაზ ქართულით, ღმერთის ემანეთი ტკბილი
გურჯულით.

ღმერთ ესმის ჩვენი გულში ფურჩულიც.

ღმერთო ბატონო, შენ უმგვიბრალო...

ტკბილი ქართულით, ტკბილი გურჯულით ღმერთ ეხვეწება სულ
ჩვენი გული.

იმ ქუეყნის ენა ჩვენი ქართული.

ღმერთო, ბატონო, შენ უმგვიბრალო...

ზამანი მოვა და შეიყრება იმ ღერესეთის წარე მეიდანზე, ამ ტყული
ქუეყნის ყუელა მილლეტი ღმერთ ეხვეწება თავის ენაზე.

გამჩენელს ესმის ყუელას სათქმელი, ყუელას მოუსმენს ადრე თუ
მალე.

უფალო კალთა გადაგუაფარე.

ღმერთო, ბატონო, შენ უმგვიბრალო...

ღმერთო სამოთხის ქოქზე ამყოფნე, მწერავ-მკითხავი, დამყურებელი.
შენილამ ველით ყუელა კარგობას, შენ ხარ მილლეტის დამპურებელი,

ქართული ენის დამბრუნებელი.

ღმერთო, შენ გეგვიღე სამოთხის კარი, გურჯული ვაიზი ჰემაც ეს
არი...

უფალო კალთა გადაგვაფარე.

ღმერთო, ბატონო, შენ უმგვიბრალო...

ამინ!

ვაიზს კითხულობდა მანატბელი **სოჰა ნაიზ ჯიჯანიკი**

(ვიდეოჩანაწერი)

რედაქტორის მინაწერი:

უფალო, ისმინე ლოცვა და ვედრება მისი... დაუბრუნე მას და მოძმეთა მისთა ენა ქართული „კარი სამოთხისა“. „ღმერთის ემანეთი“.

ეს ვაიზი ბევრად დიდია. ჩვენ მხოლოდ მისი მცირე ნაწილი მოვიტანეთ... მკითხველს ვერ დასტოვებს იგი გულგრილად. მასში არა მხოლოდ დიდი მლოცველი კაცის სულია გაცხადებული, არამედ, ჭეშმარიტი პოეტისაც.

წარმოვიდგენ ბედნიერ წუთებს, როცა დიდებულმა ქართველმა ქალმა, საკუთარი ქვეყნის ტკივილებს შეწირულმა და ჭირისუფალმა – შუშანა ფუტკარაძემ პირველად მოისმინა და ჩაიწერა იგი.

მაღლობა მას ამისათვის.


ღმერთო, რამდენი ასეთი ამაღლებული ტკივილი ჩაკარგულა ჩვენი ბელუკუდმართი ისტორიის სიღრმეში...

„შენიდამ ველით ყველა კარგობას,
შენ ხარ მიღეთის დამბურებელი,
ქართული ენის დამბრუნებელი.
.....“

უფალო, კალთა გადაგვაფარე.
ღმერთო, ბატონო, შენ შეგვიბრალე.“

განმარტებანი:

- ვაიზი – სწავლება, შეგონება, ქადაგება
- აყურბანოს – ემსხვერპლოს, შეეწიროს
- უზური – ღვთის რჩეული
- თეელი – მთელი, მთლიანი
- მუსაფირი – სტუმარი, მგზავრი
- იმანი – ღვთის რწმენა
- თოფუზი – კვერთხი
- ღეზაბი – წვალება, დარდი, გაჭირვება
- ასაბი – ვაჟკაცი, რაინდი
- ჰურები – სამოთხის ფერიები, მზეთუნახავები
- ხალი – ნოხი
- მუჟდე – სიხარული
- ღეფთერი – რვეული
- ზამანი – დრო, ჟამი
- ღერესეთი – ადგილი, სადაც საშინელის სამჯავროს დღეს მკვდრეთით აღმდგარი სულები თავს შეიყრიან
- ჰემაც – თანაც, კიდევაც
- ემანეთი – საპატრონოდ ჩაბარებული



საქართველოს სინაღ, ანუ კლარჯეთის თორმეტი სავანე

VIII-IX საუკუნეთა მიჯნაზე, კლარჯეთში დაარსდა მთელი რიგი სავანეებისა (განახლებულ იქნა მრევლიც...), რომლებიც იქცევიან ქართული განათლების კერებად, კულტურის უმნიშვნელოვანეს ცენტრებად საშუალო საუკუნეებში.

ეს სავანეებია:

1. **ოპიზა**. იგი, როგორც ირკვევა, ეკუთვნის საქართველოს უძველეს სავანეთა რიცხვს. ოპიზა პირველად დაარსებულია V საუკუნეში, ვახტანგ გორგასლის დროს. მაგრამ ვინაიდან VIII საუკუნის 30-იან წლებში, მურვან ყრუს ლაშქრობის დროს კლარჯეთში, ოპიზა განადგურებულა და დაცლილა, ისევე, როგორც განადგურებულა და დაცლილა კლარჯეთის სხვა სავანეების და დასახლებული პუნქტების დიდი ნაწილი. ამის შემდეგ ოპიზა ხელმეორედ აღუდგენიათ VIII საუკუნის 50-იან წლებში (სამოელ ოპიზარის მოღვაწეობით). ამრიგად, ეს ხელახალი აღდგენა ოპიზისა მომხდარა უფრო ადრე, ვიდრე იბერიის (ქართველთა სამეფოს) პოლიტიკური ცენტრი გადმოტანილი იქნებოდა კლარჯეთში.

2. ამავე პერიოდში, VIII საუკუნის უკანასკნელ მეოთხედში (782 წლის ახლო ხანებში), დასრულებულ იქნა **ხანძთა**, დიდი გრიგოლის მიერ, რომელიც დამკვიდრდა კლარჯეთში და რომელიც შეიქნა ხელმძღვანელი კულტურული მშენებლობისა ამ მხარეში.

მთელი IX საუკუნის პირველი ნახევრის მანძილზე კლარჯეთში დაარსდა და განახლდა შემდეგი სავანეები.

3. **შატბერთი** (შატბერდი) – დაარსებული უშუალოდ გრიგოლ ხანძთელის მიერ;

4. **მიძნადო** – დაარსებული დავით მიძნადორელის მიერ;

5. **წყაროსთავი** – დაარსებული ილარიონ წყაროსთაველის მიერ;

6. **ბარეთელთა** – დაარსებული ზაქარია ბარეთელის მიერ;

7. **მერე** – განახლებული მოღვაწე ქალის – ფებრონიას მიერ (თავდაპირველად მერე დაარსებული ყოფილა V საუკუნეში).

ამავე დროსვე დაარსებულ და განახლებულ იქნა კლარჯეთში სავანეები:

8. **დაბა**, 9. **ჯმერკი**, 10. **ბერთა**. ხოლო მათ შემდეგ, 11. **პარეხნი** (ბერთაისა პარეხნი) და 12. **დოლისყანა**.

ეს თორმეტი სავანე ტერიტორიულადაც ერთ ზონაში იყო გაშენებული და ეჭირათ კლარჯეთის პროვინციის ჩრდილოეთი მხარე, შავშეთის წყლის ხეობიდან დაღოს მთებამდე.

მათ მხარეს ძველ ქართულ წყაროებში მიემართება სახელწოდება „საქართველოს სინაღ“ (სინის მთა). ამ ზედწოდებით ხაზგასმულია ამ სავანეთა მნიშვნელობა. ისე, როგორც ბიბლიური თქმულებით, სინის მთა ითვლებოდა წმიდა ადგილად, საიდანაც ღვთისაგან მიღებული იქნა მცნება. ასევე საშუალო საუკუნეთა ქართველი მწიგნობრები კლარჯეთის ამ თორმეტ სავანეთა მხარეს უწოდებდნენ „საქართველოს სინაღს“, როგორც ქართული განათლების კერას, როგორც ყველასაგან აღიარებულ უმნიშვნელოვანეს ცენტრს.

თუ რამდენად დიდი იყო კლარჯეთის სავანეთა მნიშვნელობა ქართული განათლებისათვის VIII-IX საუკუნეთა მანძილზე, ეს შეიძლება გავითვალისწინოთ იმ როლით, რომელიც ეკუთვნოდა იმ ხანაში კლარჯეთის სალიტერატურო სკოლას, რომლის წარმომადგენელი იყვნენ: გრიგოლ ხანძთელი, არსენი დიდი კათალიკოზი, სოფრონ შატბერთელი, იოანე-ზოსიმე შატბერთელი-სინელი, ილარიონ პარეხელი, ქართველი ჰიმნოგრაფების პლეადა და სხვები. ამ მოღვაწეთა რიცხვს ეკუთვნოდა გიორგი მერჩულეც, რომელიც კლარჯეთის ლიტერატურული სკოლის უდიდესი წარმომადგენელია X საუკუნეში და რომლის წიგნი „ცხოვრებად გრიგოლ ხანძთელისა“, აქ, კლარჯეთში, ხანძთაში არის დაწერილი.

პაპლე ინტოროცვა



ენი რაბათის ეკლესია
გადაღებულია ნიკო მარის მიერ

ვარსკვლავი უდაბნოთაჲ

დიდი მეუდაბნოე როდის გახდა „ვარსკვლავი“? ალბათ დაბადებიდან, ან უფრო ადრეც – იგი ხომ „საშოითგან დედისაით შეწირულ იყო ღმრთისა დედისაგან თვისისა“. იგი ბავშვობიდან მმარხველია; ხალხმრავლობასა და თამაშებს გაურბის. ყრმას შინაურებმა „დაყუდებული“ შეარქვეს. დედამ იგი თავის მულს – ნერსე ერისთავის მეუღლეს მიანდო. ამ დიდ ეროვნული მოღვაწის ოჯახში ზდება ტაოკლარჯეთის მაშენებლის ცნობიერების ჩამოყალიბება. გრიგოლის დედა კი „სიწმიდით დადგრომილ იყო ლოცვასა შინა და მარხვასა და მარადის შიშსა ღმრთისასა“.

ახალგაზრდა მეუდაბნოეს თან სდევდა და მიწვივ შეეწოდა მმარხველი დედის მხურვალე ლოცვა. ერთადერთი, ვისთანაც ხანძთელ არქიმანდრიტს საბოდიშოდ აქვს საქმე – მისი ნეტარი დედაა, რომლისაგან კურთხევაც ვერ აიღო, ისე გამოვიდა ქართლიდან მოყვასებთან ერთად. სწორედ ღვთის ნებით დადგა გრიგოლი ისეთი ზნემაღალი და სათნოებებით აღსავსე ჰიერომონაზონი, როგორსაც დედა ნატრობდა.

შვილის სიკეთისა და წარმატებების შესახებ რომ გაიგო, წელში გასწორდა, „აღეშენა“ მოხუცებული და სანატრელი ძის სანახავად მერეს დედათა მონასტერს მიაშურა. სახელოვანი არქიმანდრიტი მსწრაფლ გაეშურა დედასათან და მოუბოდიშა: „შენდობა იყავნ შენ მიერ, დედაო ჩემო, არამედ არა ნებითა განგეშორე, გარნა ნებასა ღმრთისასა ესრეთ სათნო უჩნდა“... და აღუთქვა: ამიერიდან ისე მოგემსახურები და მოგივლი სულეირად და ხორციელად, როგორც უფალი ბრძანებს „პატივისათვის მშობელთადასაო“.

ღირსეულად იტვირთა უდაბნოს მოქალაქის უბრალო და უბიწო ცხოვრება მამამან გრიგოლ



გრიგოლ ხანძთელის

ძეგლი ახალციხეში

ავტ. რამაზ კორშია

და მრავალთათვის მისაბამ მაგალითად იქცა. მოწაფენი თავიანთი სულიერი მოძღვრის ცხოვრების ყველა წვრილმანს იცნობდნენ და მხოლოდ მათ უწყიან მისი ქვიშაზე უმრავლესი სათნოებანი. ამიტომაც თავს არ ზოგავენ, რომ ღირსეულად ატარონ მისი სულიერი შვილის სახელი. აშოტ კურაპალატს რომ წარუდგინა ხანძთელი მამა გაბრიელ დაფანჩულმა, წინასწარ გააცნო მისი მაღალი წარმომავლობა, ღირსებანი და განსაკუთრებით, „მოწაფეთა მისთა სათნოებაჲ“.

გრიგოლ არქიმანდრიტის წინამძღოლობით მოილოცეს ზხალნაშენი მონასტრები

ბაგრატ კურაპალატმა და მისმა ამაღამ, ბოლოს ხანძთას მიაშურეს და ილოცეს წმიდა გიორგის ეკლესიაში. აქ „უმეტეს განკვირდა გონებაჲ ხელმწიფეთაჲ მათ, რაჟამს იხილნეს მოწაფენი ნეტარისა გრიგოლისნი უფიცხლესსა მონაზონებისა კანონსა, რამეთუ იყვნეს იგინი, ვითარცა ზეცისა ანგელოზნი“... და აქ აღმოხდა დიდთა მათ ხელმწიფეთა: „წმიდანო მამანო, ვინაითგან გიხილენით თქუენ, დაგუავიწყდა, თუ ქუეყანასა ზედა ვართ ჩუენ, არამედ ვკვონებთ, ვითარმედ ზეცას წმიდათა ბანაკსა დამკვიდრებულ ვართ, რამეთუ თქუენ სულთა მარადის წინაშე ღმრთისა მდგომარე ხართ“.

დიდი მღვდელია მამა გრიგოლ, ამას ჩვენც ვხვდებით მისი „ცხოვრების“ წამკითხველნი. მაგრამ იგი ღვთით იყო დიდი. მისგანვე იყო დიდი საქმეებისათვის მოწოდებული და განმზადებული. ნერსე ერისთავის ახლობელთა წრეში მხოლოდ ახალგაზრდა გრიგოლია ისეთი, რომელიც აღბეჭდილია დიდი მაღლით, უზაკველი გულითა და წმიდა საქმეებით და მას ბადალი არ ჰყავს თავის დიდგვაროვან სანათესაოში. საყოველთაო აღიარებით, მხოლოდ მას შეუძლია საკურთხეველთან წარუდ-

გეს უფალს და შესწიროს უბიწო მსხვერპლი. მხოლოდ იგია რჩეული „უბრალოდ ხელითა და წმიდად გულითა“.

თავისი სამონაზვნო ცხოვრების გარიჟრაჟზე უკვე დიდ მოღვაწედ იქნა მიჩნეული მათგან, ვისაც „ყურნი ასხენ სმენად და თვალნი ზედვად“. ოპიზის წინამძღვარმა დიდი სიყვარულითა და პატივისცემით შეიტკბო ქართლიდან მოსული გრიგოლ მღვდელი. ამბა გიორგიმ „ვითარცა იხილნა სანატრელი მამად გრიგოლ და მოყუასნი მისნი, გულის-ხმა-ყო საღმრთოთა ცნობითა ღირსებისა მათისა მადლი და შეიწყნარნა ივინი სიხარულით, არა ვითარცა მოწაფენი, არამედ ვითარცა უხეშთაენი მისა“.

საღმრთო ცნობიერებით აღიქვა ჭაბუკი გრიგოლ მღვდლის სიდიადე ხანძთაში მართოდ დაყუდებულმა მოხუცმა ასკეტმა ხუედიოსმა. საოცარია მათი პირველი შეხვედრა. როგორ გაუხარდათ ერთიმეორის ნახვა, ილოცეს... მერე ხუედიოსმა კურთხევა აიღო ახალგაზრდა მღვდლისაგან და აღიარა მისი უპირატესობა: „დაღაცათუ დღითა უმრწემეს ხარ, საქმით კულა უხუცეს ხარ ჩემსა“.

მოხუცმა ბერმა მასში შეეცნო დიდი მონასტრის სახელოვანი წინამძღვარი და უწინასწარმეტყველა, შეიქმნებო „მწყემსი კეთილი მრავალთა პირმეტყველთა საცხოვართა ქრისტესთა“. ორი საღმრთო მოღვაწე ისე შეხვდა ერთმანეთს, „ვითარცა მრავალჟამისა მეგობარნი საყვარელნი“, მოიკითხეს ერთმანეთი და იწყეს ბაასი სულის საცხოვრებელი. ისე დაუღამდათ და დაათუნდათ უძილოდ ლოცვასა და გალობაში, სასულიერო საკითხთა ზრახვაში, ვერც კი გაიგეს რა დრო გასულა.

ხუედიოსმა მეორედ რომ იხილა გრიგოლი, რომელსაც საბა, თევდორე და ქრისტეფორე ახლდნენ, ასეთი სიტყვებით შეამკო ისინი: „თქვენ ხართ სიწმიდისა ნაყოფნი, მცენარენი სულნელნი, ვარდნი შუენუერნი, ფინიკნი კეთილნი და ზეთისხილნი ნაყოფსავსენი... ამიერიტგან იხარებდინ უღაბნოი ესე თქვენ, ქრისტეს ნებისმყოფელთა ამას შორის დაწერავითა“.

საროჭიკოდ მოსულ ახალგაზრდა ხანძთელ წინამძღვარში მარიამ დაფანჩულმა საღმრთო ცნობიერებით შეიცნო დიდი მღვდელი. ამიტომაც მდიდრულად დაასაჩუქრა, მრავალფერი სანოვავე შესწირა ხანძთას და ორი მსახურიც

გაატანა, რომ ეს შესაწირი მიეტანათ მონასტერში, გზაც დაესწავლათ, რათა მამა გრიგოლის საზრუნავი აღარ ყოფილიყო სამძოს სარჩო-საბადებლით მომარაგება. ამიერიდან ამაზე ჩვენ ვიზრუნებთო, – დაპირდა. გაბრიელ დაფანჩული შინ რომ დაბრუნდა, კეთილმსახურმა მეუღლემ მოახსენა ხანძთის მამუნებელი დიდი მღვდლის სტუმრობის შესახებ. გაბრიელი, დიდი აზნაური ამოტ კურაპალატს ედგა მხარში, ქვეყნისათვის თავდადებული კაცი იყო. ახლაც სწორად შეაფასა ვითარება, მეუღლეს მადლობა გადაუხადა, რომ პატივი მიაგო მამა გრიგოლს და თვითონაც გამოთქვა სურვილი, ახლოს გაცნობოდა ღირს მამას. არქიმანდრიტი ეახლა დაფანჩულეების ოჯახს, დაჰყო იქ კარგა ხანს და ბოლოს გაბრიელი-საგან შემდეგი სიტყვები მოისმინა: „ჩვენ თანა არს ხორციელი კეთილი და თქვენ თანა არს სულიერი კეთილი, და ესენი შევზავნეთ ურთიერთას“.

ნეტავი იმათ, მკითხველო! ნეტავი იმ დროს, როცა ერი და ბერი ერთმანეთს გვერდში ედგა, რომ მამულს შეწეოდნენ გაერთიანებული ძალით!

ასევე კეთილად განაწყო და სამონასტრო მშენებლობაში დაიხმარა დიდმა მღვდელმა ამოტ კურაპალატი და მისი ვაჟები, შემდეგ კი – აფხაზთა მეფე დემეტრე. თვითონ აფხაზთა მბრძანებელი ევედრება ამ ღვთის კაცს, ნუ დასტოვებ აქაურობას ისე, რომ შენი აშენებული მონასტერი არ დარჩესო აქ. მამა გრიგოლი აქვე, ხარაგაულის რაიონში – მაშინდელ აფხაზეთში აარსებს უბისის მონასტერს, რომელსაც ხანძთელმა მამებმა უხვად შესწირეს ქართული წიგნები და წინამძღვრადაც ქართულ ღვთისმსახურებაში გაწაფული მოხუცი ილარიონი დაუტოვეს.

მრავალ კეთილ საქმეთა მოქმედი ნეტარი გრიგოლ ბუნებრივი სისადავით, უბრალოებითა და სიმდაბლით გამოირჩეოდა. სწორედ სიმდაბლე და თვინიერება დაანათლა მან სახელოვან ნათლულებს – დავით კურაპალატსა და გურგენს. დიდი მოძღვრისა და ნათლიმამისაგან შეისისხლხორცა ეს უმთავრესი სათნოება დავითმა. აკი ანდერძით სთხოვა გურგენს: „ნათლიმამისა ჩემისა ძუალთა მახლობლად დამდეგით ფერხთა თანა მისთა და სხუათა მამათა ძუალნი ჩემ ზედა დაუსუენენით“.

მამა გრიგოლმა ჭეშმარიტად მოიგო „ზეცათა

შინა სიმაღლე“ ამქვეყნიური სიმდაბლის ფასად. მისი უბრალო სამოსელი და კუკული ხომ გაბრწყინებული სამოსისა და ძვირფასი ქვებით შემკულ სამეფო გვირგვინით იხილეს არქიმანდრიტთან ზედა ჯავახეთის კრებაზე შემოკრებილმა ეპისკოპოსებმა.

* * *

წმიდა გრიგოლი გაუდაბურებულ და გაურჯულეულ მხარეში პირველ ეკლესიას წმიდა გიორგის სახელზე აშენებს და აქედან მოყოლებული ხანძთის სახელოვანი მონასტრის საძმო წმიდა გიორგის საყმოა. წმიდა და ძლევაშემოსილი დიდმოწამე „საყმოს საშველად მშვიერია“ და ურჯულოებასთან ბრძოლაში უწინამძღვრებს ხანძთელ ძმებსა და მთლიანად ქართლს, რათა გასდევნონ ურჯულო დამპყრობელი და აღკვეთონ ბოროტ სულთა თარეში. წმიდა გიორგიმ შექმნა თავისი ერთგული ყმა გრიგოლ არქიმანდრიტი „სულთა უკეთურთა მათებელი“, უზნეო და გაურჯულეული ცქირის აღსასრულიც ხომ წმიდა გიორგის დიდი მეოხებით უნდა მომხდარიყო. აკი სთხოვა მამა გრიგოლმა ხანძთის დასარბევად ცქირისაგან გამოვზავნილ ერს: „შვილნო, დრო-მეცით მე და ძმათა ჩემთა ვიდრე შუადღემდე, რაითა წმიდასა შინა ეკლესიასა ვყოთ ვედრებად წინაშე ქრისტესა და შევიწვიოთ წმიდად გიორგი და ყოველნი წმიდანი და ყოს უფალმან სასწაულ კეთილ“. შევიწვია საძმოს წმიდა გიორგი და „ყო უფალმან სასწაულ კეთილ“, რამეთუ მალე მოვიდა მაცნე – „ნუღარ დაარღვევთ ხანძთას, რამეთუ დამარღვეველი მაგისი მოკუდა“.

გრიგოლ არქიმანდრიტი მამა და მაშენებელია შატბერდისაც, რომლის ეკლესია დედა ღვთისმშობლის სახელზე ააგო წმიდა მამამ. ღვთისმშობლის წილხვედრ ქვეყანაში უფლის ყოვლადწმიდა დედის სახელზე ეკლესიის აგება არაა შემთხვევითი. სწორედ ზეციურმა დედოფალმა უნდა დაიფაროს და გააძლიეროს იქ, მტრისაგან მრავალგზის დარბეულ და გაუკაცრიელებულ მხარეში, ქართული მართლმადიდებლური სული, თორემ აქა-იქ შემორჩენილი თითო-ოროლა ოჯახი, გადასახადებით რომ სული სძვრებათ, სარწმუნოებრივადც ვეღარ არიან მტკიცენი.

მამა გრიგოლი ისეთ ტრადიციას განამტკი-

ცებს, რასაც ქართული სულის წმიდა გიორგის ყმობა და ღვთისმშობლის რაინდობა ჰქვია.


დღესაც ქართულ სოფლებში თუ სადმე ერთი ან ორი ეკლესიაა, უმეტესად დედა ღვთისმშობლისა, ან წმიდა გიორგის სახელობისა იქნება. შატბერდის საძმო იმ ერთგულ შვილთგანია, იოანე ღვთისმეტყველის სახით რომ უანდერძა დედას ჯვარცმულმა მაცხოვარმა. ხანძთისა და შატბერდის ძმობა, მოუხედავად ამ მონასტრების ტერიტორიული სიშორისა, მაინც ერთ სამონასტრო ერთეულად განიხილებოდა.

მონაზონთა ადგილობრივ დასებს ბრძნულად განაგებდა არქიმანდრიტი კლარჯეთის უდაბნოთა. ღვთიემძიდლებული მაღალნიჭიერებით ახერხებდა ნეტარი მამა, შეექმნა ისეთი მყარი და დიდებული მონასტერი, როგორცაა ხანძთა, სადაც მრავლისმნახველ დიდებულებსაც კი დაავიწყდათ, რომ ჯერ კიდევ აქ დედამოწამე იყვნენ და არა ზეციურ სასუფეველში.


მაღალი ზნეობის ბერებისათვის შეიქმნა წესდება, რომელიც ამ ორ მონასტერში კანონობდა. მამა გრიგოლი ხომ „არავის უღებთაგანთა შეიწყნარებდა“ და ამიტომ მისი საძმო მულამ იყო „უფიცხლესსა მონაზონებისა წესსა“. ამ ბერების გულებში მარადის სიმართლის ნერგი იხარებდა. ბერებს ერთმანეთისა და ღვთის დიდი სიყვარული ასაზრდოებდა და ამაზე დაემყნებოდა სხვა ახალ-ახალი სათნოებანი, რომელთაც დიდი ღვაწლის ფასად მოიპოვებდნენ.

მამა გრიგოლ უდაბნოში მიმოფანტულ ფარულად მოღვაწე ბერთაგან სწავლობდა სათნოებებს, ზოგიერთისგან შეისწავლა სიმდაბლე და სიყვარული, – გვეუბნება მერჩულე. ხანძთელმა მოძღვარმა ღრმად ჩაიბეჭდა გულში მაცხოვრის სიტყვები, სიყრმიდან რომ ასაზრდოებდა მის სულსა და გულს: „ამით უწყოდანი ყოველთა, ვითარმედ მოწაფენი ჩემნი ხართ, ოდეს იყუარებოდეთ ურთიერთთარს“. ხოლო მამა გრიგოლის მთელი „ცხოვრება“ კაცთა სიყვარულის მსახურებაა, არსიყვარულის ეშმაკი ძირფესვიანად აღმოფხვრა და განეშორა წმიდა მამის სავანეს.

გავიხსენოთ აშოტისა და მისი სატრფოს განშორების ეპიზოდი. მამა გრიგოლმა გაეგო აშოტ ხელმწიფეს არტანუჯის ციხეში „დედაკაცი სიძვისაჲ“ მიუყვანიაო და „შეწუნა ფრიად“. ჯერ პირისპირ ამხილა კურაპალატი, რომელიც დაეთანხმა და აღუთქვა, განვეშორებოთ მას.



სანქთის სამრეკლო



შატბერდი

მაგრამ ვერ შეძლო ეს, „რამეთუ დაემონა გულის-თქემასა“. ხანძთელმა გადაწყვიტა დახმარებოდა ხელმწიფეს.

მამა გრიგოლი არტანუჯის ციხეს აშოტის იქ არყოფნისას მიაღვა. ციხის ძირს დადგა და იმ ქალს შეუთვალა, ჭამადი გამოეზავნა მისი თანამგზავრებისათვის და „დადგომის მიზეზი შეუთვალა“. აშოტის რჩეული ხელგაშლილი მასპინძელი აღმოჩნდა, გაეზარდა ხანძთელის მისვლა და მრავალფერი სანოვავე გაუგზავნა ბერებს.

დილას დაიბარა გრიგოლმა დედაკაცი იგი და როცა პირისპირ დარჩნენ, ამხილა: რატომ ურღვევ ოჯახურ სიმყუდროვეს ხელმწიფეს და ასეთი ცოდვით ეშმაკს რად ემონებო. დიაცი შეწუხდა: მეც არ ვიცი, რა უნდა ვქნა? შენმა სიტყვებმა შემადრწუნა, მაგრამ მე ვერ განვაგებ ჩემს თავს, „ვინაიდან გარდარეული სიყვარული აქუს ჩემდა მომართ კურაპალატსა“-ო. მოძღვარი მიხვდა, რომ ქალს წრფელად და უანგაროდ უყვარდა აშოტი, დაინახა მისი მორჩილება და გადაწყვიტა მასაც დახმარებოდა. გამოუცხადა: თუ ჩემს სიტყვებს დაემორჩილები, „მე თავსმდებ გექმნე ქრისტემს მიმართ, რამეთა მან თავადმან ყოველნი ბრალნი შენნი შეგინდენს“. მაშინლა აკურთხა ქალი, შეჭურა მადლითა და მისცა თავისი ფეხსაცმლის საბელი, რამეთა სარტყელად შეირტყას. დიაცი დაემორჩილა. ენლო მოძღვრის სიტყვას და სულის ცხოვნების გზა ირჩია, დიდი მღვდელი კი კიდევ უფრო დარწმუნდა, რომ დიაცი ვერცხლისმოყვარეობის დემონს ცოდვიან ცხოვრებაშიც არ დამონებია. სწორედ ამიტომ წაუძღვა მას სულის ხსნის გზაზე, ჩააყენა ქვეყნისათვის სიყვარულით მლოცველ ბერი-მონაზონთა რიგებში და ახარა: „შვილო ჩემო, დღეს იქმნა ცხოვნება სულისა შენისა, რამეთუ სანატრელისა დედისა ფებრონიას წინაშე მიგიყვანებ შენ“. ქალი გრიგოლის მოწაფეებთან ერთად გაუყვა გზას, ვინაიდან მოძღვარმა უთხრა: „წარემართე და ვიდოდე წინაშე ჩუენსა“. ეს რაღად დასჭირდა მამა გრიგოლს? მხოლოდ იმიტომ, რომ დედაკაცს უკან არ მოეხვდა. დედა ფებრონიამ და მამა გრიგოლმა იზრუნეს ამ ქალის სულის გადასარჩენად, იხსნეს აშოტიც ამ მიმივე ცოდვისაგან.

საუკუნეზე მეტი გავიდა და ამ ეპიზოდის თხრობას ავტორი ასე დაასრულებს: „ხორციელად ძლიერსა ხელმწიფესა სულთა ძლიერთა

კაცთა სძლეს“. მაგრამ დედა ფებრონიასა და მამა გრიგოლს აშოტთან ისეთი ურთიერთობა არა ჰქონიათ, ეანგარიშათ, ვინ ვის სძლედა – სასულიერო თუ საერო. ისინი ხელმწიფის ერთგულნი და თავიანთი ქვეყნის ჭეშმარიტი გულშემატკივარნი იყვნენ.

ხანძთელი მიწვივ ზრუნავდა თავისი ერის ზნეობრივ გაჯანსაღებაზე, იღვწოდა, რომ ქართველებს ჭეშმარიტი მართლმადიდებლური წესით ეცხოვრათ და მტკიცედ გამიჯნოდნენ დამპყრობლების ცხოვრების წესს. აშოტ კურაპალატის რომანის ჩაშლით გრიგოლ არქიმანდრიტმა იხსნა ხელმწიფე სულიერი კრახისაგან, ერი უზნეო მაგალითისაგან, ხოლო ქალი, რომელშიც დაინახა მორჩილება და უანგარობა, დიდი სიყვარულის უნარი, მერეს მონაზონთა შორის ჩააყენა.

მამა გრიგოლ მხიარულად მესტუმრე იყო და გლახაკთმოღვაწე. ამასაც მოყვასის სიყვარული ელო საფუძვლად. იგი იყო მამა ტკბილი და მოძღვარი სახიერი, სიყვარულს თესდა და საპასუხო სიყვარულს ამა ქვეყნადვე იმკიდა.

მამა გრიგოლი ახალგაზრდობაში ეკურთხა მღვდლად, მაგრამ მას ღმერთმა მისცა „კეთილი მოხუცებულება გონებისა“. მისი ღვაწლის მიზანი, როგორც ყველა ქრისტიანისა, ზეცათა სასუფეველის დამკვიდრებაა. იგი ცდილობს, რაც შეიძლება მეტი მოყვასი შეიყვანოს სასუფეველში. მარადისობას დიდთა საქმეთა გამო ეზიარა. ამ მარადისობის თანამემკვიდრე და ღვთისაგან რჩეული კი იგი ბავშვობიდანვეა. ნეტარ მამას სიჭაბუკეში მოხუცებულება გონებისა ახსიათებს, ღრმად დაბერებულს კი – ახალგაზრდული ჯანმრთელობა და ენერგიულობა.

ას ორი წლის საკვირველთმოქმედს, რომელმან თავისი თავი ჭეშმარიტად ღვთის ნების სამკვიდრებელად აქცია, ასაკი არც დასტყობია: „ფერი პირისა მისისა არა იცვალა“, არც თვალის ჩინი დაკლებია, ხორციითაც ძლიერი იყო – „უძლეურობა სიკუდილადმდე არა იპოვა მის თანა“.

ღრო მხოლოდ კალენდრის სახით არსებობს, საეკლესიო დღესასწაულების ასათვლელად. მამა გრიგოლის ცხოვრებაში წლები თითქოს არ გადის, ასაკი არ ემატება. მახსოვრობაც საარაკო აქვს.

მისი ცხოვრება მეტაფიზიკურია, იგი ღროის ფიზიკური აღქმის მიღმაა. ნეტარმა მოღვაწემ ღრო უფრო ფილოსოფიურად შეიმეცნა და

ამდენად, სწორად გაიაზრა დროსა და სივრცეში თავისი ადგილი. ამ კონკრეტულ სივრცეს კი სამშობლო ჰქვია და მასთან მიმართებაშიც გაიაზრება გრიგოლის პიროვნება, როგორც მამულის ფიზიკური და სულიერი ხსენისათვის მზრუნველისა. იგი თავისი თანამედროვე ქართლის გაძლიერებისა და განმტკიცების დიდი ამავღარია და ქვეყნის ზნეობის ფხიზელი გუშავი.

გრიგოლ მონაზონმა დროის (უფრო ზუსტად მომენტის) მარჯვედ გამოყენებაც იცის. იგი დროის მოთხოვნებისა და ამოცანების უებარი მცოდნე და შემგრძობია. ხანძთის ბრწყინვალე წესდება რომ შექმნა, თავისი დროის უცხოური – ბერძნული და პალესტინური საძონასტრო ცხოვრების გამოცდილებაც გაითვალისწინა და შეადგინა ზედროული ტიპიკონი, რომლიდან მცირეოდენი გადახვევის უფლებაც გაითვალისწინა საძონავლოდ, და ისიც მხოლოდ დროებით („უკუეთუ ჟამმან ჭირისაგან წესი სცვალოს, რომელ სულისა ფრად არა სავნებელ იყოს, შენდობა იყავნ ჟამსა მას და არა სამარადისოდ, არცა შუებისა მრავლისა მიდევნება“). ასეთი ტიპიკონი დრო-ჟამის მიღმა – სამუდამოდ უნდა კანონობდეს, რომ ნამდვილი საძონასტრო ცხოვრება სუფევდეს.

ხანძიელი წინამძღვარი არ უგულუბელჰყოფს დროს, ითვალისწინებს მის მოთხოვნებს, და მინც, მხოლოდ მარადიულს – უფალ ღმერთს – ემსახურება. ამო და დროებით საქმეთაგან შორსა მიქცეული მისი გონება. ამქვეყნიურზე თუ შეჩერდება მისი თვალი, მხოლოდ ქვეყნის გასაჭირი ან მოყვასის უბედურება იქნება ეს, ამასაც შეეშველება ნეტარი მამა და მერე მთელი სულითა და გულით ისევ მარადიულს უბრუნდება. იგი ზომ ერთგული მონა და მსახურია იმ ღმერთის, „რომელი მიეცა ცოდვათა ჩუენთათვის და აღდგა განმართლებისა ჩუენისათვის“ (პავ. რომ. 4,25).

სახარება გვამცნობს: „სული გულს-მოდგინე არს, ხოლო ხორცი უძღურ“ (მათე 26,41). მამამან გრიგოლ შეძლო უძღური ხორცი მთლიანად ჩაეყენებინა სულის სამსახურში და ამით გვაძობდა გაძლიერდა. მან თავისი სიცოცხლის ასწლიან მიჯნას ისე გადაბიჯა, ბებრულ უძღურებისა არაფერი ეცხო.

გრიგოლ ბერმა სამშობლოს სამსახური თავისი დროის საჭირობორტო საკითხების გადაჭრას შეუხამა. ხანძიელი არქიმანდრიტი რომ მონასტრებს აშენებს ასე გულმოდგინედ, იქ

ზომ ქართული სულიერების გუშავები დასახლებიან და იქიდან მოამარაგებენ და განამტკიცებენ ხალხის გულ-გონებას ურჯულო მტერთან საბრძოლველად. იქ გაჩაღდება სასულიერო კულტურის მდიდარი კერა, შეიქმნება თარგმნილი თუ ორიგინალური საღვთისმეტყველო და ლიტურგიკული ლიტერატურა. მამა გრიგოლი ჯვრით, აშოტ კურაპალატი ხმლით ნელ-ნელა, ყოველდღიური ქმედებით ცდილობენ არაბთა შესუსტებას, მშობლიური მიწა-წყლის შემობატებას. აშოტი ივერიებს ხილულ მტერს, წმიდა მამა – უხილავს. ორივე პირნათელი წარუდგა უფალს, როგორც ჭეშმარიტად კაცნი ღვთისა, რომელთაც ღვთისა და ქვეყნის წინაშე მოუღლევი მსახურებით დაამკვიდრეს ნანატრი ადგილი ცათა სასუფეველში.

ქართული ხალხური პოეზიის მშვენებაა „ხმით ნატირალები“ – რომელთა დიდი ნაწილი მამაკაცების შექმნილია. კაცებმა დატირებაც კაცურად ზომიერი, ბრძნული იცოდნენ და უფრო მნიშვნელოვანი ხდებოდა მწუხარების ამგვარი გამოხატვა. ამას მოწმობს სვანური „ზარი“ და თუშური „დალაა“, ჩოფიკაშვილის ფანდურით დატირება მოხევე ელგუჯას მიერ და სხვა მრავალი. გავიდა დრო და სატირალში ტირილი დაბალი ფენების დამახასიათებლად მიიჩნეის. ეს არ იყო სწორი.

როგორ ტიროდნენ ძველად საქართველოში? ვინ უნდა დაიტიროს მკვდარი: ქალმა თუ კაცმა? ღირსეულად აღსრულებულნი, ალბათ, კაცმაც უნდა დაიტიროს და ქალმაც.

არისტოკრატი და უგანათლებულესი სასულიერო პირი გრიგოლ ხანძიელი, როგორც მოძღვარი და მეგობარი, საქვეყნო საქმეებში თანამებრძოლი და თანამზრახველი, მაღლმოსილი გულისხმიერებით დაიტირებს აშოტ კურაპალატს.

საბერძნეთის წმიდა ადგილების მოძოლოცველი ნეტარი გრიგოლ სამშობლოში ბრუნდება. გზად შეატყობინეს, რომ არაბების შეკვეთით მოლალატე ქვეშევრდომებს მოუკლავთ თავიანთი ქომაგი, დიდი ხელმწიფე აშოტ კურაპალატი. მამა გრიგოლმა დაკარგა დიდი თანამდგომი, მას თითქოს მხარი მოსტყვდა, დიდ სინანულს გამოთქვამს. საყვედურობს კიდევ ხელმწიფეს, აწ გარდაცვალებულს, რატომ ენდე მუხანათ კაცებს, რომლებმაც შენ ისე გაგიმეტეს, როგორც იუდამ ქრისტეო. ამ მოთქმამი ისეთი გულში ჩამწვდომი სიტყვებია, ისეთი სინანული,

როგორც ხალხურ ლექსებში მხოლოდ შვილმკვდარ დედებს გამოუთქვამთ. გამწარებული დედა ხომ ეხვეწება შვილის ცხედარს: სადღა გეძებო, მითხარი; საიდანმე მოდი, სიზმრად მაინც მანახე შენი თავიო. ასე მიმართავს ხანძთელი მამა ამოტსაც:

„ჰოი, მეფეთ, ჩემო, ძლიერო და დიდებულიო, სიმტკიცეო ეკლესიათო და ზღუდეო ქრისტიანეთო, სადაითმე მოგვლოდი, აღმოსავალითმე ანუ დასავალით, ჩრდილოითმე, ანუ სამხრით? რამეთუ ყოველთა ზედა ნათესაფთა მფლობელ იყავ, რომელიცა წყობით ხელმწიფეთა დაიმორჩილებდ, საკვირველ ვგე დიდებული, დეთისმსახური ხელმწიფე. აწ ვითარმე მიეცი ხელსა შეურაცხთა უმჯულოთა და უნდოთა კაცთასა, რომელნი-იგი იუდაის მსგავსად შენ უფლისა თვისისა მველელ იქმნეს მისაყუდინებლად ჩუენ გლახათა, მლოცველთა შენთა, უკუნისამდე.“

მამა გრიგოლი მჭერმეტყველი და სწორუპოვარი რიტორია. სადად და ლაკონურად, ამასთან, მაღლიანად და ლამაზად, ექსპრესიულად გამოხატვა სათქმელისა ახასიათებს მას. რომელი რომანტიკოსი იტყოდა უარს, იყოს ავტორი უდაბნოს იმგვარი აღწერისა, ხანძთელმა მეუდაბნოემ რომ დაგვიტოვა. რა საოცრად დაგვიხატა ის ორგანული კავშირი ბერის ცხოვრებას, მონაზვნურ განწყობასა და უდაბნოს პეიზაჟს შორის!

არქიმანდრიტ გრიგოლის მონასტრებში დამკვიდრებულ ქცევის ნორმებს თუ ჩავუკვირდებით და თვით მამა გრიგოლის ცხოვრებას დავისახავთ მაგალითად, იგი სამონასტრო ცხოვრების ბევრ საკითხზე გავცემს სწორ პასუხს.

მამა გრიგოლმა ქართული ეკლესიისა და

ქართველი ერის ისტორიაში დიდი და ნათელი კვალი დატოვა და დღესაც დაუცხრომელად ჰვედრის ღმერთს თავისი ქვეყნისა და ეკლესიისთვის. სწორედ ამიტომ, განსაკუთრებით უნდა შევთხოვდეთ მას ყოველჯამს, რათა შეგვეწიოს ჩვენ და გვექმნეს ღირსეულ შუამდგომლად წინაშე უფლისა.

დღესაც დავაღს ქართულ ზეცაზე დღითა და ღამით „ვარსკვლავი უდაბნოთა“.


საქართველოს თანმდევ უკვდავ სულთან – ილიასეულ აჩრდილთან ერთად მყინვარის მთას მუდამ დაჰნათის ეს ვარსკვლავი, რომელსაც იშვიათად ვხედავთ, რადგან ნიადაგ ღრუბლის ნაჭერი ფარავს მას. ალბათ, ეს ვარსკვლავია ვარსკვლავი უდაბნოთა – გრიგოლი. მან ხომ ამქვეყნიური ცხოვრებითა და ღვაწლით დაგვიტოვა ნათელი ხატი ღვთისა და მამულის მსახურებისა. იგი მარად და ყველგან სამშობლოსთანაა. საუკუნეთა მიღმიდან დღესაც გვაკურთხებს და კეთილდგონიერებისაკენ მოგვიწოდებს:

„შვილნო, სულისა სიბრძნითა, გულისა ტკივილითა სძლეთ და ნუ შეძრწუნდებინ გონებათ თქვენი, რამეთუ ესრეთ აღვითქუამ: არა დაგაკლოს თქვენ ქრისტემან აქა და საუკუნესა მას, უკუეთუ ეგნეთ მას ზედა, რომელიცა გისწავიეს ჩემგან პირველთა წმიდათა მამათა შეწირული მონაზონებისა წესი“.

ჩვენც დავიმახსოვროთ ეს დარიგება საოხად სულთა ჩუენთა და გადასარჩენად მამულისა.

ღირსო მამაო გრიგოლო, მეოხ გვეყავ ჩვენ, ცოდვილთა!

ელენე (ნელი) ბიბოლაკვა მხევალი ღვთისა



კლარჯეთის ქართული

ნაშთი ძველი დიდებისა

ისტორიული ზემო ქართლის ერთ-ერთი მნიშვნელოვანი მხარე – კლარჯეთი საკმაოდ ვრცელ ტერიტორიას მოიცავდა. იგი გაშლილი იყო მდინარე ჭოროხის ხეობის უდიდეს ნაწილში, შუა წელიდან მოყოლებული შესართავამდე. კლარჯეთში შედიოდა შავშეთი, იმერხევი, ნიგალისხევი, მაჭახელი, აჭარა და თვით კლარჯეთი, ამ სახელის ვიწრო მნიშვნელობით. საისტორიო წყაროების მიხედვით, კლარჯეთი არის „არსიანიოგან ზღუამდე“ (ჯავახიშვილი ივ. თხზ. ტ. I, თბ., 1983, გვ. 22).

საუკუნეთა მსვლელობაში სისხლით, ოფლითა და ცრემლით იწერებოდა ამ მხარის რთული ისტორია. კლარჯეთი იხსენიება უძველეს ქართულ წერილობით წყაროებში. იგი ოდითგანვე დაკავშირებული იყო საქართველოს სხვა კუთხეებთან ადმინისტრაციულად, ეკონომიკურად და კულტურის მხრივ. ლეონტი მროველის ცნობით, ქართლის სამეფოს არსებობის პერიოდში კლარჯეთი, მეფე ფარნავაზის მიერ განწესებულ რვა საერისთავოს შორის, ერთ-ერთი პირველთაგანი იყო. არაბების შემოსევაზე ეს მხარე რამდენჯერმე აღმოჩნდა სომხეთის ფარგლებში, მაგრამ ხანმოკლედ; ქართველები მალე იბრუნებდნენ (ექვთიმე თაყაიშვილი, სამუსლიმანო საქართველო, იხ. ქართული ემიგრანტული ლიტერატურა, „დაბრუნება“, ტ. I, თბ., 1991, გვ. 204).

მეხუთე-მეშვიდე საუკუნეების კლარჯეთის შესახებ ძვირფას ცნობებს ვპოულობთ არა მარტო „გრიგოლ ხანძთელის ცხობებაში“, არამედ ძველი ქართული მწერლობის ისეთ ძეგლებშიც, როგორებიცაა: „ცხობება ვახტანგ გორგასალისა“ და ბასილი ზარზმელის თხზულება „ცხობება სერაპიონ ზარზმელისა“. ამ ნაწარმოებებიდან ვიცით, თუ როგორ ჰყვოდა შავშეთ-კლარჯეთში ქრისტიანული კულტურა ჯერ კიდევ მეხუთე საუკუნეში აგებული ოპიზის, დაბის, მერეს, შინდობანის, ახიზის ეკლესია-მონასტრების შემწეობით. ეს პროცესი მერვე საუკუნის პირველი ნახევრიდან შეაჩერა არაბების მრავალჯეროვანი თავდასხმებმა. მაგრამ არაბთა შემოსევებითა და ქოლერის ეპიდემიით გაჩანაგებული ქვეყანა

მალე გამოაცოცხლა ქართლიდან არაბთა ბატონობით ლტოლვილმა მოსახლეობამ. ამ პერიოდში აქ საცხოვრებლად გადმოდის ქართლის ერისთავი აშოტ დიდი, აყალიბებს ტაო-კლარჯეთის ძლიერ საერისთავოს და საფუძველი ეყრება ბაგრატიონების სამეფო დინასტიას, საქართველოს სახელმწიფოებრიობას. ქვეყნის აღორძინებას ხელს უწყობს გრიგოლ ხანძთელის მეთაურობით გაშლილი სამონასტრო მშენებლობა, კულტურულ-საგანმანათლებლო საქმიანობა. ბაგრატ მესამის დროს (978-1014 წწ) კი კულტურისა და განათლების ცენტრად გადაქცეული ტაო-კლარჯეთი გამოდის საქართველოს გაერთიანებისათვის ბრძოლის მედროშედ. ერთიანი საქართველოს „ოქროს ხანაში“ ცხოვრობდა ეს მხარე მონღოლთა შემოსევის დაწყებამდე. მონღოლთა ბატონობის დროს ტაო-კლარჯეთი მოაქცევს სამცხე-საათაბაგოში. მეთექვსმეტე საუკუნის მეორე ნახევრიდან კი მთელი სამცხე-საათაბაგო გადადის ოსმალთა მფლობელობაში. ოსმალებმა 1552 წელს აიღეს არტაანი და არტანუჯი. კლარჯეთი ადმინისტრაციულად დაექვემდებარა ჩილდირის ვილაიეთს (ჩელები ევ., მოგზაურობის წიგნი, I, თბ., 1971, გვ. 299). 1877-78 წლების რუსეთ-თურქეთის ომის შემდეგ, ბერლინის საზავო ხელშეკრულებით, რუსეთმა შემოიერთა ყარსისა და ბათუმის ოლქები. ბათუმის ოლქში შედიოდა ტაო-კლარჯეთი. სახელმწიფოთა საზღვრები შეიცვალა პირველი იმპერიალისტური ომის დამთავრების შემდეგ. 1921 წლის ყარსის ხელშეკრულების თანახმად ტაო-კლარჯეთი კვლავ აღმოჩნდა ოსმალეთის იმპერიაში. ამჟამად ისტორიული კლარჯეთის უმეტესი ნაწილი შედის თურქეთის რესპუბლიკის ფარგლებში. თანამედროვე ადმინისტრაციული დაყოფით იგი მოქცეულია შავშეთის, არტანუჯის, ართვინის, მურღულის, ბორჩხის რაიონებში – ართვინის ვილაიეთში.

კლარჯეთის ზოგიერთი ადგილის მოსახლეობა და ბუნება კარგად არის აღწერილი გიორგი მერჩულის „გრიგოლ ხანძთელის ცხობებაში“: „ბუნებით ერთგვამ არს ქვეყანად უდაბნოთაჲ... კეთილად შეზავებული მზისაგან

და ჰაერისა. არცა ფრიად სიცხეი შესწავს მათ და არცა გარდარეული სიცივე შეაურევს მყოფთა მისთა... უნოტიო, უხორშაკოა, უმიწოდ, შზარეა... წყალი კეთილი, ურიცხვი მალნარი და სიმრავლე წყალთა ჰამოთაი. ბუნებით მხიარულებად მიცემულ არს ღმრთისაგან. და არს იგი უგზო და მიუვალ. ამას ყოველსა თანა უშიშ არს გული მათი ურწმუნოთაგან შერყევისაგან და ყოვლისა ძრვისა ჟამსა ხელმწიფეთა მტრობისასა“...

კლარჯეთის დიდი ნაწილის მომხიბვლელის ბუნებისა და მოსახლეობის შესახებ ვახუშტი ბატონიშვილი წერდა: „და არს ესე შავშეთი ტყიანი, გორა-მთიანი. ვენახ-ხილიანი. ნაყოფიერებს ფრიად მიწა ამის... პირუტყვიანი, ნადირნი, ფრინველნი და თევზნი მრავალნი... კაცნი და ქალნი მზგავსნი ქართველთანი, უმეტეს ნელიად და ენა-ტკბილად მოუბარნი, ტანოვანნი, მხენნი, შემართებულნი, შუენიერნი, ცოდნა-ხელოვანების მოყუარენი“. დღევანდელ მნახველს თვალს სტაცებს ხეხილის ბაღებში ჩამგდარი სოფლები.

ისტორიულ კლარჯეთში დღემდე შემორჩენილი მატერიალური კულტურის ძეგლები (ოპიზა, ფორთა, ბერთა, დოლისყანა, ტბეთი, ანჩა...) თვალწინ გვიშლიან ამ მხარის დიდებული წარსულის სურათს. მეცხრე-მეთერთმეტე საუკუნეებში კლარჯეთი წარმოადგენდა ქართული კულტურისა და განათლების მქეფარე კერას. კლარჯეთის თორმეტს სავანეთა მხარეს, რომლის არქიმანდრიტი გრიგოლ ხანძთელი იყო, ძველ ქართულ წყაროებში „საქართველოს სინაა“ ეწოდებოდა. მაშინ აქ ოცამდე განთქმული მონასტერი მოქმედებდა. ამ სამონასტრო ცენტრებმა უდიდესი როლი შეასრულეს ქართული კულტურისა და რელიგიურ-ფილოსოფიური აზროვნების განვითარებაში.

კლარჯეთის უძველესი საყდარი – ოპიზის სამონასტრო კომპლექსი, რომელიც მეხუთე საუკუნის მიწურულს დაუარსებია ვახტანგ გორგასალს, საუკუნეთა განმავლობაში წამყვან როლს ასრულებდა ქართული კულტურის შენებაში... დღემდე მოღწეულია ოპიზაში 913 წელს გადაწერილი ქართული ოთხთავის ერთ-ერთი უძველესი ნუსხა, რომელიც დაცულია ათონის ქართველთა მონასტრის ხელნაწერთა კოლექციაში. ოპიზის სახელს უკავშირდება

ორი დიდი ხელოვანის, ოქრომქანდაკელების – ბექა და ბემქენ ოპიზარების მოღვაწეობა. ისინი თამარ მეფის თანამედროვენი იყვნენ. ქართული ხელოვნების შედეგებია მათი ნამუშევრები. მათ შექმნეს ქართული ოქრომჭედლობის საკუთარი სკოლა, სტილი, რომელიც ცნობილია „ოპიზის მხატვრული სკოლის სახელით“ (ამირანაშვილი შ., ქართული ხელოვნების ისტორია, თბ., 1971, გვ. 299).

ტბეთის საყდარი 914 წელს აუშენებია ამოტ კუხს. აქ მოღვაწე მტბევარი ეპისკოპოსები იყვნენ გამოჩენილი მწიგნობრები. ტბეთის ტაძარი განთქმული ყოფილა ოქრომჭედლობითაც. ჭედური ხელოვნების ტბეთის სკოლა მნიშვნელოვნად განსხვავდებოდა ოპიზის სკოლისაგან. ტბეთის ტაძარი უჩვეულო სილამაზით ხიბლავდა მნახველს. „ტბეთის ტაძარი თავისი გრანდიოზულობით უფრო ძლიერ შთაბეჭდილებას ახდენს, ვიდრე მცხეთა, ზარზმა, საფარა... იგი დაამშვენებდა თვით რომსაც კი“, – ვკითხულობთ გ. ყაზბეგის დღიურში. ეს ტაძარი აღწერეს და წარწერები გამოაქვეყნეს უვაროვამ და მარმა. ტბეთი ამჟამად დანგრეულია. სოფელში ცხოვრობენ სომხები და შავშები, რომლებმაც ქართული აღარ იციან და ქართველობის შეგნებაც დაკარგული აქვთ.

გრიგოლ ხანძთელის მიერ დაარსებულ მონასტრებს შორის უმნიშვნელოვანესი იყო შატბერდის ღვთისმშობლის სახელობის მონასტერი – ქართული კულტურის უდიდესი ცენტრი კლარჯეთში. აქ ითარგმნა და დაიწერა ძველი ქართული ლიტერატურის ბევრი შესანიშნავი ნაწარმოები. კერძოდ, 973 წელს აქ შეადგინეს შატბერდის კრებული, რომელშიც ბერძნულიდან თარგმნილ ნაწარმოებთა გარდა, მოცემულია წმიდა ნინოს ცხოვრება. 897 წელს აქ გადაუწერიათ და დაუსურათებიათ ჰადიმის სახარება, რომელიც საქართველოში დაცულ ძველთა შორის უძველესი თარიღიანი ხელნაწერია. 936 წელს აქ გადაიწერა მეორე სახარება, რომელიც ცნობილია ჯრუჭის ოთხთავის სახელით. 940 წელს იგი შეამკეს მინიატურებით. ძველი ძალიან ფასეულია. ესაა წიგნის მხატვრულად გაფორმების პირველი ნიმუში საქართველოში. 978 წელს აქ იოანე ბერმა გადაწერა სახარება, რომელიც შესწირეს პარხლის ახლად აგებულ ეკლესიას და



მექორწინენი

ამიტომ ცნობილია პარხლის ოთხთავის სახელით.

ფორთის ტაძარი ამჟამად მეჩეთად არის გადაკეთებული, ამიტომაც საკმაოდ მოვლილია და დაცული. აქ არის ზიარეთიც, სადაც მოდიან მლოცველები და ღმერთს შველას სთხოვენ. აქაურებს არ ახსოვთ ტოპონიმი „შატბერდი“, „ხანძთა“ (ხანსტა/ხანზთა) კი ახსოვთ სოფელ უბეში. „ხანსტა“ ჰქვია უბესთან ახლოს მდებარე ვაკე ადგილს, ჭალას. ეს ადგილი ჯერ კიდევ ნიკო მარმაც ნახა სოფელ დიობიდან უბისაკენ მიმავალ გზაზე და დღიურში მიუთითა რატომღაც ასე: ნანგრევების კვალიც არ ჩანსო. ამ ჭალის შუაგულში ამჟამად ამკარად შეიმჩნევა ნანგრევების ნაშთი. იქნებ ეს ჭალა არის ის დავაკება, სადაც იდგა დიდი ტაძარი. „გრიგოლ ხანძთელის ცხორებაში“ ვკითხულობთ: „იწყეს საქმედ სენაკებისათვის ქვეყნისა დავაკებად, რამეთუ კლდეა იგი ხანძთისა და უფიცხლეს არს უფრომს ყოველთა მათ კლარჯეთისა უდაბნოთა“. ხანძთის შემოგარენი კლდოვანი ადგილია დღესაც. ამიტომაც „სათესი ყანაი და სათიბელი ქუეყანაჲ“ მონასტერს არ ჰქონია. ამის გამო აშოტ კურაპალატმა „შეწირნა ადგილნი კეთილნი და შატბერდსა ადგილი აგარაკად ხანძთისა“, სადაც გრიგოლმა ააშენა განთქმული შატბერდის მონასტერი, ე. ი. შატბერდი და ხანძთა ერთმანეთთან საკმაოდ ახლოს უნდა მდებარეობდეს. მართლაც დღევანდელი ფორთა და ხანძთა

არც თუ ისე შორს არიან ერთმანეთისაგან. ამიტომ საფუძველს მოკლებული არაა მარის ვარაუდი, რომ ფორთა არის ისტორიული შატბერდი. შატბერდისა და ხანძთის ისტორიით დაინტერესებულმა მომავალმა მკვლევარმა ეს უნდა გაითვალისწინოს.

მეჩეთად გადაკეთებული ძველი ეკლესიები დღესაც დაცულია დოლისყანაში, ბერთასა და ანჩაში. ჯერ კიდევ მეხუთე-მეშვიდე საუკუნეებში საეპისკოპოსო კათედრა იყო ანჩაში. თამარის თანამედროვე მთავარეპისკოპოსმა იოანე ანჩელმა ბექა ოპიზარს მოაჭედვინა ანჩისხატი – კლარჯეთის სიწმიდის სიმბოლო და საგანგებო საგალობლითაც შეამკო იგი.

კლარჯეთის გმირულ წარსულზე მეტყველებენ ნანგრევების სახით მოღწეული ციხეები – ჩაქველთა, ჯვრები, სათლელი, თამარა გეითაუსი... თავისი გრანდიოზულობით გამოირჩევა არტანუჯის ციხე-ქალაქი, რომელიც მეხუთე საუკუნეში ააშენა ვახტანგ გორგასალმა, 813 წელს განაახლა აშოტ კურაპალატმა და ბაგრატიონების სამეფო დინასტიის რეზიდენციად აქცია. ძველი დიდების ამ ნაშთებში შემონახული ჩვენი წინაპრების დიდებული შემოქმედების სურათების ხილვა სიამაყის გრძნობით აღგვაესებს, მაგრამ მწარედაც დაგვაფიქრებს სამშობლოს ბედზე.

კლარჯეთის ქართული ისევე მრავალფეროვანია და ძველი, როგორც მისი მატერი-ალური კულტურის ძეგლები. აქაურთა მეტყველებაში ყურადღებას იპყრობს ქართული ენის განვითარების წინა პერიოდებისათვის ნიშანდობლივი მოვლენები, უჩვეულო ნეოლოგიზმები, ზანიზმები და თურქიზმები. ეს ბუნებრივიცაა, რადგან კლარჯეთის ქართული დასაბამიდანვე რთულ გარემოში ყალიბდებოდა. ამ მიწაზე ერთმანეთს ხვდებოდნენ სხვადასხვა მოდემის ხალხები: ქართველები, ბერძნები, სომხები, არაბები, სელჯუქები, თურქები... ყურადსაღებია ისიც, რომ კლარჯეთ-ისპირის თავდაპირველი მკვიდრი იყვნენ ზანური (მეგრულ-ჭანური) ტომები. კერძოდ, მათ ეჭირათ პონტოს ქედის ორივე მხარე ტრაპიზონამდე და მდინარე ჭოროხის ხეობა შუა წელიდან მოყოლებული შესართავამდე (თაყაიშვილი ექვთ., დასახ. ნაშრ. გვ. 203). მომდევნო ეპოქებში ისინი დამკვიდრდნენ შავი ზღვის სანაპირო ზოლში. ამჟამად მათი საცხოვრისი აღწევს ქალაქ რიზემდე.



შუშანა ფუტყარაძე
კლარჯელ ბავშვებთან

აქაურთა ქართულში საძებარია სომხურისა და ბერძნულის კვალიც, რადგან არაბთა შემოსევებამდე ჭოროხის აუზის დიდი ნაწილი ხან საბერძნეთს და ხან სომხეთს ექვემდებარებოდა. შავშეთში დაცული თქმულების თანახმად, ექვსასი წლის წინ გადმოსახლებულა ნახევარ მილიონამდე სომეხი მურღულის ხეობაში, იქიდან კი გადასულან ართვინში. ბევრ სხვა მიზეზთან ერთად, ცხადია, მოსახლეობის სიჭრელემაც დააჩქარა კლარჯეთში ქართული ენის დასუსტება და ბევრგან სრულიად დაკარგვა.


დღეს კლარჯეთის ყველა კუთხეში აღარ ახსოვთ ქართული. არტანუჯის რაიონში თითქმის მთლიანად დაიწყებიათ. ახლა აქ უმთავრესად სომხები ცხოვრობენ. მათ დავესახელებ რამდენიმე ქართული სოფელი — ბაცა, ანაკრტი, ანჩა, ტანზოთი, ახიზა და კლარჯეთი (სოფელსაც რქმევია ეს სახელი). ჯერ კიდევ 1874 წელს ამ მხარეში მოგზაურობის დროს გ. ყაზბეგი შენიშნავდა: რაც უფრო ვუახლოვდებით არტანუჯს, მით უფრო ცოტა გვხვდება ქართულის მცოდნეო. ამასთანავე დასძინს, რომ არტანუჯის თორმეტი სოფელი, რომელიც მთა გობიხეწის მიდამოებში მდებარეობს, ქართულად მოლაპარაკეა და მცხოვრებნი იწოდებიან გურჯის-

ტანის ხალხადო. (ყაზბეგი გ. „სამი თვე თურქეთის საქართველოში“). ჩვენ ვერ შევძელით ამ სოფლებში მისვლა. მომავალი მკვლევარი უსათუოდ მაღლიერი დარჩება აქაურ ქართველებთან ბუშაობით.

ქართულად აღარ ლაპარაკობენ შავშეთის რაიონის უმრავლეს სოფლებშიც, თუმცა მცხოვრებნი ტომით ქართველები არიან. შავშეთში ოჯახის ენა თურქულიაო, შენიშნავდა ნ. მარი 1904 წელს თავისი მოგზაურობის დღიურში. მაგრამ ქართული ენის კვალი მთლიანად არ წაშლილა. აქაურთა თურქულ მეტყველებაში ქართულიდან შესულა ბევრი სიტყვა და გამოთქმა, რასაც თურქი ენათმეცნიერების ყურადღება მიუქცევია. ამ მხრივ საინტერესოა თოქათის უნივერსიტეტის დოცენტის თურგუთ აჯარის შრომა „ქართული ენის გავლენა ართვინულ დიალექტზე“.

კლარჯეთის სოფლები გაშენებულია მდ. ჭოროხის შენაკადების (მაჭახლისწყალი, ქლასკურისწყალი, ბაგენისწყალი, იმერხევისწყალი, სათლელისწყალი, შავშეთისწყალი, მურღულისწყალი, ხატილა, იჩხალა, ბელღევანი...) ხეობებში, რომლებიც ერთმანეთისაგან მკვეთრად გამიჯნულია მაღალი მთებითა და კლდოვანი ადგილებით. ასეთ გეოგრაფიულ პირობებშია ჩამოყალიბებული ერთმანეთისაგან მეტ-ნაკლებად განსხვავებული ტომობრივი დასახლებანი, როგორცაა: მაჭახელი (მაჭიხიანი), იმერხევი, შავშეთი, ნიგალი (ლივანი//ლივანა) და საკუთრივ კლარჯეთი. აღნიშნულის შესაბამისად, ენობრივი და ეთნიკური ფაქტორების ზემოქმედებით, საუკუნეთა განმავლობაში ჩამოყალიბებული ჩანს კლარჯეთის ეთნიკურ-ტერიტორიული, ე. წ. კლარჯული დიალექტები (აღმოსავლეთ საქართველოს მთაში არსებული ფხოური დიალექტების მსგავსად), როგორცაა: იმერხეული (ისტორიული შავშური), მაჭახლური და ლივანური. მათ შორის ექცევა აჭარულიც, რადგან აჭარა ისტორიულ-გეოგრაფიულად კლარჯეთის შემადგენელი ნაწილია. მაშასადამე, კლარჯული დიალექტებია: აჭარული, იმერხეული (ისტორიული შავშური), ლივანური და მაჭახლური.

შუშანა ფუტყარაძე



შატბერდი, იგივე ფორთა
(აკადემიკოს ნიკო მარის მიხედვით)


* * *

ქვეყნის ეს ნაწილი, რომელსაც „ოსმალის საქართველო“ ეწოდება, ქართულ მატრიანებში ცნობილია მესხეთის, ზემო ქართლისა და სამცხე-საათაბაგოს სახელით. საქართველოს საუკეთესო საერო მწერლები, ძველი და ახალი აღთქმების, საღვთო და საეკლესიო წიგნების მთარგმნელთა უმეტესობა წარმოშობით ზემო ქართლიდან იყვნენ. ყველაზე განვითარებული ქართული ენა ზემოქართლური იყო. ქართული ენა დღემდე ისმის მთელ ოსმალეთის საქართველოში ბაიბურთამდე და ტრაპიზონის საზღვრამდე. ზემო ქართლი მე-8 საუკუნეში ქართველ ბაგრატიონთა დინასტიის აკვანი და ის ცენტრი იყო, რომელმაც საქართველოს მიანიჭა ერთიანობა და ძლიერება, აფხაზეთ-საქართველოს მეფეების დროს, მე-10-მე-12 საუკუნეებში, ქართული მატრიანები აქ აღნიშნავენ ყველაზე ძველ დიდძალ ქართულ საეკლესიო ხუროთმოძღვრულ ძეგლებს, რომლებსაც, რამდენადაც ვიცით, დღემდე იცავს სანახევროდ მუსულმანი, სანახევროდ ქრისტიანი ადგილობრივი მოსახლეობა. ოსმალეთის საქართველოს ის მცირერიცხოვანი წარწერები, რომლებიც, სხვათა შორის, გადმოწერეს აბიხმა, სანიკოვმა, კოხმა, ნერსეს სარგისიანმა, მე-9-მე-12 საუკუნეებს განეკუთვნება. მხითარისტი სარგისიანი, რომელმაც 1843-53 წლებში მოიხილა ჭოროხის აუზი, მწუხარებით აღნიშნავს, საშუალება არ მქონდა გადმომეწერა უამრავი ქართული წარწერა, რომელიც იქ ვნახეო.

ჩვენში ყოველგვარი მეცნიერული წამოწყების წარმატება შესაძლებელია მხოლოდ მთავრობის უშუალო მონაწილეობით. კავკასიის ყოველმხრივ შესწავლას ჩვენ სწორედ მთავრობის დახმარებას უნდა ვუძღვდეთ. ასე მაგალითად, რაინეგის, გიულდენშტედტის, კლაპროთის, შეგრენის, ბროსეს, აბიხის, ნაწილობრივ დიუბუა დე მონპერეს ნაყოფიერი მოგზაურობა კავკასიაში მთავრობის ინიციატივითა და ხარჯით მოეწყო.

...საქართველოს არქეოლოგიური შესწავლა კი, რომელსაც სათავე დაუდო მარი ბროსემ, მეთხედი საუკუნის წინათ, როგორც ჩანს, მისივე შრომით დამთავრდა. ამასობაში თუ გავიხსენებთ, რომ მეცნიერთა წრეში ცნობილ ჟან სენ-მარტენს, ქართული მწერლობის ძეგლები არა მარტო კავკასიის, არამედ აზიის ისტორიის მნიშვნელოვან წყაროდ მიაჩნია, შეუძლებელია სინანული არ გამოვთქვათ, რომ ცხოვრება, დიუბუას სიტყვით რომ ვთქვათ, „ძველი ქართველი ერისა, რომელიც უხსოვარი დროიდან დარაჯობდა კავკასიის ყელს და პირდაპირი ურთიერთობა ჰქონდა ყველა ცნობილ ხალხთან, დღემდე არასაკმაოდ არის შესწავლილი მისი საუკეთესო და ყველაზე სარწმუნო ძეგლების, მისი ეკლესიებისა და ხატების მრავალრიცხოვანი წარწერების, ხელნაწერთა და უამრავი საბუთის მიხედვით. უაღრესად საშიშია დაყოვნება; ისიც კმარა, რა დროც დაკარგეთ. თუმცა ტფილისისა და ქუთაისში შენახული საბუთები დაცულია გაფუჭებისა და დაკარგვისაგან, მაგრამ, ამას ვერ ვიტყვით იმ მრავალრიცხოვან საბუთზე, რომლებიც, როგორც მე პირადად ვიცი, მოიპოვება სამრევლო ეკლესიებსა, მონასტრებსა და ოჯახებში და, რომელიც დაუდევარი მოპყრობის გამო, იკარგება ან ღებება. ასეთსავე ხვედრს იზიარებენ აღმოსავლეთ და დასავლეთ საქართველოს ოჯახებში გაბნეული ძველი ხელნაწერები. ამასთან უნდა შევნიშნოთ, რომ ბევრი ხელნაწერი საქართველოდან გაიტანეს, ალბათ, კიდევ გაიტანენ, და, მასადაძე, მეცნიერებისათვის დაკარგულად უნდა ჩაითვალოს. რაც შეეხება წარწერებს, მათი ბედი კიდევ უფრო სავალალოა. ამ წერილის ავტორს ამ მხარეში მოგზაურობისას შემთხვევა ჰქონდა დარწმუნებულიყო, რომ აკადემიკოს ბროსეს მიერ 1847-48 წლებში გადმოწერილი ზოგიერთი წარწერა ან აღარ გაირჩევა, ან საშუალოდ გაქრა. ამ მხრივ ერთად მოქმედებს დროც და ადგილობრივ მცხოვრებთა უმეცრებაც. ...ახალციხის მაზრაში მოსული მოსახლეობა ყოველ ხელსაყრელ შემთხვევაში იყენებს თავისი სახლების ასაშენებლად ეკლესიების ქვებს. ამასთან, ბუნებრივია, არც მათ წარწერებს ინდობს.

ლიმბრი ბაქრაძე



დავით კურაპალატის საწინამძღვრო ჯვარი, X საუკუნე
საქართველოს ხელოვნების მუზეუმი

ოსმალის საქართველო

ყოველი ერი თავისი ისტორიით სულდგმულობს. იგია საგანძე, საცა ერი პოულობს თავისის სულის ღონეს, თავისის გულის ძეგრას, თავის ზნეობითს და გონიერებითს აღმატებულებას, თვის ვინაობას, თვის თვისებას. ჩვენის ფიქრით, არც ერთობა ენისა, არც ერთობა სარწმუნოებისა და გვარტომობისა ისე არ შეამსჭვალებს ხოლმე ადამიანს ერთმანეთთან, როგორც ერთობა ისტორიისა. ურთიერთის ღვაწლის დამდეგი, ერთს ისტორიულს უღელში ბმული, ერთად მებრძოლი, ერთსა და იმავე ჭირსა და ლხინში გამოტარებული ერთსულობით, ერთგულობით, ძლიერია. თუნდ დროთა ბრუნვას ერი განეცოს, დაერღვიოს – მაგრამ მანც რღვეულთა შორის იღუმალი შემჭვალება, იღუმალი მიმზიდველობა იმოდენად სუფევს, რომ სამყოფია ხოლმე ერთი რაიმე შემთხვევა, რათა იფეთქოს, იჭექოს დაძინებულმა ისტორიამ და ერთსულოვნებამ, ერთგულობამ თავისის ძლიერი ფრთა გაშალოს. ამ დღეში ვართ დღეს ჩვენა და ოსმალეთის საქართველო.

„ივერიის“ წარსულ ნომერში მოხსენებულს ნაწილებს ოსმალის საქართველოსას დიდი პატივსაცემი და სახელოვანი ღვაწლი მიუძღვის ჩვენის ერის ისტორიაში, დიდი შრომა გაუწევია, დიდი მსხვერპლი მოუტანია, მრავალი სისხლი დაუნთხევია ჩვენთან ერთად საქართველოს ერის თვით-არსებობისათვის. გარდა იმისა, რომ ჩვენ ვართ ერთის სისხლისა და ხორცისანი, ერთისა და იმავე ენით მოლაპარაკენი, ერთი ისტორიაცა გვქონია. ოდეს ბიზანტია, სპარსეთი და ოსმალთა ამ ჩვენს მშვენიერს ქვეყანას ეტანებოდნენ და ურთიერთს ეცილებოდნენ, მაშინ ის საქართველოს ნაწილი, რომელიც დღეს ოსმალის ხელშია, მედგრად იბრძოდა ჩვენის სარწმუნოების, განათლების, ერთ-მთავრობის დადგინებისათვის, და მათდა და ჩვენთა სასახელოდ ძველითაც მოსილ იქმნა.

საკვირველს, მედიურს სანახაობას წარმოადგენს იგი საქართველოს ისტორიაში. როდესაც საქართველო დაყოფილი იყო წვრილ სამთავროებად და ერთი ნაწილი სპარსეთის გავლენის ქვეშ იმყოფებოდა, მეორე ჯერ ბიზანტიისა და მერმე ოსმალის ზედ მოქმედების ქვეშ, ზემო-ქართლი რომელსაც ეხლა ოსმალის საქართველოს ვუწოდებთ, ხან ერთ ნაწილს მიემხრობოდა, ხან მეორეს, და თავისის მომხრეობით განაძლიერებდა ქართველებს თვით-არსებობის დასაცველად. მაშინ თითქმის მარტო მას ეჭირა თავისუფალი დროშა ქართველთა ერთობისა.

პირველად ქრისტიანობამ იქ, სამცხე-კლარჯეთში მოიკიდა ფეხი ანდრია მოციქულის მოძღვრებითა, მაშინ, როდესაც ქართლ-კახეთში ჯერ კიდევ კერპთ-მსახურება სუფევდა. ქრისტეს აქეთ პირველს საუკუნეში აღერკი მეფეს (60 წ.) უნდოდა კერპთ-თაყვანების სარწმუნოება მოეფინა და ამისთვის საშინელი ბრძოლა აუტეხა სამცხე-კლარჯეთს, მაგრამ სამცხე-კლარჯეთში ქრისტიანობა არამც თუ მოისპო, პირიქით, უფრო გავრცელდა და დამკვიდრდა, ჯერ ისევე წმიდა ნინოს მოსვლამდე.

როდესაც ბიზანტიის და სპარსეთის შუა ასტყდა შესანიშნავი ბრძოლა ლაზიკის თაობაზედ, მაშინ ეხლანდელი ოსმალის საქართველო დიდ საისტორიო ასპარეზად შეიქმნა მათთა შორის. სპარსეთი ძლეულ იქმნა და იგი ნაწილი საქართველოს დარჩა ბიზანტიის უფლების ქვეშ. შემდეგ ქართლ-კახეთთან შეერთების სურვილმა აღმოიჩინა თავი, მაგრამ ბიზანტიამ დაუშალა და მისცა მხოლოდ უფლება ქართველი კათოლიკოზი იყოლიონ, „რათა დასხდებოდნენ კათოლიკოზად ნათესავნი ქართველნი და არა ბერძენნი, და აქვნდეს უაღრესობა ყოველთა ეკლესიათა და მღვდელ მთავართა ზედა“. ეს მოხდა 586 წ. ქრისტეს შობიდან. ამ გვარად მთელის საქართ-

ველოს ერთობის წილად ცოტად თუ ბევრად კმაყოფილება მიეცა, სულიერად მაინც, თუ არ ხორციელად, მეექვსე საუკუნის დასასრულს კლარჯეთის და ჯავახეთის მთავარი გუარამ კურაპალატი, ბაგრატიონის გვარის კაცი, ბიზანტიის შემწეობით შეიქმნა მეფედ ქართლ-კახეთისა და ამგვარად დიდი ნაწილი საქართველოსი შეუერთდა საქართველოსვე. თუმცა ამის შემდეგ ისევ დაირღვა საქართველო ნაწილებად, მაგრამ არტანუჯის ბაგრატიონთა გვარი გაძლიერდა და ამას მიჰყვა მთელის საქართველოსათვის ნაყოფიერი და საკეთილო შედეგი.

როდესაც არაბები საქართველოში შემოვიდნენ და მაჰმადიანობის გავრცელებას სცდილობდნენ, ოსმალეთის საქართველო ქრისტიანობისათვის იღვწოდა ბაგრატიონების მეთაურობითა, წინამძღოლობითა. ეხლაც დარჩენილა მრავალი დიდ-შემეხიერი, თლილის ქვით ამოყვანილი და მხატვრობით შემკული ეკლესიები, იმ დროს აღშენებული. იმავე დროს სამცხე-კლარჯეთის ქართველნი მიდიოდნენ საბერძნეთს სწავლის მისაღებად, ნასწავლნი მოდიოდნენ უკანვე და ჰყენდნენ სწავლასა საქართველოს ხალხთა შორის. იმ დროს, როდესაც ტფილისსა და გარშემო ადგილებში მაჰმადიანობის გავრცელებას მეცადინებოდნენ თავისი არაბულის წიგნების შუამავლობითა, სამცხე-კლარჯეთის ქართველნი საღმრთო და საერო წიგნებს ქრისტიანობისას ჰსთარგმნიდნენ და ქრისტიანობის განმტკიცებისათვის აწესებდნენ მონასტრებსა, რომლებშიც ყმაწვილებისათვის სასწავლებელთ მართავდნენ.

უწარჩინებულესნი მამანი, საღმრთო-საერო თხზულებათა მწერალნი ჩვენნი, ეხლანდელის ოსმალის საქართველოს შვილნი და მცხოვრებნი იყვნენ. ჩვენი სასიქადულო „ვეფხისტყაოსანის“ მთქმელი შოთა რუსთაველი იმ მხარის კაცი იყო. რუსთავის დაბა, რომელსაც თავის სამშობლოდ იხსენიებს რუსთაველი, სამცხე-საათაბაგოშია. ჩვენი ყოფილი ცხოვრება იქ აღყვავებულია. ჩვენს სიცოცხლეს იქ უჩქეფნია, ჩვენის სულის ძლიერებას იქ აღუმართავს თავისი სახელგანთქმული დროშა. თითქმის იგია ჩვენი სულის აღმატებულების აკვანი და იგივეა სამარეც ჩვენის ყოფილის აღამიანობისა. სწავლა-განათლება, მამულისათვის თავგამებებული სიყვარული თითქმის იქიდან ეფინებოდა ჩვენს ქვეყანასა ერთს დროს.

ბოლოს ბაგრატიონთა გვარის კაცი, მეფე ბაგრატ III გაძლიერდა იმოდენად, რომ 1014 წ. შეაერთა სრულიად საქართველო და ჩვენი ქვეყანა შეიქმნა ძლიერ და სახელოვან. ეხლანდელმა ოსმალის საქართველომ ამ შეერთებისათვის დიდი ღვაწლი დასდო ჩვენ ქვეყანასა, დიდი სისხლი დაანთხია, დიდი ქველობა გასწია.

თამარ მეფის შემდეგ, ესე იგი, მას უამს, როდესაც ჩვენის ქვეყნის ერთობა დაირღვა, ეხლანდელს ოსმალის საქართველოში მფლობელობდა სამცხის ათაბაგი, რომელიც ახალციხეში მკვიდრობდა, და იგი ადგილი წოდებულ იყო სამცხე-საათაბაგოდ. ბიზანტიის იმპერიის დაპყრობის შემდეგ ოსმალებმა მრავალი ჭირი მიაყენეს სამცხე-საათაბაგოსა, რომლის დაპყრობასაც ძლიერ ეტანებოდნენ, და ამისთვის ქრისტიანობის აღმოფხვრა უნდოდათ. მაგრამ 1625 წლამდე სამცხე-საათაბაგოს მთავრებს მტკიცედ ეპყრათ ქრისტიანობა და ყოველთვის თავგანწირულობით, თავ-დადებით ებრძოდნენ ოსმალოთა, ასე, რომ ოსმალებმა ვერა დააკლეს რა ვერც სარწმუნოებასა, ვერც ქართველობის გვარტომობასა, თუმცა მრავალი მსხვერპლი კი შეაწირვინეს. 1625 წ. ბექამ მოწამლა თვისი ძმისწული, უკანასკნელი ათაბაგი მანუჩარ, გადაუღვა ქრისტიანობას, მიიღო ორთულიანი ფაშობა ოსმალეთისაგან სამცხე-საათაბაგოში და სახელად დაირქვა საფარ-ფაშა. ამის გამო ბევრნი თავდაზნაურნი და გლეხნი გადმოიხვეწნენ ქართლს, ზოგიერთებს იქ დარჩენილთა მიაღებინეს მაჰმადიანობა. ზოგს ძალდატანებით, ზოგს მოტყუებით და მაცდურობითა; სამღვდელონი და ეპისკოპოსნი მოსწყვიტნეს, საყდრები დამარცხეს, და ყოველი საღმრთო-საერო წიგნები ცეცხლს მისცეს. ჩვენი მოძმე ქრისტიანი

ხალხი დარჩა უწინაშემდგომოდ, უბოძვროდ, უეკლესიოდ, და სასოწარკვეთილი, მწარედ დაჩაგრული, უწყალოდ დევნილი და განადგურებული, ნელ-ნელა მიეცა მაჰმადიანობასა.


დღესაც იციან იქაურმა ქართველებმა, რომ ზოგის დედა, მამა, პაპა ჯერ კიდევ მათს ხსოვნაში ქრისტიანები ყოფილან. ამბობენ, რომ იქ ზოგიერთი დღესაც იღუპალად აღიარებს ქრისტიანობას, რომ დღესაც ათისა თუ თორმეტი წლის ყმაწვილები საჩვენოში გადმოჰყავთ მოსანათლავად, ზოგი ჩვენსავით ჯვარსაც იწერს ოსმალების იღუმალად, თურმე.

ეგრეთ, მძლავრობამ, მუხთლობამ, ღალატმა, შავით მოსილმა საქართველოს ბედმა განგვაშორა ჩვენ ძმები ერთად სისხლის მღვრელნი, ერთად ღვაწლის დამდებნი, ერთად ტანჯულნი და ერთად მოღზინენი. დიდმა ღვაწლმა ბაგრატ მესამისამ, დავით აღმაშენებლისამ, თამარ დედოფლისამ, უქმად ჩაუარა ამოდენად ტანჯულს, ბედისაგან დევნულს, ერთობისათვის და ქრისტიანობისათვის სისხლს-დანთხეულს საქართველოსა. სარწმუნოების სხვა-და-სხვაობა ჩვენ არ გვაშინებს. ქართველმა თავის სარწმუნოებისათვის ჯვარცმულმა, იცის პატივი სხვის სარწმუნოებისაც. ამიტომაც ჩვენს ისტორიაში არ არის მაგალითი, რომ ქართველს სურვებიყოს ოდესმე სხვისა სარწმუნოების დაჩაგვრა და დევნა. სომეხნი, ებრაელები, თვით მაჰმადიანნიცა, ჩვენ შორის მცხოვრებნი, ამაში ჩვენ ვერაფერს ვერ წაგვაყვდრებენ. სხვა ქვეყანაში სარწმუნოებისათვის დევნულნი და ჩაგრულნი – აქ, ჩვენში ჰპოულბდნენ მშვიდობის-მყოფელს სავანესა და სინდისის თავისუფლებასა.

არ გვაშინებს-მეთქი ჩვენ ის გარემოება, რომ ჩვენს ძმებს, ოსმალოს საქართველოში მცხოვრებთა, დღეს მაჰმადიანის სარწმუნოება უჭირავთ, ოღონდ მოვიდეს კვლავ ის ბედნიერი დღე, რომ ჩვენ ერთმანეთს კიდევ შევუერთდეთ, ერთმანეთი ვიმძოთ, და ქართველი, ჩვენდა სასიქაღულოდ, კვლავ დაუბტკიცებს ქვეყანასა, რომ იგი არ ერჩის ადამიანის სინდისს, და დიდი ხნის განშორებულს ძმას ძმურადვე შეითვისებს, თავის პატიოსანს და ღმობიერს გულზედ ძმას ძმურადვე მიიყრდენს თვალში სიხარულის ცრემლ-შორეული ქართველი. და თუ ამისათვის საჭიროა, რომ სიხარულის ცრემლის უწინარეს ჯერ ჩვენი სისხლი დაიღვაროს, ნუ თუ ქართველი უკუდრკება და თავს არ შესწირავს მას, რისთვისაც ორიათასი წელიწადი თავი უწირავთ ჩვენთა დიდებულთა მამა-პაპათა...

(1877 წ.)

ილია მართალი



ქართული წარწერებიანი ქვაჯვარი

ტაო-კლარჯეთის ლიტერატურული სკოლის ისტორიიდან

მსოფლიო ლიტერატურის ისტორიაში ბევრია შემთხვევა, როცა ამა თუ იმ ქვეყნის სამწერლო გარემო პოლიტიკურ მოვლენათა ცენტრში აღმოჩენილა, მაგრამ მხელად თუ მოიძებნება ფაქტი, რომ მწიგნობრობას ქვეყნის ბედი გადაეწყვიტოს. ქართული ლიტერატურის ისტორიაში არსებობს ასეთი უნიკალური პერიოდი — ეს არის VIII-X საუკუნეების ტაო-კლარჯეთის ლიტერატურული სკოლა, რომელსაც სათავეში უდგას რელიგიურ-კულტურული მოძრაობის გამოჩენილი მოღვაწე გრიგოლ ხანძთელი. მერვე საუკუნეში ამ ისტორიული პიროვნების მიერ ტაო-კლარჯეთში წამოწყებული სარწმუნოებრივ-კულტურული აღმშენებლობა მეთორმეტე საუკუნეში დაგვირგვინდა ძლიერი და ერთიანი საქართველოს შექმნით, რომელიც დავით აღმაშენებლის ძალისხმევით განხორციელდა. ოთხი საუკუნის განმავლობაში მოვლენები ვითარდებოდა თანმიმდევრულად, შინაგანი ლოგიკის მიხედვით; შეუფერხებლად მიმდინარეობდა სულიერ-კულტურული ტრადიციის უწყვეტი პროცესი, წინასწარმეტყველური სიზუსტით გათვლილი პროგრამა, რომლის მთავარ მიზანს წარმოადგენდა ეროვნული მწიგნობრობის განვითარების გზით ქრისტიანული სარწმუნოების განმტკიცება და ეროვნულ-სახელმწიფოებრივი აღორძინებისათვის ბრძოლა.

ბუნებრივია, რომ სწორედ ტაო-კლარჯეთში, გრიგოლ ხანძთელის დროს გაცხადდა საქართველოს ერთიანობის იდეა, რომელიც გიორგი მერჩულემ ფორმულის სახით ჩამოაყალიბა: „ქართლად ფრიადი ქუეყანაა აღირაცხების, რომელსაცა შინა ქართულითა ენითა ჟამი შეიწირვის და ლოცვაჲ ყოველი აღესრულების“.

ამ კუთხეში ჩაეყარა საფუძველი ქართული ეკლესიის დამოუკიდებლობას, ტაო-კლარჯეთში მოღვაწე მღვდელმთავრებმა დაიწყეს ზრუნვა იმისათვის, რომ ქართული ეკლესია თანდათან გამოსულიყო იერუსალიმისა და კონსტანტინოპოლის საპატრიარქოების გავლენისაგან.

ტაო-კლარჯეთის ეკლესია-მონასტრებში ჩამოყალიბებულმა მწიგნობრობის სკოლამ განსაზღვრა ქართული კულტურის განვითარების გზა: რომ არ ყოფილიყო ტაო-კლარჯეთის ლიტერატურული სკოლა, არ იქნებოდა ათონის ლიტერატურული სკოლა; აქედან გამომდინარე, არ იქნებოდა ქართული ლიტერატურის ისტორიის ის ბრწყინვალე პერიოდი, რომელსაც შოთა რუსთაველის გენიალური პოემა აგვირგვინებს.

სავსებით მართებულია აზრი, რომ „ხანძთა სულიერად მშობელი არს ჩვენ ყოველთა“ (გიორგი მერჩულე).

ტაო-კლარჯეთის ლიტერატურული კერები საკმაოდ კარგად არის შესწავლილი ქართველ და საზღვარგარეთელ მკვლევართა მიერ. მეოცე საუკუნის განმავლობაში დაიწერა უამრავი აღწერილობა, გამოკვლევა, სტატია თუ მონოგრაფია. ყოველივე ეს თავმოყრილი და გაანალიზებულია ლევან მენაბდის ვრცელ ნაშრომში — „ძველი ქართული მწერლობის კერები“, რომელიც საშუალებას გვაძლევს თვალი გავადევნოთ ტაო-კლარჯეთის თითოეულ მონასტერში მიმდინარე ლიტერატურულ ცხოვრებას.

მამასადაძე, რა ხდებოდა სამხრეთ საქართველოს ლიტერატურულ ცენტრებში? დავიწყობ კლარჯეთის უდაბნოდან.

ოპიზა. ეს არის კლარჯეთის უძველესი ლიტერატურული კერა. „ყოველთა უდაბნოთა უწინარეს აღშენებულ არს ოპიზა“, — გვაუწყებს გიორგი მერჩულე. მართალია ამ მონასტერმა სახელი გაითქვა ბექა და ბემქენ ოპიზარების ნატიფი ხელოვნების მეშვეობით, მაგრამ არანაკლებ მნიშვნელოვანია ის ფაქტი, რომ ოპიზა არის ის ადგილი, საიდანაც იწყება გრიგოლ ხანძთელის მოღვაწეობა. სწორედ ოპიზელი ბერების შემწეობით აშენდა ხანძთის, პარეხის, შუარტყელის, მიძნადორისა და სხვა მონასტრები. გრიგოლ ხანძთელის გარდა აქ სხვადასხვა დროს მოღვაწეობდნენ მიქელ პარეხელი, სერაპიონ ზარზმელი, გიორგი მაწყვერელი, ათანასე ოპიზელი, ილარიონ ოპიზელი და სხვანი.

ოპიზის ხელნაწერთა შორის განსაკუთრებით მნიშვნელოვანია გრიგოლ ოპიზელის მიერ 913 წელს გადაწერილი სახარება, რომელიც ათონის მთაზეა დაცული. ამ ხელნაწერის მეშვეობით დგინდება ახალი აღთქმის ქართული რედაქციების რაობა; ათანასე ოპიზელმა 1093 წელს გადაწერა გიორგი მთაწმიდელის მიერ თარგმნილი პარაკლიტონი, რომელიც, როგორც პავლე ინგოროყვა ამტკიცებდა, შევსებულია კლარჯული საწელიწდო იადგარიდან გამოკრებილი მასალით; XIII საუკუნეში ცნობილია დავით ნარინის მოძღვარი ილარიონ ოპიზარი – გადამწერი და ბიბლიოფილი, რომელმაც უცხოეთში გაფანტული არაერთი ხელნაწერი დაუბრუნა სამეფო წიგნთსაცავს.

ხანძთა. ამ მონასტრის ისტორიული მნიშვნელობის გადაჭარბებით შეფასება შეუძლებელია. ახალი ტიპიკონი პირველად ხანძთაში შემოიღეს. გრიგოლ ხანძთელმა საგანგებოდ შეისწავლა კონსტანტინოპოლისა და იერუსალიმის სამონასტრო წესდებანი და ამის საფუძველზე დაადგინა ხანძთის ტიპიკონი, რომელიც, მართალია, განსაკუთრებული სიმკაცრით გამოირჩეოდა, მაგრამ ეს მხოლოდ ხელს უწყობდა კლარჯეთის სამონასტრო ცხოვრების განვითარებას. ხანძთაში აღიზარდა ეფრემ მაწვეკერული.

ხანძთაში აღიზარდა არსენ საფარელი (830-887); აქ მოღვაწეობდა გრიგოლ ხანძთელის მოწაფე მაკარი ლეთეთელი, რომელსაც მონაწილეობა მიუღია პირველი ქართული თარიღიანი ხელნაწერის, 864 წლის სინური მრავალთავის გადანუსხვაში. აღარაფერს ვამბობ თვით გრიგოლ ხანძთელზე... თუმცა ერთი რამ მაინც უნდა აღინიშნოს: როგორც ირკვევა, გრიგოლ ხანძთელს დაუწერია პოეტური ჰიმნების კრებული „საწელიწადო იადგარი“, რომელსაც პავლე ინგოროყვამ დიადი ძეგლი უწოდა (პ. ინგოროყვა, გიორგი მერჩულე, თბ. 1954, გვ. 548).

შატბერდი. ეს არის ლიტერატურული თვალსაზრისით ყველაზე პოპულარული მონასტერი, ანუ, როგორც ძველი ავტორები იტყობნენ, „სიქადულ ყოვლადვე მახლობელთა მონასტერთა“. შატბერდი არის რიგით მეორე მონასტერი, რომელიც გრიგოლ ხანძთელმა დააარსა. რამდენადაც ბევრს არაფერს გვეუბ-

ნება აქ მოღვაწე მწერლების სახელები – სოფრონ შატბერდელი, გაბრიელ შატბერდელი, იოანე ბერაა, დავით ჯიბისძე, გრიგოლ ვაჩემორელი, სტეფანე შატბერდელი – იმდენად დიდი და მნიშვნელოვანია მათ მიერ გაწეული შრომა, რომელიც მაღალ ლიტერატურულ ფასეულობებზე არის ორიენტირებული. შატბერდის მონასტერში შემუშავებული კონცეფცია თანდათან ვითარდება, ივსება, იხვეწება და ბოლოს თავის ბრწყინვალე გამოხატულებას ჰპოვებს ათონის ლიტერატურული სკოლის ჩამოყალიბებაში. შატბერდში არის გადაწერილი არაერთი ბრწყინვალე წიგნი. მათ შორის, ჰადიმის ოთხთავი (897 წ., სოფრონ შატბერდელი), ჯროჭის სახარება (936 წ., გაბრიელ შატბერდელი), პარხლის ოთხთავი (973 წ., იოანე ბერაა), „განმარტება დავითნისა“ (დავით და იოანე ჯიბისძეები), ბასილი დიდისა და გრიგოლ ნოსელის შრომები (გრიგოლ ვაჩემორელი), ვანის სახარება (XII ს., სტეფანე შატბერდელი) და ბოლოს შატბერდის კრებული, ძველი ქართული ლიტერატურის ერთ-ერთი ყველაზე სერიოზული, ენციკლოპედიური ხასიათის წიგნი (976 წ., იოანე ბერაა). საკმარისია დავასახელოთ კრებულში შესული ზოგიერთი თხზულება, რომ სრული წარმოდგენა შეგვექმნას მის ისტორიულ-კულტურულ მნიშვნელობაზე: 1. გრიგოლ ნოსელის „კაცისა შესაქმისათვის“, 2. ეპიფანე კვიპრელის „თვალთა“, 3. იპოლიტე რომაელის სუთი თხზულება, მათ შორის თარგმანება „ქება ქებათადას“, 4. „მოქცევაჲ ქართლისადა“, 5. ბასილი კესარიელის „ფიზიოლოგი“, 6. ცხოვრება წმიდა იაკობ ნასიბინელისა, 7. ფსალმუნთა განმარტებანი.

ნიშანდობლივია ის ფაქტიც, რომ როცა XII საუკუნის შუა ხანებში ზაგრატ მეოთხემ გიორგი ათონელი მოიწვია საეკლესიო რეფორმების ჩასატარებლად, მამა გიორგი შატბერდში დაბინავდა და იქ შეიმუშავა ახალი კანონმდებლობა.

პარეხი იმთავითვე ცნობილი ლიტერატურული ცენტრი ყოფილა, მაგრამ ჟამთა სიაყისაგან გაპარტახებულა და მხოლოდ გადმოცემით ვიცით, რომ აქაურ მამებს აღუწერიათ მონასტრის დამაარსებლის მიქელ პარეხელის ცხოვრება (რომელიც დაკარგულა), ხოლო

ილარიონ პარეხელი (მე-9 – მე-10 ს.) ისეთი სახელგანთქმული მწერალი ყოფილა, რომ, გიორგი მერჩულის აზრით, სწორედ მას ხელეწიფებოდა გრიგოლ ხანძთელის ცხოვრების აღწერა.

ბერთა. აქ იყო დაცული ბეშქენ ოპიზარის ნახელავი, ოქროჭედური ოთხთავი, რომელიც იოანე ოპიზელს უბოძებია მონასტრისათვის. სხვათა შორის, ეს არის ბეშქენ ოპიზარის ჩვენამდე მოღწეული ერთადერთი ნამუშევარი; ბერთაშივე იყო დაცული მეათე საუკუნის ბოლოს გადაწერილი ოთხთავი, რომელიც 1830 წელს ყარსიდან წაუღიათ ამერიკელ მისიონერებს; მიქელ (ზეპეკე) ბერთელს (X ს.) ეკუთვნის პავლენზე გაკეთებული მინაწერი იამბიკოდ: „მე, მიქელ მღვდელმან, ზეპეკე ბერმან, ქუაბისა შვილმან, ბერთას აღზრდილმან, ესე წმიდაჲ პავლე მოვიგე“.

წყაროსთავი. ამ მონასტერში იყო დაცული ბექა ოპიზარის მიერ მოჭედილი სახარება (1195); აქ მოღვაწეობდა ცნობილი ეფთვიმი გრძელი, რომელმაც სარწმუნოებრივ პაექრობაში დაამარცხა სომეხთა ერთ-ერთი საეკლესიო მოძღვარი სოსთენი (იხ. თხზულება „სიტყვის-გება ბერისა ეფთვიმი გრძელისა სოსთენი სომეხთა მოძღვრისა მიმართ“, რომელიც პირველად მ. საბინინმა დაბეჭდა „საქართველოს სამოთხეში“).

ანჩა. თამარ მეფის ბრძანებით, სახელგანთქმულმა ჰიმნოგრაფმა იოანე ანჩელმა ბექა ოპიზარს მოაჭედებინა ანჩის ცნობილი ხატი, რომელსაც თვითონვე უძღვნა „გალობანი ანჩის ხატისანი“.

არანაკლებ საინტერესოა ტაოს მხარეში მდებარე სავანეთა ლიტერატურული ისტორია. რა თქმა უნდა, აქაც იგივე ცხოვრებაა, აქაური წმიდა მამებიც იმავე მიზნებისთვის იღვწიან, იმავე საქმეს ემსახურებიან, რასაც კლარჯელი მოღვაწენი.

ომკი. გრიგოლ ოშკელი გრიგოლ ღვთისმეტყველის თხზულებებს თარგმნის და ამ თარგმანებს იყენებს თავის სამეცნიერო შრომებში ეფრემ მცირე; სტეფანე დეკანოზი 977 წელს ამთავრებს ცნობილი წიგნის „სამოთხის“ გადაწერას, რომელშიც შედის იოანე ოქროპირის, ეფრემ ასურისა და სხვათა სწავლანი. წიგნის დამკვეთები არიან ათონელი მოღ-

ვაწეები იოანე თორნიკე-ყოფილი და იოანე ვარაზაჩე; ერთი წლის შემდეგ სრულდება ოშკის ბიბლიის გადაწერა (სხვათა შორის, ეს არის უძველესი თარიღიანი ქართული ბიბლია); დაახლოებით ამავე ხანებში გადაწერი იოანე ჩირა აშხადებს ორ წიგნს. – იოანე ოქროპირის ცხოვრებას და კოზმანის „აღმოყვანებისათვის ნაწილთა წმიდისა იოვანე ოქროპირისათა“.

შემთხვევით არ არის, რომ ყველა ეს ხელნაწერი ათონზე გაიგზავნა. ქართული მწიგნობრობა ტაო-კლარჯეთის გავლით მსოფლიო ლიტერატურულ გარემოს უკავშირდება. ტრადიციული კავშირების დამყარება საზღვარგარეთის ქართულ ცენტრებთან – აი, ტაო-კლარჯეთის კულტურული არეალის ერთ-ერთი მნიშვნელოვანი მიღწევა. ოშკელი მოღვაწე უნდა ყოფილიყო მიქაელ მოღრეკილი, პოეტი-ჰიმნოგრაფი, ავტორი ქართული პოეზიის ანთოლოგიისა (978–988 წწ), რომელშიც შედის იოანე მტბეგარის, იოანე მინჩხის, ეზრას, კურდანასა და სხვა დიდებულ პოეტთა ჰიმნები.

იშხანი. საბა იშხნელმა თარგმნა იპოლიტე რომაელის თხზულების „დავითისათვის და გოლიათისათვის“ ერთი ეპიზოდი, რომელსაც გიორგი მერჩულე იყენებს თავის თხზულებაში; ილარიონ იშხნელის დაკვეთით არის გადაწერილი ასკეტური ხასიათის თხზულება (რომელიც ნიქოზის ეკლესიაში აღმოაჩინეს) და ეგრეთ წოდებული მესტიის სახარება (1033 წ.). იშხანში არის გადაწერილი 1233 წლის ძვირფასი ხელნაწერი, რომელშიც შესულია აბუსერისძე ტბელისა და სხვა ქართველ მოღვაწეთა შრომები.

ხახული. ხახულის ლიტერატურულ სკოლაში აღიზარდა გიორგი მთაწმიდელი. იოანე ხახულელმა (X-XI სკ.) გადაწერა ორი ხელნაწერი: თებერვლის თვენი და კირილე ალექსანდრიელის სწავლანი;

პარხალი. მე-11 საუკუნის მოღვაწემ გაბრიელ პატარაიმ გადაწერა ოთხთავი, წმიდა მამათა საკითხავები და ცნობილი მრავალთავი. ამ კრებულში შედის ისეთი თხზულებები, როგორებიცაა იოანე ოქროპირის, გრიგოლ ნოსელის და იოანე ბოლნელის სწავლებანი, იაკობ ხუცესის „მუშანიკის წამება“ და იოანე საბანისძის „აბოს წამება“.

ბანა. მწიგნობარი და სახელმწიფო მოღვაწე ზაქარია ბანელი კონსტანტინოპოლში დასახლდა და დიდი ღვაწლი დასდო ბიზანტიურ-ქართულ ლიტერატურულ ურთიერთობებს. ბანაშია დამზადებული წიგნი – საბაწმიდის ტიპიკონი.

სწორედ ტაო-კლარჯეთის სალიტერატურო ცხოვრების ისტორიის მიმოხილვისას წერდა პავლე ინგოროყვა: „ჩვენ ვხედავთ და ვრწმუნდებით, რომ ძველი ქართული ლიტერატურა არის მაღალი რანგის ლიტერატურა, რომელიც, ამავე ხანის ბერძნულ-ბიზანტიურ ლიტერატურასთან ერთად, დგას საშუალო საუკუნეების ევროპული მსოფლიოს ლიტერატურათა რიგში“. (პ. ინგოროყვა, გიორგი მერჩულე, გვ. 552).


ტაო-კლარჯეთში არსებული მძიმე ეკონომიკური და პოლიტიკური პირობების მიუხედავად, აქაური მოღვაწენი მაინც ახერხებენ სულიერების აღორძინებას და ინტელექტუალურ-შემოქმედებითი, ტრადიციების დამკვიდრებას.

შემოქმედებითი ენერჯის ბორგვა ვულკანურ ამოფრქვევას იწყებს სულიერი ფასეულობების შესაქმნელად (რ. ბარამიძე, ქართული პროზის საკითხები, 1996. გვ. 92).

რაოდენ გასაოცარიც არ უნდა იყოს, ეს ყველაფერი ერთ პიროვნებას – გრიგოლ ხანძთელს უკავშირდება. საერთოდ, ისტორიას სჩვევია პიროვნების გაიდვალება და იდეალების გაპიროვნება ნიშნულ მოღვაწეებში, მაგრამ ამ შემთხვევაში საქმე გვაქვს მოვლენასთან, როცა პიროვნება ქმნის ისტორიას და არა პირიქით.

„გრიგოლ ხანძთელის ღვაწლით ტაო-კლარჯეთი იქცა სრულიად საქართველოს რელიგიურ და კულტურულ ცენტრად. შემთხვევითი როდია, რომ ეს მხარე შემდგომ განავითარეს დიდმა ათონელებმა, რომელთაც „განანათლეს ენა და ქუეყანა ქართველთა“ (რ. სირაძე, ქართული აგიოგრაფია, 987 წ. გვ.141).

იშანი ამირხანაშვილი



იშანი
მცირე ეკლესიის სამრეკლოს
მორთულობა



ნახული. საკურთხევის მონასტულობა



ოშკი. მონასტულობის ფრაგმენტი

ტაო-კლარჯეთის მხატვრობა

შუა საუკუნეებში სამხრეთ-დასავლეთ საქართველოს, კერძოდ, ტაო-კლარჯეთის მხარეში, განსაკუთრებით IX-XIII საუკუნეებში, წმიდა გრიგოლ ხანძთელისა და მისი მოწაფეების მიერ დაწვებულმა არნახული მასშტაბის სამონასტრო მშენებლობამ და სავანეების დაარსებამ ხელოვნების ყველა დარგის აყვავება გამოიწვია. ეკლესია-მონასტრების ხუროთმოძღვრებასა და ქანდაკებასთან ერთად აქტიურად ვითარდება მხატვრობაც.

X-XIII ს-ში ტაო-კლარჯეთში შეიქმნა და განვითარდა ფერწერული სკოლა, რომელიც, თუმცა კი იზიარებს ზოგადად შუა საუკუნეების ქართული მხატვრობისთვის დამახასიათებელ ნიშნებს, მაინც მკაფიოდ გამოხატული თავისებური სახით გამოირჩევა.

მისი თავისებურება ბევრწილად განაპირობა ამ რეგიონის სიახლოვემ ბიზანტიასთან, როგორც ტერიტორიულად, ასევე პოლიტიკურად. სწორედ ამ პერიოდში სამხრეთ-დასავლეთ საქართველოს ეს რეგიონი ფაქტობრივად ქვეყნის პოლიტიკური ცენტრი ხდება, რომლიდანაც ბაგრატიონთა საგვარეულოს თაოსნობით მოდის ქართული სახელმწიფოს გაერთიანების მძლავრი ტენდენცია. ეს მხარე კულტურული თვალსაზრისითაც წამყვანი გახდა X-XI სს-ში და ბევრწილად განაპირობა საქართველოს სხვა რეგიონების ხელოვნების განვითარება; უდიდესი გავლენა იქონია როგორც ხუროთმოძღვრების, ასევე მხატვრობის ფორმებსა და სტილზე. ტაო-კლარჯეთის კედლის მხატვრობის ნიმუშები ამჟამად საკმაოდ ფრაგმენტული სახით არის შემორჩენილი, მაგრამ ეს მცირედი ნაშთებიც კი გვარწმუნებს ამ ფერწერული სკოლის უაღრესად მაღალ მხატვრულ დონეში.

ტაო-კლარჯეთის ფერწერული სკოლის ჩამოყალიბება-განვითარება X-XIII საუკუნეებს მოიცავს. იგი ჩვენს დრომდე მოღწეული რამდენიმე მნიშვნელოვანი ძეგლით არის წარმოდგენილი. სამწუხაროდ, ქართველ მეცნიერთათვის ეს რეგიონი დიდი ხნის მანძილზე მიუწვდომელი იყო. ექვთიმე თაყაიშვილის 1917 წლის ექსპედიციის შემდეგ იქ მხოლოდ XX ს-ის 90-იან წლებში ჩატარდა რამდენიმე

ძალზე მნიშვნელოვანი კვლევითი ექსპედიცია, რომელიც ქართული ხელოვნების ისტორიის ინსტიტუტმა მოაწყო.

ტაო-კლარჯეთის მხატვრობის შესწავლაში განსაკუთრებით უნდა გამოიყოს ექვ. თაყაიშვილის ექსპედიციის მასალები და მისი დასკვნები, ფრანგი მეცნიერის ნ. ტიერის გამოკვლევები, განსაკუთრებით კი ე. პრივალოვას სტატიები და მისივე, სამწუხაროდ, ჯერჯერობით, მხოლოდ ხელნაწერის სახით არსებული ვრცელი გამოკვლევა. გარდა ამისა, ამ მხატვრობის შესწავლაში თავისი წვლილი შეიტანეს თ. ვირსალაძემ, შ. ამირანაშვილმა, ე. ჯობაძემ, ნ. ალექსიძემ, ზ. სხირტლაძემ და სხვა ქართველმა მეცნიერებმა.

ტაო-კლარჯეთის ტაძართა მოხატულობების უმეტესობამ ჩვენს დრომდე საკმაოდ ნაკლები სახით მოაღწია და დღეს მათ შესახებ უფრო სრული წარმოდგენის შექმნისათვის ძველი აღწერებისა და ჩვენი უცხოელი კოლეგების მონაცემების გამოყენება გვიხდება.

როგორც თვით ტაძრები, ასევე მათი შემამკობელი მოხატულობები ამჟამად საკმაოდ დაზიანებულია, მათ არ ჩატარებიათ რესტავრაცია, შემორჩენილი გამოსახულებებიც ძალიან ნაკლებია, თუნდაც 1917 წლის ექსპედიციის მონაცემებთან შედარებით.

მეცნიერთა შორის არსებობს აზრთა სხვადასხვაობა ზოგი ფერწერული ანსამბლის დათარიღების თაობაზე. დასაზუსტებელია ცალკეულ გამოსახულებათა იდენტიფიკაცია, რაც ხანგრძლივ და სისტემურ კვლევით მუშაობას მოითხოვს ხარაჩოებისა და ხელოვნური განათების გამოყენებით. გარდა ამისა, ჩასატარებელია სათანადო ტექნიკური კვლევა. მაგრამ მიუხედავად ამ „ნაკლული“ სახისა, ტაო-კლარჯეთის ფერწერული ანსამბლები დღესაც ანცვიფრებს მნახველს დიდებულებითა და სრულყოფილებით და ტაო-კლარჯელი ოსტატების ძალიან მაღალი დონის შემოქმედებით მოღვაწეობას მოწმობს.

საქართველოს ამ უძველესი რეგიონის ტრადიციული ისტორია მრავალი ძეგლის განადგურების მიზეზი გახდა და ამჟამად ჩვენ მხოლოდ მცირე ნაწილია შემოგვრჩა იმ მოხატულობე-

ბისა, რომლებიც ერთ დროს ტაო-კლარჯეთის დიდებულ ეკლესიებს ამკობდა.

დღესდღეობით მონატულობები შემორჩენილია ოთხთა ეკლესიაში (X ს-ის მიწურული), ხახულში (XI ს-ის მიჯნა), ოშკში (X-XI სს.), იშხანში (XI-XII სს.), ტბეთში (XI ს.), ვაჩეძორში (XIII ს.), დოლისყანაში (XI-XII; XIII სს.), ოპიზაში (XII-XIII სს.), პარხალში (X ს-ის მიწურული). ტაო-კლარჯულ ფერწერულ სკოლას მიაკუთვნებენ კუმურდოსა და მანგლისის ტაძართა (XI ს-ის დასაწყისი) კედლის მხატვრობის ფრაგმენტებსაც. ამ რეგიონს გარკვეულად უკავშირდება სამცხის ხელოვნებაც, თუმცა საფარის, ზარზმის, ჭულეს ამჟამად არსებული მონატულობები უფრო გვიანი, XIV ს-ის ხანისაა და მხატვრული თვალსაზრისით ტაო-კლარჯული ფერწერული სკოლისადმი მათი მიკუთვნება ან დაკავშირება ძნელია. იგივე ვარძიის გამოქვაბული ეკლესიის XII ს-ის მონატულობა საქართველოს ცენტრალური რეგიონების სამეფისკარო მხატვრობას უფრო უკავშირდება.

ტაო-კლარჯეთის მონატულობებს, რაგინდ განსხვავებულ ოსტატთა ხელწერას უნდა ავლენდნენ, ძალიან ბევრი საერთო ნიშანი აქვთ. პირველ რიგში ყურადღებას იქცევს, რა თქმა უნდა, საკურთხევისა და გუმბათის მონატულობათა პროგრამის მსგავსი ლაიტმოტივები: მაცხოვარი – თეოფანიური დიდება – ზეციურ ძალთა გარემოცვაში გამოსახული, აღსაყდრებული, დიდებით მოსილი უფალი ძალთა (ოთხთა ეკლესია, ხახული, ოშკი, იშხანი, ტბეთი); დოლისყანასა და ოპიზის გუმბათში ბიზანტიური ტრადიციის შესაბამისად, „მაცხოვრის ამაღლება“. საკურთხევის ქვედა რეგისტრებში – მოციქულთა და ეკლესიის მამების ფიგურათა რიგები, ღმრთისმშობლის აუცილებელი ფიგურით ცენტრში ან ანგელოზებს შორის („ამაღლების“ მინიშნება), ან წმიდა იოანე ნათლისმცემლის ფიგურით მის გვერდით („ვედრების“ მინიშნება).

გუმბათების პროგრამაში, ბიზანტიისგან განსხვავებით, უმეტეს ტაძრებში ჯვრის გამოცხადების თემა იყო წამყვანი. ზოგან „ჯვარი ძლევისა“ (ხახული), ზოგან „ჯვრის ამაღლება“ (იშხანი). გარდა ამისა, ტაო-კლარჯეთის ფერწერული სკოლისათვის დამახასიათებელ საგანგებო ნიშნად გვევლინება გუმბათის მონა-

ტულობის კომპოზიციაში ძველი ალთქმისეული თეოფანიური მოტივების ჩართვა („ზაქარიას ხილვა“ იშხანში, „ელიას ამაღლება“ ხახულში), ასტრალური პერსონიფიკაციები (მზისა და მთვარის გამოსახულებები ხახულსა და იშხანში), რომელთა გამოძახილს მანგლისის გუმბათშიც ვხვდებით. გუმბათის ყელში, სარკმლებს შორის, როგორც წესი, წინასწარმეტყველთა ფიგურებია, უმეტესად გაშლილი გრაგნილებით ხელში. იშხანში მათ მთავარანგელოზთა და მოწამეთა ნახევარფიგურები ემატება.

გუმბათში ჯვრის დიდების თემის გამოსახვას ესოდენი ერთგულებით იერუსალიმური ტრადიციის მიმდევრობით ხსნიან ხოლმე, თუმცა, ამასთან ერთად, როგორც ეს ა. ოქროპირიძემ დაასაბუთა, თვით ქართული რეალობა, ქრისტიანობის საქართველოში დაფუძნება-გავრცელების ისტორია არის ამის კიდევ ერთი (შესაძლოა, მთავარი) ბიძგი, კერძოდ, „მოქცევაჲ ქართლისაჲში“ მოთხრობილი ძლევის ჯვარის გამოჩინება ცის კაბადონზე მცხეთის თავზე. გასაკვირი არ არის, რომ სახელმწიფოებრივი ერთიანობისაკენ, ბიზანტიისგან პოლიტიკურად და ეკლესიურ-ადმინისტრაციულად დამოუკიდებლობისკენ მსწრაფ ქართველობას, მეფეებსა და საეკლესიო მოღვაწეებს, სწორედ თავისი ქვეყნის, თავისი ეკლესიის ისტორიაში დადასტურებული სასწაულების ასახვა თუ მინიშნება სურდათ.

იშვიათ იკონოგრაფიულ სახეს წარმოადგენს „სიონის“ პერსონიფიკაცია ოთხთა ეკლესიის საკურთხევის სარკმლის თაღში და მასთან მოსესა და მელქისედეკის ფიგურების დაკავშირება. სავარაუდოდ, ასევე სიონის პერსონიფიკაციას წარმოადგენს იშხნის ტაძრის სარკმელში გამოსახული გვირგვინოსანი ქალი ეკლესიის მოდელით ხელში.

ისევე, როგორც ტაო-კლარჯული ტაძრების შემამკობელ ქვის რელიეფებზე, კედლის მხატვრობაშიც გარკვეული ადგილი ეთმობოდა საერო პირთა – ტაძართა აღმშენებლებისა და ქტიტორების გამოსახულებებს. ამჟამად საკმაოდ ცოტა შემორჩა – მაგალითად, ჯოჯიკ პატრიკიოსი ოშკში, დედოფალი ნანა იშხანში: ექვთიმე თაყაიშვილის დროს ჯერ კიდევ გაიჩნეოდა ბაგრატიონთა პორტრეტები იშხნის დასავლეთ მკლავში: ადარნასე კურაპალატი,

ძე ბაგრატ მაგისტროსისა, ბაგრატ მაგისტროსი, ქართველთა მეფე, ბაგრატ ერისთავთ ერისთავი, ძე ადარნასე კურაპალატისა. შესაძლოა, დავით კურაპალატიც იყო გამოსახული.

საგანგებოდ უნდა აღინიშნოს ოშკის ტაძრის სამხრეთ მკლავში შემონახული ფრაგმენტი ისტორიული შინაარსის სცენისა, რომელიც ბანას ტაძრის გამოსახულების ფონზე იშლება (ტაძრის სახელი წარწერაში არის მითითებული). საგარაუდოდ აქ ბაგრატ IV-ის და ბიზანტიელი უფლისწულის, ელენეს ქორწილი არის გამოსახული.

უმეტეს ტაძრებში კედელ-კამარებზე გამოსახული იყო საუფლო დღესასწაულთა გამოსახულებები და ახალი აღთქმის სხვა სიუჟეტები, ისეთი იშვიათი გამოსახულებების ჩათვლით, როგორცაა, მაგალითად, იშხანში „გვიპტედ ლტოლვა“, „მოციქულებისადმი მაცხოვრის აღდგომის ხარება“ და სხვა. ოთხთა ეკლესიაში ქრისტოლოგიური ციკლის სცენები თვით საკურთხეველში არის გამოსახული. ვაჩეძორის ეკლესიის გვერტში წმიდა გიორგის ცხოვრების სცენები იყო გამოსახული. დოლისყანაში „განკითხვის დღის“ ფრაგმენტებია შემონახული.

ტაო-კლარჯეთის ფერწერული სკოლა გამორჩეულია არა მხოლოდ მოხატულობათა თეოლოგიური პროგრამების თავისებურებით, არამედ მათი მხატვრული გადაწყვეტის განსაკუთრებული მაღალი დონით. გრანდიოზულობა და დიდებულება, რაც ესოდენი ძალით აისახა საქართველოს ამ მხარის ხუროთმოძღვრებაში, ასევე კედლის მხატვრობის ერთი გამორჩეული ნიშანია. დღევანდელი შელახულ-ფრაგმენტირებული სახითაც კი, ტაო-კლარჯეთის მოხატულობანი სწორედ ამ განცდას ბადებენ. მოხატულობებს პლასტიკური, დენადი ნახატი და დახვეწილი, მდიდარი ფერადოვნება ახასიათებთ, რომელშიც ჭარბობს ლურჯი, მწვანე, ოქროსფერი, წითელი და თეთრი ფერები. ასევე დამახასიათებელი ნიშანია ფიგურათა დაგრძელებული პროპორციები, ფორმათა სინატიფე, სამოსლის ნაკვეთების ნახატის ხშირი ხაზების გრაფიკული დახვეწილობა; პოზების წარდგენითობა, დიდებულება.

კიდევ ერთ განსაკუთრებულ ნიშნად უნდა დასახელებდეს ორნამენტული მოტივების ხასი-

ათი და მათი ადგილი მოხატულობის საერთო ანსამბლში. განსაკუთრებული ძალით ელნის-ტური ტრადიციები სწორედ ამ ელემენტებში გამოვლინდა: სიუხვის რქის მრავალრიცხოვანი ვარიაციები, საქართველოში არნახული მრავალფეროვნებითა და მოტივების სიუხვით, თანაც დიდ სიბრტყეებზე მოცემული, ძნელად თუ რამეს შედარდება (ოთხთა ეკლესია, ხახული, იშხანი).

ტაო-კლარჯულ ფერწერაში არის შესამება თითქოს შეუხამებელი მოვლენებისა – მოცულობითობა და ხაზობრიობა; ორნამენტაციის სიუხვე, ცხოველხატულობა, ფერწერულობა, „მარღვიანობა“ და ფიგურათა ნახატის სიმკაცრე, სწორხაზოვნება, სისადავე.

თითქმის უკლებლივ ყველა მოხატულობაში ქართული წარწერებია, თანაც ეტყობა, რომ ტექსტები ქართულენოვანი ნაწარმოებებიდანაა ამოწერილი.

ზოგჯერ ცდილობენ პირდაპირი გავლენები მოიძიონ მცირეაზიულ, ბიზანტიურ, სომხურ ნიმუშებთან. მაგრამ, როგორც ირკვევა, მხოლოდ ცალკეული ელემენტების მსგავსებაზე თუ შეიძლება ლაპარაკი, კონკეტუალურად კი ამ ფერწერული ანსამბლების შედარება ძნელად თუ რამესთან შეიძლება. გაუმართლებელია ამ ნაწარმოებების დაკავშირება, მაგ., სომხურ ხელოვნებასთან, ან, მით უმეტეს, მისდამი მიკუთვნება. ცალკეული მსგავსებები, მაგ., ახტამარისა თუ კირანცის მოხატულობებთან ანდა სომხურ ხელნაწერთა დასურათებასთან, უფრო საერთო ნიმუშების გამოყენების შედეგია და საერთოდ, აღმოსავლურ-ქრისტიანული ხელოვნების განვითარების საერთო ტენდენციების ამსახველი. ის კი არა, პარალელურად ყველაზე ხშირად მოტანილი ტოკალის ახალი ეკლესიის კაბადოკიური მოხატულობა ძალიან შორეულ მსგავსებას ავლენს. ცალკეული მოტივების გარდა, სუფთა სახით ვერც ბიზანტიურ მხატვრობაში გამეფებულ „მაკედონურ რენესანსს“ ვპოულობთ აქ. ისე კი, სრულიად ბუნებრივია, რომ სამხრეთ-დასავლეთ საქართველოს ხელოვნება მჭიდრო კავშირში ვითარდებოდა იქვე ახლოს არსებულ სომხეთის, ბიზანტიის, კაბადოკიის ხელოვნებასთან და ადვილად იღებდა და სარგებლობდა ცალკეული ელემენტებით, მოტივებით. თანაც მხატვრული გავლენა უთუოდ

ორმხრივი იქნებოდა. ის, რასაც ჩვენ ეროვნულ ნიშნებს ვუწოდებთ ხელოვნებაში, სიტყვიერი დახასიათებისათვის მოუხელოებელ მხატვრულ გემოვნებაში ვლინდება, რომელიც მხატვრისათვისაც მხოლოდ ქვეცნობიერის დონეზე არსებობს.

გაცილებით მეტი საერთო მოეძებნება ტაო-კლარჯეთის ფერწერულ ანსამბლებს საქართველოს სხვა რეგიონების მხატვრობასთან. თუმცა ეს გრანდიოზული მასშტაბი, ეს გაქანება, ეს წარმოდგენელი დიდებულება აქაც არ არის. მაგრამ როგორ ჰგავს ოშკის სამხრეთ აფსიდის მოხატულობა სვანეთში მეფის მხატვარ თევდორეს შემოქმედებას, ანდა იმავე ოშკის პასტოფორიუმის უფლის დიდების კომპოზიცია გარეჯის საბერებების ერთ-ერთ მოხატულობას; ანდა ტბეთის საკურთხეველის პროგრამა სვანეთისავე საკურთხეველის პროგრამებს; დოლისყანის მოციქულთა რიგი — ატენისას. თუმცა, X ს-ისა და XI ს-ის დასაწყისის სხვა ქართული რეგიონების მხატვრობაში ვერ ვნახავთ ისეთ პლასტიკურობას, ხაზთა სიუხვეს, სინატიფეს, კოლორიტის სიმდიდრეს, რაც, მაგალითად, იშხანშია.

ტაო-კლარჯეთის მხატვრობის განვითარებაში აისახა იგივე ძირითადი ტენდენცია, რაც ქართული ქანდაკების განვითარებაშია გამოვლენილი: X ს-ში ბლოკისებრი ფორმები და პლასტიკური, სწორხაზოვანი ნახატი შემდგომ, XI ს-ის დასაწყისისთვის იცვლება მეტი პლასტიკურობით, მოქნილი, დენადი ხაზებით, რბილი მოდელირებით, სიმსუბუქითა და სინატიფით, რაც, თავისთავად, ქართული ხელოვნების ერთიანობასა და ჰომოგენურობას მოწმობს.

ტაო-კლარჯეთის ფერწერულ სკოლაზე საუბრისას არ შეიძლება საგანგებოდ არ აღინიშნოს ხელნაწერთა დასურათების ხელოვნება. საქართველოს ამ რეგიონის სულიერი ცხოვრების მაღალ დონეს აქაური მონასტრების ლიტერატურულ-მთარგმნელობითი მოღვაწეობაც მოწმობს. სწორედ ტაო-კლარჯეთის სამონასტრო სკრიპტორიუმებში გადაიწერა, ითარგმნა და შეიქმნა შუა საუკუნეების ქართული სასულიერო ლიტერატურის უმნიშვნელოვანესი ნაწარმოებები, მათ შორის, დასურათებულიც. უნდა ითქვას, რომ ხელნაწერი წიგნი, მაშინაც კი, როცა ფიგურა-

ტიულ გამოსახულებებს არ შეიცავს, თავად წარმოადგენს მხატვრულ მთლიანობას, რომელსაც განსაზღვრავს ტექსტის წერის მანერა, ასოების ფორმა, ტექსტის განლაგება ფურცელზე, მელნის ფერი, საზედაო ასოების თავსართების გაფორმება, ტექსტში ჩართული, სხვა ფერით — სინგურით — გამოყოფილი ადგილები და სხვა. ამ მხრივ ტაო-კლარჯეთის სკოლა მართლაც გამორჩეულია, დახვეწილი, მაღალი გემოვნების მაჩვენებელი.

მაგრამ შუა საუკუნეების ქართული მხატვრობის ისტორიისათვის განსაკუთრებით საყურადღებოა ფიგურატიული მინიატურებით შემკული ხელნაწერები. შუა საუკუნეების ქართული ხელნაწერი წიგნის დასურათების საუკეთესო ნიმუშთა დიდი ნაწილი სწორედ ტაო-კლარჯეთის სამონასტრო სკრიპტორიუმებშია შექმნილი. საკმარისია დავასახელოთ, თუნდაც, ადიშის ოთხთავი (897 წ.), ჯრუჭის I ოთხთავი (940 წ.), მესტიის ოთხთავი (1030 წ.), ბერთას ოთხთავი (988 წ.), წყაროსთავის ოთხთავი (X-XI სს-ის მიჯნა) და სხვა. ეს ხელნაწერები გამოირჩევა როგორც მინიატურების შესრულების მაღალი დონით, ასევე ტექსტის დამწერლობის კალიგრაფიული დახვეწილობით.

ტაო-კლარჯეთის მონასტრებში შექმნილი ხელნაწერების მხატვრული გაფორმება ფაქტობრივად საფუძველს უქმნის შუა საუკუნეების ქართული ხელნაწერი წიგნის გაფორმების ძირითად პრინციპებს. სწორედ აქ შექმნილ ხელნაწერებში ვხვდებით პირველად „კანონთა“ (კამარათა) ნიმუშებს, საგანგებოდ შემკულ საზედაო ასოებს, ოლეებზე გამოტანილ გამოსახულებებს, ტექსტის სხვადასხვა ნაწილებს შორის ჩართულ თავსართებს. ეს ხელნაწერები თვით ტექსტის, შრიფტის მხატვრული გააზრების ძალიან მაღალი დონითა და დახვეწილი გემოვნებით გამოირჩევა და საფუძველს უქმნის შემდგომ განვითარებას XII-XIII ს-ში. ისევე, როგორც კედლის მხატვრობაში, აქაც მკაფიოდ ჩანს ტენდენცია მონუმენტური გადაწყვეტისაკენ, დიდებულებისა და ზეიმურობისკენ, რაც, ამავე დროს, დახვეწილობასა და სინატიფესთან არის შერწყმული.

უდავოა, რომ ტაო-კლარჯეთის მონასტრებში სკრიპტორიუმებთან ერთად ხატწერის სახელოსნოებიც არსებობდა. ქართული ჭე-

დური ხელოვნების მრავალი ნიმუშის წარმომავლობა სწორედ ამ რეგიონს უკავშირდება, მაგრამ სამწუხაროდ, ჩვენს დრომდე შემორჩენილი ქართული ფერწერული ხატებიდან არც ერთის შესახებ არ გაგვაჩნია დადასტურებული ცნობები მათი ტაო-კლარჯული წარმომავლობის შესახებ.

ტაო-კლარჯეთის ფერწერული სკოლის ბრწყინვალე ნაწარმოებები ჯერ კიდევ ბევრ კითხვას აყენებს მკვლევართა წინაშე. ჩვენი ერის სულიერი კულტურის ეს შესანიშნავი ნიმუშები სათანადო კონსერვაცია-რესტავ-

რაციას და მოვლა-პატრონობას ითხოვენ. აუცილებელია მათი მაღალ აკადემიურ დონეზე გამოცემა სხვადასხვა ენაზე, შესაბამისი გრაფიკული და ფოტომასალის თანხლებით, რათა დამსახურებული ადგილი დაიკავონ მსოფლიო კულტურის ისტორიაში და თანაც მკაფიოდ და აუცილებლად დადგინდეს მათი განუყოფელი ერთობა შუასაუკუნეების ქართული მხატვრობის მდიდარ მემკვიდრეობასთან.

მარიამ დიდბულიძე
ხელოვნებისმცოდნე



ოშკი. წმიდა ნინოს რელიეფი
(ესტამპაჟი)



ოშკი. წმიდა თეკლეს
გამოსახულება სამხრეთის
მკლავის მეორე სარკმელში
(ფრესკა)

პატრიარქის ტიტული X ს-ის პარხლის წარწერაში

ძველი ქართული მონასტერი პარხალი მდებარეობს ისტორიულ ტაოში (ამჟამად თურქეთში), მდ. პარხლისწყლის ხეობაში, რომელიც თანამედროვე თურქულ ქალაქ იუსეფელისთან მდ. ჭოროხს უერთდება და მისი მეშვეობით შავ ზღვაში ჩაედინება. დღეს სოფელს, სადაც პარხლის მონასტერია, ალთიფარმაქი ეწოდება. ძველი მონასტრიდან შემორჩენილია მთავარი ტაძარი – დიდი ზომის (28,4X18,3 მ) სამნავიანი ბაზილიკა, რომელიც კარგადაა დაცული და მასში ამჟამად მენეთია მოწყობილი. პარხლის ტაძრის აგების დრო ხელოვნებათმცოდნეთა მიერ 961-973 წწ. განსაზღვრული. იგი ოთხთა ეკლესიასთან ერთად, X ს-ის ქართული სამნავიანი ბაზილიკების ჯგუფს განეკუთვნება და ერთ-ერთი ბრწყინვალე ქართული ხუროთმოძღვრული ძეგლია.

პარხლის მონასტერი ძველი ქართული კულტურის მნიშვნელოვანი კერა იყო. მასთან დაკავშირებულია ან აქ გადაიწერა მრავალი ხელნაწერი, რომელთაგან სამი განსაკუთრებით აღსანიშნავია: პარხლის I ოთხთავი, გადაწერილი 973 წელს (ხელნაწერთა ინსტიტუტი, A-1453), პარხლის მრავალთავი X-XI სს. მიჯნისა (იქვე, A-95) და პარხლის II ოთხთავი X-XI სს-ისა (იქვე, S-4927).

გარდა აქ დასახელებული უმნიშვნელოვანესი ძველი ქართული ხელნაწერი წიგნებისა, საკუთრივ პარხლის ტაძართან დაკავშირებულია ასევე მეტად მნიშვნელოვანი ძველი ქართული წარწერები, როგორც ქვაზე ამოკვეთილები ან რელიეფურად გამოყვანილები, ისე კედლებზე საღებავით მიწერილები, რომელთაგან, ექვ. თაყაიშვილის აღნიშვნით, დროთა განმავლობაში ბევრი დაიკარგა, მაგრამ ბევრმა ჩვენ დრომდეც მოაღწია. მათ შორის ერთი უმნიშვნელოვანესთაგანია ტაძრის სამხრეთ ფასადის შუა ნაწილზე, წითელი საღებავით, მსხვილი ფუნჯით მიწერილი წარწერები, რომლებიც, მიუხედავად მათი მეტად მაღლა მდებარეობისა, ქვემოდაც თავისუფლად იკითხება. წარწერები შესრულებულია სწორი, ვერ-

ტიკალური ნუსხა-ხუცური დამწერლობით, რომელშიც მხედრულისაკენ გარდამავალი მოხაზულობის ასოებია შესული (ანი, ზოგან თანი და სხვა).

დროთა განმავლობაში წარწერები გადარეცხილა ან საღებავი მზისგან გახუნებულა, მაგრამ ერთი ვრცელი წარწერა, ჩაწერილი ფასადის კამარნარის მე-6 და მე-7 თაღებს შორის, მთლიანად შემორჩენილია და თავისუფლად იკითხება.


წარწერის ტექსტი ასეთია:

„† სახ(ელი)თა დ(მრთ)ის(ა)თა, მე(ო)ხებითა წ(მიდ)ისა დ(მრთი)სმშობელისათა, წ(მიდ)ისა იოვ(ან)ე ნათლ(ა)სმცემელისათა, ად(ი)დ(ე)ნ დ(მერთ)მან, ქ(რისტ)ეს მიერ ქ(ართლისა) და ყ(ოვ)ლისა აღმ(ო)სავლ(ე)თისა პ(ა)ტრ(ი)აქსა იოვანეს პარხალს ეკლ(ე)სი(ა)სა ზ(ედ)ა ჩად(უ)დარ(ა)დ კ(უ)რ(აბალა)ტისა აქმენა, აღარავ(ი)ს ეკ(აზ)მა და მ(ა)ნ შეკ(ა)ზმა, ჰვი(ან)-მცა დ(იდე)ბ(ა)დ მისი უკ(უნისამდ)ე. წ(ინამძღვრის)ა გ(იორგ)ი დ(ა)დ(უ)ელისა ს(ულს)ა შ(ე)ვწ(ი)ენ დ(მერთ)მან, ამენ, ა(მ)ენ. ი(ოვ)ანე წ(ი)ნ(ა)მძღ(უ)არი (sic)“.

როგორც ვხედავთ წარწერა „ხელმოწერილია“ – მისი შემდგენელი და შესაძლებელია შემსრულებელიც ყოფილა იოანე წინამძღვარი, ცხადია, პარხლის მონასტრისა. ტექსტის ბოლოს იგი ასახელებს კიდევ ერთ წინამძღვარს – გიორგი ღალუელს, რომელიც წარწერის შესრულების დროისათვის გარდაცვლილი ყოფილა, რადგან ტექსტში მისი სულის შეწყალებაზეა აღნიშნული. გიორგი ღალუელი იოვანე წინამძღვრის წინამორბედად უნდა ვიგულისხმოთ, რომლის დროსაც შენდებოდა, ალბათ, ტაძარი კურაპალატის მიერ და „ჩასდუდარა“ უკაზმავე დარჩა, როგორც წარწერაშია აღნიშნული. მართალია, ექვ. თაყაიშვილი გიორგი წინამძღვარს იოვანე წინამძღვრის თანამოღვაწედ მიიჩნევს, რადგან „საქართველოში მონასტრებს ზოგჯერ ორ-ორი წინამძღვარი ჰყავდათ ხოლმე და ორიდან



იშხანი. საერთო ხედი ჩრდილო-დასავლეთიდან



იშხანი. წარწერა წინასწარმეტყველთა გრაგნილზე გუმბათის ყელში

ერთი მთავარ წინამძღვრად ითვლებოდა“-ო, მაგრამ გიორგის გარდაცვლილად მოხსენიება მის იოვანესთან თანამოღვაწეობას გამორიცხავს, ყოველ შემთხვევაში წარწერის შესრულების დროისათვის.

იმთავითვე ყურადღება მიუქცევია ტექსტის მთავარ სიტყვას „ჩასდუღარაჲ“, რომლის შეკაზმვის შესახებაა წარწერაში მოთხრობილი. ექვ. თაყაიშვილს მოჰყავს ნ. მარის განმარტება ამ სიტყვისა, რომელიც მისი გადმოცემით ასეთია: „ჩას-დუღ-არა“ ნიშნავს, ერთსა და იმავე დროს, თაღს, კამარას და შემდეგ კამარათა მთელ ჯგუფს, ე. ი, კამარნარს, ანუ არკატურას“. მართლაც, წარწერის რუსულად გამოცემები ტექსტის ამ ადგილს თარგმნიან, როგორც „верхняя аркатура“-ს. თვითონ სიტყვა მიჩნეულია ჭანურ-მეგრული წარმომავლობისად. ბოლო დროს ეჭვი გამოითქვა ამ სიტყვის ნ. მარისეული ეტიმოლოგიის მართებულობის შესახებ – „ნ. მარის ეტიმოლოგიის გაზიარება შეუძლებელია... ტერმინი ჩასდუღარაჲ ახსნას მოითხოვს“ (კ. დანელია, ზ. სარჯველაძე).

შეიძლება ამ სიტყვის ეტიმოლოგია გაურკვეველია, მაგრამ სემანტიკურად იგი რომ თაღნარს აღნიშნავს, ეს ფაქტობრივი მონაცემებით მტკიცდება – სამხრეთი ფასადის შუა ნაგი თერთმეტი სადა თალითაა დაყოფილი; მათში მოთავსებული იყო სხვადასხვა პირთა წარწერები, რომლებიც ახლდა კედლის გასამშვენებლად მათ მიერ ან მათი ხარჯით შესრულებულ სხვადასხვა გამოსახულებებს: მარაოები, წრეები, მზის დისკო, საწინამძღვრო ჯვარი და სხვა. ამდენად, კედლის კამარნარი მორთულია არა ჩუქურთმებით, როგორც ეს იყო ჩვეულებრივ მიღებული და გავრცელებული და რომელიც ტაძრის მაშენებელ კურაპალატს ვერ შეუსრულებია („არა ეკაზმა“), არამედ პოლიქრომული გაფერადებით, რომელიც ასევე ფართოდაა გავრცელებული ტაოკლარჯეთის X ს-ის ტაძრებში – ოშკში, ოთხთა ეკლესიაში, ხახულში, დოლისყანაში და სხვაგან, ხოლო ამ შემთხვევაში პარხალშიც.

წარწერაში დასახელებულია ორი ისტორიული პირი – კურაპალატი სახელის გარეშე და იოვანე ქართლისა და ყოვლისა აღმოსავლეთისა პატრიარქი. კურაპალატი, რომელიც ტექსტში ტაძრის მაშენებლად დასახელებული

ბული („პარხლის ეკლესიასა ზედა ჩასდუღარაჲ კურაპალატსა აეშენა“), ცნობილი დავით კურაპალატია. მან საფუძველი დაუდო ფეოდალური ხანის საქართველოს პოლიტიკურ გაერთიანებას და იგი ქართული წყაროების ცნობით 1001, ხოლო სომხური წყაროებით 1000 წელს გარდაიცვალა. პარხლის ტაძრის მშენებლობას ადგილი ჰქონია 961–973 წლებში და იგი მთლიანად დავით კურაპალატის სახელთანაა დაკავშირებული. ეს თვალსაზრისი, ექვ. თაყაიშვილიდან მოყოლებული, ყველა მკვლევრის მიერ საყოველთაოდ გაზიარებულია.

რაც შეეხება იოვანე ქართლისა და ყოვლისა აღმოსავლეთისა პატრიარქს, ექვ. თაყაიშვილმა იგი გაცილებით გვიანდელი დროის მოღვაწედ მიიჩნია; ჩათვალა, რომ ეს უნდა იყოს კათალიკოს-პატრიარქი იოვანე VIII (1497–1507) და წარწერაც ამ დროით დაათარიდა. ექვ. თაყაიშვილის საყვარელი დამსახურებული დიდი სამეცნიერო ავტორიტეტის გამო, სხვა თვალსაზრისი არავის გამოუთქვამს წარწერის დათარიღების შესახებ, თუმცა, ყველა გრძნობდა წინააღმდეგობას მის შინაარსსა (ტაძრის აგება X ს-ში დავით კურაპალატის მიერ) და დათარიღებას შორის. პირველად აკად. ვ. ბერიძემ აღნიშნა (1981), რომ, ვფიქრობ, წარწერა უნდა მიეკუთვნოს გაცილებით ადრეულ დროს, ვიდრე XVI ს-სო.

დღეს, როდესაც უკვე სწორი ეპიგრაფიკული ნუსხურით, მხედრული ან მხედრულისკენ მიდრეკილების ასოების შერევით, აგრეთვე, გარდამავალი, ანუ მდივანმწიგნობრული დამწერლობით შესრულებული ათეულობით წარწერაა გამოვლენილი, შესწავლილი, გამოცემული და მტკიცედ დათარიღებული, ეჭვი არაა, რომ პარხლის ტაძრის აქ განხილული წარწერა, პალეოგრაფიული ნიშნების მიხედვით, X ს-ის დასასრულისა და XI ს-ის წერილობითი ძეგლების რიგში დგას, რაშიც პირადად დავრწმუნდი ძეგლის ადგილზე შესწავლისას 2002 წლის 5 ოქტომბერს.

წარწერის შინაარსიდან გამომდინარე, რომლის მიხედვით დავით კურაპალატის მიერ დაწყებული და დამთავრებული ტაძარი სხვას შეუქმნია, რაც პირდაპირ და არაორაზროვნადაა ტექსტში აღნიშნული, იგი X ს-ის დასასრულ-

ლით, დავით კურაპალატის გარდაცვალებამდე დროით (1000, 1001) უნდა დათარიღდეს, რასაც მისი პალეოგრაფიული ნიშნები საკვებით ეთანხმება.

მართლაც, საქართველოს ეკლესიის ისტორიაში დავით კურაპალატის დროს ცნობილია კათალიკოსი იოვანე I ოქროპირი (980–1001), რომელიც უნდა იყოს დასახელებული პარხლის წარწერაში და რომლის შესახებ სხვა წყაროებიცაა ცნობილი. კერძოდ, იგი დასახელებულია შიომღვიმის ხელნაწერში მოთავსებულ კათალიკოსთა მოსახსენებელ ნუსხაში, ასევე კათალიკოს ბასილი III (1090–1100) თხზულებაში „თხრობაჲ სასწაულისათჳს წმიდისა და ღმერთშემოსილისა მამისა შიოჲსი“. ეს იოვანე კათალიკოსი საქართველოს ეკლესიამ შერაცხა წმიდანად, მისი ხსენების დღეა 3/16 მარტი. მაგრამ, რაც განსაკუთრებით მნიშვნელოვანია, პარხლის წარწერაში იოვანე დასახელებულია „ქართლისა და ყოვლისა აღმოსავლეთისა პატრიარქის“ ტიტულით. აღსანიშნავია, რომ წარწერის ტექსტში იგი ორგზისაა დიდებით მოხსენიებული, რაც რამდენადმე უჩვეულოა სასულიერო პირების მიმართ: „ადიდენ ღმერთმან“ და „ჰგიან-მცა დიდება მისი უკუნისამდე“. ვფიქრობ, ეს მისი ისევ და ისევ პატრიარქობით მოხსენიებასთან, „ყოვლისა აღმოსავლეთის პატრიარქის“ ტიტულის ტარებასთან უნდა იყოს დაკავშირებული.

აქამდე მიღებული იყო, რომ საქართველოს ეკლესიის საჭეთმყრობელებმა პატრიარქის ტიტული XI ს-დან მიიღეს და პირველი ასეთი იყო მელქისედეკ I (1010–1033) – მცხეთის სვეტიცხოვლის კათედრალური ტაძრის ამშენებელი და ცნობილი ისტორიული საბუთის, ე.წ. „მცხეთის დაწერილის“ შემდგენელი. ეს საბუთი, როგორც ცნობილია, შეიცავს იმ ხელნაწერების, ხატების, ჯვრების, საეკლესიო სამოსელის, ეკლესიების, მონასტრების, სოფლების და სხვათა სიას, რომელიც მას სვეტიცხოველისათვის მოუპოვებია ან შეუწირავს. მელქისედეკის მიერ პატრიარქის ტიტულის მიღებას მისი ბიზანტიაში ხშირი მოგზაურობით, კონსტანტინოპოლის საიმპერატორო კარზე დიპლომატიური საქმიანობით, ბიზანტიის სამ იმპერატორთან – ბასილი III (976–1025), კონსტანტინე VIII (1025–1028)

და რომანოზ III არგვიროსთან (1028-1034) ახლობლობით ხსნიან; თითქოს, კონსტანტინოპოლში ერთ-ერთი ვიზიტის დროს, აღმოსავლეთის პატრიარქების მიერ მიეღოს თანხმობა პატრიარქის ხარისხში აყვანის შესახებ.

ვფიქრობ, ქვეყნის საეკლესიო საჭეთმყრობელისათვის პატრიარქის უმაღლესი ტიტულის მოპოვებას და მინიჭებას უფრო სერიოზული და მნიშვნელოვანი საფუძველი ჰქონდა და ქვეყნის საერთო პოლიტიკური განვითარებით, მისი პოლიტიკური ხელმძღვანელობის მიერ დასახული მაღალი სახელმწიფოებრივი ინტერესებით იყო განპირობებული. საქართველოს ისტორიაში ასეთი იყო სწორედ დავით კურაპალატის ეპოქა, როდესაც დაისახა ქვეყნის ცალკეული პოლიტიკური ერთეულების ერთ სახელმწიფოდ გაერთიანების მკაფიო გეგმა და დაიწყო მისი თანმიმდევრული განხორციელება. პოლიტიკურად დამოუკიდებელ (ბიზანტიის იმპერიისგან), ძირითადად გაერთიანებულ ქვეყანას ეკლესიური დამოუკიდებლობაც ჭირდებოდა, რაც მისი ეკლესიის საჭეთმყრობელისათვის პატრიარქის ტიტულის მინიჭებაში უნდა გამოხატულიყო. ამისთვის ყველა წინაპირობა არსებობდა – მრავალი (40-ზე მეტი) საეპისკოპოსო კათედრა და მონასტერი, ამ დროისათვის უკვე ორი საკათალიკოსოს – ქართლისა და აფხაზეთის საკათალიკოსოების არსებობა; ჯერ კიდევ V ს-იდან წმ. მირონის ხარშვის უფლებების მოპოვება.

ასეთ ვითარებაში, დავით კურაპალატის დროს, მისი დროის საქართველოს ეკლესიის საჭეთმყრობელს, ქართლის კათალიკოს იოვანეს მიენიჭა პატრიარქის ტიტული და იგია ამ ტიტულის პირველი მატარებელი საქართველოს ეკლესიის ისტორიაში და ამას დოკუმენტურად ადასტურებს პარხლის ეკლესიის შესანიშნავი წარწერა X ს-ის ბოლო ოცწლეულისა.

არ არის გამორიცხული, რომ 980 წელს ქართლის კათალიკოსად ნაკურთხმა იოვანემ იმთავითვე მიიღო პატრიარქის ტიტული, რასაც იმდროისათვის ქვეყანაში არსებული პოლიტიკური ვითარება განაპირობებდა – ორი წლით ადრე, 978 წელს, დავით კურაპალატის შვილობილი უფლისწული ბაგრატი კურაპალატის სიცოცხლეშივე დიდწილად გაერ-

თიანებული ქვეყნის მეფედ იქნა ნაკურთხი „აფხაზთა და ქართველთა მეფის“ ტიტულით, რომელსაც მოგვიანებით შექმნილი, ასევე პოლიტიკური ვითარების შესაბამისად, ჯერ 1003 წელს და შემდეგში 1010 წელს, „კახთა და რანთა მეფის“ ტიტულიც დაემატა.

ატარებდა თუ არა იოვანეს მომდევნო ქართლის კათალიკოსი სვიმეონი (1001–1012) პატრიარქის ტიტულს, უცნობია, რადგან წყაროები ამის შესახებ არ შემონახულა. უფრო სავარაუდებელია, რომ ატარებდა, რადგან მომდევნო კათალიკოს-პატრიარქი მელქისედეკ I (1010–1033) პატრიარქის ტიტულით ორ დოკუმენტურ წყაროში იხსენიება – ერთია მცხეთის, XI ს-ისა, რომლის XVIII ს-ის ასლით მოღწეულ შესავალ ნაწილში მას „ქართლისა კათალიკოს-პატრიარქი“ ეწოდება და მეორეა ტყობა-ერდის ტაძრის (ინგუშეთი, ჩრდ. კავკასია) წარწერა, რომელიც ამჟამად ქ. გროზნოს მხარეთმცოდნეობის მუზეუმში ინახება; მისი ტექსტი ასეთია: „ქრისტე, ადიდე [ყოვლისა] აღმოსავლეთისა პატრიარქი მელქისედეკ, ამენ“.

აქვე უნდა აღინიშნოს, რომ პატრიარქის ტიტულის ტარება X ს-ის საქართველოს ეკლესიაში უცხო არ იყო და ამ საუკუნეში აქ ამ ტიტულით მხოლოდ იოვანე არაა ცნობილი. კერძოდ, ზაქარია ბანელ-ვალაშკერტელის ანდერძში, რომელიც დართული აქვს A-648 ხელნაწერს და რომლის მონაცემები აკად. ელ. მეტრეველის დასკვნით, X ს-ის უკანასკნელი მეოთხედის ვითარებას ასახავს, ზაქარიას მოძღვართა და მშობელთა შორის დასახელებულია „პატრიარქი ასათი“. იგი, ელ. მეტრეველისავე აზრით, ბანელი მღვდელმთავარი უნდა იყოს, რომელიც, როგორც ტაოს უპირველესი მღვდელმსახური, პატრიარქის რეალური მინაარსისაგან დაცლილ ტიტულს ატარებდა“. ე.ი. იგი ამ ტიტულს ფლობდა, მაგრამ მთელი ქვეყნის ეკლესიის მეთაური არ იყო. როგორც ჩანს, ტაოს მფლობელმა დავით კურაპალატმა, რომლის სამფლობელოშიც შედიოდა ბანას ეპარქია, მისი მმართველისათვის პატრიარქის ტიტულის მინიჭებით, კონსტანტინოპოლის საპატრიარ-

ქოსაგან ეკლესიის სრული დამოუკიდებლობის გზაზე პირველი ნაბიჯი გადადგა, რაც საბოლოოდ ქართლის კათალიკოსისთვის ამ ტიტულის მინიჭებით დამთავრდა, როგორც ამას ამტკიცებს პარხლის წარწერა.

საინტერესოა, რომ წარწერის ტექსტში იოვანე იწოდება „ქართლისა და ყოვლისა აღმოსავლეთისა პატრიარქად“, ასევე „ყოვლისა აღმოსავლეთისა პატრიარქი“ ეწოდება მელქისედეკს ტყობა-ერდის წარწერაში; ცნობილია, რომ „აღმოსავლეთი“ და „ყოველი აღმოსავლეთი“ X-XI სს. ბიზანტიურ და ქართულ წყაროებში საქართველოს ეწოდება. მამასა-დამე, იოვანეს ტიტული „ქართლისა და ყოვლისა საქართველოსა პატრიარქს“ აღნიშნავს. ამით ხაზგასმულია, რომ საქართველოში, გარდა ქართლის საკათალიკოსოსი, მეორე, აფხაზეთის საკათალიკოსოც არსებობს, მაგრამ ეს ცალკე მსჯელობის საგანია. ასევე ცალკე მსჯელობის საგანია „ქართლისა და ყოვლისა აღმოსავლეთისა პატრიარქის“ სტატუსის მიმართება სხვა თანადროულ მსოფლიო პატრიარქებთან. მართალია გვიანდელია, 1260 წლის ახლო დროის საბუთით დამოწმებულია, მაგრამ, როგორც ჩანს, ადრინდელი ტრადიციის ამსახველია კათალიკოს ნიკოლოზ III (1250-1282) ხელრთვაში წარმოდგენილი რეალობა, როდესაც იგი წერს: „ქრისტეს მიერ შემდგომად ხუთთა პატრიარქთა და უპირველეს მათსა ზეგარდამო მოსულთა უბიწოთა დედისა მისისა კელითა შეთელილისა კუართისა საუფლოსა მიერ სუეტის-ცხოველის მეექუსე პატრიარქი და ქრისტეს მიერ ყოვლისა საქართველოს კათალიკოზი ნიკოლოზი ვამტკიცებ და წარვწერ“. მამასა-დამე, დოკუმენტურად მტკიცდება, რომ უკვე XII ს-ში და, ალბათ, ამაზე ადრეც, თუმცა წყაროები არ შემონახულა, საქართველოს ეკლესიის მეთაური მსოფლიოს ხუთი პატრიარქის შემდეგ მეექუსე ადგილზე აყენებდა პატრიარქის ტიტულით თავის თავს, მაგრამ ამისთვის მას გრძელი და რთული გზა უნდა გაეგლო, რომელიც სათავეს X საუკუნეში იღებდა.

პალმრი სილოგავა
პროფესორი



წმიდა ექვთიმე ღვთისკაცი

1917 წლის ექსპედიცია ტაო-კლარჯეთში

როცა პირველი მსოფლიო ომის დროს რუსის ჯარმა თითქმის მთელი ანატოლია დაიკავა, ჭოროხის ხეობა ზურგს უკან მოექცა რუსის ჯარს, და 1917 წელს ჩვენც საშუალება მოგვეცა, მოგვეწყო მესამე ექსპედიცია ტაო-თორთუმ-ისპირის ძეგლების შესასწავლად. ამ ექსპედიციაში, რომელიც საქართველოს საისტორიო და საეთნოგრაფიო საზოგადოების სახელით იყო მოწყობილი, ჩვენ მოვიწვიეთ სამოქალაქო ინჟინერი ა. კალგინი, მხატვარი დ. შვეკარდნაძე, მოხალისე ხუროთმოძღვარი ალპინისტი ზდანევიჩი, მხატვარი ლადო გუდიაშვილი, მხატვარ-მსახიობი მიხეილ ჭიაურელი და ვარძიის მონასტრის წინამძღვარი მღვდელ-მონაზონი იპოლიტე. ეს უკანასკნელი საქართველოს სამღვდლოების მიერ და პირადად ლეონიდე კათალიკოსის რჩევით იყო მოწვეული. ის ჩვენთან ერთად უნდა გასცნობოდა ხაზუნის, ოშკისა და იშხნის მონასტერთა ნაშთებს და, თბილისს მობრუნების შემდეგ, ისევ უნდა გამგზავრებულიყო თორთუმის ხეობაში, რათა მიეღო ზომები მათ დასაცავად და შესაკეთებლად. ჩვენი თბილისის მოსვლის შემდეგ მღვდელ-მონაზონი იპოლიტე მართლაც გავგზავნეთ დიდის მარაგით თორთუმში, მაგრამ იგი იძულებული გახდა გზიდანვე დაბრუნებულიყო, ვინაიდან ამ დროს რუსის ჯარმა მიატოვა ფრონტი და თურქებმა ხელახლა დაიჭირეს მათ მიერ დაცლილი ადგილები.

ჩვენი ექსპედიციის სუსტ მხარეს შეადგენდა სპეციალისტი ფოტოგრაფის უყოლობა. კაკასიის განთქმული ფოტოგრაფი დ. ერმაკოვი, რომელსაც წინათ დიდი სურვილი ჰქონდა ჩვენთან ერთად ემგზავრა „თურქეთის საქართველოში“, უკვე ცოცხალი აღარ იყო. ჩვენ წარუდგინეთ სამხედრო უწყებას რამდენიმე ფოტოგრაფის კანდიდატურა, მაგრამ მან არც ერთს ნება არ დართო ჩვენთან ემგზავრა, და იძულებული გახდით ფოტოგრაფის როლი დაგვეკისრებინა ჩვენი ექსპედიციის ზოგიერთი წევრისათვის.

ფულით დაგვეხმარნენ თბილისის თავად-აზნაურობა და საქართველოს სამღვდლოება, მაგრამ ფული ვერას გვიშველიდა, რომ სამხედრო ორგანიზაციას არ შეეწყო ხელი: ფულით არაფრის შოვნა არ შეიძლებოდა ჩვენ მიერ გამოსაკვლევ რაიონში. ომისაგან ის მხარე სრულიად განადგურებული იყო და ხალხი – დამშეული. დახმარებისათვის მივმართეთ სრულიად რუსეთის ერობის კავშირის გამგეობას, რომელმაც ნება დაგვართო, მიგველო მათი საწყობებიდან ყველაფერი, რაც კი საჭირო იქნებოდა ჩვენი ექსპედიციისათვის. ამის განხორციელება დაევალა მათ მოხელეს ალექსანდრე დავითის ძე ციციშვილს, ჩემს ყოფილ მოწაფეს, რომელიც დიდი ხალისით და თანაგრძნობით შეუდგა ამ განკარგულების სისრულეში მოყვანას: ყარსიდან ფორდის მანქანებით მიგვიყვანა ხახულში, და საერთოდ, ისე მოგვიწყო საქმე, რომ მთელი ექსპედიციის განმავლობაში არაფერი დაგვკლებია. ალექსანდრე ციციშვილი საოცარი ენერჯის პატრონი აღმოჩნდა, ზრდილი, პატიოსანი, თავმდაბალი და დაუღალავი მუშაკი. მას ყველა მისი თანამშემწენი და ხელქვეითი დიდად აფასებდნენ, ალექსანდრე ციციშვილი დღეს ცოცხალი აღარ არის, და ჩვენს ზნეობრივ მოვალეობად ვთვლით, პატივი ვსცეთ მის ხსოვნას და განვაცხადოთ, რომ, თუ არ მისი ენერჯული დახმარება, ჩვენი ექსპედიცია თავის მოვალეობას ვერ ვეროვნად ვერ შეასრულებდა.

ჩვენი მუშაობა დაიწყო ხახულის მონასტრიდან. ხახულიდან ვინახულეთ სოფელი თორთუმი და თორთუმის ციხე („თორთუმ-ყალა“), თორთუმის წყლის სათავეში (თორთუმის წყალი ჭოროხის მარჯვენა შენაკადია).

ეს დიდი ციხე აშენებულია მაღალ, მოგრძო კლდოვან კუნძულზე, შუა წყალში. იგი კარგადაა დაცული და საკვირველად ჰგავს ქალაქ გორის ციხეს. აქედან ექსპედიციის ორი წევრი წავიდა ექვქის ეკლესიის დასახლოვდა, რომელიც თორთუმის მახლობლად მდებარეობს, მაღალ მთაზე. შემდეგ ჩვენ ყველანი დავბრუნდით ხახულში და იქიდან გავემგზავრეთ ოშკში. გზა მიდიოდა თორთუმის წყლის კალაპოტით. როცა ოშკში მუშაობა გავათავეთ, წავედით იშხანში. იშხანში ოშკიდან ორი გზა, ანუ, უკეთ რომ ვთქვათ, ორი ბილიკი მიდის: ერთი თორთუმის ტბის მარჯვენა ნაპირს მიჰყვება, მეორე – მარცხენა ნაპირს. ჩვენ ყველანი, გარდა ერთი წევრისა, გავემგზავრეთ მარცხენა ნაპირით, ხოლო ის ერთი გაჰყვა მარჯვენა ნაპირს, რომ გამოერკვია, არის თუ არა ეკლესიის ნანგრევები იმ მხარეში. მართლაც, სოფელ ისთან, თორთუმის ტბის ნაპირას, მან აღმოაჩინა და დაზომა ეკლესიის ნაშთები. მარცხენა მხარის სოფლებში ჩვენ მიერ გასინჯული ეკლესიები კი ყველა ჩვეულებრივი რივისა იყო და თან სულ განადგურებული.

როცა დავამთავრეთ იშხანში მუშაობა, იმ ხანში ჩემი და კალგინის შვილებების ვადა უკვე გასული იყო და ჩვენ უნდა დავბრუნებულიყავით თბილისში. იმედი გვქონდა, რომ მეორე წელს განვაგრძობდით ჭოროხის ხეობის გამოკვლევას იშხანიდან ბაიბურთამდე. მიუხედავად ამისა, მაინც მაშინვე მივავლინე ჩვენი ექსპედიციის ორი წევრი (რომელნიც თავისუფალნი იყვნენ სამსახურისაგან) ოთხთა ეკლესიაში და პარხალში წინასწარი გამოკვლევის ჩასატარებლად. ეს საქმე კარგად მოვიდა, ვინაიდან შემდეგ წელს რუსის ჯარმა მიატოვა თურქეთის ფრონტი. ყველა ეს ადგილები უკანვე დაიბრუნეს თურქებმა და ახალ ექსპედიციაზედ ოცნებაც კი აღარ შეიძლებოდა. მოხალისეებმა ღირსეულად შეასრულეს თავისი მიზანი: ინახულეს და დაზომეს ოთხთა ეკლესია და პარხალი, გადმოიღეს წარწერები და ძეგლების ფოტოგრაფიული სურათები და მშვიდობით დაბრუნდნენ თბილისში, ბათომის გზით.

ამ დროს თბილისში ჩამოვიდა მთელი კომისია ხუროთმოძღვრებისა, რომელნიც მონაწილეობდნენ აკადემიკოს პ. უსპენსკის ტრაპიზონის ექსპედიციაში: მ. კერნი, ბ. რიაბოვი და ნ. სევეროვი. გეგმებისა და ნახაზების დამუშავება რომ არ დაგვიანებულყო, მოვიწვიეთ ისინი და დავავალეთ გეგმებისა და ნახაზების გაკეთება

იმ მასალების მიხედვით, რომელნიც ჩამოიტანა ჩვენმა ექსპედიციამ. მათ ეს დავალება კეთილსინდისიერად შეასრულეს ინჟინერ კალგინის ხელმძღვანელობით (მათ ეხმარებოდნენ კიდევ ტექნიკოსები კებერა და მელიქოვი). დამზადებულ იქნა ბარელიეფები; ზოგი წარწერა გადატანილ იქნა ტილოზე და თავი მოეყარა გუდიაშვილისა და ჭიაურელის სურათებს.

როდესაც მთელი მასალა მზად იყო, 1920 წელს თბილისში მოვაწყეთ ძველი ქართული ხუროთმოძღვრების პირველი გამოფენა. გამოფენის ქართული კატალოგი შევადგინე მე, ხოლო რუსული – დ. გოდევემა. ყველა აქ მოხსენებული მასალა, ჩვენ მიერ ჩატარებული სხვა ექსპედიციათა მასალებთან ერთად, ინახებოდა საქართველოს საისტორიო და საეთნოგრაფიო საზოგადოების მუზეუმში, ხოლო ამჟამად ნაწილი ინახება ს. ჯანაშიას სახელობის, საქართველოს სახელმწიფო მუზეუმში და ნაწილი კიდევ საქართველოს ხელოვნების მუზეუმში.

რამდენიმე სიტყვა 1917 წლის ექსპედიციის შედეგების შესახებ

მანამ შევუდგებოდეთ შესწავლილი ძეგლების განხილვას, ჩვენ ზნეობრივ მოვალეობად მიგვაჩნია დიდი პატივით მოვიხსენიოთ აწ განსვენებული ინჟინერი ანატოლი ნიკოლოზის ძე კალგინი, რომელმაც დაზომა იშხნის, ოშკისა და ხახულის ტაძრები, გადმოიღო ზოგიერთი ბარელიეფის ესტამპაჟები და სამივე ტაძრის დიდი ფოტოგრაფიული სურათები. შემდეგ უგულითადეს მადლობას მოვანსენებ ჩვენი ექსპედიციის ყველა წევრს, რომელთა დაუღალავი, მეგობრული საერთო შრომის მეოხებით ჯეროვნად ჩატარდა ეს რთული და მძიმე ექსპედიცია.

ექსპედიციამ გააკეთა ყოველივე, რის გაკეთებაც შეიძლებოდა იმ მცირე ხნის განმავლობაში, რომელიც მის განკარგულებაში იყო, დაამზადა გეგმები და განაკვეთები ყველა ნახული ეკლესია-მონასტრისა, მულაჟით გადმოიღო მრავალი ბარელიეფი და ჩამოიტანა ისინი თბილისში (მულაჟით გადმოღება წინათ ქართული ძეგლების შესასწავლად სხვა არქეოლოგიურ ექსპედიციებს არ უწარმოებიათ). ექსპედიციამ გადაიღო ბევრი ფოტო-სურათი ყველა ძეგლისა.

ექსპედიციამ აღმოაჩინა და ფოტოგრაფიულად ან ხელით გადმოიღო მრავალი ძვირფასი წარწერა, გამოარკვია ზოგი მონასტრისა და ტაძრის სახელი, რომელიც ლიტერატურაში არ იყო ცნობილი.

თუ განვიხილავთ ამ ექსპედიციის შედეგებს და, აგრეთვე, ჩვენი წინა ორი ექსპედიციისას საქართველოს სამხრეთ პროვინციებში, აღმოჩნდება მრავალი ახალი და მეტად ძვირფასი მასალა საქართველოს კულტურის ისტორიისათვის.

გარდა ქართული ტაძრებისა და ეკლესიების საერთო ტიპებისა, აქ გვხვდება უნიკუმები, როგორცაა, მაგალითად, ტაძარი ტაოსკარში, რომლის გეგმა და ხედები მოთავსებულია ჩემს „ქართული ხუროთმოძღვრების ალბომში“ (ტაბ. 12,13,14).

ამას გარდა, არის რამდენიმე ეკლესია, რომელთა გეგმა იშვიათად მოიპოვება სხვა ქვეყანაში. ასეთია, მაგალითად, სამ-აფსიდიანი ეკლესიები. ასეთი ეკლესია ჩვენ ვიპოვეთ ოთხი: ერთი სოფელ ორთულში, მეორე – ბაღჩალო-ყიშლაში, მესამე დორთ-ქილისაში (კოლას რაიონში; ტაბ. 23 იმავე ალბომში) და მეოთხე – სოფელ ისი-ში, თორთომის ტბის ნაპირად (ტაბ. 114).

ორ-აფსიდიანი ეკლესია ვნახეთ სოფელ ფარსადნში (კოლას რაიონში: „ალბომში“, ტაბ. 24). სოფ. ჩახმუსიში (ბანას ახლოს, ოლთისის რაიონში) ჩვენ ვნახეთ ნაშთი

ეკლესიისა, რომელიც აშენებულია მცხეთის ჯვრის გეგმის თანახმად. ეკლესია ოთხაფსიდიანი ყოფილა, აფსიდებს შორის კუთხეებში მოთავსებული ყოფილა ოთახები სამწახნაგიანი მოყვანილობისა, მაშინ, როდესაც მცხეთის ჯვარში ეს მოყვანილობა სხვანაირია. სამწუხაროდ ეს შენობა ისე დანგრეული იყო, რომ შეიძლება მხოლოდ გეგმა აღადგინოს კაცმა, მეტის თქმა კი არაფრისა არ შეიძლება.

მეტად საინტერესოა, აგრეთვე, მეორე ეკლესია – სუხბეჩის ტეტრაკონქი: მასალისა, წყობისა და სტილის მიხედვით ეს ეკლესია უთუოდ სხვებზე უძველესია და უნდა ეკუთვნოდეს V – VI საუკუნეებს.

ჩვენი 1917 წლის ექსპედიციის ანგარიში წარმოადგენს მხოლოდ წინასწარ დაკვლევას ყოფ. ყარსის ოლქის არტაანისა და ოლთისის ოკრუგების ძეგლებისას.

ეს, რასაკვირველია, არ ნიშნავს, რომ ამ ძეგლების შესახებ უკანასკნელი სიტყვაა თქმული. არა, ამ აზრისაგან ჩვენ შორსა ვართ. საქმე ის არის, რომ ისეთი ძეგლები, როგორცაა იშხანი, ხახული, ოშკი, ოთხთა ეკლესია და პარხალი, მოითხოვენ თვითუფლები მათგანი მთელი წლობით შესწავლას, დეტალურ გაზომვას, დეტალურად გადმოღებას შენობის ნაწილებისას, ფრესკების ნაშთებისას, წარწერებისას, ბარელიეფებისას, ჩუქურთმებისას და სხვა. არც ყველა წარწერაა ჯერ შეგროვილი და გარჩეული. მაგალითად, მე მგონია, სპეციალისტი პარხალში ბევრ რამეს ამოიკითხავს იმ ასომთავრულ და ძველ მხედრულ წარწერებში, რომელნიც ფრაგმენტულად ყოფილა დაცული შიგნით კედლებზე. იგივე ითქმის ოთხთა ეკლესიის ერთი ასომთავრული წარწერის შესახებ, რომელიც მოტანილ ფოტოგრაფიაზედ სრულად არ განიჩევა. მოვიყვანთ კიდევ ერთ მაგალითს: ფოტოგრაფიის საშუალებით მე ვერ შევძლებდი წამეკითხა ხახულის გალერეის სვეტის წარწერა. ადგილობრივ დაკვირვებით კი მისი გარჩევა შესაძლებელი შეიქნა. ნერსეს სარგისიანის ხელით გადმოღებულ წარწერებს ბროსე ზოგჯერ შეცდომაში შეჰყავდა. შეუძლებელი იქნებოდა, აგრეთვე, ოშკის მრავალი წარწერის გარჩევა, რომ ეს წარწერები ადგილობრივ არ მენახა.

ამრიგად, ჩვენი ნაშრომი, ექსპედიციის მასალებზე დამყარებული, ზოგადი ხასიათის წინასწარი გამოკვლევაა, რომელიც თუ შესაძლებელი შეიქნა და თუ ეს ძეგლები მოსპობილი და განადგურებული არაა, შემდეგმა ექსპედიციებმა უნდა შეაფასოს და გააღრმავოს. მაგრამ, მიუხედავად ამისა, ბევრი რამ ამ ძეგლთა შესახებ და აგრეთვე, მათი საერთო მნიშვნელობა ეხლაც გამორკვეულად უნდა ჩაითვალოს. ასეთი საკითხებია, მაგალითად, დრო დიდი ტაძრების აშენებისა (ოთხთა ეკლესიის ბაზილიკის გარდა, რის შესახებაც მხოლოდ ის ითქმის დანამდვილებით, რომ იგი დავით კურაპალატის ხანას უსწრებს წინ), დრო ზოგიერთი ეკლესიის ფრესკებით შემკობისა, გარჩევა დიდძალი წარწერებისა და დადგენა მათში მოხსენებულ პირთა ვინაობის; საზოგადოდ, ამ ძეგლების მნიშვნელობა ჩვენი ისტორიისა და კულტურისათვის.

ყველა ამასთან ერთად უაღრესად სასიამოვნო მოვალეობად მიმაჩნია გულითადი გრძნობით და სრული შეგნებით განვაცხადო შემდეგი:




წმიდა ექვთიმე ღვთისკაცის (თაყაიშვილის) ტაო-კლარჯეთში

ამ უმნიშვნელოვანესი ექსპედიციის შედეგების გამოქვეყნებას ღიად დაავიანდა. იმედი მაქვს, რომ წინამდებარე წიგნი სათანადო წვლილს შეიტანს ქვეყნის კულტურული წარსულის დაცვა-შესწავლის საქმეში.

იგი წარმოადგენს საერთო ხასიათის წინასწარ გამოკვლევას და, რა თქმა უნდა, მასში არაა ნათქვამი უკანასკნელი სიტყვა განხილულ ძეგლთა მნიშვნელობის შესახებ. ამ ძეგლთა შესწავლა მომავალი კვლევის საქმეა.


ეპითიმე თაყაიშვილი



იერუსალიმში შესვლა,
ღადო გუდიაშვილის გადმოღებული პირის მხედვით
ფრესკა დაზიანებულია

ბრიგოლ ხანძთელი

ეპოქა, ეკლესია-მონასტრები,
მეფეთა გენეალოგია VIII-IX ს.ს.



ამოტ IV ძველის მაკეტი ბელში მაცხოვრის წინაშე (ოპიზის ბარელიეფი, X ს.)

ტაო-კლარჯეთში ექვთიმე თაყაიშვილთან ერთად

1917 წელს, ჩვენი სასიქადულო მამულიშვილის – ექვთიმე თაყაიშვილის ხელმძღვანელობით ჩავედით ოსმალთს საქართველოში – ტაო-კლარჯეთში, რათა გვენახა და შეგვესწავლა დიდებული ქართული ძეგლები... ეს ჩემი ცხოვრების უბედნიერესი პერიოდია. დიდი საქმე გაკეთდა მაშინ. ამ ექსპედიციამ დიდი სამუშაო ჩაატარა.

ამ მოგზაურობას ჩემი მომავალი შემოქმედებითი ცხოვრებისათვის უდიდესი მნიშვნელობა ჰქონდა.

მშვენიერი, თვალის წარმტაცი სილამაზისაა თორთომის ხეობა, რომელსაც კიდევ უფრო ამშვენებს დიდებული ქართული ტაძრები. გვაოცებდა ამ ხეობაში ასეთი უზარმაზარი ძეგლების არსებობა. იმის გამო, რომ ტაძრები დაზიანებული იყო, სიჩქარეს საჭიროებდა ფრესკების, ბარელიეფების, წარწერების შესწავლა, ჩუქურთმების გადმოღება. ბევრ ტაძარს ჭერიც ჩამონგრეული ჰქონდა...

მოსახლეობა მოშორებით ცხოვრობდა. მათი დიდი ნაწილი, თუმცა ძნელად, მაგრამ მაინც ლაპარაკობდა ქართულად. ისინი ერთი წუთითაც არ გეტოვებდნენ... მახსოვს ექვთიმემ თქვა: – შეხედეთ, როგორ ეტყობათ, ქართული წარმოშობისანი რომ არიანო. ახლაც ჩამესმის მათი ხმა.

– მოხვედით? მოხვედით?

ერთმა მოხუცებულმა კი ასეთი რამ გვითხრა: – წყალი ივლის, ივლის და ბოლოს თავის ნაგუბარში ჩადგებაო.

ახლა რომ ვივინებ, ზღაპარი და სიზმარი მგონია ის დღეები.

დარწმუნებით შემიძლია ვთქვა, თუ არა ექვთიმე თაყაიშვილის დიდი თავგანწირვა და მეცნიერული შეუპოვრობა, დღეს ჩვენ არ გვექნებოდა ზუსტი დათარიღება და ყოველმხრივი აღწერა ისეთი ბრწყინვალე ქართული ძეგლებისა, როგორც არის ოშკი, ხახული, ბანა და სხვა... ჩვენს შემდეგ ამ კუთხეში სამეცნიერო ექსპედიცია აღარ ჩასულა... (მოგონება ჩაწერილია 1977 წელს. რედ.).

იქიდან ჩამოვიტანეთ ფრესკების პირები, აღწერანი, დეტალები... მასალა ისე უხვი იყო, რომ ექვთიმეს თქმით, ერთ მუზეუმს ეყოფოდა.

ექსპედიციამ გაარკვია, დაადგინა ტაძრების, ეკლესიების, ციხეების სახელწოდებები და ადგილმდებარეობა, რაც მანამდე უცნობი იყო.

ფანატიკური ინტერესითა და სიყვარულით ვმუშაობდით ყველანი. გვაოცებდა ექვთიმეს ენციკლოპედიური ცოდნა. მისი დიდი ერუდიცია. ყველაფერი თითქმის წინასწარ იცოდა, სად რა იყო. ჭოგრიტით ათვალთქვებდა კედლის წარწერებს და ტაძრის ფასადზე ასულებს ქვემოდან ამოგვძახებდა ხოლმე:

– ცოტა აქით, ცოტა იქით გადადით... მანდ, ახლოს, უსათუოდ ესა და ეს წარწერა უნდა იყოსო... ან კიდევ:

– აი, მანდ, ქორნიკონებს დააკვირდით... ზუსტად გადმოხატეთ... არ შეგეშალოთ...

ძალიან ხშირად ჩვენ მიერ ამოკითხული წარწერა ზუსტად ემთხვეოდა მის ნავარაუდევს და მაშინ მის სიხარულს საზღვარი არ ჰქონდა.

ვმუშაობდით ყარსის, არტაანისა და ოლთისის ვრცელ უბანზე. აქ არსებულ ძეგლთა შორის არის ჩვენი ხუროთმოძღვრების შედევრებიც... იშხანი, ხახული, ოშკი, ბანა, ოთხთა ეკლესია, პარხალი... ამ დაუღლეელი მეცნიერის წყალობით დაზუსტდა მათი ადგილის თარიღები, დეტალურად გაირკვა მრავალი წარწერა,

დადგინდა მოხსენებულ პირთა ვინაობა და სახელები.

როგორ უნაროდა ყოველივე, რაც ქართველი ხალხის გენიის გამოსხივება იყო!..

იგი მთელი ცხოვრება უანგაროდ ემსახურებოდა ეროვნულ საქმეს. არც დაღლა იცოდა, არც დასვენება...

მისნაირ ადამიანებს, ხომ ძველად წმიდანებად ხატავდნენ ტაძრების კედლებზე... (ძვირფასო ბატონო ლალო! თქვენი ნატვრა ასრულდა... არც ისე დიდი ხნის წინ საქართველოს ეკლესიამ დიდი ექვთიმე თაყაიშვილი წმიდანად შერაცხა... ხოლო თუკი ოდესმე ქართველი კაცი ტაო-კლარჯეთში ეკლესიას ისევ ააშენებს, ალბათ, მისი კედლის მომხატველი წმიდა ექვთიმეს ფრესკასაც გააცოცხლებს... რედ.).

საოცარი მეცნიერული წვდომა და ძველი წარწერების წაკითხვის შეუდარებელი უნარი ჰქონდა. უმრავლესობას იქვე, გადმოღებისთანავე კითხულობდა. ჩვენ, ახალგაზრდები, ვისვენებდით, ის კი უჯდა სქემებს, ფოტოებს, ნახატებს...

თუ რაიმე ახალს, მნიშვნელოვანს ამოიკითხავდა ამა თუ იმ ძეგლზე – აქ კი, ყველაფერი ახალი იყო, – მაშინვე აფორიაქდებოდა, აღმოჩენაა, აღმოჩენაო, – იძახდა.

მცოცავთა შორის ყველაზე მოქნილი „აკრობატი“ ილია ზდანევიჩი გამოდგა. ყველაზე მუყაითი მუღამ დაუღალავი დიმიტრი შევარდნაძე იყო – ექსპედიციის მთავარი მხატვარი, კედლის მხატვრობის დიდი მოტრფიალე. ექსპედიციაში ჩემი მონაწილეობაც სწორედ დიმიტრი შევარდნაძის წყალობა იყო. ყველაზე ხალისიანი და მუღამ დაუცხრომელი კი, რა თქმა უნდა, მიხეილ ჭიაურელი გახლდათ.

ძეგლთა უხვ სამკაულებს შორის განსაკუთრებით დამამახსოვრდა ხახულში ნანახი, ქვაში ამოტვიფრული სიმბოლო – ქართული ფასკუნჯი – მუდმივი აღორძინების იდეა.

მაგონდება ერთი შემთხვევაც. ოშკში წმიდანების ბარელიეფი ვნახეთ. ერთ-ერთს თავი აკლდა. ქვევით კედლის ძირში ნამსხვრევების გორა ეყარა. დავეძებნე და ამ წმიდანის თავს მივაგენი. ექვთიმეს ისე გაეხარდა, რომ გულმხურვალედ გადაამკოცნა.

მთლიანობის აღდგენა უძნელესი და უკეთილშობილესი შემოქმედებაა, შენ კი იმედი გამიმართლო, მითხრა.

მე დამატყვევა ამ ტაძრების კედლის მხატვრობამ, ფრესკები გასაოცარი ჰარმონიით ერწყმოდნენ ტაძართა არქიტექტურას, ნაგებობათა მთელ ანსამბლს, ასევე მთელ გარემოს. მათ უნატიფესი და უღამაზესი მზექალებისა და მზეჭაბუკების სახეები ჰქონდათ...

უმშვენიერესი ბუნების გარემოცვაში უპატრონოდ იდგნენ ეს ბუმბერაზი ძეგლები... ჩვენ დროულად შევადეთ მათი საუკუნეთა მანძილზე დახშული კარები.

და ახლა, წლების შემდეგ, როცა ისევ ექვთიმე თაყაიშვილზე ვფიქრობ, მთელი მისი ხატება უზარმაზარ ფრესკად წარმომიდგება, ხახულის კედელზე გამოსახულ ფრესკად.

მსუბუქი ყოფილიყოს მისთვის საქართველოს მრავალჭირნაზული მიწა.


მე კი, დაბეჯითებით შემიძლია ვთქვა: – სამხრეთ საქართველოს ძაგლების ნახვამ და შესწავლამ უფრო მეტად დამაახლოვა ჩემი ხალხის ისტორიასთან... მისი წარსულის ფესვებთან.

ლალო გუდიაშვილი

საუბარი

ახალციხის, ტაო-კლარჯეთისა და ლაზეთის ეპარქიის მმართველ, ეპისკოპოს თეოდორესთან

კიხთვა: რა თქმა უნდა, კარგად მესმის, რა გამორჩეულად მნიშვნელოვანი ეპარქიაა, თუნდაც მხოლოდ ახალციხისა, ახლა, ჯერჯერობით, ცხადია, სიმბოლურად, მაგრამ მაინც... თქვენს სამწყსოს (თუ შეიძლება ასე ითქვას), ტაო-კლარჯეთი და ლაზეთიც შემოუერთდა... ყველანაირი ვაგებით, თქვენი ტვირთი მძიმეა, მაგრამ ახალგაზრდა მღვდელმთავარი ბრძანდებით, შთაგონებული, უაღრესად დაინტერესებული და აღნთებული სურვილით, რწმენით, ნატვრით, რომ შეძლოთ საუკუნეთა მანძილზე ადამიანთა სულებში ძალმომრეობით ჩამქრალი ქრისტიანული რწმენის კვლავ გაღვივება... არამც თუ ტაო-კლარჯეთსა და ლაზეთში, ახალციხის მხარეშიც კი... მიუხედავად, ხალხის ძირითადი ნაწილის გაღვივებისა, მაინც ბევრი საზრუნავი გაქვთ... როგორია თქვენი გეგმები... ვფიქრობ, თვით ეპარქიაშიც გყავთ თანამდგომნი და მოამაგენი.



მეუფე თეოდორე

პასუხი: დიახ, რა თქმა უნდა... რომ არაფერი ვთქვათ თვით მორწმუნე მრევლზე, რომელიც თანდათან მატულობს, დიდი სიკეთეა ჩვენთვის, ახალციხის უნივერსიტეტის პედაგოგთა და სტუდენტთა თანადგომა.

რაც შეეხება ტაო-კლარჯეთსა და ლაზეთს, ცხადია, ძალიან მიხარია და ახალი და ახალი ენერგიით მავსებს... მართალი ვითხრათ, აღარც კი მძინავს... სხვა აღარაფერზე ვფიქრობ... ცხადია, ჯერჯერობით იქ განსაკუთრებულად არაფერი არ შეიძლება შეიცავლოს. ეს თანდათან უნდა მოხდეს. ადამიანების ცნობიერებაში უნდა დამკვიდრდეს აზრი, რომ ეს რეგიონები ქართულია, ქრისტიანულია... დიდად სასიხარულოა, რომ ქართველი საზოგადოება აღფრთოვანებით გამოეხმაურა თურქეთის საქართველოში გზების გახსნას... თვე არ გავა, რომ რამდენიმე ექსპედიცია არ ჩავიდეს იქ... ეს ცხადია, პირველი ნაბიჯებია. პროცესი არ უნდა შენეულდეს... იმედი მაქვს, რომ ასეც იქნება... ნელ-ნელა ყველაფერი მოგვარდება. მით უმეტეს, რომ დღესდღეობით თურქეთის ხელისუფლება ჩვენდამი კეთილგანწყობილია... ჩვენმა სახელმწიფოებმა უკვე შეძლეს წარსულის დავიწყება თუ არა, მიტევა და დღეს მეგობრული ურთიერთობა აქვთ. ეს მაღლი და სიკეთე ჩვენზეც გადმოდის... მაგრამ აუცილებელია გვანსოვდეს... აჩქარება არ შეიძლება. სარწმუნოება უაღრესად ფაქიზი ცნებაა და მასთან ნაჯახით მისვლა არ შეიძლება... თურქეთის ქართველები ჩვენი სისხლისმთავარი ძმებია, მაგრამ არა მათი მიზეზით, დღეს ყველანი... დღეს კი არა, უკვე მეოთხე საუკუნეა, გამუსულმანებული არიან. ჩვენ მათ უნდა მოვეფეროთ, გული გავუთბოთ, ვესაუბროთ, ცხადია, შესაძლებლობის მიხედვით და დანარჩენი მათი ნებაა. განა, ასე არ მოხდა თუნდაც ახალციხეში?.. ეს არ უნდა დაგვავიწყდეს.

კითხვა: დიახ. სავსებით მართალი ბრძანდებით. მაინტერესებს, რამდენჯერ იყავით ტაო-კლარჯეთში... ანაც ლაზეთში...

- პასუხი: ტაო-კლარჯეთში ორჯერ... ლაზეთში ჯერ არ ვყოფილვარ... ღვთის ნებაა ყველაფერი. ალბათ, ეს დღეც დადგება...
- კითხვა: საინტერესოა თქვენი პირველი შთაბეჭდილება...
- პასუხი: ძნელია ამის გადმოცემა... მხოლოდ ერთი სიტყვა გამოხატავს მას – გრანდიოზული. იმთავითვე, როცა ის საოცარი ტაძრები აიგო, მას „მეორე იერუსალიმი“ უწოდეს. ამ სიტყვებით ყველაფერია თქმული. უდიდესი სიამაყის გრძობა გეუფლება, როცა ამ საოცრებებს ხედავ... მაგრამ აქვე გიჩნდება გრძობა დიდი სიმძიმისა. ღვთის ანაბარადაა მიტოვებული ყველაფერი. მორწმუნე ადამიანისათვის ძალიან ძნელია ამის ხილვა და შეგნება. ტაძრებში ლოცვა უნდა ისმოდეს. სანთელი უნდა ენთოს, მრევლი უნდა იდგეს. მაგრამ ისევ და ისევ, მინდა გითხრათ, რომ, ალბათ, თანდათან ესეც მოხდება. ღვთის ნებაა ყველაფერი.
- კითხვა: ილიას განდევნილიდან მახსენდება: „ხსნა ყველგან არის, მაგრამ გზა ხსნისა, ასეთი მერგო მე უბედურსა“.
- პასუხი: ჰო, მაგრამ ჩვენს სასჯელს, თუ შეიძლება ასე ითქვას, ღმერთს არ ვაბრალებთ. თითონ არა ვართ ღირსნი...
ხშირად ვამბობთ, რომ ვისჯებით, მაგრამ, ისჯება ის, ვინც უყვარს უფალს.
- კითხვა: დიახ... ქართველმა კაცმა იმთავითვე იცნო იესო...
და მაინც, ისევ მინდა გკითხოთ... თუ არსებობს რაიმე პერსპექტივა, იმედი, რომ თუნდაც ერთ ტაძარში, ამ ახლო პერიოდში, ზოგჯერ მაინც წირვა-ლოცვა რომ ჩატარდეს?
- პასუხი: ჯერ ამაზე ლაპარაკი არ არის, მაგრამ იმედი მაქვს... ცოტა ხნის მერე... ღმერთო, შენით, ღმერთო შენით... გარდა ამისა, ტაძრების უმრავლესობა უნდა გამაგრდეს... ბევრი მათგანი საშიშროების წინაშე დგას.
- კითხვა: რაღაც ძვრები უკვე, როგორც ჩანს, დაწყებულია. ბევრ ეკლესიასთან მისასვლელი გზები უკვე მოწესრიგებულია, მაგრამ არა ყველგან...
ლაზეთზე რას იტყვით.
- პასუხი: ლაზეთში, სამწუხაროდ დღესდღეობით ტაძრები ძალზე ცოტაა... ოდესღაც ეს მხარე ქრისტიანული სალოცავებით იყო მოფენილი... ახლა აღარ არსებობს. დაანგრის... განადგურდა.
- კითხვა: არქეოლოგების ერთ ჯგუფში გაჩნდა იდეა, რომ დაიწყონ ერთობლივი გათხრები თურქებთან ერთად. ეს ხომ ძალიან კარგი იქნებოდა. არც ერთი ძველი შესწავლილი არაა.
- პასუხი: დიახ. ეს ძალიან კარგი იქნებოდა. ალბათ, ესეც მოხდება...
- კითხვა: რამდენადაც ვიცი, ახალციხის უნივერსიტეტში არსებობს „გრიგოლ ხანძთელის საზოგადოება“.
- პასუხი: დიახ. მე ვარ ამ საზოგადოების თავმჯდომარე. უნივერსიტეტის მაშინდელმა რექტორმა, ბატონმა მერაბ ბერიძემ დააფუძნა ეს საზოგადოებაც და თვით უნივერსიტეტიც... დიდი ღვაწლმოსილი კაცია. ქვეყნისათვის, ეკლესიისათვის თავდადებული. ახლახან ახალქალაქში გაიხსნა უნივერსიტეტის ფილიალი... შემძლია დაბეჯითებით ვთქვა, რომ ახალციხეში ნამდვილი ქართული სამყაროა.
- კითხვა: რას იტყვით ეკლესიის მრევლზე.
- პასუხი: მრევლი ძალიან კარგი გვყავს. ძალიან თბილი და უშუალო ხალხი ცხოვრობს აქ. ყოველთვის მიხარია მათთან ურთიერთობა. ძალიან უნდათ ტაო-კლარჯეთში წასვლა, მაგრამ ჯერ-ჯერობით თავს ვიკავებთ... შესაძლოა, საერთოდ გაიხსნას გზა...
- კითხვა: თქვენ ხომ პირველად უწმიდესთან ერთად იყავით...
- პასუხი: დიახ... იქ ჩამაბარა ეს უძვირფასესი განძი... აღვაკლინეთ ლოცვები ოთხთაში და ხანძთაში... საოცარი მადლი იგრძნობა ყველგან, მიუხედავად იმ სამსაუკუნოვანი სიმორისა, რომელიც ჩვენს შორის იყო ჩამდგარი. დიდებული და განუმეორებელი... ყველა ტაძარი განსაკუთრებულია. რომ შენდებოდა, ღვთის მიერ შენდებოდა და ეს ჩანს.



ბერთის ოთხთავის მოჭედებლობა, XII საუკუნე
ბეშქენ ობიზარი

ერთი ეპიზოდი მინდა ვიამბოთ... იმის დასტურად, რომ იქაურ ქართველებში თუმცა მინაველებით, მაგრამ მაინც კრთის თავისი წინაპრის რწმენა და სიყვარული. ოშკის უზარმაზარ ტაძართან ვიყავით... უეცრად დავინახეთ ბარელიეფს ქვემოთ ვიღაცას ხის მორი შეუღამს... ვინ გააკეთა-თქო ვიკითხეთ და გურჯმაო გვიპასუხეს. ეს მაძღვეს იმედს, რომ ტაო-კლარჯეთის ეკლესიებში წირვას შევესწრები...

ესაუბრა **თინათინ კობალაძე**

პავლე ინგოროყვას სურათთან



ოცი წლის წინ, 26 ივნისს, მთავარანგელოსთა და ანგელოსთა ხსენების დიდ დღეს აღესრულა ბატონი პავლე. ეკლიანი, მაგრამ ნათელი იყო მისი გზა ამქვეყნად. ვაღმოსხდილი წავიდა და თანამედროვეთა გულის ტკივილთან ერთად იმ უძველესი, ქართული გალობის ხმები მიაცილებდნენ, რომლის წვდომისა და ახსნის ურთულეს ხვეულებში მთელი თავისი სიცოცხლის მანძილზე იკვლევდა გზას... დაიწყო რომ სტაციებდა ყოველივე ქართულს.

გვწამს, სიხარულით მიეგებნენ მას დიდნი ხანძოელები და ოპიზარნი... მათებრ ნათელი და მათნაირი ბრძანდებოდა თავადაც.

დრო ყველაფერს თავის ადგილს მიუხენს... და თანდათან უფრო მადლდება იგი, ერთი იმ დიდ ქართველთაგანი, უკანასკნელი წარმომადგენელი თავისი თაობის დიდ მამულიშვილთა, მამულის მოამაგეთა...

და ახლა ისტორიას ეკუთვნის... ახლა იმ ტაძრის ნაწილად გვეგულების, რომლის კედელთანაც მისი მყარი აგურიც დევს.

მთელი სიცოცხლის მანძილზე, წიგნებში ჩაძირული, თითქოს ბერის სენაკში ცხოვრობდა. ამ სენაკში იგი დამეებს უთენებდა თავის საქართველოს და როგორც ერთი მწერალი წერს: „მას სხვა არაფერი უნდოდა და არც მოუთხოვია. ისიც გრიგოლ ხანძოელის შინაგანი სინათლით იყო განათებული; მასაც მეუდაბნოე ბერის რწმენა ეწვოდა თავდაუზოგავი, თავდავიწყებული შრომისაკენ – ხოლო თავად ისიც კი არ იცოდა, მაგალითად რომ იქცა დაუნჯებული, ცხოვრების ყაყანს განრიდებული, მეუდაბნოე მეცნიერის მაგალითად...

საუკუნის აღმართზე ჯვრის ზიგვა ასე ხანგრძლივად და ქედშეუხრევლად მხოლოდ ერთეულებმა შეძლეს (გ. ასათიანი).

ნათელი გადგათ, ბატონო პავლე! ნათელი ადგას თქვენს სათაყვანო სამშობლოს, თქვენს ერს... ტანჯულს, მაინც მშვენიერს, თქვენს ახალგაზრდობას... ნათელი ადგას იმ მაღალ რწმენას, რომლითაც ამქვეყნად იცხოვრეთ და იღვაწეთ.

დიდი მეუღლის სორცთაგან განსვლა

გიორგი მერსულემ თავისი მოთხრობა ზღაპრის ელემენტით დაასრულა. სიკვდილის კარად მიმდგარი გრიგოლი საოცარ სახილველს ხედავს, მას ანგელოზები შემოერთნენ და ამცნეს უფლის ნება, რომ ცაში დამკვიდრდეს მისი სული.

და დასასრული ყველაზე უფრო ღოგიკური, და თუ გნებავთ, რეალისტური დასასრულია, სხვაგვარი დასასრული თითქოს არც შეიძლებოდა ამ მოთხრობას ჰქონოდა.

გრიგოლ ხანძოელი ბავშვობიდანვე გაემიჯნა პიროვნულ სურვილებს. ის დაადგინა უმძნელესი გზა, რომელზეც მხოლოდ რწმუნნი მიდიან და სადაც მხოლოდ ნებისყოფა, სიმტკიცე, სათნოება და სიყვარული უნდა წაიღო საგზაად. გრიგოლმა ეს გზა თავაღმუკრთომლად გალია. ის მოძღვარი იყო. ის მეუღლის იყო. მას სულის სიმტკიცის და „დიდი სოფლის“ დროშა მიჰქონდა. ადამიანის ადამიანური სიმაღლისათვის ბრძოლა ყველა დროში უწმიდესი ბრძოლაა, ეროვნული სიმრთელის და სიმტკიცისათვის ბრძოლაა.

მეუღლის გრიგოლ ხანძოელის ზარების რეკვა მთელ საქართველოს ესმოდა – „ხოლო ნეტარი მამა ჩვენი გრიგოლ ორთა მათ მისთა შენებულთა მონასტერთა შინა ხანძთას და შატბერდს იქცეოდა მარადის და მოძღვრებისა მისისა სწავლითა ადავსებდა გულსა მოწაფეთა თვისთასა... და ამის მიერ არა ხოლო თუ მონასტერში მისნი განმტკიცებოდეს, არამედ სიბრძნისა მისისა მდინარეთაგან ირწყვეოდეს ყოველნი უღაბნი კლარჯეთისანი.“

...და აი, კვდება უბრწყინვალესი პოეტი, ავტორი ისეთი საგალობლებისა, რომლებშიც, პავლე ინგოროყვას თქმით, „საქვეყნო სათხოვარნია“ გადმოცემული:

ნუ შეურაცხ-ჰყოფ
ერსა შენსა გლახაკსა და დაწუნებულსა,
არამედ შემწე ყქავნ
მარჯვენად შენი ძლიერი და მალალი,
შობილო ქალწულისაგან,
და მიხსენ ჩვენ მონებისაგან მტერთა
ჩვენთაჲსა,

აგარის ნათესავთა,
და ძლევედ მოჰმადლე მეფესა ჩვენსა.

დაბოლოს, მიდის კაცი-სიმბოლო, კაცი-მაგალითი, კაცი, რომელმაც მზესავით გააბნია თავისი ნათელი სული, უბრწყინვ-

ლესი ტაძრების კედლებში ნაატანა თავისი სისხლი. კაცი, რომელიც თავისი ცხოვრების წესით, თავისი სულიერი შემართებით ერთმანეთთან აპირისპირებდა წარმავალს და წარუვალს. კაცი, რომელიც დიად ღოცვას ადავლენდა კლარჯეთის უღაბნიში:

ერთი მართლმადიდებელი,
მორწმუნე აღმსრულებელი,
შენთა ზიმართ მეუღრებელი,
გვედრებით შენ,
ქრისტე, მიხსენ ჩვენ
ისმატელთაგან ერმათა
და შეახეთქენ კლდესა წმიდასა.

ასეთი კაცის სიკვდილის აღწერისას მერსულემ გულგრილად ვერ იტყოდა, ამა და ამ წელს, ამ თვესა და დღეს გრიგოლი გარდაიცვალა და დიდი პატივით დაასაფლავესო. მას უნდა მიეგნო უფრო სხვაგვარი, უფრო ბუნებრივი ფინალისთვის და მიაგნო კიდევ. ბოლოს მკითხველი გრიგოლ ხანძოელს ანგელოზებით გარშემორტყმულს, ცაში გასაფრენად გამზადებულს ხედავს. მისი ჩვეულებრივი სიკვდილი არ შეიძლება. მან მფარველი სულივით უნდა იტრიალოს კლარჯეთის ცაში და მისი მზეურა კლარჯეთის ცის ვარსკვლავების მზეურას უნდა დარჩეს კლარჯეთის უღაბნიში და თავისი დიდი სინათლით გააბნოს სულმდაბლობის საზარელი ღრუბლები.

ჩემს ცნობიერებაში განუყრელად დაუკავშირდნენ ერთმანეთს, ერთი მხრივ, პავლე ინგოროყვას მეცნიერული პორტრეტი და მისი განთქმული წიგნი „გიორგი მერსულემ“ და, მეორე მხრივ, პავლე ინგოროყვა და გრიგოლ ხანძოელი.

ისინი ერთნაირები არიან. კაცი წიგნს ჰკავს და წიგნი კაცს, ერთმანეთს ცვლიან და ერთმანეთს ავსებენ.

პავლე ინგოროყვა და გრიგოლ ხანძოელი – ისინი ერთნაირი მასალის, ერთი სულითა და სისხლით შენივთულ პიროვნებებად წარმომიდგებიან ხოლმე. ძნელია ამ წიგნს ერთი გამოკვლევა უწოდო. ასეთი წიგნებით ხშირად როდი გვასანუქრებს ფილოლოგიური თუ ისტორიული მეცნიერება. ეს წიგნი მეუღლის ასკეტური ფანატიზმით დაწერილი წიგნია. ყოველ ფრაზას, ყოველ სიტყვას რაღაც დიდი, გონებისთვის მიუწველამელი ძალის სიყვარული ანათებს.

ჩვენ ვიცით, რა სიყვარულია ეს და რა შეუძლია ასეთ სიყვარულს. ასეთი სიყვარულითაა ჩვენი მიწიდან ცისკენ ასროლილი კვდლები ციხეებისა და ტაძრებისა, კვდლები კოშკებისა და გალანებისა. ეს სიყვარული დაუოკებელ და იღუმალ ძაღად დგას შემოქმედის სულსა და ძარღვებში და უამით უამად უკვდავ ლექსებად, ტაძრებად, ჰიმნებად ამოენთება ხოლმე.

ეს სიყვარული შემოქმედის რელიგიაა და თავის წიაღში აერთიანებს წარსულსა და მომავალს, გმირობასა და ფანატიზმს, პატრიოტიზმსა და დიად სულიერ ენერჯიას, სიკვდილსა და სიცოცხლეს...

უმშვენიერესი სიყვარულის ეს ძალა სისხლის ყოველ წვეთს მოითხოვს შემოქმედისგან. სისხლის ყოველი წვეთის გაღება კი მხოლოდ გმირებს შეუძლიათ. ამიტომაც, რომ ბევრი მიმდევარი ჰყავს ხელოვნებას, მაგრამ დიდი ხელოვანის დალით დასმული რაინდები ცოტანი არიან და მათი სიცოცხლე და შემოქმედებითი გზა მართლაც სისხლითაა განათებული.

პაულე ინგოროყვას ფარი და მახვილი, მისი ჯილდო და დიდება ეს სიყვარული იყო. მას სხვა არაფერი უნდოდა და არც მოუთხოვია. ის ამ სიყვარულით იყო ბედნიერიც და უბედურიც, აღზევებულიც და დაცემულიც. ისიც გრიგოლ ხანძთელის შინაგანი სინათლით იყო განათებული, მასაც მეუღაბ-

ნოე ბერის შინაგანი რწმენა ეწეოდა თავდაუზოგავი, თავდავიწყებული შრომისკენ.


„მან ისიც კი არ იცოდა, რომ მაგალითად იქცა – დაუნჯებული ცხოვრების ყაენის განრიდებული „მეუღაბნოე მეცნიერის“ მაგალითად.

არც ის იცოდა, რა დიდი იმედი გვქონდა მისი. ის ჩვენი ციხე-სიმაგრე იყო. ჩვენი ხალხის სიმტკიცის, ენერჯიის ნიშნად გვექცა. ის დიდი იყო. მის გავლილ გზაზე ყოველთვის დიდი, დინჯად და მტკიცედ მიმავალი კაცის ნაფეხურები რჩებოდა. ის ჩვენი დიდი მამა და დიდი პაპა იყო.

ამბობენ, შეცდომებიც ჰქონდაო, ზოგიერთი შეცდომა აშკარა ტენდენციურობიდან მოდისო... არ ვიცი, რამდენად სწორია ეს ეჭვები... იქნებ სწორიცაა. ზემოთ მის სიყვარულზე ვლაპარაკობდი – დაუზოგავ, უსაზღვრო, აუღაგმაგ, ნამდვილ სიყვარულზე. ნამდვილ სიყვარულში კი ყველაფერი ბუნებრივი და ყველაფერი ღამაზია – გატაცებაც და ბრძოლაც, თავგამეცობაც და შეცდომაც. ჩვენ პაულე ინგოროყვა, მისი შემოქმედება, მისი ცხოვრება სწორედ ისეთი გვიყვარს, როგორიც ისაა – თავგანწირული და თავმდაბალი, შეუდრეკელი და შეუპოვარი, თავისი სამშობლოს უმშვენიერესი შვილი.

გაეუპა წიკლაური

მწერალი



ხანძთა

ქარდუ... ურარტუ... ხეთა... შუმერი


პაველე ინგოროყვას

გარდასულ უამით ხარ გარუჯული,
ვით გაბოლილი ცეცხლით ღუმელი
და კვლავ მოგესმის ტკბილი ჩურჩული:
ქარდუ... ურარტუ... ხეთა... შუმერი...
შუამდინარის ტიგრის, ევფრატის
გაშლილ რუქაზე მძლავრობს ისრები
წაუკითხავი ქვის ნატერფალის,
უთვისტომობის დარდით იხრები.
ხედავ, ეთერში მზის სხივს დარწმუნებს,
შავთელის ჯურღმულს რომ ჭრის აღმასით,
ამოალაგებს შენთვის განძეულს
ძველი ბაგინეთ, მცხეთა, არმაზი.
რუსთველის სიტყვის მცველს და მერჯულეს
გსურდა შემუსვრა კალმით ქაჯეთის.
შენ ახლებურად ახსენ მერჩულე
და მოგვანატრე ტაო, კლარჯეთი...
სიბრძნის შიკრიკი ხელს შენსკენ იშვერს,
რომ შენ შიფრავდე უამინდელ ნიშნებს...
მოხდეს გონების გადანათება
და კვლავ თამარის ამონათება.
იგი მარადეამს შენს სულს განაგებს,
გარდასულ უამის ნექტარი შესვი
და უცხო განძებს შენთვის ალაგებს
ქართული მიწის ძირი და ფესვი.


ლაშროსი კალანდაძე



ბანას ეკლესიის ნანგრევი



ეკლესიის ნანგრევი



ოთხთა ეკლესია

* * *

დიდება მიწას, რომ გეაკვანათ,
თქვენი მაღლი რომ დაუფენია,
ნეტავ, რა ძალამ ამოაქანა
შუქნასხივარი თქვენი გენია.
ვინ დაგვიტოვა უკვდავნაგები
ციხე-კოშკები სისხლით სოველი,
დიდი ტაძრები ნაქანდაკები,
ღვთიურ ჩუქურთმით გამოქსოვილი!
იქ ვინ აზიდა ქვაკუთხედები,
სადაც არც კი ჩანს ნაბილიკარი,
იქ ვინ აზიდა კამარედები,
ერთი ვაზიდან გათლილი კარი?
ვინ გამოჰკვეთა ნუკრი მწოვარი,
მტევნები, მტრედი გამომფრინალი,

ფასკუნჯის ფრთებქვეშ ვერხვი მწოლარი,
ჩასაფრებული, როგორც ფირალი!
და თქვენი აზრი, ქვაზე დამყნილი,
აყვავებული ვაზის რტოებად...
თქვენი ოცნება, თქვენი ძახილი,
მქროლი არწივთა გასატოლებლად.
თქვენი ვარაყი, ოქროხატული,
ალის შხეფი და ცეცხლის წვერია.
თქვენი წიგნები ასოხლართული,
უმეტეს ღამით რომ გიწერიათ...
იხდიდით ბოდიშს, თუ რამ ჰკლებოდა,
ჰმარგალიტავდით თვითეულ წერტილს.
მთაზე რომ ელვა იკლაკნებოდა,
იქნებ იმ ელვით იმ ლექსებს წერდით?

გიორგი ლეონიძე

ტაო-კლარჯეთის ხუროთმოძღვრება

ტაო-კლარჯეთის ხუროთმოძღვრების ხსენებისას სამხრეთ-დასავლეთ საქართველოს მასში შემაჯავალ სხვადასხვა ისტორიულ რეგიონებს შორის, თურქეთის მხარეში დარჩენილ, უდიდესი ისტორიული, რელიგიური და მხატვრული მნიშვნელობის სამონასტრო ნაგებობებს ვგულისხმობთ. ეს მხარე, საიდანაც იწყება ქართული სახელმწიფოებრიობა, მისი ერთიანობა, კულტურულ-სარწმუნოებრივი და სახელმწიფოებრივი აყვავება – უმდიდრესია ჩვენი არქიტექტურის პირველხარისხოვანი ნიმუშებით. ხანძთა, ოპიზა, ოშკი, იშხანი – მათი ხსენებაც კი საეპარქიოსა უდიდესი, მსხვილმასშტაბიანი და უბადლო ხუროთმოძღვრების წარმოსასახად.

ამ რეგიონის უდიდესი მეფეების – დიმიტრისა და ვახტანგ გორგასლის მიერ აგებული შენობები დღემდე თითქმის არ შემონახულა და მათ შესახებ მხოლოდ წერილობითი წყაროებით ვიგებთ.

სამაგიეროდ, ადრეულ ხანას გვიხასიათებს უმნიშვნელოვანესი ნაგებობა – ბანას გარშემოსავლელიანი ტეტრაკონქი, თაღებით გახსნილი აფსიდებით, ელინისტურს ნაზიარები მრავალფეროვანი კაპიტელებით, მცხეთის ჯვრისაგან შთაგონებული გუმბათქვეშა პილონებით, საფასადო, მახლობელი ადმოსავლეთის სხვა ნაგებობების მინაგვანიდან გარდასახული დეკორით – ვაზის, სამოთხის მცენარეების სახეებით.

ინტენსიური აღმშენებლობა კი აქ, არაობით გავერანებულ, თითქმის გაუკაცრიელებულ სანახებში, წმიდა მამის, გრიგოლ ხანძთელის სახელს უკავშირდება... პერიოდს, როდესაც აქ ტაოელი ბაგრატიონები მკვიდრდებიან.

ამ ხანებში არსდება ხანძთის, ჯმერკის, მიძნაძორის, გუნათლეს, მერეს, წყაროსთავის, ბარათელთას მონასტრები. ახლად შენდება იშხნის საკათედრო ტაძარი.

ტაო-კლარჯეთის ამ პერიოდის, VIII-IX საუკუნეთა ნაგებობები ძლიერ ასკეტურია (მათ შესახებ მიძნაძორისა და წყაროსთავის ტაძრების ნანგრევებით შეგვიძლია ვიმსჯელოთ) – თითქმის უძკობი, უხეშად თლილი ქვით ნაგები, თუმც სუფთა მოხაზულობებით სახასიათო, გუმბათიანი, სივრცეში ჯვრისებრი მოცულობებით. ამგვარივეა ოღნავ მოგვიანებით,

გრიგოლ ხანძთელის მოწაფეთა მიერ აგებული მონასტრებიც მეზობელ თორში, ბორჯომის ხეობაში (სამეკლესიანი ბაზილიკები: – ნემვი, საკვილიკე და სხვა).

ამ პერიოდის არქიტექტურის თვისებებს სრულად გვიხასიათებს ტაო-კლარჯეთის ერთ-ერთი საგულისხმო ნაგებობა – ნუკა – საყდარი, კარჩხალას ხეობის კლდოვანი ფერდის ქიმზე ისეა აღმართული, რომ მსგავსი არსად მოიძებნება; ქარაფ-ქარაფ მიმავალი ვიწრო ბილიკით მისადგომი, ცალი ფერდით კლდეში შეჭრილი და მის განუყოფელ ნაწილად ქცეული, ნაწილად, რომელიც, ამავე დროს, ყველა მხრიდან დაუბრკოლებლად აღიქმება. ესაა ორნავიანი ბაზილიკა დიდი, უხეში, ერთმანეთზე მიმჯდარი ლოდებით, ძლიერისა და სახოვანის შთაბეჭდილებით.

„უბრალო“ სამონასტრო, ასკეტური და მკაცრი ნაგებობებიდან „სარწმუნოების ტრიუმფის“ გამომხატველ მრავალფეროვან არქიტექტურისკენ გზას ხანძთის მონასტრის შემდეგ მაშენებელი, გიორგი მერჩულის სიტყვისამებრ – „სიბრძნით სრულად მაშენებელი – ამონა“ იწყებს. ამონას მიერ 1910-20 წლებში აგებული ხანძთის ტაძარი თავისი ტიპოლოგიით „დროის წინ მსწრებია“ – ორ ბურჯზე დაყრდნობილი გუმბათით, აფსიდის აქეთიქით პასტოფორიუმებითა და მკლავთაშორის დასავლეთის სადგომებით... რითაც მან, ერთ-ერთმა პირველმა, განახორციელა უფრო შემდგომ, XI საუკუნიდან დამკვიდრებული „სივრცეში ჩახაზული ჯვრის“ ეკლესიის სტრუქტურა – ფორმულასავით დაწერილი და „უხედმეტო ერთიანობა“. შესრულების დონეც ძლიერ მაღალია – უზადოდ თლილ ქვა-ფასადებზე, გუმბათზე, რთული პროფილებითა და დახვეწილი დეტალებით: ისე, რომ დღესაც, როცა ტაძარს გუმბათქვეშა საყრდენი გამოცლილი აქვს და გუმბათის ხსნარიც სულ გამოქარული, ქვათა წყობა მყარ სტრუქტურად ინარჩუნებს მის ფიზიკურ სტატიკურობას.

ჩანს, ამონას შემოქმედების ამგვარმა სისრულემ მისცა ბიძგი ტაო-კლარჯეთის, X საუკუნის ნახევრიდან მოყოლებული, სულ სხვაგვარ, ახალ ეტაპზე ამავე ბრწყინვალე ხუროთმოძღვრებას.

ახალი ნიშები უკვე 954–958 წლებში მეფე სუმბატის მიერ აგებულ დოლისყანის ეკლესიაში გვხვდება, რომელიც ფლეთილი ქვის კია, მაგრამ კარგად თლილ გუმბათსა და სარკმელ-კართა გარშემო, მის მონაკვეთებზე რელიეფები და წარწერები უხვად მკულის შთაბეჭდილებას ტოვებს. აქვეა ტაო-კლარჯეთისთვის დამახასიათებელი – ეკლესიიდან უშრეტი ნათლის დენის სახოვნად მაჩვენებელი – მარაოსებრი შემკულობის პირველი მაგალითიც, სუმბატის რელიეფი ეკლესიით ხელში და სხვა დეტალებიც.

სხვა ეტაპის მაჩვენებელია 945–954 წლებში განახლებული ოპიზის ტაძარიც – ნახევრადგამოილი ქოლგის ფორმის გუმბათით, ზედ თორმეტმალნი თაღნართა და მცენარეულორნამენტნიანი კაპიტულებით (ნაგებობა 1960-იან წლებში ძლიერ დააზიანეს).

დიდ შთაბეჭდილებას ახდენს ამ რეგიონის ერთ-ერთი უდიდესი ნაგებობა – ტბეთის ტაძარი. საეპისკოპოსო კათედრა ჯერ კიდევ აშოტ კუხმა დააარსა X საუკუნის დამდეგს. ეს ნაგებობა X საუკუნის 60-იან წლებში განახლეს და სამხრეთ საქართველოსთვის ძალზე სახასიათო – მრავალმკლავიან ტაძრად აქციეს. მსხვილი საფასადო, თითქმის მძიმე თაღნართა და ასეთივე თავსართებით სარკმელთა თავზე. X-XI საუკუნეთა მიჯნაზე და XI საუკუნის I ნახევარში ტბეთი კიდევ განახლდა – პლასტიკურად დაძერწილი თაღოვანი კორპუსის წიაღში მოექცა, შეიცვალა გეგმაც – ჯვრული, მკლავებთან აღმართული ბურჯებითა და მასზე დაფუძნებული გუმბათით, გაიმართა პასტოფორიუმები, ჩუქურთმაც დახვეწილი და პლასტიკურ დენადი გახდა.

X საუკუნის შუა ხანები და II ნახევარი დავით III კურაპალატის მმართველობის დროა, დრო ქართულ სამთავროთა ერთიან სახელმწიფოდ გაერთიანების სიმწიფისა. ამ დროს შენდება უდიდესი ბაზილიკები – ოთხთა ეკლესია და პარხალი, ხახულის მონასტერი, ოშკის კათედრალი.

ხახულის მონასტრის მთავარი, ღმრთისმშობლის ეკლესია ჯვრისებრია, ორი გუმბათ-ქვეშა ბურჯით, მარაოსებრად შეღრმავებული აფრა-ტრომპებით, სამნაწილელი დასავლეთი მკლავით და უზადოდ თლილი ქვის ინტერიერთა და ფასადებით. ჰორელიეფური არწივით სამხრეთ სარკმელთან, წითელზოლოვანი

მარაობით, თაღნარებიანი გუმბათით, მრავალფეროვანი, თუმცა ჯერ კიდევ გრაფიკული ორნამენტაციით.

დროის სულ მცირე მონაკვეთში ამგვარმა წინსვლამ, ახალმა შემოქმედებითმა იდეებმა და მათმა უზადო ხორცშესხმამ გამოიწვია, რომ ტაო-კლარჯეთის ამ პერიოდის ხუროთმოძღვრება იქცა მთელი საქართველოს, „ზოგადქართული“ ხელოვნების უპირველეს მაფორმირებლად და წარმოძვინადა.

ოშკი ერთ-ერთი პირველია გაერთიანებული საქართველოს უდიდეს კათედრალთა – ბაგრატიის ტაძრის, ალავერდისა და სვეტიცხოველთან ერთად, რომელიც ადგილობრივ პოპულარულ თემას – ტრიქონკს მისი მამუნებელი მასშტაბებს სძენს. თუ სულ ცოტა ხნით ადრე ეკლესიათა ინტერესები სრულებით სადა იყო, ახლა ძლიერი დეკორი შიგნითაც უხვად იჭრება და რთავს კოლოსალურ ბაზილეს, ქტიტორების – მეფეთა – დავითისა და ბაგრატიის სადგომ ნიშნებს, სამხრეთ გალერეის კამარებსა და სვეტებს (ერთზე წმიდა ნინოს უადრესი გამოსახულებით). კიდევ უფრო უხვია მორთულობა ფასადებზე, რომელიც აქამდე უნახავ, ამიერიდან კი მისაბამ და ტრადიციულ სისტემას ქმნის – ცენტრისკენ მზარდი დეკორაციული ხუთთაღედით. ძალზე პლასტიკური რელიეფებით, რომლებიც თითქმის მრგვალ ქანდაკებებს ემსგავსებიან, ქტიტორთა თითქმის ნატურალური ზომის ქანდაკებებით, მთავარანგელოზთა, მესვეტეთა გამოსახულებებითა და სხვა.

ასეთივე „დიდი ხელოვნების“ მაჩვენებელია ამავე დროს აგებული ოთხთა ეკლესიის ხუროთმოძღვრებაც – ვერტიკალურად ზემსწრაფი და უზადოდ თლილი, „მატერიალური“ მძლავრი კვადრებით მკვრივად ნაშენი, ძლიერი და იმავდროულად მსუბუქი, პატრინიკეთი, სივრცეში ტრიუმფალურად გადაყვანილი განსხვავებული-მალიანი ბურჯთა თაღებით, ინტერიერის თაღოვანი სახატებებითა და ფასადების მძლავრი თაღნართით.

დეკორატიულობა, უბადლო მორთულობათა სიუხვე, არქიტექტურული დახვეწილობა – ყველა ეს საუკეთესოდ ჩანს შატბერდის (ენი რაბათის) ეკლესიის ხუროთმოძღვრებაში. ეს „ნახევრადთავისუფალი ჯვრის“ ტიპის შერთვა თაღნართი მორთული გუმბათითა და თაღნარიანი ძირითადი კორპუსით, უხვი, თუმცა ჯერ

კიდევ თხელი ჩუქურთმითაა შემკული: აღმოსავლეთითაც ორი ნიშის მაგიერ ოთხი აქვს. ფასადებიანი დეკორი „შიგნითაც აღწევს“ და მის გუმბათს თაღნარი მიუყვება. აფრა-ტრომპებს ფარშავანგის კუდივით ელვარე ნაირფერი წვეთები რთავს. მონასტრის სიძლიერესა და ბერთა სიმრავლეს აჩვენებს დასავლეთის პატრონიკენი, მაღლა გაჭრილი კარით.

მაგრამ ისე არსად წარმოჩენილა აქაური ქართული ხელოვნების დიდებულება, არქიტექტურული აღნაგობის სირთულე-დახვეწილობა, ორნამენტაციის სისუფთავე და „ოქრომქანდაკელობა“, როგორც იშხნის ტაძარში. იგი რამდენიმე ფენას მოიცავს – „უბრალოდან“ „დიდებულისაკენ“. იგი ჯერ 820-იან წლებში შეაკეთა წმიდა გრიგოლ ხანძთელის დისწულმა საბამ. შემდეგი ფენა 950–960-იან წლებს ეკუთვნის. საბოლოო სახე კი ტაძარმა XI საუკუნის I მესამედში 1014–1027 და 1032 წწ-ში მიიღო (ხუროთმოძღვარი ივანე მორჩაიძე). ეკლესიის ჯვრული მოცულობა ოთხ ბურჯსა და მასზე აღმართულ გუმბათს შეიცავს, აფრა-ტრომპებით. ინტერიერის ღია, თაღოვანი საკურთხეველი ბანას ტაძარს მოგვაგონებს, ქანდაკებასავით პლასტიკური სვეტ-კაპიტელებით, ნალისებრი თაღებით, სივრცულ ფენებად გაშლილი „უკანა ფონით“, რომლებიც VII ან X საუკუნეს უნდა მიეკუთვნებოდეს. უძლიერესია ეკლესიის ფასადები და გუმბათი – ამ უკანასკნელზე დაფერილი საბურავითა და მილიმეტრებით ფაქიზად კვეთილი ორნამენტაციით, ზედ წითლის, ფასადებზე კი ხასხასა ლურჯის გამოყენებით, სარკმელ-კართა მორ-

თულობის „ამოუწურავი“ რეპერტუარით.


ცალკე მოსახსენებელია ამ რეგიონის განსაკუთრებულობისა და სიძლიერის მაჩვენებელი, დღემდე ნანგრევებად მოღწეული, სხვა სამონასტრო ნაგებობებიც. დიდრონი თლილი ქვით ნაგები სარკმლებიანი სენაკები პარეზში, ხანძთის დიდ ტერიტორიაზე გაშლილ სენაკთა ნაფუძრები, ხანძთისვე წყარო-ეკლესია, ბერთასა თუ წყაროსთავის მონასტრების სატრაპეზოები – ბურჯებით დაყოფილი ინტერიერებით, სამყურა მოხაზულობის სარკმლით (წყაროსთავი) თუ თლილი ფასადებით, ოპიზის გალავანს გაყოფილი კამაროვანი სენაკებითა და ბერთა საძვალეებით.

აქაურ ხუროთმოძღვრებას „გამაოგნებელი“ მხატვრული ძალის გარდა უდიდესი მხატვრულ-ისტორიული მნიშვნელობაც აქვს. აქ მუშავდებოდა ის არქიტექტურული ტიპები, რომლებმაც საქართველოს სხვა რეგიონებშიც კპოვეს გავრცელება. აქ შემუშავდა და ქვეყნისათვის „საზიარო“ გახდა მთელი რიგი დეკორაციული მოტივები, ხერხები, რეპერტუარი, სახვითი საშუალებები. სხვა რომ არაფერი, ამ რეგიონის ხელოვნების „სიმაღლე“ იქცა საქართველოს სხვა რეგიონთათვის „ზოგადქართულისა“ და „სახელმწიფოებრივის“ სინონიმად.

ამ მემკვიდრეობის შენარჩუნება დღეისათვის საქართველოს მხრიდან მეტი ყურადღებითა და „ხსოვნის გაღვივებითა“ შესაძლებელი.

ნიკოლოზ პანიუშვილი

ხელოვნებისმცოდნე



პარსალი

ტაო-კლარჯული ჯვარ-ხატები

ტაო-კლარჯეთის ქართული სიძველეებიდან, გარდა ეკლესია-ტაძრებისა, მხატვრობისა თუ ქვაზე კვეთილობის ბრწყინვალე ნიმუშებისა, ოქრო-ვერცხლისაგან ნაკეთები ნივთებიც შემოგვენახა: ხატები, ჯვრები, სამწერობლები და სხვა, საეკლესიო ცხოვრებისათვის აუცილებელი „საჭურველი“. ეს ოქრო-ვერცხლენული ტაო-კლარჯული ოსტატთა ნახელავია, აქვე ტაო-კლარჯეთის საოქრომჭედლო სახელისნობში შექმნილი, ტაო-კლარჯეთის დიდი კათედრალისა თუ სხვა ზევრად მომცრო ეკლესიების სამსახურად.

მას შემდეგ, რაც ისტორიული ბედ-უკუღმართობის გამო საქართველოს ამ ძირძველ მიწას უცხოელი დამპყრობლები დაეპატრონენ, ტაო-კლარჯეთის ამ ნივთებმა ჩვენი ქვეყნის ასე თუ ისე მშვიდობიან საეკლესიო ცენტრებში გადმოინაცვლა. ასე აღმოჩნდა სხვადასხვა დროს შემოქმედში (გურიაში), გელათში (იმერეთში), ზოგიც სალოლაშენში, ბრილში, ბრეთში (ქართლში), ზემო სვანეთშიც თავისი თავდაპირველი ადგილებიდან გამოხიზნული ტაო-კლარჯული ჯვარ-ხატები, ხელნაწერები, რიპიდები და ა.შ. დღეს ეს ნივთები ძირითადად საქართველოს ხელოვნების სახელმწიფო მუზეუმშია თავმოყრილი (თბილისში). მათი უმეტესობა მუზეუმის მუდმივ ექსპოზიციას ამშვენებს – როგორც მაღალი ხელოვნების ნიმუშები.

ტაო-კლარჯული წარმომავლობის ჩვენამდე მოღწეული ჭედურ ნაწარმოებთა ეს კოლექცია მრავალი კუთხით იქცევს განსაკუთრებულ ყურადღებას – მხატვრული ღირსებებითაც, იკონოგრაფიულადაც, ისტორიული ცნობების მომცველი ქართული ასომთავრული წარწერების სიუხვითაც. მაგრამ უმთავრესი მაინც ის არის, რომ სწორედ ამ ძეგლების მოშველიებით წარმოაჩინა, უწინარესად გიორგი ჩუბინაშვილმა ქართული რელიეფური სკულპტურის თანმიმდევრული განვითარების გზები X-XI საუკუნეების მანძილზე. ამ ძეგლებს მიუძღვნა გამოჩენილმა ხელოვნების ისტორიკოსმა ცალკეული სტატიებიც, მოზრდილი გამოკვლევებიც (გასული საუკუნის 30-40-იანი წლები), ხოლო ცოტა მოგვიანებით

მისსავე ფუძემდებლურ ორტომეულში ქართული ოქრომჭედლობის შესახებ (1959 წ.) მთელი სისრულით გამოჩნდა ტაო-კლარჯული ოქრომჭედელ-ოსტატთა განსაკუთრებული წვლილი, მათი შემონაქმედის განსაკუთრებული ადგილი და მნიშვნელობა მთელი ჩვენი შუასაუკუნოვანი ოქრომჭედლობის ისტორიაში.

ტაო-კლარჯეთი დღესდღეობით თურქეთის ტერიტორიის ფარგლებშია მოქცეული (XVI საუკუნის მიწურულიდან მოყოლებული), „თურქეთის საქართველოში“. მაგრამ ადრე, ქართველ ბაგრატიონთანა ეს სამთავრო (VIII-IX, X სს.) გაცილებით დიდ გეოგრაფიულ სივრცეს მოიცავდა – მთელ სამხრეთ-დასავლეთ საქართველოს ვრცელ რეგიონს. ჩვენი ქვეყნის სხვა ისტორიულ პროვინციებთან ერთად, აქ შედიოდა სამცხეც (დღევანდელი ბორჯომის, ახალციხის, ადიგენის რაიონები). სამცხესთან არის სწორედ დაკავშირებული ზარზმის „ფერისცვალების“ ხატი – შუა საუკუნეების ქართული ოქრომჭედლობის ქრონოლოგიურად ერთი უპირველესთაგანი და მხატვრული თუ ისტორიული თვალსაზრისით დიდად ღირებული ნაწარმოები.

დიდი გუმბათოვანი ტაძარი, რომელიც ზარზმაში დგას დღეს, XIV ს. დასაწყისშია აგებული. მაგრამ სამონასტრო აღმშენებლობა აქ ბევრად ადრე დაიწყო. ამ ნაგებობათაგან აღარაფერია დარჩენილი. ბასილი ზარზმელის თხზულებაში კი, რომელიც სერაპიონ ზარზმელის „ცხორებას“ ასახავს და რომელიც IX ს-ზე ადრეა დაწერილი, დაწვრილებითაა მოთხრობილი, როგორ წამოვიდნენ კლარჯეთიდან „ქუეყანად სამცხისად“ სერაპიონი და მისი ძმა, როგორ გამოიყოლეს მათ თან „ცხოველი ხატი ფერისცვალებისა თანაშემწედ და სასოდ ყოველთა ქრისტიანეთა“, როგორ მოიძიეს მათ ადგილი ღმერთით მინიშნებული, როგორ გააშენეს აქ მონასტერი – „სულთ – სამზრუნველოა“; ბასილი იმასაც გვაუწყებს, რატომ შეერქვა ამ ადგილს ზარზმა („რომელი ზარითა და შიშითა მიუთხრობელითა შეყვრობილ იყვნეს“). ხოლო როცა „სრულ იქმნა ეკლესია... აღმართეს მას შინა ცხოველისმყოფელი ხატი ფერისცვალებისა“.

ზარზმის ეს ადრინდელი „ცხოველი ხატი ფერისცვალებისა“, როგორც ირკვევა, საღებავებით იყო შესრულებული და ეს ფერწერული ხატი შეუმოსავთ მოგვიანებით ვერცხლის მოჭედით, კერძოდ, 886 წელს (ასომთავრული წარწერის თანახმად „ქრონიკონი იყო რე“). ხატის ფერწერული ფენიდან არაფერი შემორჩა. მოჭედითაა ძალზე შელახულია. როგორ გამოიყურებოდა მთელი თავისი ასახულებით ზარზმის ეს „სასწაულმოქმედი“ ხატი, ახლა არაფრის თქმა არ შეიძლება. მაგრამ ამჟამინდელი სახითაც იგი საოცარ ემოციურ ზემოქმედებას ახდენს.

წარმოდგენილია „ფერისცვალების“ საყოველთაოდ გავრცელებული ჩვეული სურათი: ზემოთ, ცენტრში, მაცხოვარი მაკურთხეველი მარჯვენით, აქეთ-იქით – ელია და მოსე წინასწარმეტყველნი, ქვემოთ – მოციქულები (წმ. პეტრე, იაკობი და იოვანე). „ფერისცვალების“ ეს კომპოზიცია, გარდა შინაარსობრივი, ქრისტიანული იდეოლოგიით ნაკარნახევი დატვირთულობისა, თავისი ფორმალური, სტილისტური მონაცემებითაც იპყრობს ყურადღებას. ცენტრალური გამოსახულებაც კი, ქრისტეს ფიგურა, რომელიც აშკარად მაღალი ნიჭიერების, უკვე კარგად გამოცდილი ოსტატის ნაბუშეგარია, არსებითად სრულიად ბრტყელი ფორმებითაა გადმოცემული, მთელი რელიეფი აქ თითქოს ლითონზე გამოკვეთილი გრაფიკული ნახატია. ეს ჭედურობა არ არის ჯერ ნამდვილად სკულპტურულ ენაზე მეტყველი ხელოვნება, მაგრამ ეს ის ადრეული და აუცილებელი ეტაპია, რომელსაც მომდევნო ხანებში, X-XI საუკუნეებში, ქართული ოქრომჭედლობის დიდი „სკულპტურული ეპოქა“ მოჰყვა.

ამ დიდი ეპოქის ერთი უპირველესი და სამაგალითო ნიმუშები იშხნის საწინამძღვრო ჯვარია, იშხნელი ეპისკოპოსის ილარიონის შენაწირი და წარწერით ზუსტად დათარიღებული – 973 წ.

იშხნის ჯვარი თავისი უმაღლესი მხატვრული ხარისხონებითა და საშემსრულებლო – ტექნიკური ოსტატობით შუა საუკუნეების ქართული ოქრომჭედლობის ერთი ყველაზე გამორჩეული ნაწარმოებია. ყველაფერი აქ ზედმიწევნით ზუსტადაა გააზრებული და უზადოდ მოწესრიგებული: ჯვრის მთლიანი სტრუქტურული

თუ პროპორციული აღნაგობაც, მისი მდიდრული დეკორის განწყობაც – ზოგადი ასახულობა იქნება ეს, თუ ცალკეული ელემენტები და დეტალები (წინაპირზე მკვეთრად გამოყოფილი ჯვარცმულის გარშემო ძვირფასი თვლებისგან შედგენილი მძლავრი ფერადოვანი აქცენტები, ორნამენტული მოტივები, ასომთავრული წარწერები). რაც შეეხება ფიგურის სკულპტურულ აღქმასა და გადმოცემას, სრულიად აშკარად შეინიშნება, რა დიდი სხვაობაა ამ მხრივ იშხნის ჯვარცმულსა და ზარზმის „ფერისცვალების“ ხატის მაცხოვარს შორის. იშხნის ჯვარზე გამოჭედილი ქრისტეს ფიგურა ფონიდან მძლავრად ამოწვდილი მოცულობითი რელიეფია და არა ხაზოვანი კონტურით გამოყვანილი ბრტყელი გამოსახულება, როგორც ეს ზარზმის ხატზეა. იშხნის ჯვარცმული მაცხოვარი ჯერ კიდევ არ არის პლასტიკურად გამართული, ცალკეულ ფორმათა მოდელირებითა და რბილი გადასვლებით „გამომერწილი“, ნაქანდაკევი (ასეთი ამოცანა არც დგას ოსტატის წინაშე). მაგრამ იშხნის ჯვრის ფიგურა უკვე ნამდვილი სკულპტურული ხელოვნებაა. ეს უკვე ჩვენში ამ დარგის, რელიეფური სკულპტურის განვითარების ახალი საფეხურია.

ამ შემოქმედებითი ძიებებისა და აშკარა წინსვლის ამსახველია რიგი ძეგლებისა, რომლებიც X-XI საუკუნეების მიჯნაზეა შექმნილი ტაო-კლარჯეთის საოქრომჭედლო სახელოსნოებში. ორი ამ ძეგლთაგან ისევ საწინამძღვრო ჯვარია, ორივე ქართლიდანაა გადმოტანილი ხელოვნების მუზეუმში – ერთი ბრეთიდან, მეორე ბრილიდან.

ორივე ეს ჯვარი ზოგადად იშხნის საწინამძღვრო ჯვრის ტიპისაა. ძირითადი თემაც ორივეგან იგივეა – „ჯვარცმა“. მაგრამ თუ იშხნის ჯვრის წინაპირზე მხოლოდ ერთადერთი, მხოლოდ ჯვარცმული ქრისტეს ფიგურაა წარმოდგენილი, ბრილისა და ბერთას ჯვრებზე, გარდა ჯვარცმულისა, სხვა, უფრო მომცრო ფიგურები თუ ნახევარფიგურებიც არის დამატებული (ღმრთისმშობელი და იოანე მახარებელი, ანგელოზები, წმიდანები). აქაც, ორივეგან, ზურგზეც (ერთიანად), წინაპირზეც, მოჭედითაა საერთო ანსამბლში ჩართულია ორნამენტული სამკაულიც. მაგრამ ნიშანდობლივია: იშხნის ჯვარზე ძვირფასი

თვლებითა და მარგალიტებით გაწყობილი, ოქროს ბუდეში ჩასმული მსხვილი ვარდულები თავისი ხმოვანებით, მხატვრული აღქმის თვალსაზრისით, ცენტრალური ფიგურის ტოლფასია თითქოს, მაშინ, როცა ბერთასა და ბრილის ჯვრებზე სკულპტურულ კომპოზიციას სხვა ვერაფერი ექიშება. არ არის შემთხვევითი, რომ არც ერთ მათგანზე საერთოდ არაა გამოყენებული ძვირფასი ქვები. ოქრომჭვდელ ოსტატთა უმთავრესი მხატვრული ამოცანა ახლა სკულპტურული ფიგურის პლასტიკური დამუშავებაა, არა მარტო ზოგადი მოცულობების გადმოცემა, არამედ ადამიანის სხეულის ცალკეული ნაწილების გამოვლენა, მათი, ასე თუ ისე, ბუნებრივი ურთიერთშეკავშირება. ეს არის ქართული ოქრომჭვდელობის მთელი ამ ეპოქის, X-XI საუკუნეების ქართველ ოქრომქანდაკებელთა სკულპტურული ხელოვნების უმთავრესი მხატვრული პრობლემა. ამ შემოქმედებითი ევოლუციის მაჩვენებელი მკაფიო მაგალითებია ბერთასა და ბრილის საწინამძღვრო ჯვრებში.


გარდა სკულპტურული და ორნამენტული დეკორისა, ორივე ამ ჯვარს ასომთავრული წარწერებიც ახლავს. არც ერთზე არ არის აღნიშნული შესრულების წელი. მაგრამ ტექსტში მოხსენიებული ისტორიული პირების იდენტიფიკაციის წყალობით, ზუსტადაა განსაზღვრული: 1. ბერთას ჯვარი 994–1001 წლებს შორისაა შექმნილი საფარაში (ე.ი. იმავე სამცხეში, საიდანაც ზარზმის „ფერისცვალების“ ხატი). ვიცით ოსტატიც – „შეიქმნა ხელითა გაბრიელ საფარელისაჲთა“; 2. ბრილის ჯვარი დავით კურაპალატის დაკვეთაა, დავით II-ისა (გარდ. 1001 წელს. ტაო-კლარჯეთის სამეფოს მფლობელი. დიდად გონიერი და გამჭრიახი პოლიტიკოსი, რომლის როლი იმ ბრძოლაში, რასაც საქართველოს გაერთიანება მოჰყვა, განსაკუთრებულია, და როგორც დიდად შეუწყობილი ტაო-კლარჯეთის კულტურულ აღზევებას, ამ რეგიონის სამონასტრო აღმშენებლობას. საკმარისია ითქვას, რომ მის სახელთანაა დაკავშირებული ტაოს დიდებული ტაძრები – ოშკი და ხახული).

დროის იმავე მონაკვეთს, X საუკუნის მიწურულს და XI საუკუნის დასაწყისს განეკუთვნება ჭედური ძეგლების ორი სხვადასხვა ჯგუფი: სალოლაშენის ხუთი ფირფიტა („ხა-

რება“, „მირქმა“, „მარიამისა და ელისაბედის შეხვედრა“, „ნათლისღება“ და „ამაღლება“) და სამი ფირფიტა ზარზმის მონასტრიდან („იერუსალიმად შესვლა“, „ფერისცვალება“, „ჯვარცმა“). ეს სამი ფირფიტა მოგვიანებით შემოქმედში მოხვდა, ხოლო გასული საუკუნის 20-იან წლებში სამივე ანტირელიგიურ კამპანიას შეეწირა. მათი მხოლოდ ფოტოები დაგვრჩა.

ორი სხვადასხვა სერიის ეს ფირფიტები, დაახლოებით ერთი ზომისა და ერთი კომპოზიციური სქემით შემკული – „ათორმეტი დღესასწაულის“ სცენებითა და ორნამენტირებული მოჩარჩოებით, გიორგი ჩუბინაშვილის თანხმად, ეკლესიის საკურთხეველში მდგარი ტრაპეზის მოჭედულობის დეტალებია. ჩუბინაშვილისავე ვარაუდით, ერთი ეს ტრაპეზი, კერძოდ, სალოლაშენის ფირფიტებით შემოსილი, საფარის მონასტრის ერთ-ერთ ეკლესიაში იდგა, შესაძლოა, საფარაში შემონახული X საუკუნის „მიძინების“ ეკლესიაში, ხოლო მეორე (ე.ი. ზარზმისეული ფირფიტებით), ბუნებრივია, ზარზმის ერთ-ერთი ადრეული ეკლესიის ინტერიერში უნდა მდგარიყო, იქნებ, სულაც იქ, იმ ტაძარში, სადაც შემომოყვანილი ზარზმის „ფერისცვალების“ ხატი ესვენა.

სალოლაშენისა და ზარზმის ფირფიტებზე ბევრია ასომთავრულით შესრულებული წარწერები – სცენებისა თუ ცალკეული პერსონაჟების განმმარტებელი მინაწერებიც, საზარების ტექსტიდან შერჩეული სტრიქონებიც; იხსენიებიან ამ შეწირულობათა დამკვეთნი პირნიც, თუმცა მათი ვინაობის დადგენა არ ხერხდება. და, რაც მთავარია, ერთ-ერთ ფირფიტაზე ზარზმის ჯგუფიდან („ჯვარცმა“) აღნიშნულია ზუსტი თარიღი, როდესაც ზარზმის ეს ტრაპეზი მოუჭედიათ – 1008 წელი. ე. ი. ქრონოლოგიურად ცოტა ადრინდელია სალოლაშენის ფირფიტები; და ამკარაა, რომ ყველა გამოსახულება ზარზმის ფირფიტებზე – იქნება ეს ადამიანის სხეული, მისი შესამოსელი, სახედრის მოცულობა, რაიმე მცენარეული მოტივი თუ არქიტექტურული დეტალი – პლასტიკურად უფრო მეტი ზარზმის ხითა და მეტი სიმკვეთრით არის გამოვლენილი. ასეთი სხვაობა დროით არც თუ ისე დაშორებულ მოჭედულობათა შორის ერთხელ კიდევ გვიდასტურებს, როგორი შემოქმედებითი აქტი-



ღვთისმშობელი. ანჩისხატის მაცხოვრის ხატის ჩარჩოს
მოჭედებულობის დეტალი. ბეჟა ოპიხარი.

ვობით იკაფავდა გზას სკულპტურის ხელოვნება X-XI საუკუნეების საქართველოში.

კიდევ ერთი ძეგლი ისევ ზარზმისა და ქართული საოქრომჭედლო ხელოვნების კიდევ ერთი შესანიშნავი ნიმუში – ვერცხლის რიპიდა, ანუ „სამწერობელი“, როგორც მისსავე წარწერაშიც იხსენიება.

ზარზმის ეს სამწერობელი, მისი ორივე მხარე, ხუთ წრედ შეკავშირებული ვერცხლის ფირფიტები, ერთი კომპოზიციური აგებულებისაა. ორივე ეს ზედაპირი უხვი დეკორითაა შემოსილი: ფიგუროვანი გამოსახულებებით (ანგელოზები, მახარებელთა სიმბოლოები – გარკვეული დოგმატური იდეით გაერთიანებული 22 ფიგურა!), ნაირსახოვანი ორნამენტული მოტივებით. მაგრამ სამწერობლის ეს მდიდრული მონართავი ოდნავადაც არ არის გადატვირთული. არაფერი აქ არ იკარგება, ყველა შემადგენელი კომპონენტი, ფიგურაც, ორნამენტიც, თითქოსდა სულ უმნიშვნელო ელემენტიც მკაფიოდაა გამოხატული, ადვილად აღსაქმელი. შექმნილია ყოველმხრივ მოწესრიგებული, ჰარმონიული, მხატვრულად ერთიანი და მთლიანი დეკორატიული ანსამბლი.

ვრცელი ასომთავრული წარწერა, რომელიც მოჭედვითაა შემოუყვება გარშემო, ორსავე მხარეს, არაფერს გვეუბნება, რა დროისაა ეს შესანიშნავი ნაწარმოები. არც თარიღია მითითებული, არც ისაა ჩვენთვის ცნობილი, როდის ცხოვრობდა ამ ნივთის შემწერველი ფარსმან ერისთავი, „მე კურთხეულისა უფლისა ივანე ლაკლავისა“. ზარზმის ამ სამწერობლის დრო დადგენილია ძეგლის სტილისტური ანალიზით – იგი უშუალოდ 1008 წლით დათარიღებული ზარზმისავე ფირფიტების მომდევნო ხანას უკავშირდება. და აქ გადამწყვეტი ხმა, ორნამენტულ მორთულობასთან ერთად, ფიგურათა პლასტიკურ ღირსებებს ენიჭება.

კიდევ მოგვეპოვება ძეგლები, რომლებიც ზარზმისთანაა დაკავშირებული, მათ შორის, სამწერობლებიცაა. ერთი მათგანი დიდად უახლოვდება ზემომოყვანილ ზარზმის სამწერობელს – დროითაც, შესრულების ხარისხითაც; სხვები ამავე XI საუკუნის მეორე ათწლეულში ექცევა. ამ ძეგლებს აქ ვეღარ შევხებით. მაგრამ კიდევ ერთი ნიმუშის შესახებ ზარზმის საგანმურიდან რამდენიმე სიტყვა მაინც უნდა ითქვას.

ეს გახლავთ ღმრთისმშობლის ხატი საკმაოდ მოზრდილი ზომისა (80X64 სმ), მრავალმხრივ საყურადღებო და მნიშვნელოვანი.

ზარზმის ღმრთისმშობლის ხატი, რომელიც XI საუკუნის 20-იან წლებშია შექმნილი, ძალიან ადრე მოხვდა სამეცნიერო ლიტერატურაში – ქრისტიანული იკონოგრაფიის ცნობილი სპეციალისტების, ნიკოდიმე კონდაკოვისა და გაბრიელ მოლეს წიგნებში. ხოლო გიორგი ჩუბინაშვილის ზემოთ უკვე არაერთხელ დამოწმებულ გამოკვლევაში ცალკე პარაგრაფი ეთმობა ამ მოჭედილობის იკონოგრაფიასაც, მის მხატვრულ სტილისტურ განხილვასაც. ავტორი ასე ამთავრებს თავის ნარკვევს: ზარზმის ღმრთისმშობლის ხატი „სრულიად განსხვავებული ღირებულებისა და ინტერესის ძეგლია იკონოგრაფიულადაც. ხოლო მისი შექმნილი სკულპტორის მაღალი ოსტატობა, მისი გემოვნების დახვეწილობა, უნარი შექმნას ჰარმონიული აგებულება ხატის ცალკეული ნაწილებისა, ჩარჩოს არშიებზე განლაგებული ცალკეული სცენებისა..., დაბოლოს, გასაოცარი ჰარმონია დედის სხეულს შემოჭდობილი მოალერსე ჩვილის ცენტრალური სიუჟეტის კონცეფციასა და აგებულებაში უფლებას გვაძლევს დავინახოთ ამ ნაწარმოებში არა მზა ნიმუშის რეპლიკა, არამედ დამოუკიდებელი შემოქმედებითი კომპოზიცია“.

ასეთი დამოუკიდებელი შემოქმედებითი ნიშნით არის აღბეჭდილი ზემოთ წარმოდგენილი ყველა ძეგლი, ისევე როგორც, მთელი შუასაუკუნოვანი ქართული ოქრომჭედლობის არაერთი ნიმუში.

დასასრულ არ შეიძლება ესეც არ ითქვას.

„მართლმადიდებლური ენციკლოპედიის“ III ტომში, (მოსკოვი, 2001 წ.), სტატიაში, რომელიც სომხეთს ეძღვნება, გამოტანილია ოშკიც, ხახულიც, პარხალიც და ქართული ხუროთმოძღვრების სხვა ძეგლებიც, როგორც სომხური კულტურის კუთვნილება. მაგრამ ამ ძეგლისძველი, ზოგი ავტორის მიერ აჩემებული შეხედულების „განსამტკიცებლად“, როგორც ჩანს, ახალი მასალაცაა მოშველიებული ამავე ტომის 316-ე გვერდზე: იშხნისა და ბრილის ჯვრები გამოცხადებულია რაღაც „ცალკე მხატვრულ მოვლენად“, „სომეხ ქალკედონიტთა“, მაგ., ტაიქის გამოყენებითი ხელოვნების ნაწარმოებებად.“ ქართულ ასო-

მთავრულ წარწერებზე რომ არაფერი ითქვას, სტატიის ავტორთა მიერ სრულიად უგულვებელყოფილია ის კულტურული გარემო, მთელი ის დიდი შემოქმედებითი პროცესები, ის მკვეთრად გამოვლენილი მხატვრული თავისებურებები, რაც უცილოდ მოწმობს: ვისი


შექმნილია ტაო-კლარჯეთის ეს ძეგლები და რა „ცალკე მხატვრული მოვლენა“ ეს.

როგორ აკნინებენ და შეურაცხყოფენ ჩვენი სომეხი კოლეგები საკუთარ მეცნიერებასაც და სომხეთის დიდსა და თვითმყოფად კულტურასაც.

თეიმურაზ საყვარელიძე



იოანე ნათლისმცემელი ანჩისხატის მაცხოვრის ხატის ჩარჩოს მოჭედულობის დეტალი. ბეჟა ოპიზარი.




წმიდა მეფე თამარის დროინდელი სახარება. XII ს.

1. მზეობს ცის ქვეშე
მზე ოქრო შარავანდი,
2. ქრისტეს სჯულებთა
ენათელცისკროვნების!
3. სამყაროს შუქი
ერთსა ნათლისა-მსხივობს!
4. ყვავილ-სუნნელთა
ევარდ-კინამოების,
5. და კედართ მფლობი
ასულობს თამარ დავითს!

ეს იამბიკო თამარის იამბიკოთა ციკლიდანაა, რომელიც ძველ ფოლიანტებში ძიების ჟამს აღმოაჩინა პავლე ინგოროყვამ. მანვე სათანადო კომენტარებით თანამედროვე ქართულზე გადმოიღო ისინი. „გენიის დიდ გამოსხივებას“ უწოდებს მათ ბატონი პავლე.

გთავაზობთ ზემოთ მოყვანილი იამბიკოს თარგმან-კომენტარს.

1. მზეობს ცის ქვეშე მზე ოქრო შარავანდი,
2. იგი ქრისტეს მოსავთა ნათელ-ცისკროვნად ეფინება.
3. სამყაროს შუქი მარტოოდენ ერთსა (ერთობილ ქრისტიანეთა უმაღლეს მეფეთ-მეფესა) მმოსავს ნათლის სხივებით.
4. იგი ყვავილ-სუნნელთა (ედემის სახით დანერგილს ბაღს, ე. ი. ქრისტიანულ სამყაროს) ვარდ-კინამოდ ეფრქვევა.
5. მსოფლიოს მფლობელი („კედართ მფლობელი“) თამარ – ასულობს დავითს (ე. ი. შთამომავლობს დავით წინასწარმეტყველისაგან, რომლის შესახებ წერილმა სთქვა: მისნი ტომნი იქნებიანო ქვეყნის უფალი.



ხახულის ღვთისმშობლის ვედრების ხატი

ხახულის ღვთისმშობლის ვედრების სასწაულმოქმედი ხატი ქართული ეკლესიის ფასდაუდებელი სიმდიდრე და სიამაყეა. იგი X საუკუნეშია შექმნილი. ხატი ინახებოდა ხახულის მონასტერში. მისი სახელწოდებაც აქედან წარმოსდგა. თავისი მინაქრული ოსტატობის ბრწყინვალეობით, ოქროში დაფერილი ვერცხლისა და ვერცხლის ხატ-ჩუქურთმებით ხახულის ხატი უმაღლესი ხელოვნების ნიმუშია. იგი გელათის საოქრო-მჭედლო სკოლაშია მოჭედილი. XI საუკუნის ბოლოს, სელჯუკების შემოსევის გამო ხატი ხახულის ტაძრიდან იმერეთში გადაუტანიათ და გელათში დაუსვენებიათ. დიმიტრი მეფის დროს მისთვის გაუკეთებიათ დიდი კარები, კუბო ოქროსი, ხოლო კარები მოოქროვილი ვერცხლით მოუჭედიათ. იგი ძვირფასი მინაქრებითა და თვლებითაა შემკული. საგვებით უნიკალური სიმშვენიერისაა ხატის ჩუქურთმა.

ახლავს წარწერები. საგულისხმოა, რომ მისი ორივე კარის ბოლოში მოთავსებულ წარწერაში მოხსენიებულია მეფე დავით აღმაშენებელი და მისი ძე დიმიტრი.

ხატი რამდენჯერმე გაძარცვეს. მონღოლმა მისი გატაცებაც. ხოლო XIX საუკუნეში ქუთაისის ყოფილმა გუბერნატორმა, ლევაშოვმა და მისმა მეუღლემ სხვა ძვირფას ჯვარ-ხატებსა და საეკლესიო განძეულობასთან ერთად ხახულის ღვთისმშობლის ხატიც გაიტაცეს. ხატი იმთავითვე კოლექციონერთა განსაკუთრებულ ყურადღებას იპყრობდა. როგორც გელათის მონასტრის საარქივო მასალებიდან ირკვევა, ლევაშოვს წინასწარი გეგმაც შეუდგენია, თუ როგორ უნდა გაეტაცნა ხახულის ხატი. მან ერთ რუს მხატვარს (ვასილევს) წინასწარ შეუკვეთა ღვთისმშობლის ახალი ხატის ესკიზი, რომლის მოჭედილობა ქართული ხატების მოჭედილობის სახეებს შეესაბამებოდა. ამ ესკიზის მიხედვით მოსკოვში დაშადა კარედის მოჭედილობა და აი, მეორე დღესვე, როგორც კი ხახულის ხატი გაიტაცა, გელათის მონასტერს „საზემო ვითარებაში გულუხვად უძღვნა“ საზიკოვის მიერ მოჭედილი ახალი ხატი. ხახულის ღვთისმშობლის ხატი კი შეისყიდა კოლექციონერმა ბოტკინმა. ყოველივე ამან ააღელვა ქართველი საზოგადოება, მაგრამ მიუხედავად მრავალი ცდისა, ხატი მხოლოდ 1923 წელს დაუბრუნდა თავის ნამდვილ პატრონს. იგი ამჟამად საქართველოს ხელოვნების მუზეუმშია ექსპონირებული.

საგულისხმოა, რომ ღვინისფერი მინაქარი, რომლითაც შემკულია ხატი (მისი დიდი ნაწილი დღემდე გატაცებული და თითქმის დაკარგულია) თავისი ტექნოლოგიითა და მაღალოსტატობით, აბსოლუტურად ამოუცნობი და მიუღწეველია დღევანდელი სამინაქრო ხელოვნებისათვის. იგი მსოფლიოში უდიდესი და უნიკალურია მინაქართა ოდენობითაც. გასაოცრად ცოცხალი და მშვენიერია მისი ჩუქურთმები, ფირფიტებზე შესრულებული ჯვარ-ხატები და ძვირფასი თვლები.

თავისი რთული შემადგენლობით ხახულის ხატი (ჭვლეურობა, სხვადასხვა დროისა და სტილის ტიხრული მინაქრები, ტვიფრული ქვები, გამები) შუა საუკუნეების ტიპური ნაწარმოებია. იგი უხვადაა შემკული რელიგიურ კომპოზიციითა სიუჟეტების ამსახველი მინაქრული ფირფიტებით, ქტიტორების მინაქრული გამოსახულებებით, წმიდანების გამოსახულებიანი მედალიონებით.

ტრიპტიქონის ორივე ფრთის ქვედა ნაპირზე შესრულებული ძველი ქართული წარწერა გაუწყებთ, რომ ქართველთა მეფემ (1125-1156), ძემ დავით აღმაშენებლისამ მინაქრებიანი მოჭედილი კიდობნით შეამკო ღვთისმშობლის ხახულის ხატი.

ტრიპტიქონის მოჭედულობის ერთიანი პრინციპის მიუხედავად, მასში მაინც არის შესრულების სამი სტილი... სამი ოსტატის ხელი.

ტრიპტიქონის დეკორის ცალკეული ნაწილი მხატვრულად დამოუკიდებლად იკითხება, მაგრამ არც ერთი მთლიანის ერთიანობას არ არღვევს. კარგად იგრძნობა, რომ ხატის ჭედურობა წარმოქმნილია ძლიერი, მყარი, ძველი ტრადიციების მქონე ქართულ მხატვრულ გარემოში.

ხახულის ღვთისმშობლის ხატი და მისი მოჭედულობა ქართული სახვითი ხელოვნების ერთ-ერთი უმაღლესი მწვერვალია. მისი ავტორები ისევე ღრმად ინდივიდუალურები და განუმეორებლები არიან, როგორც ბექა და ბემქენ ოპიზრები.

შალვა ამირანაშვილი

ბექა და ბემქენ ოპიზრები

ძველი ქართველი ოქრომჭედლების, ბექა და ბემქენ ოპიზრების შემოქმედება ქრონოლოგიურად ემთხვევა საქართველოს კულტურული აღორძინების პერიოდს.

ეს ორი ხელოვანი ცხოვრობდა XII საუკუნის მეორე ნახევრისა და XIII საუკუნის დასაწყისში. მათ შესახებ ბიოგრაფიული ცნობები საერთოდ არ მოიპოვება. ერთადერთი ხელმძისაკიდი მასალა, რომლითაც მეტნაკლებად შეგვიძლია ვიმსჯელოთ, ეს არის თვით სახელწოდება ოპიზარი. ეს სახელწოდება დაკავშირებული უნდა იყოს კლარჯეთში ცნობილი ოპიზის სავანესთან.

აკადემიკოსი შალვა ამირანაშვილი, ანალიზს უკეთებს რა ორივე ხელოვანის შემოქმედებას, აყენებს მოსაზრებას, რომლის მიხედვით „მათ მიერ შესრულებული ხატების ნაოჭების გადმოცემის, მოხაზულობისა და პირისახის ნაკვთების მოცულობაში ვპოულობთ ერთი ძირითადი სკოლის ნიშნებს“, რომელსაც „ოპიზის სკოლას“ უწოდებენ და


მის უფროს წარმომადგენლად ბემქენ ოპიზარს, ხოლო უმცროსად – ბექა ოპიზარს სთვლის, რომელმაც წინ გაუსწრო თავის მასწავლებელს და გახდა ნამდვილი „ოქროს მქანდაკეები“.

ბემქენ ოპიზარი დაკავშირებული იყო სამხრეთ საქართველოსთან. „რომელ მოგვცა ხერხი“ ადამიანისა და ჩუქურთმის მხატვრული ურთიერთობისა და ჩუქურთმა მთავარ მხატვრულ იდეას დაუკავშირა.

ბექას ორნამენტები უფრო ჰაეროვანი, დახვეწილი და პლასტიურია, ვიდრე ბემქენისა, შესრულებულია ყველაზე რთული, გადაჯვარედინებული წესის მიხედვით, რომელშიც ჩასმულია სამყურა ბალახის გამოსახულება.

ბექას ნამუშევარი ორიგინალურია და თავისებური. მსოფლიოს არც ერთი ხალხის ოქრომჭედლობაში არ მოიძებნება მსგავსი ნიმუშები.

რამზაზ ბერიძე



„ნაშრომი ჰვიეს უკუნისამდე“

სამხრეთ საქართველოს მიწა-წყალი, ისტორიული ტაო-კლარჯეთი, რომელიც ამჟამად თურქეთის ფარგლებშია მოქცეული, მოფენილია ქრისტიანული კულტურის უძველესი და უმნიშვნელოვანესი კერებით, როგორცაა ოპიზა, ხანძთა, შატბერდი, პარეზი, ბერთა, წყაროსთავი, ანჩა, იშხანი, ოშკი, ხახული, პარხალი, ბანა, ტბეთი...

ამ დიდებული კერების ხსენებისას ქართველი კაცის გონებაში მყისვე გაიღვებოდა ძველი ქართული კულტურის შესანიშნავ მოღვაწეთა სახელები, რომელთაც ერთმანეთისგან გასარჩევად თან ახლავს ესა თუ ის ეპითეტი, ყველაზე ხშირად – მათი სამოღვაწეო პუნქტის სახელწოდება. თვალსაჩინოებისათვის საკმარისი იქნება დავასახელოთ მხოლოდ რამდენიმე მათგანი: გრიგოლ ხანძთელი, საბა იშხნელი, გრიგოლ იშხნელი, ბექა და ბექქენ ოპიზარები, აბუსერისძე ტბელი, ილარიონ თვალელი, ილარიონ პარეზელი, საბა ხახუდარი... ტაო-კლარჯეთის სავანეებში მოღვაწეობდნენ აგრეთვე: მიქაელ მოდრეკილი, იოანე ბერაძე, გიორგი მთაწმიდელი, იოანე ქიშკიმელი და ბევრი სხვა გამოჩენილი მწერალი და სასულიერო მოღვაწე. ძნელია დავასახელოთ საქართველოს რომელიმე სხვა კუთხე, რომლისაგან შუა საუკუნეთა მანძილზე ამდენი თვალსაჩინო მწერალი, მეცნიერი, მწიგნობარი აღეზარდოს, ამდენი ხელნაწერი წიგნი შეექმნას და შემოენახოს შთამომავლობისათვის. ჩვენამდე მოღწეულ ოთხთავთა შორის უძველესია ამჟამად სვანეთში დაცული ხელნაწერი, რომელიც ადიშის ოთხთავის სახელითაა ცნობილი. ის შექმნილია IX საუკუნის ბოლოს, 837 წელს, გრიგოლ ხანძთელის მიერ დაარსებულ შატბერდის მონასტერში, ამ სავანის აგებიდან 50-60 წლის შემდეგ.

გრიგოლ ხანძთელი ამ დროს უკვე აღარ იყო ცოცხალი, მაგრამ შატბერდის მონასტრებში ჯერ კიდევ მისი სული ტრიალებდა, მისი მოწაფეები ფუსფუსებდნენ და იღვწოდნენ ქართული კულტურის საკეთილდღეოდ. ერთი მათგანი იყო სოფრონი, რომელიც „გრიგოლ ხანძთელის ცხოვრებაში ასეთი პატივით იხსენიება: „დიდი სოფრონი, სანატრელი მამაჲ, შატბერდისა ეკლესიისა განმალეებით აღმაშე-

ნებელი და უკუნისამდე გვრავნი მისი“.

აი, სწორედ ეს სოფრონი არის ადიშის ოთხთავის მომგებელი, ანუ სხვანაირად რომ ვთქვათ, ეს წიგნი შექმნილია მისი ინიციატივით, მისი ხარჯით, როგორც ამას გვაუწყებს წიგნის ბოლოს მოთავსებული ანდერძი: „დიდს ვიქმენ მე, გლახაკი სოფრონი, აღსრულებად წმიდასა ამას წიგნსა სახარებასა ოთხთავსა ფრიადითა მოღვაწეობითა სულიერთა ძმათა ჩემთაჲთა, სალოცველად ყოვლისა ამის კრებულისათვის და ყოველთა ნათესავთა ჩუნთა კორციელად, და სალოცველად მეფეთა ჩუნთა – ღმრთივ დიდებულისა აღარნერსე კურაპალატისა და ღმრთივ ბოძთა ნაშობთა მათთა დავით ერისთავისა და მეუღლეთა და ნაშობთა მათთათჳს, და სალოცველად სულთა გარდაცვალებულთათჳს: სულისა მამისა გრიგოლისა, სულისა მამისა გაბრიელისასა და ყოველთა ძმათა ჩუნთა გარდაცვალებულთათჳს და სულთა მეფეთა ჩუნთათჳს: არსენისა, დავითისა, აშოტისა და ყოველთა თჳსთა გარდაცვალებულთათჳს“.

ამ ანდერძში მოხსენიებულ ისტორიულ პირთა მიხედვითაც აშკარაა, რომ წიგნი დაწერილია IX საუკუნის ბოლოს, მაგრამ მის თარიღს უფრო ზუსტად გვაუწყებს მეორე ანდერძი, რომელიც გადამწერს ეკუთვნის. აქ კეთიხულობთ: „დაიწერა წმიდაჲ ესე ოთხთავი დასაბამითგან წელთა *ხვა*, ქრონიკონსა *რიზ*, შორითგან უფლისა ჩუნისა იესო ქრისტესით წელთა *ჩა*... მწერალია მისი. მიქაელ. ლოცვასა მომიქსენეთ. და შემინდვეთ სიუცაბე ჩემი. და მმოსულიცა მიქაელ დიაკონი მომიქსენეთ წმიდასა ლოცვასა თქუნსა. უფალი მფარველ გუექმენინ ყოველთა ერთობით. ამენ.“

როგორც ამ ანდერძებიდან ჩანს, ადიშის ოთხთავი შექმნილია 897 წელს გამოჩენილი შატბერდელი მოღვაწისა და მონასტრის ერთ-ერთი მესვეურის, სოფრონის შეკვეთით. წიგნის გადამწერია მიქაელი, ყდაში ჩამსმელი – მიქაელ დიაკონი, მხატვარზე კი ანდერძებში არაფერია ნათქვამი, თუმცა, ხელნაწერს შესანიშნავი მხატვრობაც აშვენებს. საფიქრებელია, რომ იმ დროს, როცა წიგნს ანდერძები დაურთეს, ის ჯერ კიდევ არ იყო მოხატული.

ადიშის ოთხთავს გვიანდელი ანდერძ-მინაწერებიც ახლავს. მათგან წიგნის თავგადასავლის გასაცნობად განსაკუთრებით მნიშვნელოვანია ჯუმათის მონასტრის ყოფილი მამასახლისის ნიკოლაოსის ანდერძი, სადაც ვკითხულობთ: „მე, ნიკოლაოს, ოდესმე მამასახლისი ყოფილმან, უღირსმან და სულითა საწყალობელმან, ფრიადითა ხარკებითა (აშენენინ ღმერთმან კლარჯეთისა მონასტერნი!) შევიარენ და შევკრიბენ წმიდანი ესე წიგნნი: პირველად წმიდაჲ ესე სახარებაჲ ოთხთავი, და მრავალთავი, და კელთა კანონი, მამათა წიგნი, და კითხვა-ძიგებაჲ. უმეტესად აღაშენენ ღმერთმან შატბერდი: ესე ოთხთავი და კელთ-კანონი და მამათა წიგნი მათსა ეკლესიასა...“

ფურცელი დაზიანებულია და ანდერძის ბოლო აღარ იკითხება, რის გამოც ჩვენ მოკლებული ვართ საშუალებას, ზუსტად დავათარილოთ ზემოთ მოყვანილი ანდერძი და განვსაზღვროთ, თუ სად მიიტანა ნიკოლაოსმა შატბერდიდან წამოღებული ხელნაწერები. პროფ. ვალერი სილოგავა ამ ანდერძს ხელის მიხედვით XI საუკუნით ათარილებს. აკადემიკოს ელენე მეტრეველის ვარაუდით, ნიკოლაოს ჯუმათელი 1064 წელს ალფ-არსლანის მიერ ახალქალაქის დარბევის შემდეგ ჩასულა კლარჯეთში, უნახავს იქ მოსახლეობისაგან დაცლილი დაბები და მიტოვებული ეკლესია-მონასტრები, ქართული მწიგნობრობის გაპარტახებული კერები, და თავს უღვია უპატრონოდ დარჩენილი ხელნაწერების ჭირისუფლობა. მისი მზრუნველობით დალუპავს გადაურჩა ხუთი ძვირფასი ხელნაწერი: სახარება-ოთხთავი, მრავალთავი, ხელთ-კანონი, მამათა წიგნი და კითხვა-ძიგება. საეჭვო არაა, ნიკოლაოსი ამ წიგნებს უთუოდ ჯუმათის მონასტერში მიიტანდა, რომლის მამასახლისიც ის ერთ დროს თვითონ ყოფილა.

ერთი ხელნაწერი, რომელიც ამჟამად უდაბნოს მრავალთავის სახელით არის ცნობილი, ბოლო დრომდე სწორედ ჯუმათის მონასტერში ინახებოდა. ის 1920 წელს წამოიღო იქიდან აკაკი შანიძემ და გადასცა უნივერსიტეტის მუზეუმს, შემდგომში კი საბოლოო ბინა ამ წიგნმა ხელნაწერთა ინსტიტუტში დაიღო. იქვეა ამჟამად დაცული ნიკოლაოს ჯუმათელის მიერ გადარჩენილი სხვა ხელნაწერებიც, გარდა ოთხთავისა, რომელმაც

უცნაური ბედისა და ჩვენთვის უცნობ გარემოებათა გამო სვანეთის პატარა სოფელ ჰადიშში ამოყო თავი და სახელიც ამის მიხედვით ეწოდა.

როგორც ადიშის ოთხთავის გვიანდელი მინაწერებიდან ჩანს, ეს წიგნი დაახლოებით XIV-XV საუკუნეებში მოხვედრილა სვანეთში, სადაც ის ღიდხანს დარჩენილა შეუმჩნეველი და სამეცნიერო წრეებისათვის სრულიად უცნობი. მისი პირველი აღწერილობა ეკუთვნის სვანეთის ცნობილ მკვლევარს, ადგილობრივ მკვიდრს, დეკანოზ ბესარიონ ნიჟარაძეს, რომელსაც 1892 წელს უკვე დასრულებული ჰქონია ნაშრომი სვანური ხელნაწერის და მათ შორის ადიშის სახარების შესახებ, მაგრამ ეს ნაშრომი დაიბეჭდა საკმაოდ გვიან, 1903-1904 წლებში. ამის შემდეგ ადიშის ოთხთავს მკვლევართა ყურადღება აღარ მოჰკლებია: ის გამოცემულია ფოტოტიპურადაც და ბეჭდურადაც, ცალკეც და სხვა რედაქციებთან ერთადაც. ბოლო გამოცემა ზურაბ სარჯველაძის რედაქციით სულ ახლახანს მიიღო მკითხველმა. აღსანიშნავია, რომ არსებობს მისი ორი თარგმანიც ლათინურ ენაზე.

ადიშის ოთხთავს მიეძღვნა მრავალი სპეციალური ნაშრომი. ამასთანავე, მის ენას სათანადო ადგილი ეთმობა ყველა გამოკვლევაში, რაც ბოლო დროს გამოქვეყნდა ძველი ქართული ენის საკითხებზე. სხვაგვარად წარმოუდგენელიც არის, რადგან ადიშის ოთხთავის ენის გაუთვალისწინებლად სრულფასოვანი ნაშრომი ძველი ქართული ენის შესახებ ვერ დაიწერება.

ასეთი განსაკუთრებული ყურადღება ადიშის ოთხთავმა დაიმსახურა რამდენიმე ნიშნით: ჯერ ერთი, როგორც ვთქვით, ეს არის ყველაზე ძველი თარიღიანი ოთხთავი; მეორე – ის გადაწერილია ჰაემეტი დედნიდან და სხვა ჰაემეტ ტექსტებთან შედარებით ფართოდ ასახავს ამ ტიპის ხელნაწერთა ლექსიკურ-გრამატიკულ თავისებურებებს; მესამე – წარმოგვიდგენს სახარების სრულიად განსხვავებულ რედაქციას, რომელიც არც ერთი სხვა წყაროთი არ არის ცნობილი; მეოთხე – ჰაემეტ დედანს ლუკას სახარების დიდი ნაწილი ჰკლებია და ის სულ სხვა რედაქციის ტექსტით შეუვსიათ; მეხუთე – ადიშის ოთხთავი გადაწერილია თავიდან ბოლომდე ერთი მწიგ-

ნობრის მიერ შესანიშნავი კალიგრაფიით; და ბოლოს – წიგნი ბრწყინვალე შთაბეჭდილებას ტოვებს მხატვრული გაფორმებითა და ილუსტრაციებითაც.

ადიშის ოთხთავის გადაწერიდან ორმოციოდე წლის შემდეგ იმავე შატბერდის სავანეში გადაწერიათ და შეუმკიათ მეორე ძვირფასი ხელნაწერი, რომელიც დღეს სამეცნიერო ლიტერატურაში ჯრუჭის ოთხთავის სახელით არის ცნობილი. მის ანდერძში ვკითხულობთ: „ღირს ვიქმენ მე, გრიგოლ, დაწერად წმიდაჲ ესე სახარებაჲ კელთა გაბრიელ მღვდელთა ნარჩევისაჲთა, თავად მევესა ჩემსა სუმბატს სალოცველად და შემდგომად მშობელთა ჩემთა: მირდატისთჳს, თავუნა-სთჳს, და ძმათა და დათა ჩემთათჳს და ჩემთა ცოდვათა და თანაცხოვრებულისა ჩემისათა საკსრად და მკუდართა საკსენებელად: ილარიონისათჳს, და დაშელისთჳს...“

დაიწერა წმიდაჲ ესე სახარებაჲ შატბერდს კელთა უცბად მხრეკალისა გაბრიელისითა, თანა-შეწევნითა და მოღუაწებითა გაბრიელისითა და გეორგიისითა, რამეთუ დიდი გულს-მოღვინება მაჩვენეს ამის წმიდისა სახარების დაწერასა. კსენებულმცა არიან კეთილსა შინა. ამენ.

დასაბამითგან წელნი იყვნეს *ხომ*, ქრონიკონი იყო *რნვ*“.

ორივე სათვალავი – დასაბამითგანი და ქართული ქრონიკონი – იძლევა 936 წელს.

ვინაა გრიგოლი, რომელმაც ეს წიგნი გადაწერინა გაბრიელ მღვდელს, ანდერძიდან არ ჩანს და სხვა წყაროებიდანაც ჯერჯერობით უცნობია. წიგნის გადამწერია გაბრიელი, რომელიც თავის თავს თავმდაბლობით „უცბად მხრეკალს“ უწოდებს. ანდერძში იხსენიებიან, აგრეთვე, სხვა გაბრიელი და გეორგი, რომლებიც დიდი გულმოღვინებით დახმარებიან წიგნის მწერალ გაბრიელს, მაგრამ რა სახის იყო კონკრეტულად ეს დახმარება, არ ჩანს. ის კი შეიძლება დაბეჯითებით ითქვას, რომ წიგნის გადაწერაში მათ უშუალო მონაწილეობა არ მიუღიათ, რადგანაც მთელი ჯრუჭის სახარება ნაწერია ერთი ხელით, ლამაზი მრგლოვანი ასოებით.

წიგნი მოხატულია გადაწერიდან ოთხი წლის შემდეგ მხატვარ თევდორეს მიერ, როგორც ამას გვაუწყებს შემდეგი მინაწერი:


„ქრონიკონი იყო რა. ქრისტე, შეიწყალე ამათ კამარათა მწერალი თევდორე“. ჩანს, თევდორეს კამარად ესმოდა ყოველგვარი სურათი, რომელიც კამარაშია ჩასმული. ამიტომ უწოდებს იგი თავის თავს „კამარათა მწერალს“.

გასულა ხანი და ეს წიგნი მტრების ხელში ჩავარდნილა, რასაც გვაუწყებს პირველ ფურცელზე ჯვარში მოთავსებული წარწერა: „ხო-რასნიდალმენ გამოისყიდა ესე ოთხთავი. მას უამსა ხუანთქარი ხორასანს ჩავიდა, ქირსა-ლიდალმენ გამოვიდა. მოვეჯუხს შევიდა. არ-წაისშვილმან ხუცესმან იოვანე იყიდა, მიუცემია თერთმეტი ფლური. ბერძენა, იაკობი, სტეფანე ამისი დამხდური არიან...“

მინაწერი ნუსხურია, ხელის მიხედვით ის XVI-XVII საუკუნეებით თარიღდება. როგორც აკაკი შანიძე შენიშნავს, „საიდან ჩაუვარდა ხელნაწერი მტრებს ხელში და სად მივიდა პირველად გამოსყიდვის შემდეგ, ამის შესახებ არაფერი ვიცით. ვიცით მხოლოდ, რომ უკანასკნელად ის ჯრუჭის მონასტერს ეკუთვნოდა და იქიდან საქართველოს საისტორიო და საეთნოგრაფიო მუზეუმში შემოვიდა 1920 წელს სხვა იქაურ ხელნაწერთან ერთად, ე. თაყაიშვილის მეცადინეობით“. ამჟამად ჯრუჭის ოთხთავი ხელნაწერთა ინსტიტუტშია დაცული.

მესამე შატბერდული ხელნაწერი, რომელიც ამჟამად, აგრეთვე, ხელნაწერთა ინსტიტუტში ინახება, ცნობილია პარხლის ოთხთავის სახელით, რადგანაც ის იმთავითვე პარხლის ახალი ეკლესიისათვის ყოფილა გამზადებული. მისი გადამწერი – X საუკუნის მეორე ნახევრის ცნობილი მწიგნობარი იოანე-ბერაძე თავის ანდერძში აღნიშნავს: „მე, ივანე-ბერამან, მწერალმან შატბერდელმან, შატბერდს დაეწერე და პარხალს შევწირე სალოცველად ძმათა შატბერდელთა. ყოველნი აკურთხენინ ღმერთმან!“

გადამწერის ანდერძში ორგვარი სათვალავით არის წარმოდგენილი გადაწერის ზუსტი თარიღი: „დაიწერა დასაბამითგანთა წელთა *ხეოზ*, ქრონიკონი იყო მეცამეტედ ქცეული *რევ*“. ორივე ეს თარიღი თანამედროვე წელთაღრიცხვით უდრის 973 წელს. ამრიგად, პარხლის ოთხთავი გადაწერილია ჯრუჭის ოთხთავის გასრულებიდან 33 წლის შემდეგ. ადიშისა და ჯრუჭის ოთხთავებისაგან განსხ-



ადიშის ოთხთავი, 897 წ. (დაცულია მესტიაში)

იქ თვალი მხოლოდ ნანგრევებს ერთვის,
ჭოროხის კვნესას – ქვათა ლაღადი...
შავშეთის მთებზე ნისლი გადადის,
კარჩხალის მთებზე ვხედავ არწივებს,
და მათ ანგრეულ, აშლილ ბუდეებს
ქარი უბერავს, ქარი აციებს...
მაგრამ გუგუნებს ქართულად მიწა,
და თუ გამხდარან დასანაცრები!..
ისევ სუნთქავენ ქართულ ოცნებით
მესხეთის მთებზე დიდი ტაძრები.

ვაგებით, პარხლის ოთხთავი სურათებითა და კამარებით შემკული არ არის, მისი თავგადასავალი კი ვაცილებით რთულია, მაგრამ დაწვრილებით მის თხრობას ახლა ვერ გამოვუდგებით. ვიტყვით მხოლოდ, რომ ეს წიგნიც ექვთიმე თაყაიშვილის დაუცხრომელი ზრუნვითა და მეცადინეობით გადაურჩა დაკარგვის საფრთხეს.

ჩვენ სიტყვას აღარ გავაგრძელებთ, აგრეთვე, ტაო-კლარჯეთში გადაწერილ სხვა ოთხთავებზე, რომელთა თავგადასავლის დაწვრილებით მოყოლას, რა თქმა უნდა, ერთი წერილი ვერ აუთავადება. მხოლოდ ზოგიერთ მათგანზე შევაჩერებთ წამიერად მკითხველის ყურადღებას.

საზღვარგარეთ გატანის საფრთხეს ვერ გადაურჩა ერთი ძველი მოხატული ოთხთავი, რომელიც ამჟამად დაცულია ქ. ნიუტონში, ბოსტონის მახლობლად (აშშ). ის გადაწერილია „გლახაკი გაბრიელის“ ხელით „ლაგრასა შინა დიდსა ბერთას“ და ცნობილია ბერთის ოთხთავის სახელით. თარიღდება X საუკუნის ბოლო პერიოდით (988 წლამდე). ეს წიგნი ამერიკელ მისიონერებს შეუძენიათ ქ. ყარსში 1839 წელს. სხვა მრავალ ღირსებათა შორის ბერთის ოთხთავი ყურადღებას იქცევს იმიტაც, რომ ერთ-ერთი გვერდის არმაზე XV საუკუნის ნუსხურით მიწერილია „ვეფხისტყაოსნის“ ერთი ტაეპი:

„მართლად იტყვის მოციქული: შიში შეიქმს სიყვარულსა“.

ეს რუსთველის ჰომის ციტირების ყველაზე ადრეული ნიმუშია.

ბერთის ოთხთავის სახელით ცნობილია, აგრეთვე, მეორე წიგნი, დაცული ხელნაწერთა ინსტიტუტში (Q-906), რომლის ყდაც ბეშქენ ოპიზარის ნახელავია და ქართული ჭედური ხელოვნების ბრწინვალე ნიმუშს წარმოადგენს.

მეორე გამოჩენილი ოქრომჭედლის, ბექა ოპიზარის მოჭედილია წყაროსთავის სახარება (Q-907), რომელიც იოანე ფუკარალისძესა და გიორგი სეთაისძეს გადაუნუსხავთ 1195 წელს. მისი მომგებელია იოანე საფარელი-მტბევარი.

ბექას მოუჭედავს მეორე სახარებაც, რომელიც მოუგია სოფრომ მწიგნობარს 1193-1207 წლებში და შეუწირავს ანჩის ტაძრისა-

თვის. სამწუხაროდ, მისი ყდა კარგა ხანია დაკარგულია, წიგნი კი დაცულია საქართველოს ცენტრალურ საისტორიო არქივში წალკის ოთხთავის სახელით. წარმოშობით ისიც წყაროსთავიდანაა.

კიდევ ერთი სახარება, რომელიც ამჟამად მესტიის მუზეუმში ინახება, გადაწერილია ოშკში 1033 წელს „კელითა გლახაკისა გაბრიელ გიორგის ძმისწულისაჲთა ქრონიკონსა სხგ სალოცველად და სადიდებლად... მეფეთა ჩუენთა: ბაგრატ კურაპალატისა და დედისა მათისა, მარიამ დედოფალთ დედოფლისა“. მისი მომგებელია იშხნელი ეპისკოპოსი ილარიონი, რომლის დაკვეთითაც ცნობილია, აგრეთვე, ასკეტიკურ თხზულებათა კრებული (A-35).

ოშკის მონასტერმა, რომელსაც X ს. შუა ხანებში ჩაეყარა საფუძველი, სულ მალე მოიპოვა „დიდებული სავანის“ სახელი. X-XI საუკუნეებში აქ მოღვაწეობდნენ გრიგოლ ოშკელი, სტეფანე დეკანოზი, გაბრიელ ჩირაი, გაბრიელ ოშკელი... X ს-ის 70-იან წლებში ოშკში გადაიწერა და მოიკაზმა რამდენიმე შესანიშნავი ძველი ქართული მწიგნობრობისა: იოანე ოქროპირისა და ეფრემ ასურის ქადაგებათა კრებული „სამოთხე“, გადაწერილი და ყდაში ჩასმული სტეფანე დეკანოზის მიერ 977 წელს; „იოანე ოქროპირის ცხორება“, გადაწერილი 979-980 წლებში იოანე ჩირაის მიერ. ორივე წიგნის დამკვეთნი ყოფილან ძმები იოანე-თორნიკე და იოანე-ვარაზუაჩე, შვილები ჩორდვანელისა. ამათგან ერთის — იოანე-თორნიკეს დაკვეთით ოშკშივე 978 წელს გადაიწერა და მოიკაზმა ბიბლიის უძვირფასესი ორტომიანი ხელნაწერი, რომელსაც განსაკუთრებით მნიშვნელოვანი ადგილი უჭირავს საერთოდ ქართულ მწერლობით ძველთა შორის. სამივე ეს წიგნი ამჟამად დაცულია ათონზე, ქართველთა მონასტერში.

ოშკის ბიბლიისა და სხვა ძვირფასი წიგნების მომგებლის, თორნიკე ერისთავის სახელი კარგად არის ცნობილი საქართველოს ისტორიაში. მის შესახებ მოგვითხრობს ძველი ქართული მწერლობის ერთ-ერთი უმნიშვნელოვანესი ძეგლი — გიორგი მთაწმიდლის „ცხორება იოვანესი და ეფთჳმესი“. ამ თხზულებაში მოთხრობილი ამავი საფუძვლად უდევს აკაკი წერეთლის ისტორიულ პოემას „თორნიკე ერისთავს“, რომლის წყალობითაც თორ-

ნიკეს თავგადასავალი ახლა ყოველმა მოსწავლემ იცის.

იოანე ბერაძე ძველ ქართველ მწიგნობართა შორის მეტად კოლორიტული ფიგურაა, რომლის ხელიდან გამოსულმა ორმა უძვირფასესმა ხელნაწერმა მოაღწია ჩვენამდე. ერთი მათგანია პარხლის სახარება, გადაწერილი 973 წელს, რომლის შესახებაც ჩვენ ზემოთ უკვე გვქონდა საუბარი. არანაკლებ მნიშვნელოვანია მეორე ხელნაწერი, რომელიც შატბერდის კრებულის სახელით არის ცნობილი. იოანე ბერაძე ყოფილა არა მხოლოდ გადაწერი ამ ვრცელი კრებულისა (ორ სხვა უცნობ პირთან ერთად), არამედ მისი შექმნის ინიციატორი და შემდგენელ-რედაქტორიც, როგორც ეს ჩანს წიგნის ანდერძიდან:

„... მეცა არა დაფვარე სწრაფვამ სულისა ჩემისაჲ მიზეზითა ნაკლულევანებისაჲთა და შეუდექე კეთილსა გულსმოდგინებასა მე ცოდვილი და უნარჩევნი ყოველთა მოწესეთაჲ იოვანე-ბერაძე. და განვასრულე წმიდაჲ ესე წიგნი კაცისა შესაქმს, და მეორედ — წიგნი თუალთაჲ და სახისმეტყუელი და იპოლიტე და ქართლისა მოქცევაჲ და ცხოვრებაჲ ნეტარისა მის და დიდებულისა მღვდელთ-მოდღურისა იაკობ ნირიბინელისაჲ და თარგმანებაჲ ზოგთარე ფსალმუნთა და ვითისთაჲ მოღუაწებითა და თანადგომითა დედის ძმისა ჩემისა მიქაელისა და ძმისა ჩემისა და ვითისთა. და სხუაჲ არაჲ არავის ჰრთავს თუნიერ სიგლახაჲისა ჩემისა და შევწირე შატბერდს საყოფელსა წმიდისა ღმრთისმშობელისასა, რომელსაცა შინა აღვიზარდე... სალოცველად სულისა ჩემისა ცოდვილისა და მშობელთა ჩემთა, და სალოცველად მეფეთა:.. ბაგრატ მეფისა და ყოველთა შეილთა მათათჳს“.

საინტერესო ცნობებს შეიცავს წიგნის სხვა ანდერძ-მინაწერებიც: „ესე კაცისა შესაქმს დაიწერა დედითა იშხნისაჲთა“; „დაჩის ეთარგმნა ესე სომეხთა ენისაგან“ და სხვ.

შატბერდის კრებული მკვლევართა განსაკუთრებულ ყურადღებას იქცევს იმით, რომ მასში მოთავსებულია „ქართლის მოქცევის“ უძველესი ნუსხა. აქვე წარმოდგენილია მრავალი პირველხარისხოვანი თხზულების თარგმანი: გრიგოლ ნოსელის „კაცისა შესაქმნისათვის“, ეპიფანე კვიპრელის „თუალთაჲ“ და „საზომთათჳს და საწყაულთა“, ბასილი

კესარიელის „მკეცთათჳს სახისა სიტყუაჲ“, იპოლიტე რომაელის „თარგმანებაჲ ქებაჲ ქებათაჲ“ და სხვა. ამ თხზულებათა დიდი ნაწილის ბერძნული დედანი, ანდა სრული თარგმანი რომელიმე სხვა ენაზე არ შემონახულა, რაც განსაკუთრებულ მნიშვნელობას ანიჭებს ქართულ ტექსტს.

ქართულ ხელნაწერ წიგნებს შორის ყველაზე ვრცელია პარხლის მრავალთავი, რომელიც დიდი ზომის ეტრატის 658 ფურცელს შეიცავს, ნაწერია ორ სვეტად ნუსხური ასოებით. სხვათა შორის მასში წარმოდგენილია ორი უძველესი და უმნიშვნელოვანესი ქართული ორიგინალური ჰაგიოგრაფიული თხზულება: „შუშანიკის წამება“ და „აბოს წამება“, ასევე — იოანე ბოლნელის ქადაგებანი და სხვ.

როგორც გადაწერის ანდერძიდან ჩანს, პარხლის მრავალთავი გადაწერილია ტაოში, სახელდობრ — პარხალში. გადაწერი გაბრიელ პატარაჲ თავის ანდერძში გვაუწყებს, რომ მას განზრახული ჰქონია შეედგინა მხოლოდ დედათა წამებისა და ცხოვრების ამსახველი კრებული, მაგრამ ასეთები ბევრი ვერ უპოვია და შემდეგ მამათა ცხოვრებანიც დაუმატებია, თანაც ადვილობრივ წიგნთსაცავში რაც არ აღმოჩენილა, ისეთების გადმოსაწერად დედანი იშხნიდან მოუტანია და ასე შეუვსია თავისი კრებული.

ასე, ნახევრად მშვირ-მწყურვალნი ისხდნენ ვიწრო სენაკებში ძველი ქართველი მწიგნობრები, მათ შორის ტაოელნი და კლარჯელნი, ოპიზელნი და ოპიზარნი, ხახულელნი და ხახულარნი, ტბელნი და მტბევარნი... თვეობით ჩაპკირკიტებდნენ ერთი რომელიმე ხელნაწერის ნუსხას, მზრუნველობით გამოჰყავდათ ყოველი ასო, ორიგინალურ თუ თარგმნილ შესანიშნავ თხზულებებს საამაყოფ უტოვებდნენ შთამომავლობას. თვითონ კი მოკრძალებით შენდობას ითხოვდნენ წამკითხველთაგან. მაგრამ მათ ისიც კარგად იცოდნენ, რომ „მშრომელნი მტკვერ და ნაცარ ვიქმნებით, ზოლო ნაშრომი ჰგის უკუნისამდე“ და „ყოველი წერილი ძველი არს მეტყუელი, გამოჩინებული აღმწერლისაჲ საუკუნოდ“.

ზურაბ ჭუმბურიძე
პროფესორი

ტაო-კლარჯეთის ჰიმნოგრაფიული სკოლის ისტორიიდან

ტაო-კლარჯეთის საღვთისმეტყველო ცენტრი წმიდა გრიგოლ ხანძთელის თაოსნობითა და მისი მოღვაწეობის შედეგად იქნება. გრიგოლ ხანძთელმა ჩაუყარა საფუძველი ჰიმნოგრაფიის განვითარებას IX საუკუნის I ნახევრის ტაო-კლარჯეთში. გიორგი მერჩულე საგანგებოდ აღნიშნავს გრიგოლის მიერ „საწელიწდო იადგარის“ დაწერის ფაქტს: „აწ არს ხანძთას კელითა მისითა დაწერილი სული-სა მიერ წმიდისა საწელიწდო იადგარი, რომლისა სიტყუანი ფრთად კითილ არიან“. სამეცნიერო ლიტერატურაში გრიგოლის მიერ საწელიწდო იადგარის დაწერა სხვადასხვაგვარად გაიხარება. კ. კეკელიძის შეხედულებით: „ფრაზა „კელითა მისითა დაწერილი სულისა მიერ წმიდისა“ უფრო ასე უნდა გვესმოდეს, რომ ეს იადგარი ან ლიტურგიკული ჰიმნები მთელი წლისა მას თვით შეუთხზავს თითქოს „სული წმიდის შეგონებით“. პ. ინგოროყვამ მიქაელ მოდრეკილის იადგარში ავტორის სახელწაწერლად შეტანილი საგალობლები გრიგოლ ხანძთელს მიაკუთვნა. ეს შეხედულება არ გაიზიარეს კ. კეკელიძემ და ალ. ბარამიძემ. შ. ონიანმა კონტექსტის გათვალისწინებით გამოთქვა მოსაზრება, რომლის მიხედვით გრიგოლ ხანძთელი არ არის „საწელიწდო იადგარის“ ავტორი, ის მხოლოდ გადამწერია, ოღონდ მთელი იადგარი მას დაუწერია ზეპირად, დედნის გარეშე. ამ ცნობით გიორგი მერჩულე გრიგოლის ფენომენალურ მესხიერებას წარმოაჩენს“ (კრ: ხანძთა – სულიერად მშობელი ქართველთა).

გრიგოლ ხანძთელის მიერ „საწელიწდო იადგარის“ შედგენის პრობლემა ბურუსითაა მოცული და ვარაუდების ღონეს ვერ სცილდება. მიუხედავად ამისა, ვფიქრობთ, გასათვალისწინებელია ორი გარემოება: 1. თვით იადგართა ქართულ ენაზე ჩამოყალიბებისა და განვითარების ისტორია და 2. გრიგოლ ხანძთელის მოღვაწეობის სტილი, მეთოდოლოგია და წინარე ტრადიციები. იადგართა ჩამოყალიბების ისტორია საგანგებო კვლევის საგნად აქციეს ელ. მეტრეველმა, ლ. ხევსურთანმა

და ც. ჭანკიევმა, რომლებმაც იადგარის პირველი რედაქციის, არქტიპული სახის ჩამოყალიბება VII საუკუნეში ივარაუდეს პალესტინის ქართულ საგანებში. ჭილ-ეტრატის იადგარზე (IX-X სს. მიჯნა) ადრინდელი იადგარის ნუსხა არ მოგვეპოვება, ე.ი. მოღწეულ მრავალრიცხოვან იადგართაგან უძველესი ჭილ-ეტრატისაა, რომელშიც, როგორც აღინიშნა, საგალობელთა ქართული ფუნაქ შეინიშნება. ცნობა IX ს. I ნახევარში ქართულ ენაზე იადგარის დაწერის შესახებ დაცულია 951 წელს გიორგი მერჩულის მიერ შექმნილ „გრიგოლ ხანძთელის ცხოვრებაში“, ე. ი. ჭილ-ეტრატის იადგარს წინ უსწრებს გრიგოლ ხანძთელის „საწელიწდო იადგარი“. თუმცა რედაქციული თვალსაზრისით ისინი განსხვავებული უნდა ყოფილიყო. პ. ინგოროყვამ იელის იადგარი მიაკუთვნა პალესტინურ ქართულ საღვთისმეტყველო ლიტერატურულ სკოლას, თუმცა საამისო საფუძველი არ დაუსახელებია. ლ. ხევსურთანმა და ლ. ჯღამაიამ გაიზიარეს პ. ინგოროყვას შეხედულება და X საუკუნის დიდი იადგარის პრობლემათა შემდგომი კვლევის საფუძველზე მივიღწინებთ იმ დასკვნაზე, რომ იელისა და წვირძის იადგარები, ერთი მხრივ, პალესტინის იადგარებთან, მეორე მხრივ, მიქაელ მოდრეკილის იადგართან შედარებისას, სიასლოვეს საბაწმიდურ – სინურ იადგარებთან ამჟღავნებენ და არა მიქაელის იადგართან.

ყოველივე ზემოთქმულის გათვალისწინებით, რეალობასთან ახლოს უნდა იყოს პ. ინგოროყვას ვარაუდი იმის შესახებ, რომ მიქაელ მოდრეკილის იადგარისათვის საფუძველი ყოფილიყო გრიგოლ ხანძთელის „საწელიწდო იადგარი“, გიორგი მერჩულე გვამცნობს, რომ ხანძთის და შატბერდის მონასტრები გრიგოლის მიერ არის ავებული. X საუკუნის შუა წლებში მას თავად უნახავს გრიგოლის მიერ IX საუკუნის I ნახევარში დაწერილი „საწელიწდო იადგარი“ ხანძთის მონასტერში, ხოლო X საუკუნის ერთ-ერთ უდიდეს საგანეში – ოშკში მიქაელ მოდრეკილმა შეადგინა დიდი იადგარი (978–988 წლებ-

ში), რომელშიც ქართველი ჰიმნოგრაფები და ქართული ეკლესიის წმიდანთა თემაზე შექმნილი საგალობლები მნიშვნელოვან ადგილს იჭერენ. გიორგი მერჩულე აღნიშნავს, რომ გრიგოლ ხანძთელი „ორთა მათ მისთა შენებულთა მონასტერთა ხანძთას და შატბერდს, იქცეოდა მარადის და მოძღურებისა მისისა სწავლითა ადავსებდა გულსა მოწაფეთა თვისთასა. რამეთუ არა ხოლო თუ წიგნთა საღმრთოთა ოდენ სიბრძნის-მეტყუელებდა ყოვლად კერძო, არამედ წმიდისა კათოლიკე ეკლესიისა საქადაგებელსა გალობასა სრულიად წელიწადსა განგებითა მოძღუარ იყო განუკითხველად, და ყოველთა დღესასწაულთა განგებაჲ კეთილად იცოდა, რამეთუ რომელიცა დაესწავა, დაუვიწყებლად აქსოვდა. და აქუნდა კმისა ნებეირობაჲ და ტკბილობისა შუენიერებაჲ, ხოლო განსაკვირვებელ იყო ქსოვნებაჲ მისი. რამეთუ აწ არს ხანძთას კელითა მისითა დაწერილი სულისა მიერ წმიდისა საწელიწდო იადგარი, რომლისა სიტყუანი ფრიად კეთილ არიან...“ (ძეგლები, I. 281-282). მართებული ჩანს ხ. ზარიძის გამოთქმული შეხედულება, რომ „კმითა სასწავლელი სწავლაჲ საეკლესიოჲ“ გალობანი უნდა იყოს (კრ: ხანძთა... გვ. 83-85), ხოლო „აქუნდა კმისა ნებეირობაჲ და ტკბილობისა შუენიერებაჲ“ უფრო შორს მიმავალ ვარაუდს უყრის საფუძველს: გრიგოლ ხანძთელის მიერ IX საუკუნის I ნახევარში „საწელიწდო იადგარის“ დაწერა-შედგენა შეიძლება იმითაც აიხსნას, რომ მან საგალობლები მუსიკალურადაც გააწყო და შეიძლება იგი მეხელთა პირველი თაობის წარმომადგენელი, მეტიც, პირველი ქართველი მეხელი იყო. რაც შეეხება გრიგოლ ხანძთელის მიერ „საწელიწდო იადგარის“ ზეპირად ცოდნას და შემდგომ მის ჩაწერას ან შედგენას, სიმართლეს უნდა შეეფერებოდეს. უნდა გავითვალისწინოთ ის ფაქტიც, რომ გრიგოლმა შეისწავლა კონსტანტინოპოლური სამონასტრო წესდება და სამშობლოში დაბრუნების შემდეგ თავისი დაარსებული მონასტრებისათვის შექმნა „მეცნიერებით გაბრწყინებული და სიბრძნით განსაზღვრებული“ ფიცხელი წესდება კონსტანტინოპოლური და იერუსალიმური განჩინების საფუძველზე. ამ უკანასკნელის ჩამოტანა გრიგოლმა იერუსალიმს მიმავალ წმიდა კაცს სთხოვა, რაც მან

აუსრულა. ჩამოუტანა საბაწმიდურ-პალესტინური წესდება, რომელიც ყველა ქრისტიანული ქვეყნის საეკლესიო ტიპიკონებს დაედო საფუძვლად. გრიგოლს ქართულ საეკლესიო ცხოვრებაში უცვლელად არც ერთი არ მიუღია და არ დაუმკვიდრებია. მან მათი გათვალისწინებით შექმნა სრულიად ახალი ტიპის დამოუკიდებელი, ქართული ეკლესიისათვის მისაღები, საჭირო და აუცილებელი შეზავებული წესდება, რომელიც ღვთაებრივ სამართალს ესადაგებოდა, ხოლო ღვთაებრივი სამართალი ზეადამიანური კატეგორიაა და მხოლოდ ღვთის რჩეულთ ეუწყებათ სული წმიდის მეშვეობით. ვფიქრობთ, ასევე უნდა მომხდარიყო „საწელიწდო იადგარის“ შემთხვევაშიც.

იადგართაგან უმნიშვნელოვანესია „საუნჯე X საუკუნისა“ (მ. ჯანაშვილი) – მიქაელ მოდრეკილის მიერ შედგენილი ჰიმნოგრაფიული კრებული S-425(978-988 წლები), რომელიც ამჟამად შეიცავს 554 გვერდს და 200-მდე საგალობელს. კრებული გვაცნობს როგორც ცნობილი ბიზანტიელი ჰიმნოგრაფების თხზულებათა უძველეს ქართულ თარგმანებს, ასევე ქართველი ჰიმნოგრაფების – იოანე მტბევარის, იოანე მინჩხის, იოანე ქონქოზისძის, სტეფანე სანანოძისძე-ჭყონდიდელის, ეზრას, კურდანაძის, თვით მიქაელ მოდრეკილის შემოქმედებას. აგრეთვე, იგი გვაწვდის უნიკალურ ლიტერატურულ-ისტორიულ ცნობებს ხსენებულ ჰიმნოგრაფთა მოღვაწეობისა და X საუკუნის უკანასკნელი მეოთხედისათვის ჰიმნოგრაფიის მიღწევების შესახებ. ფაქტობრივად, მიქაელ მოდრეკილის იადგარმა შემოგვინახა X საუკუნის ქართველ ჰიმნოგრაფთა ორიგინალური შემკვიდრობა, რითაც იგი განსაკუთრებულ ღირებულებას იძენს. კრებული იმითაცაა მნიშვნელოვანი, რომ იგი ნეკშირებულა, საგალობლებს სპეციალური მუსიკალური ნიშნები ახლავს, რითაც მუსიკათმცოდნეთა ყურადღებას იმსახურებს.

მიქაელ მოდრეკილის იადგარში დაცულია ცნობები, როგორც თვით კრებულის შედგენისა და აგებულების შესახებ, ისე ჰიმნოგრაფიული პოეზიის თავისებურებებზე, საგალობელთა ქართველ ავტორებზე. იადგარის შედგენის ისტორიას თვით მიქაელ მოდრეკილი გვაცნობს:

„შეწევნითა ღმრთისაჲთა, რომელი არს მიზეზი ყოვლისა კეთილისაჲ, მე გლახაკმან,

ვილუაწე და ყოვლით კერძო შრომაჲ ვაჩუენე უზეშთაეს ძალისა ჩემისა და ფრიადითა ხარკებითა და გულმოდგინედ ძიებითა შევკრიბენ ძნლისპირნი ესე ყოვლით კერძოვე, რომელი ვპოვენ ენითა ქართველთაჲთა მეხურნი ბერძულნი და ქართულნი, სრულნი ყოვლითა განგებითა, და დაწერენ წმიდასა ამას წიგნსა შინა“ (S-425,24r). „შეწენითა დიდად სახიერისა ღმრთისაჲთა მე, გლახაკმან და ფრიად უღებებით ცხორებულმან, ღელვათა სოფლისათა დანთქმულმან და სიმძიმითა ბრალთა სიმრავლისაჲთა დაღონებულმან, მიქაელ მოდრეკილმან ვილუაწე და უზეშთაეს უძღურისა ძალისა ჩემისა შრომაჲ ვაჩუენე და შევკრიბენ საგალობელნი ესე წმიდისა აღდგომისანი, რომელნი ვპოენ ენითა ქართველთაჲთა მეხურნი: ბერძულნი და ქართულნი, სრულნი ყოვლითა განგებითა, წესისამებრ საეკლესიოჲსა: უფალო ღაღადგყავთა, ოხითითა, მოიხილითა და აქებდითთა ძლიერად და სიწმიდით და სიმართლით სისწორითა კილოჲსაჲთა და უცთომელობითა ნიშნისაჲთა“ (S-425, 262r).

მიქაელ მოდრეკილის ცხოვრება ორი მიმართულებით წარიმართა: 1. ჰიმნოლოგიური და 2. ჰიმნოგრაფიული.

ზემოთ აღინიშნა, რომ მიქაელ მოდრეკილმა შეადგინა „საწელიწდო იადგარის“ ახალი რედაქცია. უძველესი იადგარის გამოცემლებმა – ელენე მეტრეველმა, ლილი ხევსურიანმა და ცაცა ჭანკიევმა აღნიშნეს, რომ მიქაელის საწელიწდო იადგარი იადგართა შორის ბოლო რედაქციაა, რომელმაც ასახა ქართული ეკლესიის ლიტურგიკული პრაქტიკა X საუკუნეში.

მიქაელის კრებულში დამოწმებული ანდერძების მიხედვით შესაძლებელი ხდება მისი იადგარის რაობის განსაზღვრა, რისთვისაც განსაკუთრებული ღირებულება ენიჭება ტერმინების „მეხელისა“ და „მეხურის“ სწორ ინტერპრეტაციას. მიქაელის იადგარში ეს ტერმინი („მეხური“) რამდენიმეჯერ დასტურდება.

ტერმინების „მეხურისა“ და „მეხელის“ კვლევამ მეცნიერები განსხვავებულ დასკვნამდე მიიყვანა. მკვლევართა ერთი ჯგუფი „მეხურში“ ეთნიკურ ტერმინს ხედავდა (მ. ჯანაშვილი, ნ. მარი), ხოლო მეორე – მუსიკალურს (პ. კარბელაშვილი, კ. კეკელიძე, ჟ. თიბო). ლ. ჯღამაია მიაკვლია ცნობას „მეხურის“ შესახებ გიორგი მთაწმიდელის „თთუენში“

ორი ანდერძის სახით. მან კ. კეკელიძის მოსაზრება გაიზიარა და „მეხური“ ხმით შესასრულებელი საგალობლის აღმნიშვნელ მუსიკალურ ტერმინად მიიჩნია.

ე. მეტრეველმა საგანგებო გამოკვლევა მიუძღვნა „მეხურისა“ და „მეხელის“ ცნებათა დადგენა-გარკვევას. მან დასვა საკითხი, შეიძლება თუ არა „ახალი იადგარი“ მივიჩნიოთ იადგარის იმ რედაქციად, სადაც უნდა შესულიყო „მეხელთა“ მიერ თარგმნილი საგალობლები, ე.ი. არის თუ არა ახალი იადგარი იგივე მეხური იადგარი? „ვფიქრობთ, რომ არა, – წერს იგი, – ვინაიდან მელქისედეკ კათალიკოზის 1040 წლის ანდერძში გარჩეულია ერთმანეთისაგან ახალი და მეხური იადგარები. სახელები ამ იადგარებს სხვადასხვა ნიშნის მიხედვით აქვს შერქმეული. პირველ შემთხვევაში „იადგარისათვის“ ნიშანდობლივია მასალის სიახლე. ხოლო მეორე შემთხვევაში – მისი „მეხურობა“. ამიტომ „ახალი იადგარი“ შეიძლება იყოს „მეხური“ და შეიძლება არც იყოს. მეორე მხრით, „ახალი“ ისეთი შეფარდებითი ცნებაა, რომ ის სწრაფად იცვლის თავის შინაარსს: ის, რაც იოანე-ზოსიმესთვის X საუკუნის პირველ ნახევარში იყო ახალი V-VIII საუკუნეების ლიტურგიკულ ძეგლებთან მიმართებით, გიორგი მთაწმიდელისათვის უკვე განვლილი და გარდასული ეტაპი იყო“. მისი დასკვნით, მიქაელ მოდრეკილის მიერ შედგენილი ჰიმნოგრაფიული კრებული არის მეხური იადგარი, თვით მიქაელი, რომელსაც თავად გადაუწერია ხელნაწერის უდიდესი ნაწილი და ნევმები დაუსვამს, არის მეხელი. მიქაელამდე, სავარაუდოა, მეხელთა რამდენიმე თაობა მოღვაწეობდა და რამდენიმე მეხური იადგარიც არსებობდა. მეხური იადგარის დანიშნულება იყო სასწავლო. იგი ინახებოდა საპატრიარქო და უდიდეს, განსაკუთრებული მნიშვნელობის ეკლესია-მონასტრებში. მეხელები ერთდროულად იყვნენ ჰიმნოგრაფიული თხზულების, საგალობლის შემქმნელი და მათი მუსიკალური თანხლების მთხზველნი, ე.ი. პოეტებიც იყვნენ და კომპოზიტორებიც. შემდეგში, კერძოდ, XI საუკუნის ბოლოსათვის, საგალობლის ტექსტს წერდა ან თარგმნიდა ერთი, ხოლო მუსიკალურად აწყობდა მეორე პირი, რასაც ადასტურებს გიორგი ათონელის ერთ-ერთი თვის მასალაზე დართული

ანდრეი; აგრეთვე, დავით აღმაშენებლის მიერ ანდრია კრიტიკის „დიდი კანონის“ ტექსტის თარგმნის დავალება არსენისათვის, ხოლო საგალობლის ხმის დადება – იოანე კათალიკოსისათვის. მიქაელ მოდრეკილს, მეხელს – პოეტსა და კომპოზიტორს, თავისი იადგარი შეუდგენია სასწავლოდ მღვდელ-მგალობელთათვის, ე.ი. ტერმინების – „მეხელისა“ და „მეხურის“ გარკვევა საფუძველი გახდა მიქაელის იადგარის ფუნქციის, დანიშნულების განსაზღვრისა.

მიქაელ მოდრეკილის საწელიწდო იადგარში რამდენიმე საგალობელს აშიაზე აქვს მინაწერები: „მერჩულიუნი“, „მერჩულიუნი უცხონი“. პ. ინგოროყვამ მინაწერებიანი საგალობლების შესახებ გამოთქვა შემდეგი ვარაუდი: „აქ ორი ახსნაა შესაძლებელი: ან ეს ჰიმნები ეკუთვნის გიორგი მერჩულეს, ანდა ეს ჰიმნები დაწერილია იმ ფორმით, რომელიც პირველად შემოუღია ჰიმნოგრაფიულ პოეზიაში გიორგი მერჩულეს... სწორია მეორე ახსნა, სახელწოდება „მერჩულიუნი“, ეს ყოფილა იმავე ტიპის სახელწოდება, როგორც „ჩახრუხაული“, „მაგნაკორული“, „ბისტიკური“ და სხვანი“. კ. კეკელიძის თვალსაზრისით: „გიორგი მერჩულე ჰიმნოგრაფიც ყოფილა: მიქაელ მოდრეკილის კრებულში მოთავსებულია მესხეთე ხმის აღდგომის კანონი, რომელსაც აწერია: „უცხონი მერჩულიუნი“. მერჩულიუნი, ალბათ, გიორგის ავტორობას ნიშნავს, თუმცა შესაძლებელია ამ ტერმინით „მერჩულისებური“ ფორმა იგულისხმებოდეს“. ცნობილია, რომ იოანე მინჩხის საგალობლებს ხელნაწერებში აქვს მინაწერები: „მინჩხი“, „მინჩხისანი“, „მინჩხურნი“. მისი ავტორობა


ზოგჯერ მონოგრამულადაც არის მითითებული: „მ“. ჩვენთვის ამჯერად საინტერესოა მინაწერი „მინჩხურნი“, რომელიც ისეთივე წარმოებული ფორმაა, როგორც „მერჩულიუნი“. ამან შესაძლოა გვაგვარაუდებინოს ის, რომ „მინჩხურნის“ მსგავსად, „მერჩულიუნიც“ ავტორობას უნდა ნიშნავდეს. თუ ეს ვარაუდი სწორია, მაშინ გიორგი მერჩულე უნდა მივიჩნიოთ ერთი მცირე ფორმის საგალობლისა და აღვსების (ე.ი. აღდგომის) დღესასწაულისადმი მიძღვნილი ჰიმნოგრაფიული კანონის ავტორად.

ბიზანტიური და ქართული ნოტაციის განვითარება დაკავშირებულია ათონისა და კონსტანტინოპოლის ჰიმნოგრაფიულ სკოლასთან, რომელთანაც X საუკუნეში, გიორგი მერჩულეს ცნობით, IX საუკუნეშიც მჭიდრო კავშირი ჰქონდა ტაო-კლარჯეთის შესანიშნავ ქართულ ჰიმნოგრაფიულ სკოლასაც, საიდანაც გამოვიდა მიქაელ მოდრეკილის „მეხური იადგარი“.

გრიგოლ ხანძთელის მიერ დაარსებულმა ტაო-კლარჯეთის საღვთისმეტყველო-ლიტერატურულმა სკოლამ ქართულ ჰიმნოგრაფიას მრავალი მწერალი შესძინა, რომელთა შემკვიდრება ძირითადად მიქაელის საწელიწდო იადგარშია თავმოყრილი. იოანე მტბევეარის, იოანე მინჩხის, სტეფანე სანანოძისე-ჭყონდიდელის, ეზრას, კურდანაძის, თვით მიქაელ მოდრეკილის სახისმეტყველებით მდიდარმა ორიგინალურმა და ნათარგმნმა საგალობლებმა ღირსეული ადგილი დაიმკვიდრეს ქართული მწერლობის ისტორიაში.

ნოსტან სულავა

პროფესორი



საგალობელი *

ნინოს II ჰიმნოგრაფი (IX-X სს)

გალობანი ნინოსნი

ადიდე შენ, ქრისტე, ქართლი
საძითა დიდებითა:
კუარითა მით შენითა,
კელთა შენთა სამსჯუალითა,
ფერკთა შენთა ფიცრითა.
ქუეყანა დავიწყებული,
კერპთა დაბნელებული,
კულად მოხსენებული,
ღმრთისა შეწყალებული,
ნინოს განახლებული.

* * *

მოეც უფალო,
მეფესა ჩუენსა მორწმუნესა
ძლიერი საჭურველი
და დაამკუ სიმრავლედ ბარბაროზთა.

ივანე მინჩხი

* * *

ნუმცა ვემსგავსებით, ძმანო,
ხეთა ზამთრისათა უნაყოფოთა,
ფურცელცვენულთა ბელეკონთა,
რათა არა მოვილოთ ჩუენ პატიჟი იგი
უნაყოფოდასა ლელკსად,
რომელი წყევით განახმო ქრისტემან,
არამედ ნაყოფიერ ვიქმნეთ

* * *

ვითარცა რად სიზმარნი განქარდებიან,
და დღითიდლე მოაკლდების რიცხუსა
აღრიცხულთა მათ. დღემდე ჩემთასა
და ყოვლისავე დამხსნელ არს სიკუდილი!
აწ ვილუაწოთ მოსულადმდე მისა!

* * *

გულისკმა-ვყოთ ამაოებად ჩუენდ,
რამეთუ ყოველნი მოკუდავ და მიწა ვართ.
და ჟამნი ჩუენნი, ვითარცა სიზმარნი
და არად ვერჩდეთ ჩუენ წუთსა ამას
ცხოვრებასა,
რამეთუ, ვითარცა აჩრდილი წარვალს,
რამეთუ ვითარცა მტუერი ქუეყანისად
განიბნევის,
შევიანხნეთ საწუთროდასა საფრთკენი,
ვითარცა მტვრისა ბადენი განფენილნი-
პირსა ქუეყნისასა, დავიმდაბლნეთ
თავნი საღმრთოთა მით სიმდაბლითა,
რომლითაცა
დავიცვნეთ ჩუენ მარადის უვნებლად,
და არად შევითხოვნეთ სასიკუდილედ მას შინა.

* * *

ამაო არს ცხოვრებად ჩუენი,
ვინაითგან დაჰკსნის მას სიკუდილი!
და ცუდად ხატად ვაღწკაცნი,
ამაოდ შურების, იუნჯებს,
და არა უწყის ვისდაცა იყოს იგი,
ჯერ არს ჩუენდა გულისკმის-ყოფად
და ზრუნვად ცხოვრებისა საუკუნოისად.

ბასილი ბაგრატი-ძე, ხახულელ-მთაწმიდელი (X-XI ს)

გალობანი ეხთკმე მთაწმიდელისანი
ძლისპირი

რომელმან დაპრთენ
წყალთა ზედა ზესკნელნი მისნი,
და შეაყენე ზღუად ქეშასა,
და გიპყრიეს ქუეყანად ბრძანებითა, —
შენ გიგალობს მზედ,
შენ გადიდებს მთოვარე,
შენდა შესწირვენ დიდებასა
ქმნულნი შენნი,
და აღგამაღლებენ შემოქმედსა უკუნისამდე.

* პავლე ინგოროყვას „გიორგი მერჩულის“ მიხედვით

სიტყუანი ძისა და დედისა

(ამონარიდი)

I სტროფი – „ნუ მწუხარე ხარ, უსძლოო,
უბიწოო დედაო,
მიხილო რა შობილი
შენგან ამ ქუეყნად ღმერთი—
კორციტა ჯუარ-ცუძული
შორის ავაზაკთა—
რამეთუ ნეფსით თვსით
დავითმენ აწ სიკუდილსა,
ცხორებისა მიზეზსა,
სოფელისა კსნისათვს“

II ანტისტროფი დედად
– “ღმრთისა სიტყუაო მხოლოო,
მხოლოდსაგან მამისა,
ძეო მხოლოდ შობილო!
დაღაცათუ კაც იქმენ
და მიიღე მკსნელო,
ბუნებად განხრწნადი
ბუნებისგან ჩემისა.
ხოლო ღმერთ ხარ ბუნებით!
ვითარ დაისაჯები
უკვდავი მოკუდავთათვს?”

გიორგი მერაბი

მთელ თავის მოღვაწეობაში, გრიგოლი გვევლინება თავდადებულ და შეგნებულ მომხრედ ეროვნული მთლიანობისა და ტაო-კლარჯეთში ახლად აღმოცენებული ეროვნული ხელისუფლებისა, რომელიც, მისი შეგნებით, საეკლესიო-სამონასტრო ინსტიტუტის მორალური გავლენის ქვეშ უნდა იმყოფებოდეს.

ჩვენამდე არ შენახულა არცერთი თხზულება, რომლის შესახებ დანამდვილებით შეგვეძლოს თქმა, რომ ის გრიგოლის მიერაა დაწერილი, ან ნათარგმნი, მაგრამ მისი ბიოგრაფის სიტყვები:

„არს ხანძმას ხელითა მისითა დაწერილი სულისა მიერ წმიდისა საწელიწდო იადგარი, რომლისა სიტყუანი ფრიად კეთილ არიან“, გვაფიქრებინებს, რომ ის მწერლობაში მართლაც რომ იღებდა მონაწილეობას. ფრაზა: „ხელითა მისითა დაწერილი სულისა მიერ წმიდისა“ უფრო ასე უნდა გვესმოდეს, ეს იადგარი, ან ლიტურგიკული ჰიმნები მთელი წლისა მას თვით შეუთხზავს „სული წმიდის შთავონებით“.

კორნელი კეპელიძე

IX-X საუკუნეებში მოხატული ქართული ხელნაწერები

ისტორიული ძეგლებით მდიდარ სამხრეთ საქართველოს ტერიტორიაზე, რომელიც ამჟამად თურქეთის მფლობელობაშია, მრავალი სამწერლობო კერა არსებობდა. აქ შექმნილი IX-X საუკუნეების ჩვენამდე მოღწეული ხელნაწერები კი საშუალებას გვაძლევს გავცნოთ იმდროინდელ-ხელოვან-ოსტატთა ინტენსიურ შემოქმედებით მოღვაწეობას. ეკლესია-მონასტრებთან არსებულ კულტურულ საგანმანათლებლო სკოლებში არა მარტო ითარგმნებოდა და იწერებოდა, არამედ იხატებოდა კიდევ ხელნაწერები. აქ ყალიბდებოდა ადრეული ხანის წიგნის გაფორმების პრინციპები და ეს, ტრადიციადქმნილი ხელოვნების მთელი რივი თავისებურება, ოსტატთა ინდივიდუალური ხელწერის შესაბამისად, საუკუნეების განმავლობაში მეორდებოდა.

ტაო-კლარჯეთის მხატვრულ სკოლებში შექმნილი IX-X სს. მოხატული ხელნაწერები თავისი შინაარსით მრავალფეროვანია და აქედან გამომდინარე, გაფორმების თვალსაზრისითაც მრავალფეროვანია დღემდე შემორჩენილ მოხატულ ხელნაწერთაგან. შეიძლება დავასახელოთ, უპირველეს ყოვლისა, ოთხთავები. ესენია ადიშის (897 წ.), I ჯრუჭის (H-1660, 936-940 წწ.), წყაროსთავის (A-98, X ს.), პარხლის (A-1453, 973 წ.), I ბერთას (988 წ., დაცულია ამერიკის შეერთებულ შტატებში). რაც შეეხება ცნობილ 995 წლის დავით კურაპალატის დროს შექმნილ I ტბეთის ოთხთავს, რომელიც ამჟამად პეტერბურგშია დაცული, XI საუკუნეში დაურთო მახარებელთა მინიატურები სამოელ ეპისკოპოსმა. მოხატულია დავითნი (A-38, 974 წ.) და ასევე სხვადასხვა შინაარსის კრებულები A-35 (X ს.), A-397 (X ს.), შატბერდისა (S-425, 978-988 წწ.).

აღნიშნულ ხელნაწერთა უმეტესობა სამხრეთ საქართველოს ანდრძების მიხედვით მიეკუთვნება. ზოგი ხელნაწერის შესრულების ადგილი კი განისაზღვრება მხატვრული სტილით, პალეოგრაფიული თავისებურებებით თუ ისტორიული მონაცემებით.


საუკუნეების მანძილზე სამხრეთ საქართველოს მრავალი მოღვაწე და ხელოვანი ჰყავდა. ძველ ოსტატთა – ოქრომჭედელთა, გადამწერთა, მხატვართა, მმოსველთა მრავალი სახელი შეიძლება დავასახელოთ. ჩვენ მიერ ზემოთ ჩამოთვლილ ხელნაწერთა ანდრძ-მინაწერების მიხედვით ცნობილია ამ ოსტატთა სახელები. სამხრეთ საქართველოში ოქრომჭედელთა ძლიერი სკოლაც არსებობდა. ისინი ჭედური ყდების შესრულებაში იყვნენ დახელოვნებულნი, მაგ. XII ს. ბერთას ოთხთავის ყდა ბეშქენ ოპიზარის ნახელავია. გელათის მთავარანგელოზთა ეკლესიაში სხვა სამუშაოების შესასრულებლად და ლაფსყაღდის ოთხთავის ყდის მოსაჭედად დავით ნარინმა ოპიზიდან გადმოიყვანა მეფის მოძღვარი ბერი ილარიონ სოფრომის ძე.

ჩვენამდე მოღწეულ არც თუ ისე მრავალრიცხოვან X ს. ხელნაწერთა ანდრძ-მინაწერები იმასაც გვაძეცნობენ, რომ ერთსა და იმავე პირს ორი ან მეტი ხელნაწერი შეუსრულებია. მაგ. იოანე ბერაიმ, რომელიც იყო მიქაელ მორეკილის დისწული, გადაწერა პარხლის ოთხთავი (A-1453) და ასევე შატბერდის კრებული (S-1141). პარხლის მონასტერში მოღვაწე გაბრიელ პატარაიმ შეასრულა უზარმაზარი პარხლის მრავალთავი (A-95), პარხლის ოთხთავი (S-4927) და წმ. მამათა საკითხავები და სიტყვები (A-144), A ფონდის ხელნაწერთა აღწერილობაში წყაროსთავის ოთხთავის (A-98) გადამწერად გაბრიელ პატარაი არის მითითებული. ზოგჯერ ერთი და იგივე პირი რამდენიმე ხელობას დაუფლებული ჩანს. მაგ., მიქაელ მორეკილი ცნობილია, როგორც საგალობლების შემგროვებელი, გადამწერი და მხატვარი. ზოგიერთი გადამწერი მხატვრის როლშიც გამოდის (აძის შესახებ ქვემოთ).

ბევრი სამხრეთელი მოღვაწე გადადის საზღვარგარეთის კერებში სამოღვაწეოდ, რომლებიც ძველი ადგილსამყოფელის დასახელებას ინარჩუნებენ. ივანე საფარულმა პალესტინაში 968 წელს გადაწერა იოანე ოქ-



ლუკა და იოანე მახარებლები.
წყაროსთავის ოთხთავი, X ს.



ჯრუჭის ოთხთავი.
თევდორე კამარათმწერლის
ანდერძი თავფურცელზე. 940 წ.

როპირის ცხოვრება (H-2124) სინას მთისათვის. ამ ხელნაწერის დამკვეთი ხუცესი მიქელ ფანასკერტელი სინას მთაზე მოღვაწეობს. მწიგნობარი იოანე ხახულელი XI ს. პირველ ნახევარში ათონშია. X-XI საუკუნეებში განსაკუთრებით ძლიერი იყო ქართველების ლტოლვა საზღვარგარეთის ქართული კულტურისა და მწიგნობრული ცენტრებისაკენ. უმრავლესობა ტაოდან და კლარჯეთიდან იყო წასული. მილტკოდნენ საზღვარგარეთის კულტურულ-საგანმანათლებლო კერებში სამოღვაწეოდ, რათა ხელი შეეწყოთ თავიანთი მწერლობის საერთო ქრისტიანული სტანდარტების დონეზე განვითარებისათვის. მათთვის არ არსებობდა ტერიტორიული ბარიერი და ხანგრძლივ მგზავრობასთან დაკავშირებული სიძნედეები. XI ს. პირველი ნახევრის ცნობილი შატბერდელი მოღვაწეები გადადიან, რა შავ მთაზე, ქმნიან სამხრეთული სკოლის შესანიშნავ ნიმუშს ე.წ. ჯიბისძეების მეორე სვინაქსარს (H-2211), როგორც კალიგრაფიული, ასევე წიგნის მხატვრული მორთულობის თვალსაზრისით. XI ს. პირველ ნახევარში კონსტანტინოპოლში მოღვაწეობს ბასილი მალუმის-ძე, რომელიც, როგორც ირკვევა ანდერძ-მინაწერებიდან, სამხრეთ საქართველოდან იყო წამოსული და ხორას მონასტერში (ამჟამად კახრიე-ჯამი) დამკვიდრებული. მან გადაწერა და მოხატა ბანელი მამათმთავრის ზაქარია ვალაშკერტელის დაკვეთით 5 ხელნაწერი. როგორც ჩანს, ექვთიმე ათონელის „ახლად ნათარგმნი“ ტექსტები მას თვითონ ჩამოჰქონდა ათონიდან და გასავრცელებლად ორ-ორ ეგზემპლარადაც წერდა: იხ. გრიგოლ ღვთისმეტყველის თხზულებანი (A-92, A-1), მცირე სჯულის კანონი (A-96, S-143). საინტერესოა, რომ მთაწმიდას ჩასულმა ბასილმა გრიგოლ ღვთისმეტყველის თხზულების (A-92) გადაწერაში მიიღო მონაწილეობა ერთ-ერთი გადაწერის, ზაქარია მირდატის-ძის გარდაცვალების გამო.

ჩვენამდე მოღწეული IX-X საუკუნის ხელნაწერებიდან უმრავლესობა სამხრეთ საქართველოში და ძირითადად შატბერდშია შესრულებული. დასახელებული ოთხთავებიდან ყველა უნიკალურია და ისინი სწორედ შატბერდშია გადაწერილი (იხ. აღმის, I ჯრუჭის, პარხლის A-1453). შატბერდულ ხელნა-

წერებში ცხადად იკვეთება ოთხთავის გაფორმების ტარდიცია, რაც გარკვეულ ადრეულ ეტაპს ქმნის წიგნის დეკორაციული მორთულობის განვითარების გზაზე. როგორც არის მიჩნეული, შატბერდში გადაწერა X საუკუნეში ასევე შატბერდის კრებული (S-1141). პ. ინგოროყვას მითითებით მიქელ მორდრეკილის საგალობლების კრებულიც (S-425) შატბერდშია შესრულებული. განთქმული შატბერდის მონასტერი კლარჯეთში გრიგოლ ხანძთელის მიერ იყო დაარსებული IX ს. დასაწყისში. იქ IX-X საუკუნეებში მძლავრი სამწიგნობრო კერა შეიქმნა. სწორედ ამ სამწიგნობრო კერას, როგორც აღნიშნავს ელ. მეტრეველი, შემდეგ მჭიდრო ურთიერთობა ჰქონდა შავი მთის ახლად აშენებულ ძელი ცხოველის ეკლესიასთან.

ოთხთავის გაფორმების მხატვრული თავისებურებანი, უპირველეს ყოვლისა, გამოიხატა წიგნის მხატვრული ორგანიზმის ჩამოყალიბებაში. ეს თავისებურება, ცხადია, სხვა შინაარსის ხელნაწერთაგან განსხვავებულია. ოთხთავის შინაარსის შესაბამისად მისი არქიტექტონიკა ასეთია: თავფურცელი ჯვრის გამოსახულებებით, მახარებელთა მინიატურები, ოთხთავის საძიებლები (კამარები). რაც შეეხება თავსამკაულებს და საზედაო ასოებს, ისინი სხვა შინაარსის მქონე ხელნაწერებშიც გვხვდება. ზემოაღნიშნული ელემენტები შემდგომში ოთხთავის გაფორმების აუცილებელი შემადგენელი ნაწილები ხდება: მხოლოდ XI საუკუნიდან ჩამოყალიბდა კოდექსი გამოკვეთილი ოთხი თავით. იცვლება მახარებელთა იკონოგრაფიული თავისებურებანი (სახე და გამოსახვის წესი), კამარათა თუ თავსამკაულთა ფორმა, თავფურცელი საზეიმო კომპოზიციის – ჯვრის ტიპის.

IX-X საუკუნის ხელნაწერიდან დასურათებული მხოლოდ I ჯრუჭის ოთხთავია. ერთი მინიატურა მოგვეპოვება მიქელ მორდრეკილის საგალობელთა კრებულში (S-425, 60r). დეკორაციული მორთულობის ელემენტები აღნიშნულია პირველ ტაბულაზე. ის სპეციფიკური თავისებურებანი კი, რაც IX-X სს. მორთულობაში გვხვდება, შემდეგია: კამარებს ნალისებრი ფორმა აქვს. ნალისებრი ფორმის ჩარჩოებშია ჩასმული მახარებლებიც და ბასილი კესარიელისა და იოანე მტბეგარის ფიგურებიც მიქელ მორდრეკილის კრებულში.

მახარებელთა უმრავლესობა წყვილ-წყვილად არის წარმოდგენილი და ტექსტის დასაწყისშია თავმოყრილი. მხოლოდ I ჯრუჭის ოთხთავში თვედორემ, რომელმაც ხელნაწერი მოხატა გადაწერიდან 4 წლის შემდგომ, ცალკე ფურცლებზე მოთავსებული მახარებლები სიუჟეტებითურთ ყოველ სახარებას წინ დაურთო. მახარებლები ფეხზე დგანან გრაგნილით ხელში; ჯვრის ფორმა ოთხყურაა, რაც ბოლნისის ჯვრის ფორმას მოგვაგონებს. მხოლოდ მცხეთის დავითში ჩასმული მინიატურა სამყურა ფორმისაა ქვედა დაგრძელებული მკლავით და პოსტამენტზეა შედგმული, რაც გარდამავალი ხანისად არის მიჩნეული. თავსამკაულებს სწორხაზოვანი ფორმა აქვთ, მთავრულ ასოთა მოხაზულობანი ფარგლით სრულდება.

XI საუკუნიდან იცვლება ოთხთავის მხატვრული არქიტექტონიკა. შუასაუკუნეების ეკლესიის მიერ მყარად არის შემუშავებული არა მარტო კოდექსის მხატვრული ორგანიზმი, არამედ მახარებელთა იკონოგრაფიული თავისებურებანი: მახარებლები ყოველი სახარების წინ მჯდომარე პოზაში ტექსტისაკენ მიმართულნი გამოისახებიან. ისინი ერთმანეთისაგან დამახასიათებელი ნიშნებით გამოირჩევიან. კამარებს სწორკუთხა ზედანი აქვს. უნდა ხაზგასმით აღინიშნოს, რომ იშლება ის ელინისტური ტრადიციები, რაც ასე ძლიერია IX-X საუკუნეების მხატვრობაში, შესრულების მანერაში. შეიძლება განსაკუთრებულად ჩამოვთვალოთ ის თავისებურებანი, რაც 897 აღიშისა და 940 წლების მოხატულ I ჯრუჭის ოთხთავებში გვხვდება, როგორც ადრეული წიგნის მხატვრობისთვის დამახასიათებელი. მაგ., ქრისტეს და იოანე მახარებლის უწყვერულვამო სახე, კამარათა ნალისებრი ზედანი, აქედან ამოზრდილი აკანთის ფოთლები, სვეტების მარმარილოსებრი იმიტაცია, ტანისამოსის ნაოჭების დამუშავება, მიწის, როგორც სურათის ქვედა ფონის აღნიშვნა ყვაკილებით, შიშველი ფიგურის გამოსახვა და ა.შ. მაგრამ მომდევნო საუკუნეებში რჩება საფერწერო ტექნიკის თავისებურებანი: ნათელ ფერთა შეხამება, სინგურის სიუხვე, ოქროს ფონის უარყოფა, აკვარელისებრი საღებავის მოხმარება ე.წ. ხალხური მიმართულების ხელნაწერებში, რომლებიც თავის მხრივ არსებობენ ბიზანტიური ტიპის ხელნა-

წერების პარალელურად. ორნამენტული მოტივები – გეომეტრიული თუ მცენარეული (განსაკუთრებით ვახისებრი), სინგურისა და შავი ფერის შენაცვლება, ეტრატის ფერის გამოყენება ნახატში და, რაც მთავარია, შესრულების გრაფიკული მანერა – სწორედ ამ ხალხური მომართულების ხელნაწერებში განაგრძობს არსებობას.

ტაო-კლარჯეთის ხელნაწერთა მორთულობის შესწავლის დროს გამოიკვეთება მეტად საინტერესო საკითხი, კერძოდ, ოსტატთა შორის, განსაკუთრებით გადამწერსა და მხატვარს შორის, შრომის განაწილების შესახებ. როდესაც მოხატულობა კომპოზიციურად მჭიდრო ურთიერთობაშია ტექსტთან (ზოგჯერ შეჭრილია დაწერილი სვეტის ფარგლებში), ან გადამწერის მიერ შესრულებული სახედაო ასოები ორნამენტულ მხატვრობას ესადაგება, გადამწერი შეიძლება ხელნაწერის მომხატველადაც მივიჩნიოთ. მეტად საინტერესო შემთხვევას ვხვდებით მიქაელ მოდრეკილის საგალობელთა კრებულში. აქ სამი გადამწერის ხელი გამოირჩევა და თითოეული მათგანი ასრულებს შესაბამისი ტექსტის მოხატულ ასოებსა და თავსამკაულებს. იცვლება გადამწერის ხელი და იცვლება სახედაო ასოების შესრულების მანერა. ანალოგიურ შემთხვევას ადგილი აქვს გრიგოლ ღვთისმეტყველის XI ს. ხელნაწერში (A-87).

რაც შეეხება მომხატველთა სახელებს, როგორც ცნობილია, ისინი თავის სახელს ან არ წერდნენ, ან მიფარვით ასრულებდნენ. IX-X სს. ხელნაწერთაგან ცნობილია I ჯრუჭის მომხატველი თევდორე „კამარათამწერალი“ (ანდერძი დაწერილია სარკისებრი წესით. ტერძინი მწერალი ძველად მხატვარს ნიშნავდა და თევდორეც კამარათა, აქ იგულისხმება კამაროვან ჩარჩოებში ჩასმული მახარებლებიც, მომხატველია).

ამრიგად, ტაო-კლარჯეთის სამწიგნობრო კერებში შესრულებული ხელნაწერები საინტერესო მასალას იძლევა ქართველ მოღვაწეთა, ძველ ქართველ ოსტატთა გამოსავლენად, ადრეული ხანის წიგნის მხატვრობის დასახასიათებლად.

ელენე მაჭავარიანი

ხელოვნებისმცოდნეობის დოქტორი

მდულარებაჲ სულისაჲ

„თქმულ არს, ვითარმედ — არარაჲ ეგრეთ განარისხებს ღმერთსა, ვითარ მეტი შვებაჲ“.

VIII-IX ს.ს. ქართულმა ხუროთმოძღვრებამ ახალი გაქანება მიიღო. არენაზე გამოჩნდა გრიგოლ ხანძთელი — დიდი საეკლესიო მოღვაწე, ეკლესია-მონასტრებისა და ტაძრების მშენებელი. იგი დიდი, ცივილიზებული ქართველი ერის ხუროთმოძღვარი გახდა.

ღვთაებრივი სიმართლისა და საიდუმლოს ფლობა იყო ხანძთელის უმთავრესი მოწოდება. სურვილიც ეს იყო მისი. ღვთაებრივი საიდუმლოსა და სამართლის ერთი მთავარი აზრი ისიც გახლდათ, რომ მეტი, ანუ ზედმეტი შვება დაუშვებელია. ადამიანის დანიშნულება ცის ქვეშ „მეტი შვება“ არ არის. „შვებას“ იქით იგი დამანგრეველი უბედურებაა.

ერთი მხარეა მოვლენისა, რომ ეს „მეტი შვება“ გამორიცხა გრიგოლ ხანძთელმა თავის სამძოში, მაგრამ ამთავითვე უნდა ითქვას, რომ ეს სამძო ხანძთის მონასტრის სამძო არ ყოფილა. სამძო ჰქვია, თორემ გრიგოლ ხანძთელის ხალხი აღაშენებდა ეკლესია-მონასტრებს მთელ ტაო-კლარჯეთში (ეს კი დიდი ქვეყანა გახლდათ), შემდგომ უკვე მთელს დასავლეთ საქართველოშიც. მან მთელ ქვეყანას უკარნახა წესი და რიგი, მთელი ქვეყანა აიძულა, ეცხოვრა „მეტი შვების“ გარეშე. უსაყვარლესი მისი მეფის — აშოტ კურაპალატის „მეტი შვებაც“ კი ალაგმა. მარტოდენ სახელმწიფოებრივ ღონეზე კი არა, მარადიულობის ღონეზე აიყვანა დამოკიდებულება „მეტი შვების“ პრინციპთან, როდესაც აშოტ კურაპალატს საყვარელი ქალი ხელიდან გამოსტაცა და ფებრონიას ჩააბარა. ფებრონიას მტკიცე დახვედრამ მეფეს ათქმევინა, — „ნეტარ მას კაცსა, ვინ არღარა ცოცხალ არს“. ზნეობა მკაცრია, შეუვალი, მაგრამ კამკამა და გამჭვირვალე. მხოლოდ შეულახველი ზნეობით შეიძლება კაცი — კაცს, მეფე — მეფეს, ერი — ერსა და ქვეყანა ქვეყანას დაემსგავსოს. მეფის დასჯა ერის გაფრთხილება იყო. იგი დასჯის ნიშნად გახლდათ.

თითქოს ზედმეტია ლაპარაკი იმაზე, როგორ ცხოვრობდა გრიგოლ ხანძთელის სამ-

ძო, — ტაო-კლარჯეთის მშენებელი უნიკალური არმია. მათი ჭამა, მათი სმა, მათი დასვენება — ყოველივე თავგანწირვის ფორმებში იყო მოქცეული. რომ გრიგოლ ხანძთელი „არავის უდებთაგანს შეიწყნარებდა“, რომ გამოცდიდა მკაცრად, შეარჩევდა შეუმცდარად, რომ წვრთნიდა დაუსრულებლად და აკონტროლებდა — ეს ყოველი ფაქტია და მისი მოღვაწეობის მეთოდებსა და ხერხებზე მეტყველებს. მაგრამ რაც ამ წვრთნას მოსდევდა შედეგად, გახლავთ ისტორიული პროცესი, რამაც მოიცვა მთელი ქვეყანა და აქედან ჩანს უკვე, როგორც საქართველოს გამოვლენის პლანეტაზე საშვენი სიმაღლის დამკვიდრების პროცესი. მთელს ამ საქმეებს გრიგოლ ხანძთელი წარმართავდაო, აღნიშნავს მერჩულე. წარმართავდა „მდულარებითა სულისაჲთა“. სულის მდულარება თუ შრომობს ამდენს და აგებს ამდენს, თორემ გამორიცხულია სხვა ძალა, რომელიც მსგავს რაიმეს შეძლებს. არ არის ეს სულის მდულარება, მარტოდენ გრიგოლისა და მისთა მოძმეთა სულის მდგომარეობა. ეს ღმერთმა „შეამწიფა“ (რუსთაველის გამოთქმა) ერის არსი ამ დროისათვის იმ ზომაზედ, რომ გრიგოლ ხანძთელის და მის თანამზრახველთა სულის მდულარებად იფეთქა არსმა. ის სიმწიფე მზადდებოდა საუკუნეთა განმავლობაში. „მდულარებაჲ სულისაჲ“ — ქვეყნის ამ გავარვარებული ქვაბის მდულარება იყო. გრიგოლ ხანძთელი და მისი მოძმენი პირველი წვეთები იყვნენ, ადულებული წყლის ზედაპირიდან რომ აიჭრნენ ცაში. თავად ქვეყანა დულდა, როგორც უზარმაზარი ქვაბი. ღვთის რჩეულებს — გრიგოლ ხანძთელსა და მის ძმებს მთელი ქვეყანის სული უნდა აედულებინათ. ნიშანდობლივია, რომ ქვეყნის სული მზად ჩანს საამისოდ. ნერსე ერისთავი თავისთავად სათავეა ამ მოძრაობისა. აშოტ კურაპალატი და მისი ძენიც მზად არიან, ყველაფერი გაიღონ ამ „საღვთო საქმისათვის“. დაფანჩულიც — დიდი აზნაური — ეხმარება უანგაროდ. ამ საქმეში ყველა თავისი

არსებობის აზრს ხედავს და მაქსიმალურად შეეწევა. ეს „ყველა“ მთელი ქვეყანაა. გრიგოლ ხანძთელი, როგორც მაშინ იყო მიღებული, უდაბნოებსა და უვალ ადგილებში აშენებს ეკლესია-მონასტრებს. „უდაბნოსა შინა“ და „უვალს“ ადგილებში კი ეკლესია-მონასტრების შენება ურთულესი საქმეა. ეს ურთულესი საქმე კეთდებოდა დიდი ტემპით. მთელი ქვეყნის ძალისხმევა იყო ჩართული ამ საქმეში.

გრიგოლ ხანძთელის ტაო-კლარჯეთს „ბერ-მონაზვნების რესპუბლიკა“ უწოდა აკადემიკოსმა ნიკო მარამ. მან დაინახა გრანდიოზულობა საქართველოში მიმდინარე პროცესისა. იგი ქრისტიანული მსოფლიოს გამორჩეულ ადგილად გვეცხადებოდა, რადგან მართლა მიიღო ბერ-მონაზვნების რესპუბლიკის სახე. ეს უზუსტესად გამოხატავს ტაო-კლარჯეთში იმდროისათვის გაშლილი მშენებლობის მასშტაბებსა და შინაარსს.

რალაც მოხდა, განუსაზღვრელად დიდი რამ მოხდა საქართველოს ცხოვრებაში. ერის სწრაფვა სრულყოფისაკენ ვერ დამაგრდა ადგილზე. ვერაფერმა შეაჩერა იგი. ვერ შეიძლო გარემომცველმა მტრულმა სამყარომ მისი გაქვავება, ჩაკვლა, დამცრობა, მეტი საღატეები. მტრული სამყაროსაგან თავს ატყდებოდა ყველა სახის უბედურება – გამოხატული ომებით, სისხლისღვრით, აყრა-გადასახლებით, ძარცვით, გლეჯით, შერევით, ზნეობრივი გადაგვარებით, ჭირით. ერთი სიტყვით, იყო უმძიმესი გამოცდა. გამოცდა თავის კვალს ატყობდა ერის სხეულს და სულს. გაქრობის ზღვარიც ჩნდებოდა ხშირად. ზნეობრივი გადაგვარების უფსკრულში ჩაახედებდა, დაამცრობდა ტერიტორიულად, დააკნინებდა სულიერად, მაგრამ ვერ ერეოდა საბოლოოდ. არსებობს რალაც ზამბარისებური ქართველი ერის არსებობაში. შეიკუმშება ერი მტრული სამყაროს საღატეებით უკიდურესად, ბირთვს ემსგავსება, ბოლოს მაინც იწყებს ზამბარასავით გაშლას და იბრუნებს თავდაპირველ ფორმას და შინაარსს. ვახტანგ გორგასალის შემდგომ მოსალოდნელი იყო დიდი სიმაღლეების დაპყრობა, მაგრამ ბიზანტიელთა ცბიერებამ და განსაკუთრებით, არაბების აგრესიამ უკიდურესად შეუჭირვა ქართველ ხალხს.

იკარგებოდა ყველაფერი, რადგან არსებობას უდიდესი საფრთხე დაემუქრა. მაგრამ კიდევ ერთხელ გამოვლინდა გამძლეობის უდიდესი უნარი, არათუ სხვათათვის, ჩვენთვისაც გაუმჟღავნებელი და გაუშიფრავი ფარული კანონებით მოქმედი საიდუმლოს გასაღები მხოლოდ ღვთის ხელშია, საბედნიეროდ, და მიმდობი კაცი ვერავის გაანდობს მას!

ვერ შეძლო არაბეთმაც, ვერ შეძლო და დასჯერდა მოპოვებულ ხარკს და თბილისის საამიროს, გარკვეულ ტერიტორიას დასჯერდა. ქვეყნის სული უკუიქცა დალუპვის ზონიდან დროებით. უკუიქცა სხვა სივრცესა და სიღრმეში – ტაო-კლარჯეთში, აფხაზეთში, კახეთში – და დაიწყო წამოდგომა! ტაო-კლარჯეთში გრიგოლ ხანძთელის ხელმძღვანელობით დაიწყო სულ სხვა რიგის მოვლენა. პირდაპირ ვახტანგ გორგასალის მიერ დალაშქრული სიმაღლიდან გააგრძელა გზა ახალი სიმაღლეებისაკენ.

ერთმანეთის გვერდიგვერდ ცოცხლობდა გაქრობის სრული საფრთხე და სრულყოფისაკენ მისწრაფების დიდი სურვილი. გაქრობის საფრთხე აისხლიტა თუ არა, მაშინვე წელში გამართვის სურვილიც დაუფულა ქვეყანას.

ქართველი ერი თავის საშვენ ხვედრს ეძიებდა, თავის ადგილს ეძიებდა ამ პლანეტაზე. არსებობა და ღირსეულად გამოვლენა მისთვის ერთდროული პროცესი იყო. ოდნავ სულის მოთქმისთანავე ეწყებოდა ტანში მტვრევა.

და მცირეოდენი სულის მოთქმა აშოტ კურაპალატის ტაო-კლარჯეთში! და ნერსე ერისთავი, საქართველოს დამოუკიდებლობისათვის მებრძოლი რაინდი. ნერსე ერისთავისაგან მოხდენილი მოვლენები გამოკვლეული აქვს ვახტანგ ჭელიძეს. სრულფასოვნად არის წარმოჩენილი, როგორ წრეში აიდგა ფეხი გრიგოლ ხანძთელის სულისკვეთებამ, სად დაიბადა და შეერწყა ერთმანეთს ღვთისა და ერის ნება.

სრულყოფა იყო ქართველი ერის დაუცხრომელი მისწრაფება. საიდან უნდა გაგრძელებულიყო პროცესი? ცნობილი გახლდათ ვახტანგ გორგასალის მიერ მოპოვებული თვისობრივი მდგომარეობა, იგი ხელისგულზე ედო ქართველობას, მაგრამ როგორ და რით გაგრ-

ძელებულიყო, აი, რა გვეკლინებოდა პრობლემად. რა შეასრულებდა სრულყოფისაკენ მიმსწრაფ პროცესში უმთავრეს როლს? „მღუღარება სულისაჲ“ ააშენებდა მხოლოდ ერს, როგორც ქანდაკს. სულიერება უნდა გაჯანსაღებულიყო, მთელი ქართველთა მოდგმისა, სული უნდა გამართულიყო წელში, განწმენდილიყო, გასპეტაკებულიყო. ღვთის რწმენას ღვთის სახელები სჭირდებოდა, საყდრები, ბაზილიკები, ეკლესიები, მონასტრები, ტაძრები, ციხე-სიმაგრეები და ციხე-ქალაქები მრავლად იყო და კვლავაც აშენდებოდა. აგებული არ კმაროდა! გაუდაბურებული იყო ქვეყანა ამდენი რბევით. ქვეყანას სულიერი სისასვე ენატრებოდა.

ჩვენ არა გვაქვს უფლება ჩამოვთვალოთ მეტ-ნაკლები სისრულით ოპიზა, ხანძთა, შატბერდი, ხახული, ბანა, ოშკი, ხიხანი, ზარზმა, საფარა, უბისა, გუენათლე... – გრიგოლ ხანძთელის მიერ უშუალოდ, ან მისი მოწაფეებისაგან აშენებული ღვთის სახლები, რომლითაც გაიჭვდა რამდენიმე საუკუნის (მეცხრე, მეთექვსმეტი, მეთორმეტე) განმავლობაში საქართველოს ცისქვეშეთი და არ დაფიქრდეთ, რა გაკეთდა ამით. საქართველოს სული აშენდა, ერთი მხრივ, ქართული ხუროთმოძღვრება აყვავდა, მეორე მხრივ, უფრო მნიშვნელოვანია პირველი. რადგან მისთვის კეთდებოდა ყველაფერი. რაც კიდევ უფრო მთავარია, ღმერთთან უწყვეტ კავშირში და ღვთის ჩაგონებით კეთდებოდა ყოველი.

ქართული არქიტექტურა რომ უნიკალურია, ამის საბუთად ისიც კმარა, რაც განაცხადეს უცხოელმა სპეციალისტებმა ტაო-კლარჯეთის ხუროთმოძღვრების შესახებ. კერძოდ, მათ თქვეს, რომ ტაო-კლარჯეთის ხუროთმოძღვრების გაუთვალისწინებლად მსოფლიო არქიტექტურის შესახებ საუბარი არ იქნება სრულფასოვანი.

ქვეყანას სამშენებლო კულტურული ურთიერთობა ჰქონდა ბიზანტიასთან და ცხოველმყოფელ გავლენასაც განიცდიდა, მაგრამ ეძიებდა და ჰპოვებდა თვითმყოფადს და ასეც არის ნაგები – ეს უკვე საყოველთაოდ აღიარებული აზრია – ქართული ხუროთმოძღვრება თავისთავადია და, ამდენად, განუყოფელი.

მიმდინარეობდა გამაღებული მშენებლობა. შიმშილი, გასაჭირი, იარაღის უქონლობა, მუშა ხელის სიმცირე – ვერაფერი შეაფიქრიანებდა გრიგოლ ხანძთელის სკოლას. მრავლდებოდა „მშენებულობათა“ რიცხვი, ფართოვდებოდა მშენებლობათა არეალი. გამაღებულად ეძიებდნენ უდაბურ ადგილებს. სოფლიდან სოფელში, კუთხიდან კუთხეში, მხარიდან მხარეში დადიოდნენ მღუღარე სულით ანთებული ბერები გრიგოლ ხანძთელის სამძოდან და არჩევდნენ, ბჭობდნენ, ადგენდნენ, ეძიებდნენ საშენ მასალებს, აღნთებდნენ ხალხის სულს და დღენიდავ წვითა და დაგვით, კოლოსალური ენერჯის გაღებით ქართველობა წამომართავდა ნატიფ კედლებს... გამართავდა ხარაჩოებს, ხსნიდა ხარაჩოებს... ქვეყანა ერთ დღეს არ აშენებულა; შენდებოდა წლების განმავლობაში, ოღონდ მუხლჩაუხრელად, შეუფერხებლივ, დიდი პაუზების გარეშე. ვნება მატულობდა, სულის დუდილი ძლიერდებოდა... გრძნობდა ქართველი ხალხი, რომ შინაგანად ნათდებოდა შენებისას, ნათდებოდა და მაღლდებოდა, რაღაც ძვირფასს უახლოვდებოდა. კუთხეები და მხარეები ერთმანეთს ეჯიბრებოდნენ. გაბრიელ დაფანჩული სიხარულმა ცათამდე აიტაცა, როდესაც შეიტყო, რომ მის კუთვნილ ტერიტორიაზე აგებდნენ ღვთის სახლებს გრიგოლ ხანძთელი და მისნი ძმანი, გადამდები შეიქმნა სულის მღუღარება!

სპეტაკდებოდა ქართველი კაცის სული და ნათდებოდა სახე – მას ზომ ღვთის სახლების კედლები აჰყავდა. საქართველო ხუროთმოძღვრებით აზროვნებდა. ფუძე, კედლები, სვეტები, ტრაპეზი, თალები, გუმბათი, ჩუქურთმა, სარკმლის გეომეტრია, ქვის უჯრედების დასმა ერთმანეთზე, სიმტკიცის საიდუმლო, ხაზები, კუთხეები, განათება, სინატიფე, სისადავე, ამაღლებულობა... ქართული ხასიათიდან მომდინარე და ქართულ ბუნებაში გამჟღავნებული ამკვიდრებდა განუმეორებელს, ღირსეულს, გამორჩეულს.

„ბერ-მონაზვნების რესპუბლიკა“ აშენდა. ეს იმასაც ნიშნავს, რომ ქრისტიანულ-ქართული ხუროთმოძღვრების ძეგლებით აშენდა ეს რესპუბლიკა. უამრავი ააშენა გრიგოლ ხანძთელმა თავის სამძოსთან ერთად. დიდი

მნიშვნელობა აქვს, როგორც ისტორიკოსი შოთა ლომსაძე წერს, რომ შექმნა სამშენებლო სკოლა. ამ სკოლამ გააგრძელა პროცესი შემდგომ საუკუნეებში.

როდის არის სული მდულარე? როდესაც ყველა ნერვით გრძნობს ადამიანი მოსახდენის აუცილებლობასა და გარდაუვალობას. სწრაფვა სრულყოფისაკენ ქართველებისაგან მოსახდენი მოვლენა რომ იყო, რომ მას ჰქონდა თავისი ისტორიული გზა, რომ იგი ელოდებოდა ამ დროს და უნდა გაცხადებულიყო უსათუოდ, ამის გააზრებას აქვს დაპყრობილი გრიგოლ ხანძთელის არსება. დაპყრობილი ჰყავდა იმავე აზრს მთელი იმდროინდელი ქართველობის შეგნებული წრეები – ხოლო ერი „ტანით გრძნობდა“ დიდისა და გარდაუვალის მოახლოებას და მიჰყვებოდა მეწინავეს.

ღვთის სახლები გვევლინებოდა და ახლაც გვევლინება ქართულ ხუროთმოძღვრულ ცივილიზაციად. ჯერ ღვთის სახლებით სპეციალურად ქართველი ხალხის სული – ეს უბრალოდ შრომის პროცესში ხდებოდა, შემდგომ ლოცვითა და მუხლმოყრით ნათდებოდა, რადგან დღენიადავ ეკლესიური ცხოვრებით ცხოვრობდა. ღვთის სახლებმა ღვთის გზაზე დააყენეს ერი, ავი ზრახვების, ქვეყანაშენებლობისათვის თითქმის აღარ დაუტოვეს დრო და ადგილი.

ხუროთმოძღვრული ცივილიზაციით დაიძრა ქართველი ერი დიდი ეროვნული მიზნის მისაღწევად. სრული თავისუფლების მიღწევის შემდეგ დიდი, მრავალმხრივი ქართული სამყარო უნდა აშენებულიყო. ამ სამყაროს სხვა სფეროებთან მიყურადებული ქართული მეობა ვერ აშენებდა, ციხე-სიმაგრეთა ხუროთმოძღვრება კულტურას და გამძლეობას კი შესძენდა, მაგრამ ღვთაებრივ ნიშანს – ვერა! ზნეობრივი სიწმინდე, სულის სისპეტაკე, რწმენა – ყველაფერი ეს ღვთის სახლებში სუფევდა.

ზნეობრივად გასპეტაკებული ერი უთუოდ შექმნიდა მომავალში რაღაც ღირებულს; რაც მთავარია, შექმნიდა თავის სრულყოფილ სახეს. რა იქნებოდა იგი, რა შინაარსის, რა სიმაღლის, იქნებ არც იყო ეს გრიგოლ ხანძთელისათვის ძნელად განსაჭვრეტი, მაგრამ მისგან შექმნილი რომ თავისთავად გრანდი-

ოზული რამ გახლდათ, ეს მაშინაც ადვილი დასანახი იყო. მეფეები, მთავრები, აზნაურნი, უაზნონი – ყველანი გრძნობდნენ, რომ რაღაც დიდი ხდებოდა – უჩვეულო და მიმზიდველი.

გაცილებით გვიან აიგო ბაგრატი, ბედია, სვეტიცხოველი, გელათი, ალავერდი და ა.შ. მაგრამ გრიგოლ ხანძთელის მიერ გაშლილი დიდი პროცესის შთამომავლობაა ისინი.

არაბული სამყარო ვერ მიხვდა, რა ხდებოდა ტაო-კლარჯეთში, გაშლილ ველზე ან ციხე-ქალაქებთან ქართული ლაშქარი რომ ებრძოდა, მხოლოდ ეს ეგონა წინააღმდეგობა. რაკი ქართულ ლაშქარს მაინც ძლევდა ხოლმე, ქართველობაც დაძლეული ეჩვენებოდა. ვერ გაერკვია, ამ უწყინარი მშენებლობებით რა გამარჯვებას მოიპოვებდა ქართველი ხალხი, რომ ეს უჩვეულოდ გაშლილი მშენებლობის პროცესი ამარცხებდა მტრულ სამყაროს. არ შეეძლო გაეთვალისწინებია ყველა მოსალოდნელი შედეგი, რაც აღმშენებლობის ვნებას მოსდევდა კვალდაკვალ. ქვა ქვას დაედებოდა და კედლები აღიმართებოდა ცისკენ – ასე ჩანდა გარეგნულად. ამ კედლების შივნიტ რა ენერგია აფარებდა თავს, ამის განჭვრეტა ჭირდა, ის ენერგია ხვალ თუ ხეგ რა ძალით დაუპირისპირდებოდა არაბეთის იმპერიას, ეს მით უმეტეს განუჭვრეტელი იყო.

ქართული სულის შენების პროცესი ხაზგასუსმელად წარიმართა. უწყინარი ბერების სილუეტები დაფარფატებდნენ უამრავ ადგილას, არც მტერს და არც მოყვარეს რომ არ აინტერესებდა, იმგვარ ადგილებში დაფარფატებდნენ და „მდულარებაჲ სულისაჲ“ გარკვეული დროის შემდეგ ამ „უინტერესო“ ადგილებში წამომართავდა ღვთის ტაძრებს. და უდაბური ადგილები ცოცხლდებოდნენ. მკვლარი უჯრედების სასწაულებრივი ძალით გაცოცხლებას ჰკავდა ეს ყოველივე. დაუნდობელი მტრისაგან უკუქცეული ეროვნული ენერგია აქ რომ იმართებოდა წელში, აქ, ამ ადგილებში, ეს მტერს კი არა, მოყვარესაც ძნელად მოსდიოდა თავში.

ასე კი ხდებოდა. ხდებოდა ყოვლისმომცველად.

ეკლესია-მონასტრები, ტაძრები ქმნიდნენ სულიერ ჯაჭვს, ერთმანეთს გასძახოდნენ იდუმალი ხმით...

ხალხის სული იღვიძებდა. ქართველი ერი ამ „ბერ-მონაზვნების რესპუბლიკაში“ ცხოვრობდა უკვე. სრულყოფისაკენ სწრაფვა ეკლესია-მონასტრების სამოსელით მოვევლინა ქვეყანას.

გრიგოლ ხანძთელის მიერ გაჩაღებულ პროცესს თავისი ტრაექტორია ჰქონდა. და-

ლიან მაღლა აიჭრა იგი ცაში, უჩვეულო მასშტაბით, უჩვეულო ხარისხით უმიზნებდა შორეულ სივრცეებს და სიმაღლეებს.

ჯანსუღ ღვინჯილია

მწერალი

* * *

დგანან ტაძრები და ცის სივრცეს აპობენ,
ფრინველნი მრავლობენ, ფრინველნი გალობენ.
აღარვინ ლოცულობს კაცთაგან ესოდენ,
მოხედენ უფალო, მოხედენ...

დაღლილან ტაძრები, დაშლილა ქვა-კირი.
ზედ დასდით დელგმა და უტირით თავ-პირი...
და ისმის ამ ქარში: „შეგცოდეს-შეგცოდეს“...
მოხედენ, მოხედენ, უფალო, მოხედენ!..

მიტროპოლიტი კონსტანტინე



ეკლესიის ნანგრევები

ვახტანგ ჯობაძე



ვახტანგ ჯობაძე და ალექსანდრე (ლალი) ჯავახიშვილი

ეს სახელი, სამწუხაროდ, ქართველი საზოგადოებისათვის ნაკლებადაა ცნობილი. იგი ვახლავთ საზღვარგარეთ, კერძოდ, ამერიკის შეერთებულ შტატებში მოღვაწე ქართველი კაცი – პროფესიით ხელოვნებისმცოდნე და არქეოლოგი, პროფესორი, რომელიც 1965 წლიდან სისტემატურად იკვლევს საქართველოს სამხრეთ-დასავლეთ ნაწილის – ტაო-კლარჯეთის ისტორიულ ძეგლებს.

ბატონი ვახტანგი, 1989 წლიდან (როცა ეს უკვე შესაძლებელი შეიქნა) არჩეულია საქართველოს საისტორიო საზოგადოების საპატიო წევრად. მას დიდი დამსახურება მიუძღვის საქართველოს საზღვრებს გარეთ არსებული მატერიალური კულტურის ძეგლების გამომზეურებასა და შესწავლაში.

ვახტანგ ჯობაძე დაიბადა 1917 წელს, თბილისში. დაამთავრა თბილისის სახელმწიფო უნივერსიტეტის ფილოლოგიის ფაკულტეტი... სწავლობდა ასპირანტურაში... 1941 წელს გაიწვიეს ომში... ჩავარდა ტყვედ, რის გამოც სამშობლოში დაბრუნება ვეღარ შესძლო... ომის შემდეგ სწავლა გეტინგენის, ფრაიბურგისა და ერლანგენის უნივერსიტეტებში ისტორიის დარგში განაგრძო. 1949 წელს დაიცვა დისერტაცია თემაზე – „ხახულის ხატი“. მისი კვლევის მთავრი საგანი ყველგან და ყოველთვის ქართული ხელოვნებაა – ქართული ხუროთმოძღვრება და მისი დეკორატიული გაფორმება, კერძოდ, ეკლესიების შემამკობელი ფიგურული სკულპტურები...

ქართველ მკითხველს დღესდღეობით ნაკლებად მიუწვდება ხელი მის ნაშრომებზე... მაგრამ დროდადრო ქართულ პრესაში უკვე იბეჭდება მისი გამოკვლევები, ასევე წერილები მის შესახებ. გამოდის მისი წიგნების თარგმანებიც... ამჯერად ჩვენ ხელთა გვაქვს მისი დიდებული ნარკვევი სათაურით „ოშკის ტაძარი“, რომელშიც

ორი ვრცელი სტატიაა დაბეჭდილი... და როგორც ქალბატონი ნათელა ალადაშვილი ამ წიგნის შესავალ ნაწილში წერს, ვახტანგ ჯობაძის მიერ ოშკის ტაძრის ადგილზე შესწავლამ (ამ მიზნით იგი ექვსჯერ იყო ტაო-კლარჯეთში) მნიშვნელოვანი მონაპოვრებით გაამდიდრა საქართველოს ისტორია.

დიდხანს სიცოცხლეს უსუსურვებთ მას, დიდებულ ქართველ კაცს, ღვაწლმოსილსა და ნათელს.

მკითხველს ვთავაზობთ რამდენიმე ამონარიდს ქართველ მოღვაწეთა ნაშრომებიდან, რომელნიც მათ ვახტანგ ჯობაძისადმი სხვადასხვა დროს მიუძღვნიათ...

ალბათ, დროა, უფრო უკეთ იცნობდეს მის სახელს ქართველი საზოგადოება.

„ვახტანგ ჯობაძე ცნობილი ქართველი ხელოვნებისმცოდნე და არქეოლოგია. მისი როლი განსაკუთრებულია საქართველოს საზღვრებს გარეთ არსებული ქართული არქიტექტურული ძეგლებისა და ხელოვნების ნიმუშების შესწავლის საქმეში. იგი ამჟამად ამერიკის მოქალაქეა, მაგრამ მისი ფესვები სამშობლოშია.

...1960-იანი წლებიდან ვახტანგ ჯობაძე შეუდგა საქართველოს ერთი ნაწილის, ტაო-კლარჯეთის ძეგლების შესწავლას. XVI საუკუნის მეორე ნახევრიდან თურქეთის მიერ მიტაცებული ეს ტერიტორია ქართველ მკვლევართათვის ყოველთვის როდი იყო ხელმისაწვდომი. განსაკუთრებით ეს ითქმის საბჭოთა პერიოდზე. საბჭოთა მოქალაქეს იქ მიმოსვლის უფლება არ ჰქონდა, მაშინ, როდესაც უცხოელები თავისუფლად მიმოდინდნენ და ძეგლებს სწავლობდნენ. ვ. ჯობაძის სისტემატურმა მოგზაურობამ თავისი ნაყოფი გამოიღო და არაერთი საინტერესო ნაშრომი მივიღეთ.

ამ თემაზე დაწერილი მრავალრიცხოვანი ნაშრომიდან მან ივ. ჯავახიშვილის სახელობის უნივერსიტეტს გადასცა 3500 წიგნი და სალექციო კურსებისთვის განკუთვნილი მდიდარი ფოტომასალა.

განხორციელდა ბატონ ვახტანგ ჯობაძის დიდი ხნის სურვილი, დახმარებოდა ქართველ კოლეგებს და ჩვენი კათედრისთვის გადმოეცა თავისი ბიბლიოთეკა, რაც ქართველი ხელოვნებისმცოდნეებისთვის ნამდვილად დიდი შენაძნია.“

ირინა არსენიუშილი

თსუ ხელოვნების ისტორიისა და თეორიის კათედრის გამგე

...1986 წელს დასავლეთ გერმანიაში გამოიცა დიდტანიანი გამოკვლევა ანტიოქიის მიდამოების ძველ ნამონასტრალთა, პირველ ყოვლისა, ქართული სავანეების შესახებ. მისი ავტორ-გამომცემელი პროფესორი ვახტანგ ჯობაძეა.

ერთ-ერთ საერთაშორისო სამეცნიერო ჟურნალში შემთხვევით აღმოვაჩინე ვახტანგ ჯობაძის ნაშრომი მცხეთის ჯვრის შესახებ. ასე, თუ ისე, ვიცნობდი ჩვენს ხელოვნებისმცოდნეებს და მივხვდი, რომ იგი ჩემთვის აბსოლუტურად უცნობი პიროვნება იყო. მის შესახებ ვკითხე ვახტანგ ბერიძეს. ვახტანგმა თავზე ხელები შემოიღო და მითხრა: „იცი, ეგ ვინ არის? ჩვენ ერთად ვსწავლობდით. შემდეგ ომი დაიწყო და აღარაფერი მსმენია მასზე.“

გავიდა ხანი და ჩვენ არაერთხელ შეგვხვდა მისი სტატიები სხვადასხვა ჟურნალებში. მოგვიანებით, თვითონ ვახტანგი ჩამოვიდა საქართველოში.

პარიამ ლორთქიანიძე

აკადემიკოსი

1970-იანი წლებიდან, როცა ასე თუ ისე, ეს შესაძლებელი შეიქნა, ბატონი ვახტანგ ჯობაძე სისტემატურად ჩამოდის საქართველოში, მონაწილეობს ქართული ხელოვნებისადმი მიძღვნილ საერთაშორისო სიმპოზიუმებში, აქვეყნებს სტატიებსა და წიგნებს, რომელთაც ფასდაუდებელი მნიშვნელობა აქვთ ქართული ხელოვნებისა, და საერთოდ, ქართული კულტურისათვის.

ამ თემაზე დაწერილი მრავალრიცხოვანი ნაშრომიდან გამოირჩევა „ტაო-კლარჯეთის ქართული ეკლესიები. მშენებლობის მეთოდები და მასალა“. აქ, პირველ რიგში, წამოწეულია ტაო-კლარჯეთის სამეფოს აყვავების ხანის, IX-XI საუკუნეების ხუროთმოძღვრება. ნაშრომში ერთ-ერთ საკითხად განხილულია ამ მხარის ხუროთმოძღვრების როლი საქართველოს ხუროთმოძღვრების განვითარების საქმეში.

ყურადღება გამახვილებულია, აგრეთვე, იმაზე, რომ ეს ეპარქია ქართული ხუროთმოძღვრების განვითარების გზაზე ცხოველხატულობითაა ცნობილი. იმავე მოვლენას აქვს ადგილი ტაო-კლარჯეთშიც. ფართოდაა, აგრეთვე, განხილული მაღალი გემოვნებით შესრულებული კედლის სკულპტურა, რელიეფები. ავტორის მიერ ტაო-კლარჯეთში დაწყებულ და განვითარებულ კიდევ ერთ თავისებურებას ესმება ხაზი. ესაა IX-XII საუკუნეების ხუროთმოძღვრებისთვის დამახასიათებელი ფასადების მორთულობა, სადაც ძირითად ძარღვს წარმოადგენს თაღები. იქვე არის განხილული იმ პერიოდის ფასადების მორთულობაში პოლიქრონიის საკითხი.

ნაშრომში ცალკეა გამოყოფილი ამ ეპოქის ტაო-კლარჯეთის ხუროთმოძღვრებაში ახალი ტიპების წარმოშობის საკითხი. განსაკუთრებულ სიმაღლეზეა აყვანილი ტრიკონქებისა და მრავალაფსიდიანობის საკითხები.

ქართველი ხალხის წინაშე დიდი დამსახურებისათვის ვახტანგ ჯობაძე 1996 წელს არჩეულ იქნა საქართველოს მეცნიერებათა აკადემიის უცხოელ წევრად.

პარმენ ზაქარაია

საქართველოს მეცნიერებათა აკადემიის
წევრ-კორესპოდენტი

ბატონ ვახტანგ ჯობაძეს აქამდეც კარგად ვიცნობდი, როგორც ქართული ხელოვნების ისტორიის მკვლევარს. ჯერ კიდევ 1950-იან წლებში მან გააცნო ევროპელ მკითხველს სახელგანთქმული ხახულის ხატის მინანქრები და გამოამზეურა მადრიდის ერთ-ერთ მუზეუმში დაცული ქართული მინანქრის ნიმუშები. მაგრამ მისი სამეცნიერო მუშაობის ასპარეზი, საერთოდ, ხუროთმოძღვრების ისტორიაა...

მრავალი წლის მანძილზე სწავლობს ვახტანგ ჯობაძე ისტორიული ტაო-კლარჯეთის ძეგლებს. სამხრეთ საქართველოს ტაძრებზე დაკვირვებამ გარკვეული დასკვნები გამოატანინა მას იქაურ ოსტატთა მშენებლობის რიგზე. ძალზე საგულისხმო გამოდგა ტაოს ეკლესიების რელიეფურ გამოსახულებათა სიმბოლიკის ამოხსნის ცდაც. ყველაზე საყურადღებო კი მაინც X საუკუნის ოშკის დიდებული ტაძრის, ჩვენი არქიტექტურის ერთი შედეგთაგანის აგების დროის დაზუსტებაა – ადრე საცილო, ახლა იგი, როგორც ჩანს, საბოლოოდ, 968–978 წლებით განისაზღვრა.

დიმიტრი თუშანოვი

ხელოვნებისმცოდნეობის დოქტორი

თუ არ ვცდები, 1952 წელს თბილისის უნივერსიტეტში მიიღეს კატალოგი, რომლის საშუალებითაც გავიგეთ, თუ სად იმყოფებოდა ვახტანგი. დედაჩემმა ცნობილ პროფესორს დევიდ ლანგს მიმართა წერილობითი თხოვნით, დახმარებოდა შვილის მოძებნაში. ერთი-ორი წლის შემდეგ პირველი წერილი და ფოტოსურათი მივიღეთ.

... ვახტანგისგან შეტყობინება 1959 წელს მოვიდა. მამაჩემი ცოცხალი აღარ იყო. შეტყობინებიდან შეხვედრამდე რამდენიმე წელმა კიდევ განვლო. ბოლოს და ბოლოს, 1961 წელს ამერიკიდან მიწვევა გამომიგზავნა. ხომ იცით, რა დრო იყო?... როგორც იქნა, ძმასთან ჩავედი. ორივე ძალიან ვლელავდით, მაგრამ ვახტანგის განცდები მაინც სხვა იყო. მე ხომ მისთვის საქართველოს, სანათესაოსა და მეგობრების ერთადერთი წარმომადგენელი ვიყავი. ძალიან მომეწონა ვახტანგის შვილები. ეთერი უფრო ქართველობს. ემოციური, მგრძობიარე და საოცრად მოსიყვარულეა ყველა ქართველისა და ყოველივე ქართულის მიმართ. ერთხელ, როცა სუხიშვილების ანსამბლი საგასტროლოდ იმყოფებოდა ამერიკაში, ერთ-ერთი ცეკვის შემდეგ გულაჩუყებული ეთერი სცენაზე ასულა და ჩვენს მოცეკვავეებს ატირებული გადახვევია. ვახტანგიც და ირენიც (მისი მეუღლე) მუდამ გაფაციცებულნი არიან, რომ საქართველოდან ჩასული არც ერთი შემოქმედებითი ჯგუფი ყურადღების მიღმა არ დარჩეთ. საქართველოში ბოლო ვიზიტის დროს ჩემმა ძმამ ქართული სიმღერების უამრავი აუდიო ჩანაწერი გაიყოლა. ეს არის მისთვის ყველაზე კარგი „საგზალი“.

თინა ჯობაძე

ქალბატონმა თინა ჯობაძემ გვითხრა, რომ უკვე მზადაა და მალე გამოვა ბატონ ვახტანგის მოგონებების წიგნი.

* * *

ფესვი ჩამრჩა შენს მიწაში,
რაგინდ ცეცხლით გადაგრუჯონ,
ჩემს ხსოვნაში თქვენ ვინ წაგშლით
შატბერდო და არტანუჯო!
ტაო, ტაო, კარგო ტაო,
აკლებულო, საცოდაო!
ჩვენი ქვეყნის ღვინის დედავ,
მტრებმა მკერდს რომ მიგიბლუჯეს...
შენს ჩუქურთმებს ძილში ვხედავ,
შენს დაქცეულ ციხის ბურჯებს,
შენი ხანძთა, შენი ტბეთი,
როდის აღსდგეს იავარო,
როდის იქნეს შენი ბედი
შენს სადროშოს მიაბარო!
ტაო, ტაო, ჩვენო ტაო!
ქართლ-კახეთის ღვიძლო დაო.

ბრიგოლ აბაშიძე

გიორგი მერჩულე — ქართული პროზის დიდოსტატი და მშვენება

გიორგი მერჩულის თხზულება, შექმნის პერიოდთან XIX საუკუნემდე, თითქმის უცნობი იყო ქართველი საზოგადოებისათვის. მერჩულე არც ერთ წყაროში მოხსენებული არაა. არაა ფიქსირებული (და, მით უფრო, გამოყენებული ან გაანალიზებული) არც მისი თხზულება. ერთადერთ გამონაკლისს წარმოადგენს ანტონ ბაგრატიონის მრავალმხრივ საყურადღებო „წყობილსიტყვაობა“, რომელშიც გრიგოლ ხანძთელს საგანგებო პიძინი ეძღვნება.

პირველი, ვინც 1834 წელს საზოგადოებას აუწყა ამ ძეგლის არსებობა, იყო ნიკოლოზ ჩუბინაშვილი, რომლის გამოკვლევა „საისტორიო და საბიბლიოგრაფიო წერილი“ დაიბეჭდა 1889 წელს. შემდეგ იგი გაიმეორა ალექსანდრე ცაგარელმა.

გრიგოლ ხანძთელის „ცხორება“ მეცნიერულად პირველად შეისწავლა და გამოსცა აკადემიკოსმა ნიკო მარმა 1911 წელს. ამ დიდმა ქართველმა (მართლაც, ქართული ფილოლოგიის ევროპულ გზაზე გამყვანმა) სწავლულმა, ხანძთელის „ცხორების“ შემტკველი ხელნაწერი ადგილზე (იერუსალიმში) გაიკონ. და მისთვის ნიშანდობლივი მაღალი ფილოლოგიური კვლევა-ძიებით დაბეჭდა. ეს გამოცემა მრავალმხრივად საყურადღებო ჯერ ერთი, ტექსტი ნ. მარისათვის ჩვეული აკადემიურობითა და დღენილი (სათანადო აპარატურის დართვით). ტექსტს ახლავს მარისეული რუსული თარგმანი, მაღალი პოეტური ღირსებით დაწერილი ტაო-კლარჯეთში მოგზაურობის დღიურები და ფუნდამენტური ისტორიულ-ფილოლოგიური გამოკვლევა, რომელმაც საგანგებოდ გაანალიზა და ყურადღება გაამახვილა ნაწარმოების მხატვრულ ღირსებაზე.

ეს გამოკვლევა და მასში აღნიშნული პრობლემები წარმმართველი გახდა ქართულ ლიტერატურათმცოდნეობაში, ხოლო მარის მიერ დადგენილი ტექსტი საფუძვლად (მცირე ცვლილებებით) დაედო შემდეგდროინდელ გამოცემებს.

ნიკო მარი საგანგებო ყურადღებას აქცევს ძეგლში ასახულ გარესამყაროს. ეს დიდი ტილო წარმოადგენს შესანიშნავ ენციკლოპედიას, რომლითაც ვეცნობით ცხოვრებისა და სინამდვილის ყველა სფეროს: ყოფას, მეურნეობას, ბუნებას, გეოგრაფიულ გარემოს, ხუროთმოძღვრებას, საღმრთაღმადლო ტექნიკას, მეცნიერებას, მწერლობას, ხასიათებს, მიზნებს, ეპოქის ზნეს, იდეალებს და, რა თქმა უნდა, საეკლესიო ცხოვრებას.

ქართული მწერლობის ერთ-ერთი ბურჯთაგანი, გიორგი მერჩულე არის X საუკუნის მწერალი. გარდა გრიგოლ ხანძთელის „ცხორებისა“, ჩვენამდე შემონახულია, აგრეთვე, მისი ჰიმნოგრაფიული მემკვიდრეობა. პავლე ინგოროყვას გამოკვლევით „მერჩულე“ ნიშნავს სჯულის მეცნიერს, კანონიკური სამართლის მცოდნეს. მან შექმნა დიდი ეპიკური ტილო „ცხორება“ გრიგოლ ხანძთელისა. გრიგოლ ხანძთელი (759–860) იყო მწიგნობარი, პოეტი, საეკლესიო მოღვაწე, ტაო-კლარჯეთის სალიტერატურო სკოლის ფუძემდებელი. X საუკუნის დიდი ქართველი შემოქმედის, გიორგი მერჩულის თხზულება მართებულადაა მიჩნეული ქართული სიტყვაკაზმული ხელოვნების შედევრად. ფასდაუდებელია იგი ქართული ეკლესიისათვის. გრიგოლის „ცხორებაში“ წარმოჩენილია მთელი მისი ცხოვრების გზა ბავშვობის წლებიდან ღრმა მოხუცებულობამდე. ეს ძეგლი ძალზე საინტერესოა იმითაც, რომ მთელ ქრონოლოგიურ პრობლემებთან ერთად მასში განსაკუთრებითაა აქცენტირებული ეროვნული პრობლემა, რომელიც ვლინდება კულტურულ-სახელმწიფოებრივი მოღვაწეობის ფაქტის წინ წამოწევით, ყოფითი სურათებისა და საერო ცხოვრების წესის მასშტაბური ჩვენებით. საგანგებოდ ხასგასმულია, რომ ეს არის პირველი

ძეგლი, რომელშიც ჩამოყალიბებული და საფუძველდადებულია მესიანისტური იდეა, რამაც შემდეგ განსაკუთრებული განვითარება ჰპოვა ჩვენს მწერლობაში.

ამ ნაწარმოებში დიდი სიღრმითა და დამარწმუნებლობით აისახა VIII-IX საუკუნეების ისტორიული სინამდვილე.


არაბების მიერ თითქმის მთლიანად აოხრებული და გაუდაბურებული საქართველოს ერთ-ერთი შესანიშნავი კუთხის – ტაო-კლარჯეთის აღორძინება დაისახა მიზნად დიდმა გრიგოლ ხანძთელმა. მან ზღაპრული ენერჯითა და გამჭრიახობით დიდი საღმშენებლო მოღვაწეობა გაშალა სამხრეთ საქართველოში. აქ მან საფუძველი ჩაუყარა სამონასტრო ცხოვრებას. ააშენა ეკლესია-მონასტრები, რომელნიც კულტურის შესანიშნავ კერებად იქცნენ.

იმ დროისათვის კი ეკლესია-მონასტრები ქართულ სინამდვილეში ერთდროულად უნივერსიტეტსა და აკადემიას წარმოადგენდნენ. იქ ზრდიდნენ ახალგაზრდობას, ასწავლიდნენ მეცნიერებას, მწერლობას, ხელოვნებას. იქ იწრთობოდნენ მომავალი მწერლები, ხურობი, კომპოზიტორები, მხატვრები, მეცნიერები... იქ აღიზარდნენ ყველანი, რომელთაც შექმნეს ჩვენი ეროვნული კულტურა და ვისითაც ვამაყობთ ჩვენ.

ქართული კულტურის ერთი ასეთი დიდი კერა იყო ტაო-კლარჯეთში გრიგოლ ხანძთელისა და მის მოწაფეთა მიერ აგებული ოპიზა, ხანძთა, შატბერდი, მიძნადორი... სწორედ აქ ჩამოყალიბდა დიდი მწერლობა, ხუროთმოძღვრება; დაედო საფუძველი იმ დიდ კულტურას, რომელმაც განაპირობა რუსთაველის ეპოქა. ესაა აკვანი ჩვენი ეროვნული კულტურისა. ამიტომაც ასე ძლიერად განიცდის ქართველი კაცი ჩვენი ეროვნული სხეულიდან ამ კუთხის მოგლეჯას.

მრავალ საკითხთაგან, რომელთაც მკითხველში გიორგი მერჩულეს ნაწარმოები აღძრავს, ამჟამად შედარებით უფრო კონკრეტულად შევეხებით ერთს... მონაზვნური ცხოვრების წესი გრიგოლ ხანძთელის „ცხოვრების“ მიხედვით...

გიორგი მერჩულეს „შრომა და მოღვაწეობა გრიგოლისი, არქიმანდრიტისა ხანძთისა და შატბერდის აღმამეუბლისა“ დიდი ეპიკური ქმნილებაა, რომელშიც რთულ სოციალურ, ეროვნულ-სახელმწიფოებრივ და თეოლოგიურ პრობლემათა შორის განსაკუთრებული ადგილი უკავია მონაზვნური ცხოვრების წესის გარკვევასა და წარმოჩენას. მონაზონთა ამაღლებული, დახვეწილი სულიერების სამოღვაწეო პრინციპია „სიმკნს მოთმინებისა და სიწმიდით შრომა“.



სამწყაროს ეკლესიის ნანგრევი

მონაზვნური ცხოვრების წესი გრიგოლ ხანძთელის „ცხოვრების“ მიხედვით

გიორგი მერჩულის „შრომა და მოღვაწეობა გრიგოლის არქიმანდრიტისა ხანძთისა და შატბერდის აღმშენებლისა“ დიდი ეპიკური ქმნილებაა, რომელშიც რთულ სოციალურ, ეროვნულ-სახელმწიფოებრივ და თეოლოგიურ პრობლემათა შორის განსაკუთრებული ადგილი უკავია მონაზვნური ცხოვრების წესის გარკვევასა და წარმოჩენას. მონაზონთა ამაღლებული, დახვეწილი სულიერების სამოღვაწეო პრინციპია „სიმკნმ მთმინებისა და სიწმიდით შრომა“. მონაზონთა გამოჩენილი და სანიმუშო სულიერების, დიდი მასშტაბის საეკლესიო და საერო საქმიანობის გამო გიორგი მერჩულე მათ ნაღვას უტოლებს მოწამეთა თავგანწირვას და გარკვეულ შემთხვევაში ერთგვარ უპირატესობასაც კი ანიჭებს მათ ქმედებას. მონაზონი მამანი „მკნეობდეს რა ღუაწლს მას მონაზონებისასა მსგავსად წმიდათ მოწამეთა და უფროჲს მათსა, რამეთუ მარტულნი ერთსა ხოლო შინა ჟამს იწამნეს, ხოლო ესე (მონაზვნები, რ. ბ.) ყოველსა ჟამსა იწამნეს“. ამ დებულებაში მექანიკური დაპირისპირება კი არ არის მოწამესა და მონაზონს შორის, არამედ მოწამის უზენაესობის აზრის გაცნობიერებისა და სულიერი თუ მორალური ამაღლებულობის შეგნების შემცნებასთან ერთად, დიად სიმაღლეზეა აყვანილი მონაზონთა დაუშრეტელი მოღვაწეობის ფასეულობა, რომელიც ვლინდება როგორც პიროვნულ, სულიერ თვითდახვეწასა და ამაღლებაში, ასევე ამქვეყნიური, საზოგადოებრივი ცხოვრების წარმართვასა და მოწესრიგებულობაში. მონაზვნური წესის ასეთი მასშტაბურობის არსი თავისთავში აერთიანებს „ორისავე ცხოვრების“ პრობლემას, რომლის დამკვიდრების იდეას განსაკუთრებულ ყურადღებას უთმობს გიორგი მერჩულე. ამიტომაცაა, რომ მის ნაწარმოებში მონაზვნური ცხოვრების კონცეფციის ჩამოყალიბებაში ორგანულად არის განვითარებული ეს პრობლემა.

ქრისტიანული მოძღვრების მიხედვით, ღვთის სახედ შექმნილი ადამიანი სულისა და ხორცის ჰარმონიულ მთლიანობას წარმოად-

გენს და ზომიერების დაცვის ფარგლებში ამქვეყნიურ „ხორციელ“, „ამა ქვეყნისა“ ინტერესებზე ზრუნვა სრულიად არ გამორიცხავს, და, მით უფრო, არ უპირისპირდება სულიერებასა და ზეციური სამყაროსაკენ ლტოლვის სიდიადეს. შთაბეჭდავად შთაგვაგონებს წმიდა წიგნები: „რამეთუ კორცთა გული უთქუჲს სულისათჲს და სულსა კორცისათჲს და ესე მკდომნი არიან ურთიერთას“ (გალატ. 5.17), ანდა „არა უწყითა, რამეთუ კორცნი ეგე თქუენი ასონი ქრისტესანი არიან? არა უწყითა, კორცნი ეგე თქუენნი ტადარნი თქუენ შორის სულისა წმიდისანი არიან“ (კორინ. 6.15, 19). ამიტომაც ადამიანი თავდადებით, ზომიერებით, ალერსითა და მოთმონებით უნდა ზრუნავდეს ამქვეყნიურ ინტერესებზე: „უკეთუ ვინმე თჲსთა უფროჲსლა სახლეულითა არა მოღუაწე იყოს, სარწმუნოებაჲ უარუყოფიეს და არს იგი ურწმუნოჲსა უძყრეს“ (I ტიმ. 5.8). სწორედ ეს პრინციპი გამჭოლავად გასდევს გიორგი მერჩულის თხზულებას. გრიგოლი თავდადებითა და თანამიმდევრულად ზრუნავს მონაზონთა სულიერების სიწმიდებზე, რაც სრულიად არ უპირისპირდება და არ გამორიცხავს ამქვეყნიური ცხოვრების ინტერესებს და ამქვეყნიურ, სააქაო მოწესრიგებულ ცხოვრებასთან ერთად ამზადებს ნიადავს საიქიო ცხოვრების სიდიადისათვის. „ორისავე ცხოვრების“ დიდი სიბრძნით იყო დამუხტული თვით გრიგოლ ხანძთელი, რაც საგანგებოდ აქვს საზგასმული გიორგი მერჩულეს: იგი (გრიგოლ, რ. ბ.) „სავსე იყო სიბრძნითა ორისავე ცხოვრებისა“. ეს ერთ-ერთი ძირითადი პრინციპია გრიგოლისათვის და ამიტომაც გარდაცვალების წინ საგანგებოდ ლოცავს თავის მოწაფეებს: „უხუებაჲ კეთილთა მისთა არა დაგაკლდეს ორისავე სოფელსა“.

სულიერების უზენაესობის დამკვიდრებით გრიგოლი თავის მმათა და მოსწავლეთა შორის აცნობიერებს ამა სოფლის პრობლემათა მოგვარების პასუხისმგებლობას. ამიტომაც იყო ბასილი დიდის ცნობილი ტრაქტატით იმპულსირებული გრიგოლი. საღვთო წიგ-

ნებისა და პატრისტიკული მემკვიდრეობის შესწავლასთან ერთად საერო ფილოსოფიასაც სიღრმისეულად იზიარებდა და „გარეშე წიგნთა“ კრიტიკული ათვისებით, საღვთო სიბრძნესთან შეზავებით სიყრმიდანვე ჩაუღრმავდა საერო მწერლობის შედეგებს. გრიგოლისეული ეს მიზანდასახულება გიორგი მერჩულეს საგანგებოდ აღსანიშნავად და ხაზგასმულად მიაჩნია: „ხოლო სიბრძნეცა იგი ამა სოფლის ფილოსოფთა ისწავა (გრიგოლ ხანძთელმა, რ.ბ.) კეთილად და რომელი პოვის სიტყუა კეთილი, შეიწყნარის, ხოლო ჯერკუალი განავდის“.

მონაზვნური ცხოვრების წესი მუდამ ღვთიურ მადლად აქვს გააზრებული გიორგი მერჩულეს და ამიტომაც საგანგებოდ მოგვაგონებს, რომ ეს დიდი ღვთაებრივი სიწმიდე გრიგოლის მიერ არა მარტო მისი სიბრძნითა და ნიჭიერებით იყო გამოუმუშავებული, არამედ, ამასთანავე, ღვთით შთაგონებული წყალობა იყო, რომელიც ბავშვობიდანვე გამოიკვეთა მასში: „სიწმინდანვე ღვთისა და კორცი არ შეკდა პირსა მისსა. ხატიცა მონაზონებისა ემოსა, რამეთუ თავისუფალ იყო იგი სიმღერი-საგან და ყოვლისაგან აღრევისა კაცთაჲსა“. და ამიტომაც იგი მჭვრეტელთაგან აღიქმებოდა, როგორც „ზეცისა კაცი და ქუეყანისა ანგელოზი“.

ისიც გასათვალისწინებელია, რომ, მონაზვნური ცხოვრების პრინციპებიდან გამომდინარე, ამა სოფლის პრობლემების გააზრება მონაზონთა მიერ ამ ცხოვრებისადმი ხარკის გაღება და ერთგვარი კომპრომისი კი არ არის, არამედ ისეთივე შინაგანი მოთხოვნილება და სულიერების ისეთივე კომპონენტია, როგორც საღვთო სიწმიდის არსი. ამიტომაც არიან მონაზონნი „ორკერძოვე ღვინებით“ დამუხტულნი. როგორც ვხედავთ ამქვეყნიური, ჯანსაღი მოთხოვნილებები ისევე „ღვინადაა“ სახელდებული, როგორც იმქვეყნიური, მარადიული მიზნები. ამ მიზნებისადმი სწრაფვაში ვლინდება მონაზონთა უპირატესობა, რასაც ხაზგასმით გამოკვეთს გიორგი მერჩულე და შთამბეჭდავად შთაგვაგონებს „მონაზვნობაჲ პრქვიან კრძალვასა“. სწორედ ამ კრძალვის, უპრეტენზიულობისა და თავმდაბლობის ნიმუშად მოჰყავს მონაზონ მატოის ცნობილი ეპიზოდი, რომელშიც საოცარი დამაფიქრებლობით იკვეთება მონაზვნის თვითშემეცნებისა და მონანიების სასიცოცხლო მოთხოვნილება.

გიორგი მერჩულეს საგანგებოდ აქვს ხაზგასმული ის ფაქტიც, რომ მონაზვნად აღკვეცა მარტო სულიერების პარადული ზეიმი კი არაა, არამედ ეს ურთულესი და ძნელად დასაძლევ გზა დიდი დათმობით, თავგანწირვითა და ტკივილებითაა განპირობებული. „მონაგებთა დატევებაჲ სისხლისა დათხევასა ემსგავსებოსო“. ასეთი დიდი მსხვერპლის სიმწვავის ძლევა კიდევ უფრო გამოკვეთს მონაზვნური ცხოვრების სიღიადეს.

მონაზვნური ცხოვრების წესი დიდ სიწმიდესთან, სიფაქიზესთან და სინაზესთან ერთად თავისთავში ითავსებდა მაღალი სულიერების დაცვაში უკომპრომისო სიმკაცრის გამოვლენას. სიბო და სიმკაცრე ერთი მთლიანობაა სულიერი სიმტკიცის არსის გაცნობიერებაში. ამიტომ იყო, რომ სიწმიდით ამაღლებული გრიგოლი დაუნდობელი რისხვა იყო ყოველგვარი ზნეობრივი გადახვევების მიმართ. ამ თვისებას საგანგებოდ უსვამს ხაზს გიორგი მერჩულე: „ფიცხელ იყო ფრიადი კანონი მოწაფეთა მისთა“, ხოლო ერთ-ერთი მისი მოწაფე მონაზონი სიამაყით ამბობს „სამგზის განმკანონა“ გრიგოლმაო. ის „არავის უღებთაგან არ შეიწყნარებდაო“. დაახ სიწმიდის, სიბოხსა და აღერსის განმფენი გრიგოლი შეუწყნარებელი რისხვა იყო მათთვის, ვინც სიწმიდესა და ზნეობრიობას გადასცდებოდა. ასეთი პრინციპებით ყალიბდებოდნენ გრიგოლის თანამდგომნი. ეს ზნეობრივი პრინციპი შინაგან ძალასა და რწმენას მატყებდა არა მარტო მონაზვნებს, არამედ აღუღაბებდა მთელ საზოგადოებას, ეროვნულ-სახელმწიფოებრივი ერთიანობის ბალავარს აგებდა. ქმნიდა მონაზონთა ერისკაცებთან შემჭიდროვების, ამ უკანასკნელთა მინდობისა და სულიერების საყრდენის დიდსა და საიმედო წინაპირობას. ამ ამაღლებულ, საიმედო პრინციპების გაცნობიერებაზე, მონაზვნური ცხოვრების საზოგადოებაზე კეთილმოქმედი ძალის მომხიბველობასა და საჭიროებაზე საგანგებოდ ამახვილებს ყურადღებას გიორგი მერჩულე: „ესე უწყოდეთ, რამეთუ სულიერად განწყობილნი ლაშქარნი თქუენნი, ესე წმიდანი უდაბნოთა მამანი, არიან ხორციელთა განწესებულთა ლაშქართა თქუენთა სიმტკიცენი და საჭურველნი“. მონაზონთა ასეთი წარმმართველი ძალა კარგად აქვთ გაცნობიერებული თვით ერის უფალთაც და ამიტომ სიამაყით ამბობენ: „ჩვენთან არს

ხორციელი კეთილი და თქუენთან არს სულიერი კეთილი და ესე შევაზავნეთ ურთიერთას“. „სულიერებისა“ და „ხორციელების“ ამქვეყნიური და იმქვეყნიური ცხოვრების შეზავების ეს ჰარმონია, „ორისავე ცხოვრების“ პრინციპიდან გამომდინარე, ერთი დიდი მთლიანობაა, რომელიც მონაზვნური ცხოვრების ზნეობრივი პრინციპით იმპულსირებული საზოგადოებრივი ცხოვრების ბურჯი ბურჯთაგანია. გიორგი მერჩულე, მსჯელობს რა მონაზვნური ცხოვრების შესახებ, გვიხატავს რა მონაზონთა ცხოვრების წესს, რაც კლინდება მათ კონკრეტულ მოქმედებასა და აზროვნებაში, საგანგებოდ ამახვილებს ყურადღებას იმაზე, რომ გრიგოლმა წინდაწინვე, სახელმძღვანელო პრინციპად ჩამოაყალიბა მონაზვნური ცხოვრების არსი და მიზანდასახულობა, მათი გამოვლენის ფორმები და მასშტაბები. იერუსალიმიდან მიღებული საბაწმინდის განგებით, უპირველეს ყოვლისა, „განაწესა წესი თვისისა ეკლესიისა და მონასტრისა“, რომელიც იყო „სიბრძნით განსაზღვრული და მეცნიერებით გაბრწყინებული“. ამ ინფორმაციაში მრავალთა შორის ერთი ასპექტიც იპყრობს ყურადღებას. კერძოდ, საბაწმინდის უალრესად დიდი ღირსების შემცველი „განგება“ მექანიკურად კი არ დაამკვიდრა, უცვლელად კი არ გადმოიღო თავის მონასტერში, არამედ იმდროინდელი მდგომარეობისა და ამოცანების შესაბამისად გრიგოლისეული სიბრძნითა და ცოდნით განპირობებული საკუთარი „განგება“ ჩამოაყალიბა. ამ განგების არსის, ზოგად ნიშანთვისებათა ჩამოყალიბების შემდეგ მერჩულე კონკრეტულად ავციწერს, თუ როგორი იყო „ცხოვრება ნეტართა მათი“. საერთოდ, ქრისტიანული რწმენის და განსაკუთრებით კი, მონაზვნური ცხოვრების საფუძველთა საფუძველი სიყვარულია და ამიტომაც თანამოღვაწეობა გაიაზრება, ვითარცა „სიყვარულის ძირი მტკიცე“. მონაზვნური ცხოვრების წესი ქრისტიანული ეთიკის გამოვლენაა და ამიტომაც მთელი ზნეობრივი კოდექსი აქვს ჩამოყალიბებული მერჩულეს: „მოთმინება სიმდაბლით და სიმშვიდით, მარხვა ლოცვითა შეზავებული, სარწმუნოებასა თანა მართალსა და მტკიცებული სიწმიდე გულისა და ჭეშმარიტება ენისა, და უბიწოებით კრძალვა სრულიად ყოველსავე ზედა“. შინაგანი ღინამიკის შემცველი, რიტმუ-

ლად ჩამოქნილი ეს სტრიქონები თვით ატარებენ ლოცვის იერსახეს, რომელშიც კეთილზმოვანი ჟღერადობითა ამაღლებული სულის განწმენისა და ზეალსვლის განცდა. ამ, მართლაც ზნეობრივ, კოდექსში არა მარტო ქცევის ნორმებია გამოკვეთილი, არამედ, საერთოდ, ადამიანის ბუნება, მისი შინაგანი სამყარო და დანიშნულებაა წარმოჩენილი.

გრიგოლ ხანძთელის „ცხოვრებაში“ გიორგი მერჩულემ მონაზვნური ცხოვრების წესის დამკველი ორი ტიპის დიდი სახეები წარმოგვიჩინა: კუედიოსი და გრიგოლი. ორივენი ერთნაირი თავგანწირვით, ერთნაირი სულიერებით, ერთნაირი სიწმიდითა და „ამა სოფლის“ ხილთა დათმობის ერთნაირი შინაგანი ამაღლებითა და უზენაესისადმი სწრაფვის სიმშვენიერით და სიძლიერით არიან დამუხტულნი.

კუედიოსის სულიერების სიდიადის გამოვლენი ისიცაა, რომ იგი ნათელმხილველობის მადლით იყო დაჯილდოებული. „კუედიოსის ჩვეულებაა აქუნანა ღმერთისძიერის ხილვისა“, უზენაესი სიწმიდის გამომხატველი ეს მადლი გრიგოლსაც ამშვენიერებს. სიწმიდისა და სასწაულებრივი ძალა მას არაერთგზის გამოუვლენია: ეს იქნება ჯავახეთის კრების დროს, ცქირისაგან გამოგზავნილი ტერორისტის ხილვა, თუ სხვა შემთხვევები, მაგრამ ამ ღვთიურ ნიჭთან ერთად გრიგოლისათვის ნიშანდობლივი იყო პრაქტიკული, ცხოვრებისეული წვრილმანების მოგვარებაზე ზრუნვა და თანამემამულეთა მიმართ ყველა ამქვეყნიურ ტკივილებში თანადგომა.

კუედიოსი შინაგანი თვითდახვეწით, მარხვითა და ლოცვით პოულობს გზას ხსნისა, ხოლო გრიგოლი ამავე პრინციპების დაცვით მოღვაწე მონაზონია. იგი დიდი ორგანიზაციული ნიჭით და ეროვნულ-სახელმწიფოებრივი გზებით დამუხტული პიროვნებაა, რომელიც თანამემამულეთა ხსნისა და ამაღლების გზებს ეძებს. გრიგოლ ხანძთელში ორი საწყისი დომინირებს: მართლმადიდებლური სიწმიდე და ერის ხსნის სასიცოცხლო მოთხოვნილება.

როდესაც ვმსჯელობთ, თუ როგორაა გრიგოლ ხანძთელის „ცხოვრებაში“ წარმოჩენილი მონაზვნობის პრობლემა, უპირველეს ყოვლისა, არ შეიძლება ყურადღება არ მიექცეს ერთ მნიშვნელოვან ფაქტს, მერჩულე,

მონაზონთა ცხოვრების წესის ჩამოყალიბებისას საგანგებოდ ამახვილებს ყურადღებას იმ გარემოებაზე, რომ „მონაზვნური ცხოვრება“, უაღრესად ფართო შინაარსის მომცველი ცნებაა და იგი მრავალ ასპექტს ითვალისწინებს.

უპირველეს ყოვლისა, მეტად მნიშვნელოვანი ფაქტია, რომ ნაწარმოებში წარმოსახულია მონაზვნური ცხოვრების დამცველი ორი პიროვნება ქუედიოსი და გრიგოლ ხანძთელი. ორივე ტიპიური მონაზონია, რომელთაც ერთნაირად ახასიათებს მონაზვნური ეთიკის ყველა ასპექტი. ორივე ერთნაირად ამაღლებული, სულიერებით დამუხტული, ერთნაირად განდგომილი და საქრისტიანო ცნობიერებით განმსჭვალული პიროვნებაა, მაგრამ მათთვის ნიშანდობლივი სიწმიდის გამოვლენის ერთგვარობის მიუხედავად, ისინი თავიანთი მოღვაწეობის ფორმებით მაინც განსხვავდებიან ურთიერთისაგან.

ქუედიოსი არის სვიმონ მესვეტიდაგვარად ცხოვრებიდან განდგომილი წმიდანი, რომელიც თვითდახვეწით, ყოველივე ამქვეყნიური მოთხოვნილების დათრგუნვით, თვითგვემითა და ლოცვით ისწრაფვის საკუთარი სულისა და ქვეყნის, თანამემამულეთა გადარჩენისათვის.

გრიგოლი კი, ყოველივე ამ სათნოებით აღჭურვილი, ამავე დროს, არის, თუ შეიძლება პირობითად ვთქვათ, „მოღვაწე ბერი“, რომელიც ქუედიოსისეული სიწმიდითა და თვითგანწირვით ცხოვრობს, მაგრამ, ამასთანავე, მან შესძლო, რომ ამ სიწმიდისათვის შეერწყა პრაქტიკული, „საამქვეყნო“, ერის გადამრჩენისასიციოცხლო მოთხოვნილებების მოგვარება. იგი დიდი სულიერების ნათელმოსილებით იღვწის და ახერხებს სახელმწიფო-ეროვნული პრობლემების მოგვარებას. გრიგოლმა თავის-დამავარი სულიერებით დამუხტულ თანამოაზრებთან ერთად შექმნა მოღვაწეთა დიდი გუნდი, რომელიც ისწრაფვის ეკლესია-მონასტრების შენებასთან ერთად, ამ ტაძრებში ფართო მასშტაბის სამეცნიერო-შემოქმედებითი საქმიანობისათვის, იკრებენ ახალგაზრდებს და „ორისავე ცხოვრების“ პრინციპებიდან გამომდინარე, საღვთო წიგნებთან ერთად, „გარეშე“ ე. ი. საერო წიგნებსაც ასწავლიან და ამ ფართო, მრავალმხრივი განსწავლულობით საქვეყნო მოღვაწეობისათვის ემზადებიან.

ერში ამაღლებული სულიერების დამკვიდ-

რების საფუძველზე ახერხებს სახელმწიფო-ეროვნო-პოლიტიკური პრობლემების მოგვარებას. იგი და მისი გუნდის წევრები საერო ხელისუფალთა თანაზიარი მოღვაწენი არიან. სულიერების განმტკიცების ორგანულ ფაქტორად მიაჩნიათ თანამემამულეებში ეროვნული ცნობიერების განვითარება. ისინი საერო ფეოდალებთან თანამდგომნი არიან სამოქალაქო-სახელმწიფო პრობლემების მოგვარებაში.

ქუედიოსთან სულიერად ნაზიარები გრიგოლი გვევლინება საერო პრობლემათა მომგვარებელ „მოღვაწე მონაზვნად“, რაც კიდევ უფრო ზრდის მის მონუმენტურობას და იშვიათი შარავანდედმოსილებით აკიაფებს მის სულიერებას.

მონაზვნური ცხოვრების წესი რთული და მრავალ სათნოებათა მომცველი მთლიანობაა. ყოველი მონაზონი თავისი შესაძლებლობის ფარგლებში ცდილობდა ამ სათნოებათა დაუფლებას და მისით ცხოვრებას. სათნოებათა წვდომისა და დაუფლების სწრაფვაში მონაზონი თავისი ტემპერამენტისა და წმინდა ადამიანური შესაძლებლობის ფარგლებში ზოგიერთ სათნოებას უფრო არსებითად გაითავისებდა და ძმათა შორის სახელს იმკვიდრებდა, როგორც გარკვეული სათნოების დიდი გამოძვლენი და დამამკვიდრებელი.

გრიგოლი მორიგეობით ემოწაფებოდა ამა თუ იმ მონაზონს იმისდა მიხედვით, თუ რომელს რომელი სათნოება ჰქონდა უმაღლეს რანგში გაცნობიერებული და ათვისებული. ასე იმუხტებოდა გრიგოლი მრავალი სათნოებით და მასში ერთიანდებოდა ყველა სათნოება. ასე ჰპოვებდა მასში ჰარმონიულ მთლიანობას ყველა სათნოებათა სიდიადე.


ამ ფაქტის ხაზგასმით გიორგი მერჩულეს გამოკვეთილი აქვს, ერთი მხრივ, სათნოებათა სიდიადე და, მეორე მხრივ, მათი სისრულით, მთლიანობაში დაუფლების სირთულე და პასუხისმგებლობა, ხოლო გრიგოლ ხანძთელი გვევლინება უნივერსალური ტიპის მონაზვნად, რომელსაც სათნოებათა უმაღლეს რანგში მიგნების ალლო თუ მოთხოვნილება, მათი დაუფლების უნარი აქვს.

გიორგი მერჩულე აყალიბებს მონაზვნური ცხოვრების არსებით პრინციპს: 1. „შიში ღმრთისაჲ თავი არს სათნოებათაჲ“, რომელიც განაპირობებს მონაზვნური ცხოვრების ყველა

ასპექტს და რომელიც ვლინდება მრავალი განფენილობით: „მოუკლებელად ლოცვაჲ“, „მარადის ლოცვაჲ შეწირვით“, „დაუწყველელი ლოცვაჲ“, 2. „ღირსებით ცხორებაჲ“, 3. „სიმკნე მოთმინებისაჲ და სიწმიდით შრომაჲ“, 4. „საქმენი კეთილნი და ცხორებაჲ უბიწოდ და უწყებაჲ სულისაჲთა“, 5. „სასწაულთა სიმრავლე“, 6. მონაზონნი ურთიერთ შეიმეცნებენ „საღმრთოჲთა და ცნობითა და უწყებითა სულისაჲთა“, 7. „ღუაწლი ფიცხელი მონაზონობისა შრომისაჲ“, 8. „ანგელოზებრივი ცხორებაჲ მარტოდ მყოფთაჲ“, 9. „ჩვეულებაჲ ღმრთისმიერისა ხილვისაჲ“, 10. უნარი იმისა, რომ მათთვის „დღს იგი დამწუხრდა და ღამს განათენა უძილობითა“,

11. ცოდნა „საღმრთოთა წიგნთა“ და „სიბრძნეთა ამა სოფლისაჲთა“, 12. „უწყებაჲ სულთა“, 13. „მარტულნი ერთსა ზოლო ჟამსა შინა ეწამნეს, ზოლო ესენი (მონაზონნი, რ.ბ.) ყოველსა ჟამსა ეწამებოდეს სახელისათჳს ქრისტესისა“, 14. მონაზონი „ცხოვნდებოდეს სულიერად, ზოლო კორციელად დიდსა იწროებასა იყვნეს“, 15. ყოველივე ამის გამო, გრიგოლი და მისი მოწაფენი იყვნენ „სიწმიდისა ნაყოფნი, მცენარენი სულნელნი, ვარდნი შუენიერნი, ფინიკნი კეთილნი და ზეთისხილნი ნაყოფ საესენი“.

რეზაზ ბარამიძე
პროფესორი



ხახული. სამხრეთ გალერეის თაღედის საერთო ხედი

ნიკო მარის მოგზაურობა შავშეთ-კლარჯეთში



ნიკო მარი

1904 წელს, ჯერ კიდევ 1893–1894 წლებში დაგეგმილი ანისის გათხრები აღსდგა. იგი ფართო მასშტაბებით დაიწყო და იმთავითვე ნათელი გახდა, წარსულის რა გრანდიოზულ პერსპექტივებსაც გამოავლენდა. მაგრამ მუშაობის გაწამაწიაში ნიკო მარს ფიქრები „ქართულ სინაიზე“ თავს არ ანებებდა. იგი თვლიდა, რომ „ტაო-კლარჯეთის ნანგრევები“ საქართველოს პოლიტიკური და განსაკუთრებით კულტურის ისტორიისათვის იმდენადვე ღიდმნიშვნელოვანია, როგორც სომხური ისტორიისათვის ანისის ნაქალაქარი, და ისინი არა მარტო „გვიანდელი“ თუბალ-კაენის სახელმწიფოებრიობის გასარკვევად მრავლისმეტყველი, სახელდობრ VI საუკუნის ლაზურისა, „ჯერ კიდევ ახალი ქართული სახელმწიფოებრიობის ფორმირებისათვის, ქართული ავტოკეფალური ეკლესიის როლის გასარკვევად, არამედ წინარეისტორიული ეპოქის, იბერ-ჭანთა არქაული კულტურის ხანისა, რომელიც თუბალ-კაენისა და ხალიბთა მეტალურგიის განვითარებასა და კოლხეთის ძლევაძოსილებასთანაა კავშირში და რომელმაც ოქროს საწმისის ლეგენდებს თავისებური საზრდო მისცა...“ ძვირფასი ხელნაწერი წინ

ედო. წარსულმა მის თვალწინ ელვისებურად ჩაიქროლა. მისი ხმა თითქოს თავისკენ უხმოდა... და აი, იგი ტოვებს ანისს და ივლისის შუა რიცხვებში ყარსის, არდაგანისა და საბზევარის გავლით შავშეთსა და კლარჯეთში მიემგზავრება. მონასტრების საძებრად „ცხოვრების“ მონაცემებზე დაყრდნობით მიემართება, რომელიც მისთვის საუკეთესო და მეტად „განსწავლული“ ცნობარი გამოდგა. წინ დამქანცველი გზა ედო, მაგრამ შთაგონებული იყო სურვილით, ქართული კულტურის შესანიშნავი მოღვაწის ცხოვრებით აღბეჭდილი ადგილები ენახა.

...კვირა გავიდა, რაც იგი ამ მხარის ყველაზე მიყრუებულ ადგილებში დაეხეტებოდა. უნებურად ახსენდებოდა თავისი მოგზაურობა სინაზე, უნაყოფო უდაბნოები, აქლემების ზოზინი. აქაც და იქაც იგი ერთადერთ რამეს – მეცნიერულ სიმართლეს ეძებდა. ძმური სიახლოვის გრძობას განიცდიდა ძველ სინაელ სწავლულ ბერებთან და კლარჯელ მოღვაწეებთან. ისინი თავიანთ სამშობლოს როგორც შეეძლოთ, ისე ემსახურნენ და მისი მშობელი ხალხისთვის ძალის დაუშურებლად იღვაწეს. თვითონ? სამშობლოს წარსულის წინაშე თავს ნატამლად თვლიდა, მაგრამ ნუთუ თვითონ მისი

თავდადებული შვილი არ იყო, ნუთუ იგი კულტურის წინაშე მის დამსახურებას ისტორიკოსის მთელი ყურადღებით არ აფასებდა, რომლისთვისაც „მეცნიერებაში სამართლიანი განრიგება“ წმიდათაწმიდა იყო.

ამ მხარის ცხოვრებაში იგი უფრო ღრმად იჭრებოდა. ეს იყო უძველესი მიწა: უხსოვარი დროიდან აქეთკენ მოედინებოდა ხალხი ვანის სამხრეთიდან და სახლდებოდა: აქ გოგისა და მაგოგის (გუგურები) ბიბლიური ხალხი, კენიტიები, ტიბარენები, თუბალთა მოდგმის შთამომავლები ცხოვრობდნენ. „ეს იყო ეთნიკური გარემო, გამომუშავებული ქართული სოციალური ფორმაციისა, კავკასიისთვის ამ უმნიშვნელოვანეს პროცესში ქართული ეროვნულობის უძველესი ეტაპი, რომელმაც ქართველი ანუ ქართველები ჩამოაყალიბა“.

„გარეგნულად: პოლიტიკური ცვლილებები მხარის ყოფა-ცხოვრებაში, მისი ხან პონტოს სამეფოს შემადგენლობაში, ხან რომის პროვინციად, ხან კიდევ ბიზანტიის კიდედ გამოჩენა... გარეგნული პოლიტიკური ცხოვრების საფარველქვეშ მიმდინარეობდა სხვა შინაგანი ცხოვრება: მხარის წყობისა და ეთნიკური შემადგენლობის კულტურული გადამუშავება ერთი ფორმიდან მეორეში“. ეს იყო ურთულესი და ხანგრძლივი პროცესი, რომელშიაც მრავალი ტომის შემდგომ ეროვნებების ინტერესები ერთმანეთს გადაეჯაჭვა, რომელთა მომავალი ქრისტიანობის მიღებამ განსაზღვრა.

ნიკო მარი გარემოს უდიდესი ყურადღებით აკვირდებოდა. თითქოს დიდ, ძველ ხელნაწერს კითხულობდა, ადგილ-ადგილ შელახული, ამოვლებული ფურცლებით, ადგილ-ადგილ გაუგებარი, ზოგჯერ მოულოდნელი მიგნების დამაბრმავებელი სხივით, თვალში რომ ეცემოდა. ეს საკითხავი ყოველთვის წარმტაცი იყო. წარსული ცხოვრების ნარჩენები თავიანთ თავში „საერთო ჩამქრალი კავკასიური კულტურის“ ნაპერწკლებს ინახავდნენ, რომელსაც იგი მთელი ძალით გრძნობდა.

ხანძრადვე მოგზაურობა თვეზე მეტს გრძელდებოდა. რამდენი სოფელი მოინახულა, რამდენი ეკლესია აღწერა, ამოიკითხა და გადმოიწერა წარწერები; აკვირდებოდა ცხოვრებას, წარსულიცა და აწმყოც მთელი თავისი მრავალფეროვნებით იტაცებდა.

ისინი უკვე იმ ადგილებს უახლოვდებოდნენ, სადაც ოდესმე სახელგანთქმული „ქართული სინაი“ იყო. აქ მას სარწმუნოებისთვის მოსაგრეთა აჩრდილები ელანდებოდნენ, რომლებიც ამავედროულად კულტურის მოღვაწეებიც იყვნენ.

ეს იყო დიდებულად შერჩეული ადგილი ზომიერი კლიმატით... „არცა ფრიადი სიცხეა შესწავას მათ და არცა გარდარეული სიცხეა შეაურევს მყოფთა მისთა“ და ანკარა წყლით მზის სხივებით დაფერილი უღრანი ტყეების „ბუნებით მზიარულებაჲ მიცემულ არს ღმრთისაგან“... – ასე თქვა იმან, ვინაც ჩვენამდე შემოინახა ხსოვნა თავისი თანამედროვე კულტურული ცხოვრებისა და ადამიანებისა, რომლებიც ბრწყინავდნენ „ეთარცა მთიები შორის ვარსკვლავთა ზეშთა სიტყვისა ჩვენისა შემკობილი მრავალფერითა მადლითა მოყვასთა თანა საღმრთოთა“.

აქ, VIII საუკუნეში სამონასტრო სამოს ძალისხმევით, რომელსაც ნ. მარმა იმ დროის შესაბამისად „შრომის არტელი“ უწოდა, მიმდინარეობდა აღმშენებლობა ბუნებაზე კულტურული ზემოქმედებით და საერთოდ, სოფლის მეურნეობის ნაწარმის მოსაყვანად და სასარგებლო წიაღისეულის მოსაპოვებლად. და ეს ყოველთვის ადვილი როდი იყო: „და მონასტერთა მათ შინა არა არს სათიბელი ქვეყანაჲ, არცა ყანაჲ სახნავი, არამედ დიდითა შრომითა როჭიკისა მისლვაჲ აქვს კარაულისა ზურგითა. და მცირედ ვენახი ჭირვით და ურვით დაუნერგვიან და მტილები. ხოლო მხალთა ველთასაჲ არს სიმრავლე ურიცხვი“.

„დაუცხრომელი გარჯის შედეგად, ამ თითქმის უნაყოფო მთებში შეიქმნა აფავებული მეურნეობა, კერძოდ, მებაღეობისა, იმ დროისათვის ცნობილი ტექნიკური სიახლეებით, და რაც მთავარია, ათასწლეულის გამოცდილებით, მშობლიური ბუნების მეშვეობით დაგროვილი ცოდნით, რომლისაც ჩვენი დროის სოფლის მეურნეობის მეცნიერებას შეშურდებოდა კიდევ“.

გზები, რომლებითაც ნ. მარი მგზავრობდა, აყო უბადრუკი ნარჩენები ძველ ქართველთა აღმშენებლობისა. ისინი ათას წელს მოითვლიდნენ და უპატრონოდ მიგდებულნი მთლიანად განადგურებულნი ჩანდნენ. მთაზე მოძრაობა ხშირად კედელზე ან ბაგირზე სიარუ-



იმერსეველი ქართველები


არა მხოლოდ ტაო-კლარჯეთის ტაძრების უნიკალური ფოტოები შემოგვინახა დიდმა მეცნიერმა, არამედ აღაშინებინაც. იგი მოუხიბლავს იქაური ქართველების სიღამაზეს და ასოფანებას. ზუსტად ასე წლის შემდეგ ფოტოებიდან გვიცქერიან ეს ჯიშინი ქართველები და ტკივილით გვაფსებენ. შემდგომ თაობებსაც გაახარებთ მათი ხილვა.




ეს ხიდი ქედილასა და წყაროსთავის ვადასავლელია, ისეთივე პრინციპითაა ნაგები, როგორც აჭარაში, როგორც ლაშეთში. მას აქაც თამარის სახელი ჰქვია.



ეს კი სახალხო მოძღვრალი აღი
ჩაუშ მისინ-ოღლი (მოსიქე) და
მისი შთამომავლობაა. 1911 წ.



სამეურნეო იარაღების სათავსი



საცხოვრებელი სახლი

ლად უჩნდა. რთული აღმართები ერთმანეთს ენაცვლებოდნენ.

ნიკო მარი სიძნელეებს ვერც ამჩნევდა, უფრო სილამაზეზე რეაგირებდა, რაც ასევე იმ სამყაროს საერთო, მთლიან რკალში შედიოდა, რომლის ხელახლა აღდგენასაც თავის თავში ცდილობდა. იგი დროის ყველა მონაკვეთში უცვლელი რჩებოდა – ეს მწვერვალები მზითაა განათებული იმ დროს, როცა მათზე დაბალი გორაკები ღამის ბურუსში ეხვევიან. წითელი არილი ლურჯ ცას უცნაურად ტეხილი, ხან კიდევ მრუდი ხაზებით აწყდება და შორეული მთების კონტურებს კაზმავს.

ასეთს ხელადუნენ ამ მთას კლარჯეთის მეუღლებოენი; ასეთივე იყო იგი საქართველოს დიდი გამაერთიანებლების, არტანუჯელი ბაგრატიონების; დავით კურაპალატისა და ბაგრატ მესამისთვისაც.

როგორც იქნა, მიაღწიეს მიუდგომელ არტანუჯს. ნ. მარმა აქაც, როგორც ყოველგან, ყველაფერი დაწვრილებით დაათვალიერა, გაზომა და აღწერა, მიუხედავად იმისა, რომ ეს ძეგლები მისი გამოკვლევის ობიექტს არ წარმოადგენდნენ.

წყაროსთვის აღმართი დიდ სიძნელეებს ქმნიდა. ცხენიდან ჩამოქვეითდებოდა და ძლივს შესამჩნევ ბილიკებზე ფორთხვით უხდებოდა ასვლა. ძველი გზის ნაშთი აქაც შეინიშნებოდა, ადგილ-ადგილ ძველი წყობა ჰქონდათ შენარჩუნებული.

დღიურიდან: „12 საათისათვის წყაროს-თავის ნაკადულთან დანაყრება და დასვენება მოვასწარით და მონასტრისკენ დავიძარით, სამწუხაროდ, მივიწყებული მონასტრის ნანგრევებისკენ. გულის ფანცქალით ვუახლოვდებოდი, მღელვარებამ შემიპყრო სავანის წარსულის დიდების წარმოდგენისა და იმაზე ფიქრისგანაც, ჩემი კითხვის პასუხად ადგილზე რაიმე გასაღებს ვიპოვიდი, თუ არა“.

იგი გრძნობდა, რომ იპოვა ეს – „ქართული სინაჲ“ – ხანძთა, უფრო ძველი ოპიზა და მისი ფრთები, ბერთა, და მის ახლო მდებარე მიძნადორი და წყაროსთავი თავისი სავანეებით. „თუმცა შატბერდი მოშორებით დგას სხვა უდაბნოთაგან, მასში მყოფი უფლის მხედრობით, მათი უფროვე განუყოფელი ნაწილია...“ – მას „ცხოვრებიდან“ ბევრი რამ ზეპირად ახსოვდა.

ახალთაში გადაიღამეს. მეორე დღეს ნუკი ქილისეს ეკლესიამდე უნდა აეღწიათ. როცა იგი ჯერ კიდევ წყაროსთავისკენ ადიოდა, მისი ყურადღება ბაზილიკის ხედმა მიიპყრო, რომელიც მდინარეზე გადმოკიდებულ კლდის შვერილზე, მდინარის ასაქცევს იქით უეცრად გამოჩნდა. მას მოეჩვენა, რომ თავისი კითხვის გასაღები აქ უნდა ეძებნა.

... უფსკრულზე თოკივით დაკიდებული ბილიკებით სრამის პირას მდგარი ეკლესიის ნანგრევებამდე მიაღწიეს. ქვემოთ „კლდეებით შემორკალული, აქაფებული“, „ცისფერწყლიანი“ კარხალა მიედინებოდა. სიცოცხლეში მასზე ლამაზი მთის მდინარე არსად უნახავს.

მისი პირველივე გაფიქრება ის იყო, რომ ეს ხანძთაა... ხანძთა, აღმართული მთის ჩრდილოეთ კალთაზე, აღმოსავლეთისკენ მიმართული ფასადით. გიორგი მურჩულის მიხედვით იგი სავანის დაარსებიდან მოგვიანებით აგებული ეკლესია უნდა ყოფილიყო. პირველი ეკლესია ხისგან აუშენებიათ.

ირგვლივ პირქუში ციცაბო კლდეები იყო. ბაზილიკა სამხრეთით, მცირე მოედანზე, კერძოდ კლდის წვერწამახულ შვერილზე იყო აღმართული. – „ცხოვრების“ ავტორი აღნიშნავს, რომ „კლდე იგი ხანძთისაჲ უფიცხელეს არს უფროჲს ყოველთა მათ კლარჯეთისა უდაბნოთა-ო“. მართლაც, ეს კლდე მთის კალთიდან 10-12 საფეხზე იყო გადმოშვერილი. მთელი პეიზაჟიდან უკიდურესი ასკეტიზმი მოჟონავდა. თვით უბრალო ქვის ნაშენი, შავად შეღებილი ნაგებობა და მისი მდებარეობა გარემომცველ ბუნებასთან სრულ ჰარმონიაში იყო. ხანძთა – ეს „გრიგოლის პირმშოა“. მემატიაანემ გრიგოლს „უდაბნოს ქალაქმშენებელი“ უწოდა. ის იყო წინამძღვარი და ასევე აღმშენებული შატბერდისა. თავის ოთხ მოწიესესთან ერთად მან სენაკებისთვის მიწა გათხარა და „შრომითა დიდითა ქმნეს ადგილი იგი. რამეთუ არა აქვნდა მათ ცული და წერაქვი, არც სხვაჲ ეგვიტარი სახმარი, არამედ ოპიზელთა მამათა მოსცეს ყოველი, რომელი იპოვა ხელთა მათთა და თანაშემწე ექმნეს ყოველთა სახმართა და ხორცთა საღვანითა; რამეთუ მას ჟამსა სხვაჲ მონასტერი არა შენ იყო მათ ქუეყანათა თვინიერ ოპიზისა და არცა მსოფლიონი ერისკაცნი ახლვიდეს ახლად შენებისთვის მათ ქუეყანასათა“.

ეკლესია ნუკი-ქილისე ხანძთის მეორე მონასტერი აღმოჩნდა. მას მეტად დაოსტატებული მშენებელი ამონი და მისი თანამშემწეები აშენებდნენ. ქვასა და კირს შორეული მხარიდან აღამიანები ზურგით ეზიდებოდნენ და რამდენადაც მშენებლები მათ ყიდულობდნენ, ყველაფერი სასწორით იწონებოდა. ერთმა იქაურმა მცხოვრებმა, აღრინდელ მოსახლეთა შთამომავალმა, ნ. მარს აცნობა, რომ ამ ეკლესიას ნუკი-ქილისეს იმის გამო ეძახიან, რომ ერთ ქვაზე იყო დაშენებული, რომელიც ერთ მთელ 1/2 ნუკის იწონიდა.

ხანძთა ნაპოვნი იყო.

„...რამეთუ ბუნებით ერთგვამ არს ქუეყანად უდაბნოთაჲ მათ და კეთილად შეზავებულ მზისაგან და ჰაერისა... ხოლო წყალი კეთილი და შეშაჲ ნებისაგერ უნაკლოდ აქვს აღმოცენებული ქვიშათა მათ შინა, ურიცხვი მალნარი და სიმრავლე წყალთა ჰამოთაჲ. ბუნებით მხიარულებად მიცემულ არს ღმრთისაგან. და არს იგი უგზო და მიუვალ რამეთურით სოფლისა წესითა მცხოვრებელთაგან, რამეთუ ღაღოთა მათა შინა მალღთა არს მკვიდრობად მათი“. ეს რომ შეიტყო, დიდებულმა კურაპალატმა შესწირა ნაყოფიერი სანახები და მათ რიცხვში შატბერდის მხარეც. ეს შატბერდის მონასტერი გადაიქცა ბერ-მონაზონთა ლიტერატურული მოღვაწეობის ცენტრად. ნ. მარი იქითკენ განსაკუთრებით მიიწევდა.

იგი გზას აგრძელებს. მათ წინ შესანიშნავი ადგილებია გადაჭიმული, უხვი წყაროს წყლებით, ვაზის ზვრებით. შემხვედრ „კილისელარის“ ნანგრევებს იგი მიძნაძორად მიიჩნევს; ეს სახელწოდება მას უკვე არაერთხელ სმენია.

ღამე ახალთაში გაათიეს და დილით პორტასაკენ დაიძრნენ. (ახლა ძველ შატბერდს ასე ჰქვია). ნ. მარი გეოგრაფიული ადგილების გათურქულებას გაუმართლებლად თვლიდა და, შესაძლებლობებისადა მიხედვით, ცდილობდა ძველი სახელწოდებები გამოეყენებინა.

უეცრად ისეთი აღმართი დაიწყო, რომ მასთან შედარებით ხანძთისა დამრეცად მოეჩვენა... ზედა პორტაზე ავიდნენ და სარაისკენ — ქვედა პორტასკენ დაემუნენ: მაცხოვრებლები ირწმუნებოდნენ, რომ წინათ აქედან ხანძთისკენ მიმავალი ძველი გზა იყო.

როგორც იქნა, ისინი „ოდინდელ საოცნებო მხარეს“ მიუახლოვდნენ.

...აი, წყობილი ქვებით ნაშენი სადარაჯოს ნანგრევები, შიგნით ნიშები... იგი ბედნიერი იყო, როცა ეკლესიის ეზოში შედიოდა.

დღიურიდან: „სტუმრად გრიგოლ ხანძთელთან“, — გავიფიქრე მე — „სტუმრად X საუკუნის შატბერდის კრებული შემდგენლებთან და გადამწერებთან“, — გამიელვა, და მომეჩვენა, რომ ოდესღაც აყვავებული, მაგრამ მივიწყებული ქართული კულტურის მოღვაწეებთან ურთიერთობის გააზრებისთანავე ჩემი ფიზიკური დაქანცულობა ქრებოდა. უფრო ადრე, სავანის დანახვისთანავე თანამედროვე სამყაროსაგან იმგვარმა განდგომილობის გრძნობამ შემიპყრო და წარსული რეალობის, ამ განდევნილთა კუთხის მიმართ ისეთი სიახლოვის გრძნობა გამიჩნდა, ასე მგონია, თვით ხორცშესხმული გრიგოლ ხანძთელის გამოჩენაც კი არ გამაკვირვებდა პასუხით ჩემს აქ ჩამომყვან კითხვაზე: „სადაა შატბერდი?“

„მოუხედავად იმისა, რომ გრიგოლი ხანძთელადაა სახელწოდებული, და ხანძთა მისი პირშემა, შატბერდი ჩემს წარმოდგენაში, როგორღაც, უფრო მჭიდროდაა დაკავშირებული გრიგოლთან. იგი როგორც მგონია, შატბერდის მონასტერს თავს უფრო ეკლებოდა, ვიდრე ხანძთას. ამასთანავე, გრიგოლის გარეშეც, შატბერდმა ჩემი ყურადღება დაიპყრო, როგორც ლიტერატურული მოღვაწეობის ცენტრმა. მან ქართველთა ბიზანტიური კულტურის უშუალო ზიარებისათვის საფუძველი გაამყარა.

„კარიბჭის ზღურბლს უდიდესი სიამოვნების გრძნობით გადავაბიჯე, სულს უხაროდა და იმის ფიქრით ვიყავი შეძრული, რომ ფეხს ძველ განმანათლებელთა კერაზე ვადგამდი, მაგრამ სამწუხაროდ, ეს განწყობილება უეცრად განქარდა და მე აღუწერელმა გაღიზიანებამ შემიპყრო, როცა დავინახე, რომ შატბერდის ტაძრის ეზო ცხენების სადგომად და სანაგვედ გადაუქცევიათ, სამრეკლო საბძელად გადაუკეთებიათ და მისი შიგთავსის დათვალიერება შეუძლებელია. ღმრთისმშობლის ტაძრის საკურთხევლის შემადლებულ ადგილზე აღმოსავლეთის სარკმლის ქვეშ მკვდარი თხა გდია, ხოლო ირგვლივ ნაკელის გროვია. მუხტარი მაშინვე ზემო პორტაში გაავაზავნე რეჯიბ-ოღლისთან, რომელსაც საძრეკლო მითვისებია და საბძელად უქცევია...“

შატბერდიდან ნ. მარი უძველეს ოპიზაში გადავიდა, რომელიც ერთადერთი მონასტერი

იყო კლარჯეთში, როცა იქ გრიგოლი პირველად ჩავიდა. ოპიზას რომ ემშვიდობებოდა, მან უკანასკნელი მზერა ნაღვლიანად მოავლო კურაპალატისა და „მის საქმეთა ენერგიული გამგრძობლებების მონუმენტურ ნაგებობებს, რომლებიც არა მარტო მიწუმათებულები აღმოჩნდნენ, არამედ მეცნიერების მიერ დაუმსახურებლად მივიწყებულნიც“.

ოპიზიდან ბერთასკენ დაიძრნენ. იგი ყველგან ძველი საქართველოს კულტურის ნაშთებს აკვირდებოდა... „...მხარე გაუდაბურებული იყო. ქართველებმა თავის დროს მისგან რაც შექმნეს, ამაზე არა მარტო ტაძრებისა და მონასტერთა შენობები მეტყველებენ, არამედ, სამეურნეო და საერო დანიშნულების ნაგებობები, როგორცაა მაგალითად ლვინის წარმოების მოწყობილობები, ხიდები, არხები...“

და ბერთადან გამგზავრების წინ მთვლემარე მონასტრის სიმალიდან ბუეძინის მოწოდებას ნაღვლიანად უგდებდა ყურს... ქრისტიანობის ძეგლების ამგებთა ღვიძლი შთამომავლები ტაძრისკენ მიიჩქაროდნენ, რომ თავიანთი ლოცვები ბერთას აღმშენებელთათვის უხმოდ აღევლინათ. ნაღვლისმომგვრელი იყო ამის ყურება, ნაღვლისმომგვრელი იყო ამის მოსმენაც...“

ბერთას მოხილვით მისი მოგზაურობის ძირითადი ამოცანა იწურებოდა; მან ფარეხთას ხეობაშიც შეიარა, სადაც ტაძართა ნანგრევები უხვად იყო, სცადა დიუსტაშის მთაზე ასულიყო (რაც „სწორ ქვას“ ნიშნავს), სადაც ძღვიმეა, მაგრამ მასში მოხვედრა ვერ შესძლეს, რადგან ადგილზე მისულებმა კიბე ვერ გააკეთეს.

მისი მოგზაურობის ვადა იწურებოდა, იგი ართვინისკენ დაიძრა, მაგრამ საბუშაო ახლაც არ მიუტოვებია; ასევე მეთოდურად და მონდომებით აკვირდებოდა ირგვლივ ყველაფერს, ზომავდა, ფოტოებს უღებდა და შემხვედრ ძეგლებს აღწერდა.

„გრიგოლ ხანძთელის ცხორების“ „შესავალში“ ნ. მარმა თავისი მოღვაწეობა თვითონ შეაჯამა. „...შავშეთისა და კლარჯეთის მოგზაურობის დღიურში...“ დაწვრილებით, შესაძლოა ზედმეტად დაწვრილებითაააა გადმოცემული მთელი ჩემი ტანჯვა-წამება ჩამოთვლილი საგანების ნანგრევთა ძებნისას“.

... მე აღვუნსხავდი და ვზომავდი ყველა ნანგრევს; მცირე ზომის სამრევლო ეკლესიათა დიდი რაოდენობა სოფლების ერთმანეთთან ახლო მდებარეობასა და მათ მჭიდრო დასახლებაზე მიუთითებს, ამჟამინდელი „თურქი“ მოსახლეობისგან ვიწერდი სხვადასხვა ჯიშის ვაზის სახელწოდებებს, რომელმაც აქ ქართველებს შორის ქართული სახელწოდებები შეინარჩუნა; „დღიურში“ შემქონდა ყრუ გამოძახილი არტანუჯის რომანტიკული წარსულისა, უბადრუკი ნაგლეჯი თქმულებისა პორტასა და შატბერდში ღმრთისმშობლის კულტის შესახებ; შენიშვნებს მოხატულობათან დაკავშირებით აქა-იქ; ოპიზაში ხიდებზე, ტერასაზე, ნაგებობებსა და ხეხილის ბაღებზე, ზვრებში ქვის საწნახელებზე, საუბრებს ქრისტიანულ განწყობასა და მუსულმანი მოსახლეობის წეს-ჩვეულებაზე...“

იგი მთელ რიგ არქიტექტურულ თემებს ჩამოთვლის, რომლებიც მისი გამოკვლევების პროცესში წამოიჭრნენ. დაუინებოთ შოთხოვს, რომ მხარე, საიდანაც მისი საუკეთესო და ყველაზე განსწავლული მეგზური, X საუკუნის ადგილობრივი ქართველი მწერალი, გიორგი მერჩულე იყო, ფართო განათლებითა და თვითმყოფადი ინტერესებით აღძრული გარემომცველი სამყაროს მიმართ, მხატვრული სიტყვის დიდოსტატი, ბრწყინვალედ რომ, ფლობდა წიგნის ენას, რომელმაც შესძლო თავისი თხრობისთვის სუფთა ქართული კოლორიტი მიენიჭებინა, – უკეთ აღჭურვილი მეცნიერული ძალებითა და მატერიალური საშუალებებით შემდგომ შესწავლას დაქვემდებარებოდა.

მისი მოგზაურობის შედეგი იყო ძეგლი „გიორგი მერჩულე, „გრიგოლ ხანძთელის ცხორების“ ქართული ტექსტი. შესავალი, გამოცემა მისივე, შავშეთისა და კლარჯეთის მოგზაურობის დღიურით (65 ჩანახატი)“. 1911 წ.

ნ. მარი კლარჯეთში მეტად არ ყოფილა, მაგრამ იგი მას არ განშორებია, როგორც არ განშორებია არც ერთ დიდ პრობლემას, რომელიც მისი სამეცნიერო ცხოვრების წრეში შედიოდა.

ს. მარი

თარგმნა ზურაბ თორნიაძე

ქართული ეკლესიები თურქეთში

მკითხველს ვთავაზობთ ინგლისელი ავტორის, ქრის ჰელიერის წერილს დღევანდელი თურქეთის ტერიტორიაზე დარჩენილი ქართული ეკლესიების შესახებ, რომელიც დაიბეჭდა 1992 წლის აპრილში ცნობილ ინგლისურ არქიტექტურულ ჟურნალში „არქიტექტურელ რივიუ“. ქართულ ენაზე ეს წერილი 1994 წელს გამოაქვეყნა ჟურნალმა „არქიტექტურა და დიზაინი“.

ჩვენ სასურველად მივიჩნით მისი ხელახალი გამოქვეყნება. უცვლელად ვბეჭდავთ წერილის წინათქმასაც და ვბეჭდავთ რედაქტორის შენიშვნებსაც რომელსაც საესებით ვეთანხმებით.

ოთხმოციოდე წლის წინათ გერონტი ქიქოძე სევდიანად წერდა, „ქართველები უთვისტომო, უნათესავო ერი ვართო“. ალბათ, ამიტომაც გვახარებს ჩვენ მიმართ ნათქვამი ყოველი კეთილი სიტყვა, ჩვენდამი ყურადღების უმცირესი ნიშანიც კი. ამას გარდა, მძაფრად შევიგრძნობთ ჩვენი წინაპრების შემოქმედებითი მონაპოვარის ღირებულებას. ჯერ ერთი, მისი სხვათათვის გაზიარება გვწალია, შემდეგ კი ჩვენი მსჯავრის „გარედან“ დადასტურება. თავისთავად ცხადია, გვინდა ვიცოდეთ ისიც, შორიდან როგორ ვჩანვართ და თუ რა იციან ჩვენს შესახებ.

წინამდებარე წერილი მთლიანობაში მკითხველს უთუოდ ესიამოვნება – მასში საქართველოსადმი წრფელი კეთილგანწყობაც აშკარაა და ტაო-კლარჯეთის ტაძართა ხუროთმოძღვრების ჯეროვანი დაფასებაც. გული კი შეგეკუმშება ოდნავ, სათაურიდანვე რომ შეიტყობ, ჩვენს ცნობიერებაში მუდამ ცხოველად მყოფი ჩვენი დიდება თვით მეგობართა თვალშიც მივიწყებულ ნაგებობათა ჯგუფად რომ მოჩანს, თურმე; ცოტათი ჩვენი ქვეყნის წარსულზე წარმოდგენის უზუსტობაც დაგანადვლიანებს; ისიც, რომ მნიშვნელობას ჩვენი ხელოვნებისას იქ დაეძებენ, სადაც იგი, სულ ცოტა, საეჭვოა რომ იპოვონ. ისიც, რომ დოლისყანის რელიეფის თავზე, წერილის ილუსტრაციებში, სომხური ეკლესიის ფოტოსურათია დაბეჭდილი, შეხსენებად იმისა, რაოდენ უჭირთ დღესაც ევროპელებს ჩვენი და ჩვენი მეზობლების თითქოსდა ეგზომ ნათელი არსობრივი სხვაობის აღქმა.

ეს სულაც არ არის სასაყვედურო. რაში უნდა დავადანაშაულოთ ინგლისელი, რომელმაც ჩვენი კულტურული მემკვიდრეობის გადარჩენაზე ფიქრითა და წერით შეიწუხა თავი? მას ჩვენგან ხომ მადლობის მეტი არაფერი ეკუთვნის. რაღა თქმა უნდა, ეს ჩვენი ბრალია – საკმარისად არ გაურჯილვართ, არც საკმაო რაოდენობით ნაშრომები მიგვიწოდებია უცხოელთათვის და ჩანს, ბოლომდე ჩვენს სათქმელსაც ვერ ვაგებინებთ, მათთვის დამაჯერებლად ვერ ვამბობთ ჯერხანობით. კი ბატონო, ამას ბევრი მიზეზი აქვს, მრავალი – „ობიექტურიც“, მაგრამ ამით თავს ვერ ვინუგეშებთ, გასაკეთებელი – გასაკეთებელია მანც.

დ. თუჰანოზილი

ხელოვნებისმცოდნეობის დოქტორი

საქართველო ერთ-ერთი უძველესი ქრისტიანული სახელმწიფოა და მას თავისი ხანგრძლივი და შფოთიანი ისტორიის მანძილზე არაერთი ფრიად გამოჩენილი და ორიგინალური ეკლესია აუგია, რომლებიც, სომხურის მსგავსად, შთაგონების წყაროდ იქცა გოთური სტილის ჩამოყალიბებისთვის. გადიოდა საუკუნეები და საქართველოს საზღვრებიც იცვლებოდა. ამიტომაც ბევრი გამორჩეული

ეკლესია მეზობელ ქვეყნებში აღმოჩნდა. მათგან განსაკუთრებით თვალწარმტაცია თურქეთის აღმოსავლეთ პროვინციებში განლაგებული ტაძრები. მათ, სამწუხაროდ დღეს მივიწყებისა და შეუფასებლობის საშიშროება ემუქრებათ. იმ დროს, როდესაც საქართველოს ამასწინანდელმა შინააშლილობამ ეს ყოფილი საბჭოთა რესპუბლიკა მსოფლიო პრესის ფურცლებზე მოაქცია, შუასაუკუნოვანი ქართული

არქიტექტურული მემკვიდრეობის მიტოვებული და მივიწყებული ნაწილი ჩრდილო-აღმოსავლეთ თურქეთის მდინარეების – ჭოროხის, ოლთისისა და თორთომის ველური სილამაზით გამოჩენულ ფერდობებზეა მიმოხეული. სამყაროს მოწყვეტილთ, მათ იშვიათად თუ მონახულებს ვინმე. ამ არქიტექტურულ ძეგლებს სათუო პატივი ხვდათ წილად – მსოფლიოს საეკლესიო ნაგებობათა ერთ ყველაზე მიტოვებულ ჯგუფში აღმოჩნდნენ. არადა, არქიტექტურის მნიშვნელობაში მათ დიდი როლი შეუსრულებიათ. როგორც მართლმადიდებელ ქრისტიანებს, ქართველებს შუა საუკუნეებში ჰქონდათ ბიზანტიასთან გაცილებით უფრო ღრმა კავშირები, ვიდრე ჩვენთვის უკვე ცნობილ მათ მეზობლებს (და ზოგჯერ მოწინააღმდეგე) - სომხებს. მათი ეკლესიები ზეგაყვანიას ახდენდნენ შუაბიზანტიურ არქიტექტურაზე და მნიშვნელოვანი წვლილი მიუძღვით ევროპაში რომანული სტილის განვითარებაში.

თეორიულად, შემორჩენილი ეკლესიები დაცულია თურქეთში ძეგლთა დაცვის არსებული კანონმდებლობით, მაგრამ პრაქტიკულად არ არსებობს მათი გადარჩენისთვის აუცილებელი კონსერვაციის პროგრამა. ირონიულად უდერს, მაგრამ მხოლოდ და მხოლოდ ტურიზმის განვითარებამ, თუნდაც თავისი ყველა უარყოფითი მხარის გათვალისწინებით, შეიძლება გადაარჩინოს ამ შესანიშნავ ნაგებობათაგან თუნდაც რამდენიმე ძეგლი.

შუა საუკუნეებში თურქეთის ჩრდილო-აღმოსავლეთი, რომელიც ქართველთა სამეფოს ეკუთვნოდა, მუდამ იცვლიდა საზღვარს. იგი იყო განუწყვეტელი ბრძოლის არე, რომელშიც ზღვა ხალხი მონაწილეობდა. რუსები მოდიოდნენ ჩრდილოეთიდან; არაბები და სპარსელი სასანიდები სამხრეთიდან უტევდნენ; რომაელები, ბიზანტიური და ოტომანური იმპერიების მეომრები – დასავლეთიდან, ხოლო სელჯუკები და მონღოლები – აღმოსავლეთიდან. თითქოს წარმოუდგენელია, მაგრამ ამ უწყვეტ ომთა ნაკადში საქართველომ თითქმის ათასწლეულის მანძილზე შეინარჩუნა თავი, როგორც თვალსაჩინო სამეფომ. თავისი განვითარების ზენიტში იგი განფენილი იყო 400 მილის სიგრძეზე შავი ზღვის სანაპიროდან თითქმის კასპიის ზღვამდე. სამხრეთით მისი

საზღვარი მდინარე არაქსზე გადიოდა, ჩრდილოეთით კი დიდ კავკასიონზე. ქართველთა უკანასკნელი მეფე 1798 წელს გარდაიცვალა. საქართველომ ქრისტიანობა მეოთხე საუკუნეში მიიღო, და დაუყოვნებლივ აღიარა ბიზანტიის პატრიარქი. მეშვიდე და მერვე საუკუნეებში საქართველო, რომლის დედაქალაქი თბილისი იყო, სამხრეთიდან და აღმოსავლეთიდან არაბების განუწყვეტელი შემოსევების შედეგად აოხრდა. თბილისი მიტოვებულ იქნა.

და შეიქმნა ახალი საქართველო (მისი დედაქალაქი ახლანდელი არტანუჯი იყო. დღეს იგი თურქეთის ტერიტორიაზეა), რომლის გულს წარმოადგენდა ტაოს, კლარჯეთისა და შავშეთის პროვინციები. ბაგრატიონთა დინასტიის მეფობისას, რომლებიც იმ დროისათვის სრულად აკონტროლებდნენ ზემო ჭოროხის ხეობას, საქართველო აღორძინდა და ახალმა მეფეებმა მნიშვნელოვანი კვალი დატოვეს ეკლესიების მშენებლობით. ისინი ეშურებოდნენ საკუთარი მეფობისთვის აეგოთ ძეგლი.

მეთერთმეტე საუკუნის დასაწყისისთვის საქართველო კვლავ დასუსტდა. ჯერ იყო და, ბიზანტიელები შეაშინა ბაგრატიონების გაზრდილმა ძალამ, მერე ოსმალებმა შემოუტიეს; მაგრამ საქართველოს მარცხი ხანგრძლივი არ ყოფილა და დავით მეოთხე აღმაშენებლის ზეობას 1122 წელს თბილისის დაბრუნება მოჰყვა, რაც მეორე პოლიტიკური და კულტურული რენესანსის დაწყებას მოასწავებდა. შემდეგი ასწლეული შედარებით მშვიდობიანი აღმოჩნდა საქართველოსთვის და მან თავისი განვითარების მწვერვალს მიაღწია თამარ მეფის (1184-1212) მმართველობის დროს, მაგრამ მეცამეტე საუკუნეში ამას მონღოლების ინტერვენცია მოჰყვა.

ამ დროისათვის საქართველოს შიდა კავშირებიც სუსტდებოდა. მარკო პოლო მოგზაურობისას აღნიშნავდა, რომ „ისინი კარგავენ ქრისტიანობას მქადაგებელთა ნაკლებობის გამო“. საბოლოო დამარცხება მას მიაყენა ოსმალებმა; თუმცა საქართველო მეჩვიდმეტე საუკუნემდე რჩებოდა ქრისტიანულ სახელმწიფოდ. ამ დროისათვის უკვე რუსეთი და თურქეთი ებრძოდნენ ერთმანეთს რეგიონში ბატონობისათვის და ეს ბრძოლა მეცხრამეტე საუკუნეში იქამდე გაგრძელდა, სანამ დღევანდელი საზღვარი, (რომელიც ქართულ ისტო-

რიულ ტაო-კლარჯეთის თურქეთის მხარეს (ტოვებს) ბრესტ-ლიტოვსკის 1921 წლის ზაკით არ დაკანონდა.

ტაო-კლარჯეთის 80-მდე ცნობილი ეკლესიიდან მხოლოდ რამდენიმე გადარჩა. ისინი სამ ძირითად ჯგუფად იყოფა. ტაოს ერთ-ერთი უძველესი ეკლესია მეშვიდე საუკუნის დიდი ტაძარია ბანაში, რომელიც ერთი აბსიდის გარდა, მეცხრამეტე საუკუნის რუსეთ-თურქეთის ომის დროს დაინგრა; ტაძარი ჯვროვანი გეგმით და მრგვალი გარე კედლებით გამოირჩევა. ადრეული პერიოდისთვის დამახასიათებელი ეს ცირკულარული გეგმა მოგვიანებით ბაზილიკით, ან უფრო ხშირად, ჯვროვანი გეგმით შეიცვალა, რომელიც ორი მარტივი ფორმის კომბინაციას წარმოადგენდა. ოთხთა ეკლესია, რომელსაც დღეს ჭირნახულის შესანახად იყენებენ. პირველის მაღალ-მხატვრული ნიმუშია; იშხანი, ოშკი და ხახული კი შესანიშნავი მაგალითებია უფრო რთული ჯვროვანი ფორმისა, რომელშიც კომბინირებულია ბაზილიკა და ცენტრალური გუმბათი. მას შესაბამისად საკურთხეველი, ნავი და ტრანსეპტები აქვს.

აი, სწორედ ეს უკანასკნელი, ჯვარ-გუმბათოვანი ფორმა გამოავლენს იმ კონტრასტს, რომელიც ასე გამოარჩევს ერთმანეთისაგან შედარებით მარტივსა და რთულ მრავალფეროვან ინტერესებს. ასე მაგალითად, ოშკის ეკლესია გარედან ახდენს უბრალო ჯვროვანი ფორმის შთაბეჭდილებას თავისი ტრანსეპტებითა და ცენტრალური გუმბათით, თუმცა შიგნით, თითოეული ტრანსეპტი სამმაგი კონქითაა შექმნილი. ცენტრალურ აბსიდას აქეთ-იქიდან ორი დამატებითი სათავსი ახლავს. გარედან აბსიდები ერთმანეთისაგან ორი სამკუთხედი ნიშნით გამოიყოფა, რომლებსაც ცრუ თაღები ეკვება.

ტაო-კლარჯეთის ეკლესიების მთავარი ფასადები და მათი გუმბათები თვალში მოსახვედრი რბილი ყვითელი ფერის კირქვით არის ხოლმე შემოსილი, რომელიც მეტწილად გასაოცრად კარგად შენახულია. სოფელ ხახულის მაცხოვრებლები ამტკიცებენ, რომ ამ ფერს ქვის რძეში ამოვლებით იღებენ. სხვა დამახასიათებელი თვისებებია ცრუ თაღები, დეკორირებული ნიშები, შესანიშნავად ორნამენტირებული ფანჯრები და ცხოველთა და წმი-

დანთა ქანდაკებები. გასაოცარია არწივი, კლანჭებით ბატკანი რომ აუტაცნია. ეს იმდენად ხშირი თემაა, რომ ბევრ მკვლევარს აფიქრებს, ბაგრატიონების ჰერალდიკური ემბლემის მაგვარი რამ ხომ არ არისო. მარკო პოლოს მიერ მოყვანილი მითიური ისტორიის შესაბამისად, ამ პროვინციის ყველა მეფე მარჯვენა მხარზე არწივის გამოსახულებით დაბადებულა.

ანალოგიური სკულპტურული თემები ამშვენებს ოშკსა და ხახულს. მათ შორის არიან მშვილდოსნები და ირემზე მონადირე ლომი. ეკლესიებში ფრესკები ძალზე ცუდადაა შენახული. ექსტერიერის ქანდაკებებში, ხშირად გამოხატავენ წმიდანებს, რომლებსაც ხელთ უპყრიათ ქართული ეკლესიების მაკეტები, ვითარცა ძღვენი ქრისტესადმი. ოშკში ორ ასეთ წმიდანს, რომელთა ბარელიეფისათვის თავები მოუმტვრევიათ, აცვია მდიდრულად დეკორირებული ტანსაცმელი, იმის მსგავსად, რაც ბიზანტიის იმპერატორთა კარიკატურებს უნდა სცმოდათ. ქართული არქიტექტურის ამგვარი გზით გამდიდრება, როდესაც ქვაზე რელიეფური ჭრა მეტწილად თავს იყრიდა სამხრეთის შესასვლელთან, ევროპაში რომანული და გოთური სტილისთვის დამახასიათებელი მთავარი პორტალების რთული დეკორის განვითარების ადრეული ეტაპი უნდა იყოს.

არსებულ ქანდაკებებთან ერთად, გადარჩენილ ეკლესიათაგან ზოგიერთს კედლის ფერწერის კვალი აჩნია, რომელიც მხოლოდ ახლახან შეისწავლეს. მათი ფორმა სრულყოფილია და ისინი ძირითადად ქრისტიანული აღმოსავლეთის შუასაუკუნოვან ტრადიციებს მიჰყვებიან, თუმცა, ამავე დროს, მკაცრად შეზღუდულ პალიტრას იყენებენ. როგორც წესი, ბიბლიური სცენები, რომლებშიც გამოსახულია ქრისტე და მოციქულები, დვთისმშობელი, განკაცება და ხსნა, პორიზონტალურ რეგისტრებად გამოიხატება. მათ ბევრი სტილისტური ნიშანი აქვთ საერთო ცენტრალური თურქეთის კაბადოკიის კედლებში ამოკვეთილი ეკლესიების უკეთესად ცნობილ და მდიდრულ ფერწერასთან, იმ ფრესკებთან, რომლებსაც ნელ-ნელა წაეხმარა იუნესკოსა და თურქეთის მთავრობის მიერ წამოწყებული კონსერვაციის მნიშვნელოვანი ცდები.

ფრესკების ცუდი მდგომარეობა რადიკალური პოლიტიკური ცვლილების ანარეკლია.

საუკუნეების განმავლობაში, მას შემდეგ, რაც ტაო და კლარჯეთი ოტომანთა მზარდი იმპერიის ნაწილი გახდა, ეკლესიები, ფაქტობრივად, დაცარიელდა, რაც ამ რეგიონთა დეკრისტიანიზაციას მოჰყვა. ბევრი მათგანი ნანგრევებად იქცა ან ქვის გამოყენების მიზნით გაიძარცვა. ზოგიერთიცი მიწისძვრების, განძთა მძიმელებისა და გაუთავებელი რეგიონალური კონფლიქტების მსხვერპლი გახდა. თუმცა, ამ ბოლო ათწლეულებში დარჩენილი ეკლესიებიც დიდად დაზარალდა. კლარჯეთის ერთ-ერთი უძველესი მონასტრის, ოპიზის გუმბათი 1960-იან წლებში დაინგრა. კიდევ უფრო შემაშფოთებელია, რომ შესანიშნავი ცენტრალური ეკლესია ექექში, თორთომის მახლობლად, დინამიტით ააფეთქეს იმ მიზნით, რომ მისი ქვა ადგილობრივი მედუქნის სამახსოვრო მეჩეთის მშენებლობაში გამოეყენებიათ. სხვებში კარ-ფანჯრები ცემენტიტა და ღორღით ამოივსო და კედლები ხანძრებისაგან გაიშურა.

რამდენიმე შემთხვევაში ეკლესიების მეჩეთად გამოყენება დაეხმარა შენობის ძირითადი სტრუქტურის შენარჩუნებას, მაგრამ ამას გარდაუვლად მოჰყვებოდა ხოლმე ფრესკების თეთრი საღებავით დაფარვა. პარხალის ბაზილიკის სახურავი წვიმის საწინააღმდეგოდ ცემენტის სქელი ფენით დაფარეს, რასაც შედეგი არ გამოუღია. წყლისაგან ბაზილიკის ინტერიერს მცოცავ ხარაჩობზე დამაგრებული მოთუთიებული რკინის ფურცლები იცავს.

ერთ-ერთი საუკეთესოდ შენახული ეკლესია ხახულისაა, ამჟამად რომ ბაგლარ ბაშს უწოდებენ, მაგრამ მისი მომავალიც საეჭვოდ გაუხდიათ. სოფლის მცხოვრებლებს მოვლა არ დაუკლიათ შენობისათვის, თუმცა კი ეკლესიის სახურავის კრამიტის ფილები მოთუთიებული რკინით შეუცვლიათ. მაგრამ რკინის

ფურცლებით დაფარვა იყო ერთადერთი, რაც სოფლებმა მეჩეთად გადაკეთებული შენობის შესანახად შეძლეს. აქვე ახალი მეჩეთი შენდება და თუკი მისი მწყობრში ჩადგომის შემდეგ ხახულს მიატოვებენ, იგი მეზობლად მდებარე ეკლესიების გზას მიჰყვება და უპატრონო აღმოჩნდება.

ქართული ეკლესიების გადარჩენის ერთადერთი გზა მათი საყოველთაო აღიარებაა, როგორც ამ ფართოდ გაშლილ ველთა და თვალწარმტაც მთათა უღამაზესი მხარის მთავარი ტურისტული სანახაობისა. მას შემდეგ, რაც ამ ცოტა ხნის წინ ერთგვარად პოლიტიკურად დაახლოვდა თურქეთი და ყოფილი საბჭოთა კავშირი, გაიხსნა მრავალი წლის მანძილზე ჩაკეტილი საზღვარი სარფში, რითაც ქართველებს და სხვა ყოფილ საბჭოთა მოქალაქეებს რეგიონში ჩამოსვლის საშუალება მიეცათ. გაუმჯობესებულმა გზებმა, თუმცა კი ზოგჯერ არცთუ უხიფათომ, გააადვილეს მიმოსვლა და რამდენიმე ტურისტულმა სააგენტომ უკვე დაიწყო ამ რეგიონში მოგზაურობების მოწყობა. არც კომბინირებული ქვეითი და ეკლესიების შემსწავლელი მარშუტები უნდა იყოს ძნელი სარეკლამოდ.

ის რამდენიმე გამოკვლევა, რაც აქამდე შესრულდა, აკადემიური იყო. ამჟამად კი საჭიროა დაუყოვნებლივ ჩატარდეს ეკლესიების მდგომარეობის კვლევა და გამოვლინდეს კონსერვაციის პრიორიტეტები, სანამ კიდევ შეიძლება რამე ეშველოს თურქეთში არსებულ ქართულ ეკლესიებს.

ქრის ჰელიერი

თარგმნეს და დასაბეჭდად მოამზადეს
ნიკა შაშიშვილი და
ლევან ბერიძე



* * *

1979 წელს ჟურნალში „ძეგლის მეგობარი“ 51 გვ.ნ4. გამოქვეყნდა რევაზ ავალიშვილის მიერ თარგმნილი სტატია „ქართული ეკლესიები ჩრდილო-აღმოსავლეთ თურქეთში“. სტატია დაბეჭდილია ინგლისურ ჟურნალ „თჰე რეკონსტრუქტურალ ლევეიჯ“-ში, რომელიც მიძღვნილია ევროპის არქიტექტურული მემკვიდრეობისადმი. მის საპროგრამო წერილში საუბარია ქართულ არქიტექტურაზე. ავტორი სტატიისა, ჟურნალის რედაქტორი შერბან კანტაკუზინო, ქართულ ხუროთმოძღვრებას რომანული არქიტექტურის აკვანს უწოდებს. სტატია მრავალმხრივია საინტერესო ქართველი მკითხველისათვის.

მოგვყავს რამდენიმე ამონარიდი:

„დიდი სახელმწიფოების მიერ გაკვალულ დღევანდელ საზღვართა უმრავლესობა ამახინჯებს ისტორიულ სინამდვილეს, ყოფენ რა ყოფილ ერთიან კულტურას ორ ან რამდენიმე ნაწილად. ამის მაგალითია საქართველო, რომელიც არსებობდა, როგორც ერთი მთლიანი სახელმწიფო ძვ. წ. III საუკუნიდან XVIII საუკუნის ბოლომდე და რომლის ერთი ნაწილი ამჟამად თურქეთშია, ხოლო მეორე საბჭოთა კავშირში. საომარი სულისკვეთებით გამსჭვალულმა ისლამმა თავის დროზე დამანგრეველი გავლენა მოახდინა მთელ საქრისტიანოსა და მის ძეგლებზე.

VII-VIII საუკუნეებში, ძველი ქართული სახელმწიფოს დაშლის შემდეგ, დაარსდა ახალი, ბაგრატიონების საქართველო, რომელიც დაფუძნდა სამხრეთ-დასავლეთ პროვინციებში, ტაო-კლარჯეთსა და შავშეთში.

„ქართული არქიტექტურის აყვავება თანხედება სამხრეთ-დასავლეთ პროვინციებში ბაგრატიონების ძალაუფლების კონსოლიდაციასა და ექსპანსიას. წმ. გრიგოლ ხანძთელი, რომელმაც 102 წელი იცოცხლა, მართავდა, როგორც არქიმანდრიტი, კლარჯეთის 12 მონასტერს, — „ნამდვილ სამონასტრო რესპუბლიკას“.

„სწავლულებმა დაადგინეს, რომ საქართველოს იმ ნაწილში, რომელიც ამჟამად თურქეთშია, არსებობდა სულ ცოტა 80 ქართული ეკლესია. ამათგან მხოლოდ მცირე რაოდენობაა შემორჩენილი ისე, რომ შეიძლებოდეს მათი გამოყენება მეჩეთებად ან ბეღლებად. ისტორიკოსები დიდი ხნის განმავლობაში ვერ ხედავდნენ განსხვავებას ქართულსა და სომხურ არქიტექტურას შორის და ასევე ცდ-

ბოდნენ პირველის მნიშვნელობის შეფასებაში. მეორე მსოფლიო ომის შემდეგ ჩატარებულმა და გამოქვეყნებულმა გამოკვლევებმა შესძლეს ბალანსის აღდგენა. დამტკიცდა, რომ ქართული არქიტექტურა იმდენადვე მნიშვნელოვანია ევროპაში რომანული სტილის განვითარების საქმეში, რამდენადაც სომხური. ხოლო, რაც შეეხება განსხვავებას, დავით უინფილდს მოჰყავს თვალსაჩინო შედარება ახტამარის სომხურ ეკლესიასთან: „ქართველი ქვის მთლებლები თავიანთ რელიეფებს იყენებდნენ არქიტექტურის მთლიანობისა და სრულყოფისათვის, მაშინ, როდესაც ახტამარის არქიტექტორი ეკლესიის კედლებს იხილავს სადემონსტრაციო სიბრტყეებად, რომლებზეც რელიეფი შეიძლება გამოჩნდეს ყველაზე თვალსაჩინო ადგილებიდან. პირველ შემთხვევაში უპირატესობა ეძლევა შენობას, ხოლო მეორე შემთხვევაში რელიეფს“. დავით უინფილდი აღნიშნავს, რომ ხახულის ეკლესიაში რელიეფები და ჩუქურთმები თითქმის მთლიანად ჯგუფდება სამხრეთის კართან. „მთლიანობაში რომ განვიხილოთ, სამხრეთის კარი ეტყობა წარმოადგენს პორტალების მორთულობის იმ ადრეულ სტადიას, რომელიც შემდგომში უნდა გადაზრდილიყო რომანული და გოტიკური არქიტექტურის დამახასიათებელ თვისებად“. ისტორიკოსების მიერ ტაო-კლარჯეთის ქართული არქიტექტურის უგულებელყოფის უფრო დამაჯერებელი მიზეზია მიუდგომლობა — „მთის ნაკადებითა და ბილიკებით აღსავსე ხეობებისა და უფსკრულების პირქუში სამყაროსი“. მრავალი ეკლესია მხოლოდ ფეხით ან ცხენით არის მისაწვდომი, თანაც სასაზღვრო პროვინციებში სხვადასხვა შეზღუდვა აფერ-

ხებს მნახველს. ასეთივე ფაქტორები უშლიან ხელს ძეგლების დაცვასა და კონსერვაციას, მიუხედავად იმისა, რომ ანკარის წარსულის ძეგლების გაერთიანებული რექტორატი ამტკიცებს, თითქოს ყველა ისტორიულ ძეგლს კანონი იცავს. ცხადია, ეკლესიის მერეთად გამოყენება ნაგებობის გადარჩენის გარანტიას მაინც უნდა იძლეოდეს. მიუხედავად ამისა, გუმბათი ობიზის ეკლესიისა, რომელიც სოფლის მერეთის მაგივრობას სწევდა, დაუცველობის გამო ჩამოინგრა, დავით უინფილდის მისვლამდე ცოტა ხნით ადრე, 1965 წელს. ოშკის ეკლესიის სამხრეთი პორტალი, ბრწყინვალედ გამოძერწილ სვეტიანად, წარმოადგენს სოფლის „მუჰტარის“ საკუთრებას და იყენებს ხე-ტყის, თივისა და სიმინდის ნარჩენების შესანახად. მიუხედავად იმისა, რომ ეკლესიის შიგნით მოეწყო მერეთი, როგორც დამოუკიდებელი ნაგებობა, მისი ცალკეული ნაწილი აფეთქეს 40-იან წლებში, რათა ქვის მასალით უზრუნველყოთ სოფლის სკოლის მშენებლობა. პარხლის ეკლესიაში, რომელსაც

ასევე მერეთად იყენებდნენ, რელიეფები და შემორჩენილი კედლის მხატვრობა შეიბღალა, როდესაც შენობის კედლები 1962 წელს კირის სქელი ფენით დაფარეს. უფრო ტრაგიკული ბედი ეწია ექექის ეკლესიას, რომელიც 1960 წელს მთლიანად დინამიტით აფეთქეს მდიდარი მედუქნის სურვილით, რომელსაც მოესურვა ახალი მერეთის თავის პატივსაცემად აშენება.

ძეგლებითა და სიძველეებით მდიდარი ისეთი ქვეყანა, როგორც თურქეთია, უთუოდ იმსახურებს სიმპათიას. ადვილი არ არის კონსერვაციის საქმეში პრიორიტეტის განსაზღვრა, მაგრამ ყოველ შემთხვევაში, მინიმუმ მაინც არის საჭირო, რომ რამდენიმე დარჩენილი ქართული ეკლესია გადაურჩეს შემდგომ ნგრევასა და განადგურებას.

შპრბან კანტაპუზინო

ინგლისურიდან თარგმნა
რეჟისორი ავალთოვნილა



ტბეთი. აღმოსავლეთის ფასადი. X ს.

* * *

2001 წლის 21 აგვისტოს მე ვიყავი ქალაქ უსუფელში (სოფელი). იქიდან გავემგზავრე აღმოსავლეთით მდებარე სოფელ იშხანში (ჰან), სადაც დგას იშხნის ეკლესია. სოფელი იშხანი საკმაოდ მაღალ, ციცაბო, შიშველ გორაზეა. სოფლამდე ამიყვანა ხუთი კილომეტრის მანძილის პატარა ბილიკმა, რომელზეც ერთი ავტომანქანა ძლივს თუ გაივლის.

იშხნის ეკლესია დგას სოფლის ახალ-აშენებულ მეჩეთთან. ეკლესია ისეთი საოცარი, დიადი და მაღალია, რომ იმ პატარა სოფლისათვის მოულოდნელი და თითქოს შეუსაბამოც კია. შემოღობილი ეზო აქვს, სადაც სოფლის ბავშვები ბურთს თამაშობენ ხოლმე.

მეტად დაზიანებული აქვს სახურავი, თუმცა კედლები და გუმბათი შედარებით კარგად არის შენარჩუნებული. გარე კედლებზე ჯერ კიდევ ლამაზად გამოიყურება ჩუქურთმები და მშვენიერი მრგოლოვანი ასოებით ამოკვეთილი ქართული წარწერა.

შიგნით, კედლებზე, ფრესკები ზოგან ოდნავ ჩანს. ერთ კედელზე მოჩანს მრგოლოვანი ქართული წარწერა. ფრესკები განსაკუთრებით კარგად შემორჩა მაღალი გუმბათის შიგნით, სადაც ლამაზი ლურჯი ფერით ნახატ ჯვარსა და ხატებს თითქმის თავდაპირველი სახე აქვთ შენარჩუნებული.

ეკლესიის გვერდით დგას პატარა სამრეკლო, რომლის შესასვლელ კარზე შემორჩენილია მშვენიერი ქართული წარწერა. სამრეკლოს შიგნით კედელზე ძლივს ჩანს ღვთისმშობლის ხატი.

სოფელში ეკლესიას ყურადღებას არავინ აქცევს. თუმცა ზოგმა იცის, რომ იგი ქართველების, ანუ, როგორც ისინი ეძახიან, გურჯების აშენებულია. იქაურებს საერთოდ არ აინტერესებთ ეკლესიის რაობა. ზოგ სოფელს ვკითხე, თუ არის ვინმე სოფელში ქართული ენის მცოდნეთ-თქვა. მათ მიპასუხეს, არაინო.

22 აგვისტოს, დილით ადრე ფეხით გავუდექით გზას სოფელ თექალესკენ (თეკალე), რომელიც მდებარეობს შვიდი კილომეტრის სიშორეზე ქალაქის დასავლეთით. სოფელ თექალედან მთებში ბილიკი ოთხთა ეკლესიამდე მიდის. სოფლის სახელი თექალე (თეკალე) თურქულად ნიშნავს „ერთ-ციხეს“ ან „ცალ-ციხეს“. სოფელთან დგას ერთი დიდი

კოშკის ფორმის კლდე, რომლის მწვერვალზე პატარა ციხეა. კლდე ძალზე ციცაბოა, ციხემდე ასვლა თითქმის შეუძლებელი ჩანს.

ბილიკზე არავინ შემხვედრია. ირგვლივ არც არაფერია გარდა ტყისა და მთებისა. მე ცოტა მეშინოდა კიდევ, მარტო რომ ვიყავი. შვიდი კილომეტრის გავლის შემდეგ მთათა შორის მოულოდნელად გამოჩნდა უზარმაზარი ეკლესია.

ეკლესიის ახლომახლო არავინ ცხოვრობს და იგი სრულიად მიტოვებულია. ალბათ, იშვიათი მგზავრების გარდა, ეკლესიას არავინ სტუმრობს. რამდენიმე კილომეტრის სიშორეზე მთაზე ჩანდა პატარა დასახლება, მაგრამ იქამდე მისვლა ვერ მოვახერხე.

ეკლესიას მშვენიერი, დიდი ეზო აქვს. ზოგან შემორჩენილია ქვით ნაშენი გალავნის ნაშთები. გარეგნულად თითქმის არ ეტყობა ნგრევის კვალი, თუმცა შიგნით კედლებიდან ჩამოცვნილი ქვები ყრია და ცოტა ბნელა კიდევ. ეკლესიის უკანა მხარეს მიშენებული პატარა სამლოცველო ძალიან დაზიანებულია – სახურავის გარეშეა დარჩენილი. ეკლესიის შიგნით აღმოსავლეთ კედელზე ჯერ კიდევ ჩანს ოდნავ წაშლილი ფრესკები, სადაც წმიდანები და მეფეებია გამოსახული.

22 აგვისტოს, საღამოს, შავშეთიდან (ავაბ) გავემგზავრე სოფელ ჯევიზლიში (ჩევიზლი), რომელიც ჩრდილოეთით, თითხმეტი კილომეტრის სიშორეზე მდებარეობს. სოფელ ჯევიზლის ადრე თურქულად ერქვა „თიბეთი“ (თიბეტ), ანუ ქართულად „ტბეთი“.

სოფელში შემორჩენილია ტბეთის ეკლესიის ნანგრევი, ძალიან დაზიანებული სახით. ეკლესიას უკვე სულ აღარ აქვს სახურავი. ჯერ კიდევ, დიდი ბზარით დგას მარტო აღმოსავლეთ მხარის კედელი. ჩრდილოეთსა და დასავლეთ მხარეს შემორჩენილი აქვს კედლების ნაწილი. შიგნით აღარაფერია. ბალახი ხარობს, გარეთ. ყრია დიდი ქვები, რომლებიც ადრე, ალბათ, სახურავის და კედლების ნაწილს შეადგენდა.

ეს დიდი დაზიანება იმის გამოა, რომ, როგორც ერთმა სოფელმა მიახმო, ოცდაათიოდე წლის წინ აუფეთქებიათ ეკლესია, რომელიც მაშინ ჯერ კიდევ სრული სახით იდგა მტკიცედ. მან ასევე დასძინა, არსებობს გადმოცემა, ეკლესიის ქვემოთ, მიწაში გათხრილი იყო გვირაბი, რომელიც ძალიან შორს მიდიოდა.

23 აგვისტოს ქალაქ არტანუჯში (რტანუ) ჩავედით. იქიდან სამხრეთ-აღმოსავლეთით ჩვიდმეტი კილომეტრის სიშორეზე მდებარეობს სოფელი ბულანიქი (ულან კ). ამ სოფლის განაპირას დგას შატბერდის ეკლესია. ეკლესიასთან მდგარი ფირნიში გვამცნობს, რომ მას იქაურები ენი-რაბათ-ს (ენი ღაბატ) ეძახიან, ქართულად დაახლოებით ასე უღერს: „ახალი სადგომი“.

ეკლესია სოფლისკენ მიმავალ გზაზე დგას. იგი ზემოხსენებულ სამ ეკლესიასთან შედარებით პატარაა. დაზიანებული აქვს სახურავი და კედლები, მაგრამ გუმბათი კარგად არის შემორჩენილი და დასავლეთ კედელზე ლამაზად გამოიყურება ჩუქურთმა.

შიგნით სოფლელები თივას ინახავენ. კედლები ზოგან ჭვარტლითაა გამავებული და ფრესკების კვალიც არსად ჩანს. შიგნით, აღმოსავლეთ კედელზე, მაღლა ერთი პატარა ხერელია. ერთი სოფელი მომიყვა, რომ იმ ხერელში დამალული ყოფილა ოქრო, რომელიც რამდენიმე წლის წინ ვიღაცას აღმოუჩენია და ფარულად წაუღია. იმ ხერელში რამდენად შესაძლებელია განძის ან სხვა რაიმეს სამალავი ყოფილიყო, ძნელი სათქმელია. ხერელი ძალიან მაღლაა. მისი დათვალიერება ვერ შევძელი.

ეკლესიასთან, გორის შუაწელზე, ერთი პატარა ორმოა, საიდანაც ბუნებრივი ყინულივით ცივი ჰაერი გამოდის. ორმოს შიგნით პატარა ოთახია გაკეთებული. იმ ორმოს პირი იმ ზომისაა, რომ ერთი კაცი ძლივს თუ შეეტევა. როგორც ვარაუდობენ, ძველად, ალბათ, იქ ინახებოდა საკვები და სასმელი.

ეს არის იმის მოკლე აღწერა, რისი ნახვაც შეუძელი საძი დღის განმავლობაში. დაგეგმილი მაქვს მომავალში უფრო დიდი დრო დაუთმო ამ ტერიტორიაზე დარჩენილი სხვა ქართული ძეგლების დათვალიერება-აღწერას.


იასუპირო კოჯიმა

ახალგაზრდა ენათმეცნიერი, ქართველოლოგი. იაპონია. ტოკიოს უნივერსიტეტის თანამშრომელი. 2001 წ.


გადმოგზავნა ელექტრონული ფოსტით.

როგორც ჩვენი მკითხველი თავად დარწმუნდება, იგი საკმაოდ კარგად ფლობს ქართულს.

მაღლობას მოგახსენებთ ქალბატონ ცირა ჩიშვანიძეს, რომელმაც მოგვაწოდა ეს მასალა.



ოშკი. სარკმლის მოჩუქურთმებული დეტალი



„ტაძარი ოშკის... თეთრი თოვლით ათოვლებული“
ვრ. რობაქიძე



ოშკი. სემინარიის შუანავის ხედი

* * *

გერმანელი მხატვარი ვერნერ რუდიგერი საქართველოში პირველად 1979 წელს ჩამოვიდა... მან თითქმის მთელი საქართველო მოიარა. ნახა და შეისწავლა ქართული ხელოვნების ძეგლები. გამორჩეულად დაინტერესდა სამხრეთ საქართველოსა და განსაკუთრებით ტაო-კლარჯეთის არქიტექტურით. საგანგებოდ ჩავიდა იქ და საკუთარი ხელით ჩაინახა თითქმის ყველა ძეგლი, რომელიც კი ნახა. ბატონ რუდიგერს გულწრფელად უყვარს საქართველო და თითქმის ყოველ წელიწადს ჩამოდის აქ. მუშაობს, ხატავს... თბილისში რამდენიმეჯერ მოეწყო მისი გამოფენა და ქართველი საზოგადოება – მხატვრები, ხელოვნებისმცოდნენი, მწერლები იცნობენ და პატივს მიაგებენ მას.

ვერნერ რუდიგერი – ...მიუნენში, სადაც მე დაგიბადე, ცხოვრობდა ქართველი ქალბატონი ლია კუჭუხიძე. ბედმა შემახვედრა მას. სწორედ მან შემასწავლა ქართული წერა-კითხვა და ამჯერად ისევ მისი და ჩემი ქართველი მეგობრების დახმარებით, ცოტაოდენი ქართული ლაპარაკიც შევძელი. ვარ მიუნენის ქართული სათვისტომოს საპატიო წევრი. ასევე ქალაქ ლენში მოქმედებს საქართველოს მოყვარულთა საზოგადოება... ამ საზოგადოებაშიც ვარ... მისწარია, რომ გერმანიასა და საქართველოს შორის

მეგობრობის ხიდი თანდათან მყარდება... მე კი, ჩემი ცხოვრებით საშუალოდ ვარ დაკავშირებული ამ მშვენიერ და ნიჭიერ ქვეყანასთან... მის ხელოვნებასთან. ჩემთვის დიდი ჯილდოა თბილისის საპატიო მოქალაქის წოდება, რომელიც მე მამანიჭეს, დიდი ჯილდოა ის დიდი სიბოლო და სიყვარული, რომელსაც აქ ყოველ ფენის ნაბიჯზე ვგრძნობ.

გამოფენაზე, რომელიც საჯარო ბიბლიოთეკის საგამოფენო დარბაზში გასული წლის შემოდგომაზე ასოციაცია „საგანმურმა“ და აღმოსავლეთმცოდნეობის ინსტიტუტმა მოაწყო, ტაო-კლარჯეთის ძეგლების ამსახველი ფოტო ნამუშევრების გვერდით, გამოტანილი იყო, აგრეთვე, ვერნერ რუდიგერის გრაფიკული ნამუშევრებიც ტაო-კლარჯეთის თემებზე.

ბატონი რუდიგერი შვიდჯერ იყო ტაო-კლარჯეთში. აი, რას ამბობს იგი „ქართული ტაძრები სიმბოლოა სისუფთავისა... ეს არის ქვათა ჰარმონია. მე მათში იდეალი ვიპოვე. ძველი ქართული ეკლესიების არქიტექტურა უნიკალურია მთელ მსოფლიოში“.

ჩვენ მხოლოდ დავსძენთ:

ვერნერ რუდიგერის გრაფიკულმა ნახატებმა დაამშვენა და მეტი შთაგონებით აავსო, თავისთავადაც ეს მშვენიერი გამოფენა.

რედაქტორის შენიშვნა:

ამ წერილებში უცხოელ ავტორთა გულისტკივილი იკითხება... მაგრამ იცვლებიან დრონი. მადლობა უფალს, დღეს თურქეთი ჩვენი მეგობარი სახელმწიფოა. ეს მათ ტერიტორიაზე არსებულ ტაძრებსაც დაეტყო. ახლა საქართველოდან განუწყვეტლივ მიემგზავრებიან ექსპედიციები ტაო-კლარჯეთსა და ლაზეთში... გვაქვს იმედი, თურქი მასპინძლების კეთილგანწყობა სათანადოდ აისახება იქ არსებული ქართული ხუროთმოძღვრების გადარჩენილ ნაგებობებსა და ჩვენს თანამოძმეებზე – ჩვენებურებზე.



ოშკი. სამხრეთის ფასადი. X საუკუნის 60-იანი წლები

ოშკის მძლე ტაძარო, ათასი წელია,
დგახარ და ღაღადებ.
კვლავ ანთებ ჩირაღდანს, კვლავ მზემდე მალღლები,
მრავალჭირნახადო!
კვლავ შენი სარკმლებით მაღალი სიბრძნისა
ინთება სანთელი...
კვლავ თავზე ევლება აქ ქართულ ასოებს
აჩრდილი იმათი,
მორჭმულთა მამათა, – გიორგის, ექეთიმეს,
ლაზარეს, ზოსიმეს...
ათასი წელია, მზესავით გვიბრწყინებ,
შარავანდ მოსილო!...

აფხაზეთი და ტაო-კლარჯეთი ქართველთა ეროვნული კონსოლიდაციის კერები

თანამედროვე ისტორიოგრაფიაში მიღებული თვალსაზრისით, ქართული ეროვნების ფორმირება დასრულებულა XI საუკუნეში, განსხვავებით ძველი ქართული ისტორიოგრაფიისაგან, რომელსაც მიაჩნია, რომ ქართული ეროვნული ერთობა ფარნავაზის სახელმწიფოს შექმნის დროს უკვე არსებობდა.

IX-X საუკუნეებში, და საერთოდ, არაბთა ბატონობის შემდეგ, მკვლევართა თვალსაზრისით, ქართველური ტომების კონსოლიდაციის კერები ყოფილა ტაო-კლარჯეთი და აფხაზეთი.

გ. წულაიას აზრით, აფხაზეთის სამეფოს შექმნა ყოფილა ქართველური ტომების კონსოლიდაციის ერთ-ერთი ეტაპი: „Начав историю объединения грузинских земель с образования Абхазского Царства, автор „Летописи Картли“ не оставляет сомнения в том что в данном акте необходимо видеть объединение западногрузинских земель. Это был один из этапов консолидации картвельских племен“.

საინტერესოა, როგორი ეთნიკური შემადგენლობისა იყო ქართველური ტომების კონსოლიდაციის კერები – ტაო-კლარჯეთი და აფხაზეთი.

ტაო-კლარჯეთის ეთნიკური შემადგენლობის შესახებ თანამედროვე მკვლევართა შორის, ნ. მარის შემდეგ, აზრთა სხვადასხვაობა არსებობს. „ქართლის ცხოვრებისა“ და სხვა წყაროთა მიხედვით ტაო-კლარჯეთი და საერთოდ სამხრეთი საქართველო მუდამ ქართველების ქვეყანაა. თანამედროვე მკვლევრები მიდიან დასკვნამდე, რომ ტაო-კლარჯეთის აბორიგენი მოსახლეობა იყო ჭანურ-მეგრული, რაც სრულებით არ ეწინააღმდეგება ძველ ქართულ წყაროებს. თავის დროზე ნიკო მარმა, თავისი ცნობილი დასკვნებიდან გამომდინარე, გამოაცხადა, რომ ტაო-კლარჯეთი თითქოსდა სომხური ქვეყანა იყო, ხოლო ამ მხარეში ქალკედონიტთა გამარჯვების წყალობით მოსახლეობა გაქართველდა – თითქოსდა საქართველო

ველო გამდიდრდა ტაო-კლარჯეთის მოსახლეობით.

ტაო-კლარჯეთი მუდამ ქართველებით იყო დასახლებული. ის ქართლის სამეფოში შემავალი ქვეყანა იყო. „ქართლის ცხოვრების“ მიხედვით, ქართლოსს მიეცა ქვეყანა, რომლის სამხრეთი საზღვარი გადის მთაზე, რომელიც „მიჰყვების დასავლით კერძო, რომლისა წყალი გარდმოდის ჩრდილოთ კერძო და მიერთვის მტკუარსა, რომელ მიჰყვების მთა შორის კლარჯეთსა და ტაოს ვიდრე ზღუამდის“; „ოძრქოსს მისცა ტასისკარითგან ვიდრე ზღუამდე სპერისა, ქუეყანა კლდოვანი. ამან ოძრქოს ალაშენა ორნი ციხე-ქალაქი: ოძრქე და თუხარისი“; „ჯავახოსს მისცა ფარავნითგან ვიდრე თავადმდე მტკურისა და ამან ჯავახოს ალაშენა... ქალაქი არტანისა, რომელსა... ჰქვან ჰური“; ფარნავაზ „მოვიდა კლარჯეთს და დაიპყრა კლარჯეთი“. ფარნავაზ „უამითი-ჟამად მივიდის ეგრისს და კლარჯეთს, მოიკითხნის მეგრელნი და კლარჯნი“, „ანდრია მოაქცივნა მეგრელნი და წარვიდა გზასა კლარჯეთისასა“.

მეთორმეტე მეფე ფარსმანის დროს სომხეთის სამეფომ შეიერთა ქართლის სასაზღვრო ქვეყნები. მეფის ძემ არზოკმა განიზრახა „ძიება საზღვართა ქართლისათა“. „და იყო კლარჯეთს ერისთავი არზუკ მეფისა... და იგი ავნიბდის საზღვართა სომხითისათა, ქუეყანასა პარხლისასა, რომელს არს ტაო, და ვერვინ შევიდოდა მავნე კლარჯეთს“... იმპერატორი კონსტანტინე უბრძანებს ეპისკოპოს იოანეს: „სადაცა ვერ იჩინო ადგილთა ქართლისათა, ალაშენენ ეკლესიანი“. „და წარმოვიდა ეპისკოპოსი... და ვითარ მოიწიენეს ადგილსა, რომელსა ჰქვან ერუშეთი და დაუტევნა ხურონი საქმედ ეკლესიისა“. ვახტანგ გორგასლის ყმაწვილობის დროს შემოჭრილ ოსებს „დაურჩეს წარუტყუენველად ჰქვნი ქართლისანი: – კახეთი და კლარჯეთი და ეგრისი“. გორგასალმა დანიშნა „არტავაზ, ერისთავი კლარჯეთისა. ვახტანგმა „დასუა ერთი ეპისკოპოსად კლარჯეთს, ეკლესიასა ახიზისასა, ერთი არტანს ერუშეთს“. ჰერაკლე კეისრის დროს

„კუალად წარიღეს ბერძენთა საზღვარი ქართლისა; სპერი და ბოლო კლარჯეთისა, ზღვს პირი. და შვილნი სტეფანოზისნი დარჩეს კლდეთა შინა კლარჯეთისათა“. არჩილ მეფემ ქალი „ერთი მისცა მამის ძმისწულსა მისსა, შვილსა გუარამ კურაპალატისასა, რომელსა ჰქონდა კლარჯეთი და ჯავახეთი“.

მოყვანილი ამონაწერებიდან ჩანს, რომ „ქართლის ცხოვრების“ თანახმად, მეფე ფარნავაზიდან ვიდრე მეფე არჩილამდე, სამხრეთი საქართველო და ტაო-კლარჯეთი მუდამ ქართლის სამეფოში შემავალი ქვეყანა, თუმცა ზოგჯერ საბერძნეთი და სომხეთი თავიანთ სამეფოებს უერთებენ ქართლის ამ ქვეყანას. მაგრამ ამ დროს როგორც ქართლის სამეფო ხელისუფლების, ასევე ადგილობრივი ქართველების მიზანია გაათავისუფლონ ეს ქვეყნები და დაუბრუნონ ქართლოს. სარწმუნოებრივადც ქართლის „ხევთაგან“ პირველი სწორედ კლარჯეთი (და ეგრისი) იღებს ქრისტიანობას. ანდრია პირველწოდებულმა იქადაგა არა მარტო კლარჯეთში, არამედ ტაოშიც. ბერძენი ეპისკოპოსი, რომელსაც ნაბრძანები აქვს ქართლის სხვადასხვა კუთხეებში ააშენოს ეკლესიები, პირველ ეკლესიას აშენებს ტაო-კლარჯეთში. ვახტანგ გორგასალი კი უკვე კლარჯეთში ნიშნავს ეპისკოპოსს. კლარჯეთის მოსახლეობას, „კლარჯებს“, მოიკითხავს ხოლმე მეფე ფარნავაზი. კლარჯები ქართლის, ანუ თავის მამულის, მოყვარული პატრიოტები, კარგი მეომრები არიან: „მკუდრნი კლარჯეთისანი იყვნეს კაცნი მკურცხნი და მკედარნიცა“. როცა ქართლის სამეფოს მოსაზღვრე სომხეთის სახელმწიფომ სასაზღვრო ტერიტორიები ჩამოაჭრა, ვერ შეძლო კლარჯეთის დაპყრობა – კლარჯების მამაცობისა და მამულიშვილობის გამო, პირიქით, კლარჯეთის ერისთავი თავისი მეომრებით ამ მეზობელი სახელმწიფოს საზღვრებში იჭრება, მიტაცებული ტერიტორიების ქართლის სამეფოსათვის დაბრუნების მიზნით. აქედან ჩანს, რომ „კლარჯნი“ ქართველი ერის ნაწილია, ცხოვრობენ ქართველთა სამეფოში და ერთგულად იცავენ მას.

ასეთივე მდგომარეობა იყო დასავლეთ საქართველოში – „აფხაზეთში“. დასავლეთ საქართველოს ეთნოგრაფიული სახე „მსგავსი“ იყო ტაო-კლარჯეთის ეთნოგრაფიული სახისა.

ხაზგასმით აღსანიშნავია და ფრიად მნიშვნელოვანი ქართველი ერის ჩამოყალიბების

ისტორიისათვის, რომ სწორედ ტაო-კლარჯეთი და აფხაზეთი, ეთნოგრაფიული სახით თითქოსდა არაერთგვაროვანნი, იქცნენ „ქართველთა ეროვნების ფორმირებისა“ და ქართველური ტომების „კონსოლიდაციის“ კერებად. თითქოსდა „ქართული ეროვნების“ ჩამოყალიბებისა და შექმნის კერა უნდა ყოფილიყო შიდა ქართლი, რომელიც ეთნოგრაფიული სახით ერთგვაროვანი იყო და შედგებოდა მხოლოდ ქართველისაგან, მაგრამ IX-X საუკუნეებში, ქართული ეროვნების ფორმირების პროცესში ყველაზე ნაკლებად სწორედ შიდა ქართლი მონაწილეობს (არაბთაგან დაპყრობის გამო). ამ საქმეში აქტიური როლი აკისრია ტაო-კლარჯეთს და აფხაზეთს. იმ გასაოცარ ფაქტს, რომ ქართული ეროვნების ერთობის იდეა და ქართველური ტომების კონსოლიდაცია მოხდა იმ კუთხეებში, რომელნიც ეთნოგრაფიულად თითქოსდა არაერთგვაროვანნი იყვნენ, შეიძლება მოვუძებნოთ ერთადერთი მიზეზი: უკვე IX საუკუნეში და მანამდეც ჩამოყალიბებული იყო ერთიანი ქართველი ერი, რომლის საცხოვრისსაც წარმოადგენდა როგორც დასავლეთი საქართველო, ასევე ტაო-კლარჯეთი. სინამდვილეში ეს მხარეები ეთნიკურად ერთგვაროვანნი იყვნენ.

IX-XI საუკუნეებში ტაო-კლარჯეთისა და აფხაზეთის ქართული ეროვნული აქტიურობა, ამ მხარეებში ქართულ-კულტურული აღორძინება გამოწვეული იყო არა იმით, რომ იქ ახლად ჩამოყალიბდა ეროვნული ერთობის გრძნობა, არამედ იმით, რომ ქართველი ერის ეროვნული ცენტრები – მცხეთა და თბილისი, ასევე შიდა ქართლი, არაბთაგან იყო დაპყრობილი და იქ შეუძლებელი იყო ეროვნული კერების არსებობა. ამიტომ ეროვნულ ცენტრებად იქცა ქართველებით დასახლებული ის კუთხეები, რომლებზედაც მტერს ნაკლებად მიუწვდებოდა ხელი. ეს იყო, სწორედ, ტაო-კლარჯეთი და აფხაზეთი, მით უმეტეს, რომ ამ მხარეებში გადაინაცვლა ქართველი ერის პოლიტიკურმა ცენტრებმა. არაბთაგან ქვეყნის დაპყრობასა და ქართლის სამეფოს განადგურებას უნდა გამოეწვია არა „ქართული ეროვნების ფორმირების დასრულება“, არამედ, პირიქით, ქართველების დენაციონალიზაცია, რადგანაც არაბთა ბატონობას ისეთი დიდი ხალხის „დენაციონალიზაცია“ კი გამოუწვევია, როგორც იყვნენ ირანელები. გ. წულაიას გა-

მოკვლევის თანახმად, ქართველ ეროვნებას სახელმწიფოებრიობის ლიკვიდაციისა (VI ს.) და არაბთაგან დაპყრობის შემდეგ (VII ს.) „ძალზე მაღალი დონე ჰქონია ეთნიკური კონსოლიდაციისა“. ადვილი მისახვედრია, თუკი ქართველობას ეროვნული სახელმწიფოს გაუქმების შემდეგაც კი ეროვნული კონსოლიდაციის დონე ძალზე მაღალი ჰქონდა, კიდევ უფრო მაღალი იქნებოდა ქართველთა ეთნიკური კონსოლიდაციის დონე ეროვნული საერთო ქართული სახელმწიფოს არსებობის დროს. სწორედ ამას მიუთითებს დაუინებით „ქართლის ცხოვრება“. მეფე ფარნავაზიდან (III ს. ქრისტეს წინ) ვიდრე ვახტანგ გორგასლის შვილებამდე (VI ს.) ქართველ ერს უწყვეტად ჰქონდა ეროვნული სახელმწიფო, რომლის შემადგენლობაშიც უცილობლად შედიოდა როგორც დასავლეთი (შემდგენროინდელი „აფხაზეთი“), ისე სამხრეთი საქართველო (ტაო-კლარჯეთი).

ცხადია, ქართული ეთნიკური კონსოლიდაციის დონე ეროვნული სახელმწიფოს განადგურების შემდეგ შემცირდებოდა; და თუ იგი მაინც ინარჩუნებდა პირვანდელ სახეს, ეს იმაზე მიუთითებს, რომ ქართული ეროვნული სახელმწიფოს არსებობის დროს კიდევ უფრო მაღალი იქნებოდა, რაც ქართველი ერის არსებობის საფუძველს ქმნიდა.

ქართული ტომების ინტეგრაციის ერთ-ერთი მაჩვენებელი ქართული დამწერლობის შექმნაც ყოფილა. „ქართლის ცხოვრების“ თანახმად, ქართული მწიგნობრობა შეიქმნა ერთიანი საქართველოს მეფის, ფარნავაზის, დროს. ივ. ჯავახიშვილის აზრით, ქართული დამწერლობა სათავეს იღებს VII-VI საუკუნეებში ქრისტეს წინ, ხოლო რ. პატარიძის გამოკვლევის თანახმად, ქართული დამწერლობა შექმნილა V საუკუნეში ქრისტეს წინ.

არაბთა ბატონობის ოდნავი შესუსტებისთანავე ყოფილი ქართლის სამეფოს პერიფერიებში (რადგანაც ცენტრი დაპყრობილი იყო) – დასავლეთ საქართველოსა და ტაო-კლარჯეთში – განვითარდა და სწრაფად აყვავდა ქართული ეროვნული კულტურა, ეროვნული თვითშეგნების გრძნობა, ეროვნული სახელმწიფოებრიობა. ამის მიზეზი იყო ის, რომ არაბთა შემოსევამდე გაცილებით ადრე, როგორც დასავლეთ, ისე სამხრეთ საქართველოს მცხოვრებნი ეროვნულად ქართველები იყვნენ

და მათ ამის შეგნება ჰქონდათ. ამ მიზეზის გამო ქართული ეროვნული ცენტრები არაბთა მიერ აღმოსავლეთ საქართველოს დაპყრობის დროს გადავიდა დასავლეთ და სამხრეთ საქართველოში. სწორედ აფხაზეთი და ტაო-კლარჯეთი იქცა ქართველი ერის პოლიტიკურ ცენტრებად, ეროვნული სახელმწიფოებრიობა აღდგა, ქართული კულტურა აყვავდა. იმ დროს, როცა აღმოსავლეთი საქართველო (ქართული ეროვნების „ბირთვი“) არაბთა მიერ იყო დაპყრობილი და იქაური ქართველები ეროვნულ გადაგვარებას განიცდიდნენ, ქართული ეროვნული ერთობის, ქართული სახელმწიფოებრიობისა და კულტურის კერად აფხაზეთი იმიტომ იქცა, რომ არაბთა შემოსევამდე დიდი ხნით ადრე დასავლეთი საქართველო უკვე ქართული ქვეყანაა, რომლის მცხოვრებთ ქართველები ეწოდებოდათ. გ. წულაიას აზრით, ჯერ კიდევ ჩვენს წელთაღრიცხვის დასაწყისში ქართველური ტომების ინტეგრაცია ითვლიდა არაერთ ასწლეულს. ამავე თვალსაზრისს ადასტურებს „ქართლის ცხოვრებაც“.

ძველქართული ეროვნების კონსოლიდაციის ახალი ეტაპი დაწყებულა ქრისტიანობის სახელმწიფო რელიგიად გადაქცევის შემდეგ. ქართულ ენაზე წერილობითი ლიტერატურის შექმნა ქართველთა ეთნიკური კონსოლიდაციის მაღალი დონის ნიშანი ყოფილა. თვით საკუთრივ აფხაზეთშიც კი, ე.ი. ეგრისწყლისა და კლისურას იქით მდებარე ტერიტორიაზე, ქართულ წერილობით კულტურას ხანგრძლივი ისტორია ჰქონია ჯერ კიდევ ქართული მიწების გაერთიანებისთვის მოძრაობის დაწყების ადრეულ ეტაპზე. მით უმეტეს გაცილებით უფრო ხანგრძლივი ისტორია ექნებოდა მას ეგრისში, ანუ დასავლეთ საქართველოში, საიდანაც ეს კულტურა გავრცელდებოდა საკუთრივ აფხაზეთში. საუკუნეთა მანძილზე, არაბთა შემოსევამდე, ეგრისი პოლიტიკურად ქართლის სამეფოს შემადგენელ ნაწილად მიიჩნეოდა.

„...Грузинская историческая традиция вообще считала, что образование Абхазского Царства было первым актом в ходе собирания грузинских земель в единое государство. Именно этим обстоятельством и определялось... значение Абхазского Царства

в истории формирования общегрузинского культурно-исторического единства, и в этом древнегрузинские летописцы не сомневались“.


ქართული ისტორიული ტრადიცია ჯერ კიდევ აფხაზთა სამეფოს შექმნამდე დასავლეთ საქართველოს – ეგრისის მცხოვრებთ მიიჩნევდა ქართლის სამეფოს მცხოვრებლებად – „ნათესავით ქართველებად“. მემატიანეებმა იციან, რომ აფხაზეთის სამეფოს შექმნით დასავლეთ საქართველოს ეროვნული შემადგენლობა არ შეცვლილა. შეიცვალა მხოლოდ და მხოლოდ ქვეყნის სახელწოდება. დასავლეთი საქართველო, ანუ აფხაზეთი და სამხრეთი საქართველო, ანუ ტაო-კლარჯეთი, არა მარტო პოლიტიკურად, არამედ ეთნიკურადაც ქართული ქვეყნები იყვნენ.

სწორედ ამ მიზეზის გამო იქცნენ ეთნოგრაფიულად „არაერთგვაროვანი“ აფხაზეთი და

ტაო-კლარჯეთი ქართული ეროვნული ფორმირება-კონსოლიდაციის კერებად. სინამდვილეში ეს ქვეყნები ეთნიკურად ერთგვაროვანი იყვნენ და მათი მცხოვრებნი ძველთაგანვე – ძველქართული სახელმწიფოს არსებობის დროს – ეროვნულად ქართველებს მიაკუთვნებდნენ თავინთ თავს.

IX-X საუკუნეებამდე გაცილებით ადრე, დასავლეთ საქართველოს მოსახლეობას ქართველებად მიიჩნევდნენ არა მარტო ქართველი, არამედ უცხოელი ისტორიკოსებიც. V-VI საუკუნეებში ისინი ხშირად უწოდებდნენ დასავლეთ საქართველოს იბერიას.

მიტროპოლიტი ანანია ჯაფარიძე



იმხანი. ნერსეს დროინდელი, უძველესი შენობის საკუროთხევლის კოლონა

რად მწუხარე ხარ, სულო ჩემო, რად მწუხარე ხარ...

...კვალს საკონტროლო გამშვებ პუნქტში მესაზღვრებმა ჩვენი ექსპედიცია რაღაც ფორმალურების გამო თითქმის ოთხი საათი დააყოვნეს.

ვიჯექი ჩემთვის მარტო, წუჟად და რატომღაც, უნებურად მაგონდებოდა ამ სამი ათეული წლის წინ ჩემი ყოფნა სარფში. პირველად მაშინ ვნახე სახლვარი, ორად რომ ჰყოფდა სოფელს. პირველად მაშინ აღვიქვი მთელი სიმწვავეთ არა მხოლოდ სარფის, არამედ ორად გაყოფილი მთელი საქართველოს ტრაგიაში... მაშინ, ისევე, როგორც ახლა, ისეთი შეგრძნება მქონდა, თითქოს „მიწა კი არა, გადაეკეკათაო ჩემი სხეული.“

ცხადზე უცხადესი იყო ჩემთვის, ძველ ნაიარვეზე სიარული კიდევ უფრო გამიდრმავებდა ტკივილის გრძნობას, მაგრამ... ტაო-კლარჯეთის, კაბადოკიის, თუ ღაზეთის უნახაობაც არანაკლებ სამძიმო იქნებოდა. ამ მხარეზე დარდი და წუხილი ბევრ ქართველ მწერალს აკი საფლავში ჩაქვეა კიდევ; მათ შორის გიორგი ლეონიძესაც: „ისე დაგებრდი, ვეღარ ვნახე ტბეთი, შატბერდი, ვერც არტანუჯი, ოშკი, ხახული, როდის მოუვა მათ გაზაფხული?“

ყველა ერს აქვს, ალბათ, თავისი საგოდებელი. ჩვენ, ქართველებს, ისტორიის ბედუკუდმართობით, მთელი წყება გვერგო საგოდებელთა, რომელთა მხოლოდ ჩამოთვლა ესოდენ ღრმა ტკივილითა და სევდით ავსებს ჩვენს გულს.

ტაო-კლარჯეთი და ღაზეთი ამ საგოდებლის თავში დგას.

დიდი ილია წერდა: „ჩვენი ყოველი ცხოვრება იქ აყვავებულა, ჩვენს სიცოცხლეს იქ უწყვეტია, ჩვენი სულის ძლიერებას იქ აღუმართავს თავისი სახელთვანი დროშა, სწავლა, განათლება, მამულისთვის თავგამეტებული სიყვარული თითქმის იქიდან ეფინებოდა ჩვენს ქვეყანას. მძლავრობამ, მუხთლობამ, შავით მოსიღმა საქართველოს ბედმა განგვაშორა ჩვენ – ძმები.“

ფრიად საყურადღებოა, აგრეთვე, ფრანგი მოგზაურის ჟან მურიეს სიტყვებიც. მან მეცხრამეტე საუკუნის მეორე ნახევარში იმოგზაურა სამხრეთ საქართველოში: „ამაოდ ცდილობდა... ისლამი ექვსი საუკუნის განმავლობაში ცეცხლითა და მახვილით ეროვნული (ქართული) ცხოვრების ყოველ-

გვარი ნაშთის მოსპობას. ყოველი წყარო, მიწის ყოველი ნაგლეჯი ჯერ კიდევ მოაგონებს მოგზაურს საქართველოს ძველ ძლიერებას. ჭოროხის აუზში, მტკვრის სათავეების ახლოს ყრია მეთაფე-მეცამეტე საუკუნეებში აშენებული ტაძრებისა და შენობების ნანგრევები, რომლებიც საეკლესიო არქიტექტურის საუკეთესო ძეგლებს წარმოადგენდნენ. კლარჯეთი (ჭოროხის აუზის ძველი სახელწოდება) ბაგრატიონთა დინასტიის მეფეების აკვანი იყო... მეწვიდმეტე საუკუნის დასაწყისიდან ოსმალებმა ზემო ქართლში ქრისტიანობისა და პატრიოტიზმის სასტიკი დევნა დაიწყეს. შეუბრალებლად გაანადგურეს ისტორიისა და ხელოვნების ძეგლები. ერს ძალით მიაღებინეს ისლამი, მაგრამ ეკლესიებისა და ციხეების ნანგრევები ამ ხეობებს რომ ავსებს, ერის დიდებულ წარსულს მოწმობს; ერისას, რომელმაც ახიაში ქრისტიანობის ავანგარდის სახელი დაიმსახურა.“ უცხოელმა მოგზაურმა შესანიშნავად დაინახა და შეიცნო ის, რასაც ბევრი ჩვენი „მოყვარე-მტერი“ ვერ, თუ არ ხედავდა, არა მხოლოდ მაშინ – მეცხრამეტე საუკუნეში – ჩვენს დროსაც.

და მაინც, ნადიდგორალი და ნაშამქორალი საქართველოსთვის როდის დაიწყო დიდი დამე?

„ჩემს წინაპართა კვალს მივსდევ და მათ მსგავსად სიამოვნებით ვეომები ურწმუნოთა. მამის ჩემის სიკვდილის შემდეგ ხშირად მომიხდა მათთან ომი და დვთის მადლით, ბევრჯერაც გავიმარჯვე მათზე და ბევრი ქალაქიც დავიპყარი. გასულ წლებში მეზობელ ქრისტიან მთავრებთან ომი არ მომხდენოდა, უფრო მომეტებულად გავიმარჯვებდი ურწმუნოებზე.“

ეს იწერება 1460 წელს. დიახ, ჯერ კიდევ შეუძლია ყვარყვარე ათაბაგს რომის პაპსა და ბურგუნდიის მეფეს მისწეროს ასეთი რიხიანი წერილი. მაგრამ მისი პატრიოტიზმი სიტყვების მიღმა საშინელი ტრაგედიის დასაწყისი იმდებდა. „მეზობელ ქრისტიან მთავრებთან ომი რომ არ მომხდენოდა...“ ოსმალთა ურდოები საქართველოს სახლვარს უახლოვდებოდნენ, ყვარყვარე ათაბაგი და გიორგი მეფე კი ერთმანეთთან ანგარიშისწორებით იყვნენ გართულნი. თუმცა ჯერ არ დამდგარიყო დიდი დამე.

ჯერ კიდევ მძლავრობდა სული დავითისა და თამარის, რუსთაველისა და მთაწმიდელების, გრიგოლ ხანძთელისა და გიორგი მერსულესი, ჯერ კიდევ ისმოდა „ქება და დიდება ქართულისა ენისაჲ,“ რომელსა შინა საიდუმლო ყოველი დამარხულ არს.“ ჯერაც გუგუნებდნენ ხარები თშკისა და ხახულისა, ბანასი და პარხალის, ჯერაც ქართული ზეცა ოპიზარების მოჭედილი ჩანდა, ჯერაც გაუბზარავი იყო კედლები ტაო-კლარჯეთის ციხე-კოშკებისა, ჯერაც ლაზების მარჯვე ხელების ნაოსტატართი იფინებოდა საქართველოს მიწა-წყალი...

ჯერაც ისევ გაშლილი დროშებით, ცხენებზე ამხედრებულნი შედიოდნენ იერუსალიმში ქართველნი, შუა გაკვეთილი მამულის ჩივილი ჯერ არ ჰზარავდა ქართველი კაცის გულს, და სისხლს არ უყინავდა ძარღვებში. ჯერ ერთიანი იყო საქართველო ნიკოფსით ტრაპიზონამდე და ბასიანამდე გადაჭიმული. მაგრამ... უკვე დგებოდა დიდი დამე!

ურნობის აღამი პირველმა სწორედ ყვარყვარე ათაბაგმა აღმართა. მას მალე მიბაძეს სხვებმაც, მათ ძიძგილში, წყვება-გლეჯაში, „უჩემოდ ვით იმღერეთა“-ს მოძახილში, ოსმალთა უზარმაზარი ურდო კალიასავით მოედო სამხრეთ-საქართველოს, სპარსთა აღმოსავლეთს. სისხლით მოირწყო ქართული მიწა-წყალი: ქართლი, კახეთი, მესხეთი, ლაზეთი სისხლის ზღვაში ჩაიძირა.

ისტორიკოსი ფენევი წერს: „...ბაიბურთის მბრძანებელმა მაჰმად ხანმა მოიწვია მისი ოლქის მეთმრებისა და მოხალისე რაზმის შენაერთები და დაიწყო ქართული ვილაიეთების წინააღმდეგ ბრძოლა. ამათ მედგრად, პირისპირ შეხვდნენ ქართველებიც. ოსმალებმა ვერ მოასწრეს ძარცვა-გლეჯის დაწყება, რომ დაიწყო საშინელი ხოცვა-ჟლეტა. ამ ბრძოლას ბევრმა ქართველმა შესწირა თავი და ცოცხალი მტერს არ დანებდა. ბრძოლის შემდეგ სულთნის ჯარები შეეხივნენ მოსახლეობას და გაძარცვეს, აუარებელი ნადავლი გაიტაცეს; ქვეყნის დაპყრობის შემდეგ შემოიდგეს მმართველობის ოსმალური წესები... პირველად აიღეს ციხე-სიმაგრე თორთუმი... გაიტაცეს უთვალავი შევარდენისებური ბიჭები და ულაშახეხი ქალწულები.“

თუმცა დღევანდებობაც დიდად არ ჩამოუვარდება იმ ბარბაროსობასა და ვანდალიზმს. მარტო აფხაზეთში, გაგრაში, ცხინვალის მხარეში ნადენილი მხეცობანი კმარა საიდულსტრაციოდ. ბოროტება, როგორც ჩანს, ყველა დროსა და ყველა ეპოქაში უცვლელია.


მეტად საინტერესოა ერთი გარემოება: არც ოსმალ და არც სპარსელ ისტორიკოსს ახერხებისა და ხოცვა-ჟლეტის საზარელი სურათების აღწერასთან ერთად, არ ავიწყლებათ აღნიშნონ ქართველი ასულებისა და ჭაბუკების – „ამ სამოთხის ანგელოზთა“ – საოცარი სიღამაზე და მომხიბლავობა, მათი სიამაყე.

„მე ვთვლი ქართველებს ერთ-ერთ უღამაზეს ხალხად მსოფლიოში“ – წერდა იტალიელი მოგზაური პიეტრო დელა ვალეფრანგი მოგზაური ჟან ბატისტ ტავერნიე კი აღნიშნავს: „ქართველი ქალების უმრავლესობისთვის ბუნებას მიუნიჭებია ის სიტურფე, რომელიც სხვაგან არსად იპოვება,“ და რომ „იშვიათია სპარსელოა შორის (ისევე როგორც ოსმალთა), შაჰიდან მის უმდაბლეს ქვეშევრდომამდე ისეთი ადამიანი, რომ ან მამა ან დედა არ ჰყავდეს ქართველი, ან უკიდურეს შემთხვევაში ქართული სისხლი არ ერისთ ძარღვებში“ და ა.შ.

არქანჯელო ლამბერტის, შარდენს, იოსებ დელაპორტს, ქრისტეფორე კასტელის და ვინ იცის, კიდევ რამდენ უცხოელს აღნიშნავს ბუნების მიერ მომადლებული სიტურფე და გონების სიმკვირცხლე წვენი ხალხისა, რაც ხშირად ქცეულა წვენი უბედურების მიზეზად. „ოსმალონი ლაზებს უმეტესად იმიტომ აპნევდნენ ოსმალეთის სხვადასხვა ადგილებში, რომ ლაზები ღამაზი ხალხია. ოსმალონი ძალიან მისდევენ ამათ ნათესაობას. ლაზთა შვილებს ფულითაც ყიდულობდნენ და ასე იმორჩილებდნენ. ოსმალთა შეჭამა და დაამხო მოეყო ლაზისტანის ტომი.“ აღნიშნავს გერმანელი მეცნიერი კოხი და პირდაპირ წერს, ქართველების სისხლმა გააკეთილშობილა ახლო აღმოსავლეთის ხალხებით. ესეც არ იყოს, საქართველო ხომ დასაბამიდან ის ხიდი იყო, აღმოსავლეთსა და დასავლეთს შორის რომ იდო. ოსმალეთის იმპერია ამ ხიდისთვისაც ეომებოდა სპარსეთს.

ორი დიდი მტაცებლის ინტერესი ეჯახებოდა ერთმანეთს ამ პატარა ქვეყნის გამო, რომელიც თითქოსდა, მისდა საუბედუროდ, ყოველგვარი სიკეთით შეემყო არსთა გამრიგეს. ორივე მხარეს უწევდა ქართველს ხმლის ქნევა და განა მარტო ორ ვეშაპს ებრძოდა? როგორც ზემოთაც ითქვა, შინაურ მტრობას არანაკლები ზიანი მოჰქონდა, ვიდრე გარეშე მტრის მახვილს. დალატი, როგორც წესი, ფეოდალთა კლასის ბანაკიდან იწყებოდა...

დალატი ყოველთვის საშინელ ზიზღსა და სიძულვილს იწვევდა ხალხში, მაგრამ



დოღის ყანა



დოღის ყანის სარკმლის ჩუქურთმა

ამისდა მიუხედავად, თავად-ახნაურობის გარკვეული ნაწილის გადაბირებას მაინც ახერხებდა გარეშე მტერი. ხალხი კი იოლად არ თმობდა თავის ქართველობას, რაც გაიგივებული იყო მართლმადიდებლობასთან, იოლად არ „თათრდებოდა...“ აჯანყებებს აჯანყებები ცვლიდა. XVI-XVII საუკუნეებში თითქმის წელი არ გასულა უომრად! დამპყრობლის ტაქტიკა უცვლელი რჩებოდა: დახოცე, გაჟლიტე, აყარე, მიმოფანტე. სხვა მოდგმის ხალხი დაასახლე მის ნაფუძარზე, შეუმღვრე სისხლ-ხორცი გადააგვარე, გადააჯიშე. გადააშენე. მოისყიდე, გადაიბირე – ძალით თუ ნებით, ოქროს საშუალებით თუ თანამდებობით.

ოღონდ გურჯი ნუ იქნები. გამაჰმადიანდი, გაკათოლიკდი, გაბურძნდი, გასომხდი... რაც გინდა იყავი, ოღონდ – ქართველი ნუ იქნები. ყველასთვის მტარვალი იყო ოსმალეთი, ირანი, მაგრამ რაღაც საშველი ყველას ჰქონდა – ქართველის გარდა!

რამდენჯერ დამდგარა საბედისწერო უამი?

ჩვენი მართლმადიდებლობის, ანუ ჩვენი მეობის დაკარგვა, ჩვენი წარმომავლობის ხსოვნის წაშლა, ჩვენი გონების დაბნელება

ან სხვა ერში ათქვევა, თუ აღრევა – აი, უმთავრესი მიზანთ-მიზანი ყოველი ჯურის გადამთიელის.

მეთოდურად, დაუინებით მიდიოდა ეს პროცესი და ამ მხრივ ყოველი იმპერია ტყუპის ცალივით ჰგავდა ერთმანეთს, ჩვენი ზღაპრისა არ იყოს, დათვი რომ მართალი გამოდგა მეფლასთან და მგელთან, რადგან ძალით ერეოდა.

მეოცე საუკუნის მიწურულს ჩამოგვაჭრეს სწორედ აფხაზეთი და შიდა ქართლი... ერთხელ კიდევ იზეიმა ბოროტებამ, ისევე, როგორც მოხდა ეს საუკუნეების წინათ სამცხე-საათაბაგოში.

ოსმალობის დამყარება სამცხე-საათაბაგოში ფეოდალური საქართველოს უდიდესი მარცხი იყო. საქართველოს მოსწყდა და მისი ეროვნული კულტურის შემოქმედებაში აღარ მონაწილეობდა ქვეყანა, რომელიც საქართველოს ერთ მესამედს შეადგენდა. გადაგვარების გზას დაადგა ერთი ყველაზე უფრო დაწინაურებული და კულტურული შემოქმედებით დაჯილდოვებული ნაწილი. (ივ. ჯავახიშვილი, ს. ჯანაშია, ნ. ბერძენიშვილი).



კოაგმის ალტის ეკლესიის ნანგრევი

შენს ჩუქურთმებს ძილში ვხედავ

„ტაო, ტაო... ჩვენი ქვეყნის ლხინის დედა... შენს ჩუქურთმებს ძილში ვხედავ... შენს დაქცეულ ციხე-ბურჯებს... შენი ხანძთა, შენი ტბები, როდის აღდგეს იავარო, როდის იქნეს, შენი ბუდი შენს სადროშოს მიაბარო.“ არ შეიძლება არ მოგაგონდეს გრ. აბაშიძის ეს სტროფები, როდესაც მართლაც შეტვილად იავარქმნილი ტაძრებისა თუ ციხე-ბურჯების ხილვა იწვევს. და მაინც, ამ მწვავე ტკივილთან ერთად, შეუძლებელია მოწიწების გრძობამ ქედი არ მოგადრეკინოს გრიგოლ ხანძთელის, ამ „განსრულებული სიბრძნითა, კეთილად განმგებნი მოღვაწისა და უდაბნოთა ქალაქმყოფელის“ მიერ აშენებული ხანძთისა თუ შატბერდის წინაშე. გრიგოლ ხანძთელმა, ამ ბუმბერაზმა, მონოლითურმა პიროვნებამ „ყოველქამიერი“ ჰაპან-წყევტით შეძლო არაბებისგან გაუკაცრიელებულ, გაპარტახებულ მხარეში საძირკველი ჩაეყარა საქართველოს ეროვნული და სულიერი აღორძინებისთვის, რაც, უპირველესად, ქრისტიანული ზნეობის ამაღლებითა და დამკვიდრებით უნდა დაწვებულიყო.

თანდათან, ვით ბრძამულში, იწრთობოდა და კაუდებოდა გრიგოლ ხანძთელის სულისმიერი ძმობა, მამულისა და ერის აღზევების ძირითად მამოძრავებელ იმპულსად რომ იქცა შემდგომში. ამ სულიერი მამების თავგანწირულმა შრომამ და ღვაწლმა (გიორგი მერჩულის თქმით, „კაცი უნდა საქმობდეს და არა სიტყვით ვაჭრობდეს“, ანუ სახარებისეული სიბრძნით „საქმემან შენმან გამოგანინოს შენ.“), მათმა დიდმა ზნეობრივმა სიწმიდემ, გონიერებამ, ნიჭმა შეუმზადეს ნიადაგი საქართველოს „ოქროს ხანას“, ჩვენი ქვეყნის დიდებასა და სიძლიერეს. გიორგი მერჩულის თქმითვე: „ერი იგი საღვთო“ (რაც პერიფრაზია წმ. ნინოს ნათქვამისა, რომ „საქართველო არის ერი იგი სახეპურთ“) უნდა წარმოიწინიყო მთელი თავისი სულიერი სიდიადით! ამ სულიერ სიდიადეს ჩაეყარა სწორედ საფუძველი ტაო-კლარჯეთში. იმიტომაც იქცა იგი ქართული ეროვნული კულტურის დიდ კერად, მის მესამირკველად, რამაც დასაბამი დაუდო სწორედ ქვეყნის გაერთიანებასა და მის აყვავებას. მით უფრო აუტანელი იყო ამ ძირძველი ქართული მხარის, დიდებული ტაძრების თუ ციხე-კოშკების დანარჩენი საქართველოდან მოწვევებისა და დაკარგვის განცდა, თუმცა

ამ ბოლო დროს შეინიშნება გარკვეული ზრუნვა მათი სრული განადგურების შესახებ რეზოლუციად.

...ოშკის დანახვაზე შეუძლებელია ადამიანი არ გაოგნდეს. მისი გრანდიოზულობა და დიდებულება იმდენად შთამბეჭდავია, რომ მნახველს სუნთქვა ეკვრის, ცრემლი თავისთავად იწვევს დენას თვალებიდან. მახსოვს, ასეთი შეგრძნება მქონდა მაშინაც, სრულიად ახალგაზრდამ ბაგრატიის ნანგრევები რომ ვიხილე პირველად!..

გონს მოხული იწვევს საყდრის თვალიერებას. უღამაზესი ასომთავრული წარწერები გვაძინებენ, რომ იგი ბაგრატ ერისთავთ-ერისთავისა და დავით მაგისტროსის, იგივე დავით კურაპალატის მიერაა აგებული მე-X საუკუნეში. მშენებლობას უშუალოდ ხელმძღვანელოდა ვინმე გრიგოლი – ალბათ, ხუროთმოძღვარი, რომლის რელიეფური გამოსახულებაც დღემდეა შემორჩენილი სამხრეთის ერთ-ერთ სვეტზე. ცნობილია ქვის მჭრელების სახელებიც: სიხარულა, თვალ შავა...

კალამს არ ძალუძს აღწეროს ამ სულისშემძვრელი თაღოვანი სვეტების, ჩუქურთმებისა თუ რელიეფური გამოსახულებების, სვეტების, კაპიტელებზე გამოკვეთილ ანგულოზთა, მთავარანგელოზთა, ქერუბიმთა, სერაბიმთა სიმშენიერე: კომპოზიციებით თუ ეკლესიის მშენებელთა, ქტიტორთა, ქანდაკებათა, უღამაზეს ჩარჩოებში ჩასმულ ასომთავრულ წარწერათა მთელი წყება განუმეორებელ სანახაობას წარმოადგენს.

საოცარი მოწიწების გრძობა გუფუნდება იმათ მიმართ, ვისმა ნიჭმა და ხელმა ააგო ეს სასწაული ტაძარი!

აღმშენებელი, ისევე, როგორც ბანას, პარხალის, ხახულის, ოპიზის, ხანძთის თუ ოთხთას ეკლესიებისა – ქვეყნის მხოლოდ ერთი სამთავრო იყო! თურმე რა შეძლებია, რა ძალა ჰქონია მხოლოდ ერთ კუთხეს! და საერთოდ, ქართულ გენს! „ოქროს ხანამ“ აკი ნათელაჰყო კიდევ ეს შემოქმედებითი უნარი ჩვენი ხალხისა. გაერთიანებულმა საქართველომ აჩვენა, რისი შეტანა შეეძლო მას საკაცობრიო კულტურის საგანძურში, რა ძალებს ფლობდა, რამდენად მზად იყო მსოფლიო მასშტაბით მოღვაწეობისთვის, სწორედ XII საუკუნეში მიეცა საშუალება ხელახლა გამოებრწყინებინა დროთა განმავლობაში მინავლებული კოლხ-იბერთა

მიერ შექმნილი ცივილიზაცია, რათა შემდგომ ისევ წყვედარი დამდგარიყო, ისევ ისევ წისკვილის დოლაბი დატრიალებულიყო მის თავზე, ისევ ისევ ებანავა სისხლის ზღვაში.

...მეტად ქცეული პარხალისა თუ ხახულის შიგნიდან დათვალეირება ვერ მოეახერხეთ, ხოლო სადაც შესაძლებელი იყო, ანისხატის ეკლესიის მოძღვარმა, მამა რევასმა ყველგან მცირე პარაკლისი გადაიხადა, მგალობელთა გუნდის თანხლებით. ამდენი ხნის დუმისის შემდეგ ამ გაბზარულ-გახეთქილ კედლებში ქართული საგალობლების ხმა გაისმა. თავი სისმარში მეგონა.

ხახულის დანახვაზე უეჭველად გაგახსენდება თამარ მეფის მიერ ამ ტაძრისთვის შეწირული ხალიფას დროშა, შამქორის ომის ნადავლი რომ იყო. თამარი ისე მოიქცა, როგორც მისი დიდი პაპა დავით აღმაშენებელი... თამარი, დავით აღმაშენებელივით, დიდი პოეტური ნიჭითაც ეყოფილა დაჯილდოებული. მან ხახულის ღვთისმშობელს მიუძღვნა, აგრეთვე, იამბიკო ხუთეული. ამ იამბიკოში იგი თავის თავს იხსენიებს კიდევ: „მე, თამარ, მიწა შენი და მიერევე, ცხებულობასა ღირს-მეაე და ღვთისობასა ედემს...“

ძნელბედობის უამს იგავში უწვდომელმა ხელოვნების ნიმუშებმა და უძვირფასესმა ხელნაწერებმა აქედან შიდა საქართველოში აპოკეს თავშესაფარი. აქედანაა ღვთისმშობლის კარული – ჩვენი კულტურის ფასდაუდებელ განძს რომ წარმოადგენს.

* * *

როგორც ცნობილია, კონსტანტინე დიდის მიერ დაარსებულ ბიზანტიონში გადასწავლულ და ქრისტიანობა. ქრისტიანული კულტურის შექმნის პროცესში აქტიური მონაწილეობა მიიღეს სირია-პალესტინამ, კაბადოკიამ და პონტოს სამეფომ.

ძველი სამეარო კაბადოკიის ტერიტორიაზე ძირითადად მესხებსა და ტაბალებს – ამ ქართულ ტომებს იცნობს. მესხები არიან ახლანდელი კაბადოკიელების, აღნიშნავენ ევსტათი ანტიოქიელი, იოსებ ფლაბიოსი, ლეონ გრამატიკოსი (კაბადოკია არასოდეს ეყოფილა ეთნიკური სახელი – იგი დამახი ცხენების ქვეყანას ნიშნავს. სპარს.). გ. გოზალიშვილის მოსახრებით: „კაბადოკიის ტერიტორიაზე ახ. წ. IV საუკუნეში ჯერ კიდევ მოსახლეობდნენ მესხები, რომლებიც

„კაბადოკიელებად იწოდებიან“ და რომ „კაბადოკიელებში ყოველთვის... ტაბალები და მისი მონათესავე სხვა ძირითადი ქათველური ტომები იგულისხმებიან, ამ ტერიტორიას რომ ფლობდნენ ისტორიულად. სახელწოდება – კაბადოკია დამპყრობლებმა გაავრცელეს... ამ მიდამოებში, მთელი ისტორიის მანძილზე და თვით სტრატონის დროსაც ქართველური ტომები ცხოვრობდნენ. კაბადოკიელებად სწორედ ესენი არიან წოდებულნი... აქაური მოსახლეობის აღსანიშნავი ტერმინი „კაბადოკია“ შედარებით გვიან შემოდის ხმარებაში.“ ჰეკატე მილეეთელის ცნობით „მესხები კოლხური ტომია.“ ბიზანტიური წყაროებით VI საუკუნეშიც აქ (კაბადოკიაში) ძლიერი ტომია ჭანები. VIII ს-ში ძვ.წ-ით შექმნილ აღმინისტრაციულ-სამხედრო ოლქს ქალაქის თემი უწოდეს. „ყველა ქართული ტომის სამშობლო... ქალაქი იყო,“ აღნიშნავს ივ. ჯავახიშვილი. რაც შეეხება პონტოს სამეფოს, მის მოსახლეობას ძირითადად ტიბარელები, ჭანები (ანუ ქალები) და კოლხები შეადგენდნენ. „პონტოს სამეფოს ან აწინდელ ტრაპეზონის საფაშოში მკვიდრი მოსახლენი იყვნენ ჭანელები, რომელთა ენაც სრულად ემსგავსება მეგრულთა ენას“ (დ. ჩუბინაშვილი, გაზ. „ივერია,“ 1877 წ.).

ქართველი მეცნიერების აზრით (ე. ხინთიბიძე, გ. გოზალიშვილი, ი. დოლაშვილი), ბასილი დიდი, გრიგოლ ღვთისმეტყველი და გრიგოლ ნოსელი – დიდი საეკლესიო მოღვაწენი – წარმოშობით ქართველები არიან, ცხოვრობდნენ კაბადოკიაში და მონაწილეობას იღებდნენ ბიზანტიური კულტურის შექმნაში. ამათ, როგორც ცნობილია, ქრისტიანულ კაცობრიობას დაუტოვეს მდიდარი ლიტერატურული მემკვიდრეობა, რომელმაც დიდი როლი შეასრულა მართლმადიდებლური ეკლესიის ცხოვრებაში და დრმა კვალი დაანთა შუა საუკუნეების ფილოსოფიურ-თეოლოგიურ და დოგმატიკურ-პოლემიკური ლიტერატურის განვითარებას. ქრისტიანულ მსოფლიოში ეს მწერლები ითვლებიან წმიდათა წმიდა ავტორიტეტებად.

შემთხვევითი არც ის არის, რომ ქართულთა განმანათლებელი, მოციქულთა სწორი წმიდა ნინო კაბადოკიელია. ასევე კაბადოკიელია დიდმოწამე წმიდა ვიორგი, ვისი სახელობის 365 ტაძარი იყო აგებული საქართველოში. ხოლო ქრისტიანობის განმტკიცებას უთუოდ დიდად უწყობდა ხელს ლაზიკის, ანუ ეგრისის სამეფოს პოლიტიკურ-ეკონომიკური სიძლიერე, რომელმაც

განსაკუთრებით თავი იჩინა ახ. წ-ის IV-VII საუკუნეებში. კაბადოკიაში ბუნების ხელთუქმნელი საოცრებანი ადამიანის ხელთუქმნილ საოცრებებს ვრწმის.

დღევანდელ კაბადოკიაში წამილია ქართულის ყოველგვარი კვალი, თუმცა კაბადოკიის ეკლესიების მსგავსება ქართულთან ერთობ თვალში საცემია, ხოლო, რაც შეეხება გიურემის ცნობილ ღვთისმშობლის ფრესკას, იმდენად აშკარაა მისი მსგავსება ქართველი ქალის საქვეყნოდ განთქმულ ხატებასთან, ეს ბუდეშურა თვალები იმდენად ქართულია, რომ არ შეიძლება არ შეგძრას. მოწიწებისა და აღტაცების გრძნობასთან ერთად, შეუძლებელია მისევე გალაკტიონის „ღვთისმშობლის მხერამ, არ გაგიყვოს თავში, „საესემ ქართული პატიოსნებით...“

„რად მწუხარე ხარ სულს ჩემო, რად მწუხარე ხარ?“...

...უკვე ბინდებოდა, სარფში რომ ჩაუვლით. სარფი კვლავინდებურად გახლენილია ორ ნაწილად: „მელენარებად“ და „მოლენარებად“, ანუ გაღმელებად და გამოღმელებად. მის შუა გულში ისევ ისე დგას მინარეთი, წვერწამახული სვეტიურთ. და ისევ ისე, როგორც ამ სამი ათეული წლის წინ,


სარფის პირველი ნახეისას, გულში გახმიანდა პოეტის სიტყვები: „და მე მეგონა, მიწა კი არა, გადაეკვეთათ ჩემი სხეული!“ ამ მწარე სინამდვილესთან ერთად უნებურად გამახსენდა ერთი ძველი ლექსიც: „სარფი პატარა, სარფი რამხელა, რა გზის ნაჭერი, რა მინაკვეთი, სარფი სულ ერთი თვალის გახელა, გადარჩენილი სული კალხეთის.“

იმ საღამოს, სარფის სახლვარზე შევიტყვე ჩემთვის ახალი ამბავი: გამოდმა, ანუ წვენს მხარეზე, ანუ წვენს „წილ“ სოფელში, თურმე, ეკლესია შენდება! სრულიად საქართველოს კათოლიკოს-პატრიარქის, უწმიდესისა და უნეტარესის, ილია II-ის ლოცვა-კურთხევით. თურმე, ბევრი ღაზი უბრუნდება თავის წინაპართა რჯულს. იმ რჯულს ჯერ კიდევ ანდრია პირველწოდებულის მიერ რომ იყო აქ ნაქადაგვეი. „აღუდკვათილის“ მთაზე ათასობით ღაზი შეეწირა სწორედ ამ სარწმუნეებს!

და თითქოს ცხადად, გარკვევით შემომესმა სახარებისეული მოწოდებაც: „მღვიძარე იყვნით. მტკიცედ დექით სარწმუნეებასა ზედა. მხნე იყვნით და განძლიერდით ყოველივე თქვენი სიყვარულ იყავნ!“

ცნალა არღაშეული

მწერალი



პარნალი. აღმოსავლეთის ფასადი. X ს-ის 70-იანი წლები

რა განძი გვქონია...

საქართველოს მეცნიერებათა აკადემიის, აკად. გ. წერეთლის სახელობის აღმოსავლეთ-მცოდნეობის ინსტიტუტის თანამშრომლებმა და ძველთა კვლევისა და პოპულარიზაციის ასოციაცია „საგანძურმა“ თბილისელები მიიწვია საქართველოს ეროვნული ბიბლიოთეკის დიდ საგამოფენო დარბაზში, ისტორიული ტაო-კლარჯეთის ძველთა ამსახველი მასალის გამოფენაზე. ექსპოზიციამ, რომელიც ოთხ დღეს გრძელდებოდა, მნახველთა დიდი ინტერესი გამოიწვია.

შარშან, სექტემბრის ბოლოს, აღმოსავლეთმცოდნე მეცნიერთა ჯგუფმა, თურქოლოგების – პროფ. მიხეილ სვანიძისა და პროფ. მარია ჯიქიას ხელმძღვანელობით მოვინახულეთ ქართული ხუროთმოძღვრების უნიკალური ძეგლები, რომლებიც ამჟამად ჩრდილო-აღმოსავლეთ თურქეთშია მოქცეული. უკვე ორი წელი გადის მოგზაურობიდან. ეს გამოფენაც რიგით მეექვსე გახლდათ (მანამდე მოეწყო თბილისის სახელმწიფო უნივერსიტეტსა და სკოლებში), მაგრამ საოცარია, რომ არ ნელდება ის ამაღლებული განწყობილება, რომელიც უდაბათ ყველა იმ მნახველსაც, რომელთაგან ბევრი მეთორედ, მესამედ, ზოგი კი მეექვსედ მოსულა ამ ფოტოთა მოსანახულებლად.

მოდით, ერთად დავათვალიეროთ კედლებზე გამოფენილი მშვენიერი ფოტო-მასალა.

აი, ართვინი. უკვე შეღამებული იყო, როდესაც მთის ფერდობზე გაშენებულ, ისტორიული კლარჯეთის ამ უძველეს ქალაქს მივადექით. ართვინის ციხე აშოტ დიდს აუგია. ართვინის ვილაიეთში დღესაც ბევრი ქართველი ცხოვრობს.

პარხლისკენ მიმავალი გზა მდინარე ჭოროხის მიუყვება. აქეთ-იქიდან კლდეები დაუყდებულან. დაღარული, პირქუში კლდეები: „გზა მქვია, თორემ რა გზაა“ – უნებურად ვაჟა მახსენდება, ვერც გრძნობ, რომ სხვა ქვეყანაში ხარ, იმდენად ნაცნობი ბუნებაა, იმდენად ნაცნობი ხედეები. მთებზე შეფენილი სოფლები, ვენახები, სიმინდის ყანები... მართალია, პროფესიონალები არა ვართ, ვერც ფოტოაპარატების ხარისხით მოვიწონებთ თავს, მაგრამ ყოველი მათგანი დიდი სიყვარულით არის შესრულებული და, ალბათ, ამიტომაც ახდენს მნახველზე შთაბეჭდილებას.

ჭოროხისა და პარხლის შესაყარზე მდებარე პატარა ქალაქ იუსუფელიდან ჩრდი-

ლო-დასავლეთით მდინარე პარხალს ავუყევით. გზა იმდენად ვიწროა, რომ ერთი მანქანა ძლივს უქცევს გვერდს მეორეს. პარხლის სამონასტრო კომპლექსი და ვით III კურაპალატს X საუკუნეში აუგია. საცალფეხო ბილიკით მივადექით ტაძარს, უნიკალური ბაზილიკა შემკულია ორნამენტებით და ქართული წარწერებით. დღეს ტაძარი მენეთად არის ქცეული და, რაც არ უნდა პარადოქსულად მოგახევენოთ, ამიტომ უკეთაა დაცული.

პარხალი პირველი ქართული ძეგლი იყო, რომელიც სვენ ვნახეთ და ყველას ისეთი განცდა დაგვეუფლა, თითქოს დიდი ხნის მიტოვებული მშობლები, როგორც იქნა, მოვინახულეთ და გვიხარია, თანაც გული გვტკივა, სინდისი გვქენჯნის, აქამდე როგორ ვერ მოვახერხეთ... ეს განცდა არ მოგვშორებია მთელი სვნი მოგზაურობის მანძილზე.

ამ ფოტოზე სოფელ თექ კალესთან („ერთი ციხე“), მაღალი მთის წვერზე წამოშართული ციხე-სიმაგრეა აღბეჭდილი. გეზი სამხრეთის მიმართულებით, ბაგრატიონთა უძველესი სამყოფელისაკენ, ისპირისაკენ ავიდეთ. ამ გზაზე, სოფელ დორთქილისეში, მდებარეობს ტაოს კიდევ ერთი მნიშვნელოვანი სამონასტრო კომპლექსი, რომლის მთავარ ტაძარს X საუკუნის სამნავიანი ბაზილიკა – ოთხთა ეკლესია წარმოადგენს. ბაზილიკის გვერდით მონასტრის სატრაპეხო და დიდი სამნავიანი ნაგებობაა – სასულიერო სემინარია. აქვეა მცირე სამლოცველოც. ტაძარი შემოსილია თლილი ქვით, ძეგლი საკმაოდ კარგადაა შენახული. ოთხთა ეკლესია წითელი ვაშლების ფონზე – მშვენიერი ფოტო გამოვიდა.

ოლთისის მიმართულებით ვაგრძელებთ გზას. საშინლად ცხელა. მანქანას უჭირს აღმართზე ასვლა და კვლავ ფეხით მივიღვართ. დათო ჩხვიმე ამბობს: „უდაბნოს უკომპრომისო ბუნება და უკომპრომისო დიდი ქართველი მოღვაწეები: გრიგოლ ხანძთელი, საბა იშხნელი, ეფრემ მაწვეკრელი, არსენ კათალიკოსი!“ მომწონს შედარება.

მიუყვებით გზას, რომელიც მათი მოღვაწეობის პირველ ხანებში „კაცთაგან მიუყვალ იყო“... თაკარა მზე გვწვავს, დავიდალეთ, არაქათი გამოგვეცალა, მაგრამ უეცრად, თითქოს მიწიდან ამოიზარდათ მწვანეში ნაფლული სოფელი და სოფლის ცენტრში ეინულივით ცივი წყარო. სული მოვითქვით. ნავეყვეთ ორღობეს, სიმინდის ყანებს, ხი-

ლით დახუნძლულ ბაღებს. ნამდვილ რაჭულ სოფელს ჰგავს იშხანი. ტაძარი VIII ს. 30-იან წლებშია აგებული. იგი IX ს. დასაწყისში აღადგინა საბა იშხნელმა. ეკლესია საკმაოდ დაზიანებულია: გუმბათზე ძველი ქართული ფრესკებისათვის დამახასიათებელი საოცარი ლურჯი ფერით შესრულებული ჯვრის გამოსახულება იქვეეს ჩვენს ყურადღებას. როგორც ჩანს, სოფლელები ტაძარს და მის შემოგარენს გზად უვლიან. იქვე სკოლაა და ბავშვების ჟივილ-ხივილი აცოცხლებს გარემოს, მაგრამ იშხანი მაინც, რადიკალირად, სევდიანი გვეჩვენება. ვანთებთ სანთლებს და ჩვენც სევდამორეულები ვტოვებთ ტაძარს. ეს განწყობილება ფოტობიძანაც ჩანს.

ოშკისკენ მიმავალი გზა სულ ზევით და ზევით მიიწევს. უკან ჩამოიჭოვით თორთომის ტბა, სოფელი ჯამლიძარის და მივადექით ოშკის ჯვარგუმბათოვან ტაძარს, რომელიც შემკულია ნუქურთმებით და წარწერებით. წარწერები ტაძარს ბაგრატიონთა მთელ მატთანეს წარმოადგენს. ოშკიც საჭიროებს რესტავრატორის ხელს. ტაძრის კედლებზე მცენარეებია ამოსული, უკანა მხარეს სოფლელებს ბოსტნები მიუშენებიათ. კედელი შემურულია. მართალია, წინა ფასადზე ქვაზე ამოკეთილი ბარელიეფებისათვის ხის ბოძები შეუდგამთ, მაგრამ ერთი ძირს ჩამოვარდნილა და იქვე კედელზე მიუყუდებიათ. ეს ფოტოც შეგიძლიათ იხილოთ.

უკვე ბინდებოდა, ოშკიდან თორთომართისინს გზით სამხრეთისაკენ, ხახულის წყლის ხეობისაკენ რომ გავემართეთ. X საუკუნის დიდებული ხახულის ტაძარი ღამის წყვილადში ჩადირული დაგვხვდა. აქაც მუხლიანთა სალოცავი მენეთია და საკმაოდ კარგად არის დაცული. იმამმა – ოსმან დიდთანმა სპეციალურად ჩვენთვის გააღო ტაძარი და კვლავ ქართული გენის ოსტობით გამოწვეული აღფრთოვანება და სიამაყე გვეუფლება. ავანახაკუნეთ ფოტოაპარატები, აღვებეჭდეთ უნიკალური ქართული ორნამენტები და ბარელიეფები, რომლითაც ასე მდიდარია ხახულის განთქმული მონასტერი. აქაც, ისევე როგორც ტაო-კლარჯეთის სხვა მონასტრებში, შრომობდნენ, თხზავდნენ, ფიქრობდნენ ჩვენი დიდი წინაპრები: მიქაელი, თვალშავი, გიორგი, ჯაგარი და სხვ. მათ ხახულზე აქაც დავანთეთ სანთლები. შევწირეთ შესაწირავი, წიგნში გავაკეთეთ სამახსოვრო ჩანაწერი.

შუაღამე დგებოდა დავით III კურაპალატის რეზიდენციას, ოლთისს რომ მივადწიეთ. მთელი მოგზაურობის მანძილზე თითქ

მის არ გეძინებია და დაღვასაც არ ვგრძნობდით, მაგრამ მაინც გვესიამოვნა იქაური სასტუმროს ნორმალური პირობები.

ამ ფოტოზე კი ოლთისის ციხეა აღბეჭდილი. ქალაქის ცენტრში გორაკზე წამართული სამხედრო ნაგებობა თავისი მასშტაბებით გაკვირვებას იწვევს მნახველში. ციხე დღესაც იმავე ფუნქციას ასრულებს, რასაც მრავალი საუკუნის წინ.

კვლავ სამხრეთისკენ მივდივართ. მდინარე ბანა, სოფელი ფენეელი და რამდენიმე ასეულ მეტრში ბანას დიდებული ტაძარი. ექვთიმე თაყაიშვილს ბანა პირველად 1902 წელს მოუნახულებია.

ბანას ტაძარი წარმოადგენდა დიდი ზომის ტეტრაკონქს, რომლის შუაში აღმართული ყოფილა ცილინდრული გუმბათის ყელი. გუმბათის ქვეშა ბურჯების ნაწილი დღესაც შემორჩენილია. ნაგებობის სიმაღლე ოცდაათ მეტრს აღემატებოდა. სხვა ძეგლებისგან განსხვავებით, ბანა ბორცვზე დგას, გარშემო კი უხარმაზარი, თვალწარმტაცი ველია გადაშლილი. უნებურად აღაზნის ველი გაგონდება. „შენ ხარ ვენახს“ ვმდგურით, გული ღამის გაგვისკვს მდგეგარებისაგან. ბანას ფოტოები, ფოქტობ, გამორჩეულია მთელ ექსპოზიციაში.

ყარისის ვილაიეთში კი არტანის ციხის გადაღების უფლებას არ გვაძლევენ.

შუა საუკუნეების საქართველოს ამ ციხე-ქალაქს ქაჯთა ქალაქად და პურადაც მოიხსენიებენ. „ვეფხისტყაოსანი“ და თ. ნატროშვილი „მამრიეთ მადრიბამდე“ ამოტივტივდა. „უხორცო ქაჯები და მუელიდები“. ვინ გაცლის ფიქრს, სამხედროები ტერიტორიის დაცვებას გვთხოვენ, ჩვენც ვმორჩილდებით.

შავშვეთს თურქეთის შვეიცარიას უწოდებენ. ღანდშაფტი საოცრად ჰგავს ბორჯომის ხეობას, მისი ბუნებრივი გაგრძელება გგონია. ფიჭვის კორომები, სამკურნალო წყაროები, სვანეთის მკავე წყლებს რომ გაგონებს, მქუხარე, კამკამა მდინარეები. შავშეთი უპირატესად ქართველებითაა დასახლებული. გული გეკუმშება, როდესაც იმერხეულ დიალექტზე მოლაპარაკეთ ხვდები. კარგი იქნებოდა, დრო რომ გექონდეს ტექსტების ჩასაწერად. ერთმა მეგზურობა შემოგვთავაზა ტბეთის ტაძრისკენ მიმავალთ. სახელგანთქმული ტბეთი სოფელ ჯკვიზლიში („კაკლოვანი“) მდებარეობს. ამას წინათ გამოქვეყნდა თურქი მწერლის ფაქირ ბაიქურთის ნოველის ქთოვან ტომარადის ეული ქართული თარგმანი, რომელიც მეტად ამაღელვებლად გადმოგვცემს

თანამედროვე თურქი მწერლის დამოკიდებულებას ქართული ხუროთმოძღვრების ამ ძეგლის მიმართ და კიდევ ერთხელ რწმუნდება, რომ ნებისმიერი ერის კულტურული საგანძური მთელი კაცობრიობის კუთვნილებაა, განურსევლად რწმენისა და ეროვნებისა. სადაც არ უნდა მდებარეობდეს უძველესი ცივილიზაციის ნაშთები, მათი ისტორიის შესწავლა და მოვლა-პატრონობა სახელმწიფო ზრუნვის საგანი უნდა იყოს!

ტბეთის უნიკალური ტაძარი, სამწუხაროდ, თითქმის განადგურებულია. გუმბათი და სახურავი ნამოქცეულია. მხოლოდ კედლებიღაა შემორჩენილი. გულის ტკივილით ვიხსენებ ვახტანგ ჭკელიძის „ქართლის ცხოვრების ქრონიკებიდან“ ერთი მოგზაურის სიტყვებს: ტბეთის ტაძარი რომსაც კი დაამშვენიერებდა, ისე დიდებული და მშვენიერია იგი, ისე ნატიფია მისი დეტალებით. არ ვიცი, რამდენად კარგად შეძლო ნოდარიკომ ტბეთის ტაძრის გადაღება. პირადად მე, ძალიან მომწონს.

ღვთის მადლი იყო, რომ მთელი მოგზაურობის მანძილზე მზე უხვად დაგვნათა და მგზავრობას გვიადვილებდა. მიუხედავად იმისა, რომ თურქეთში გზები შესანიშნავად არის მოვლილი, 2000-2500 მ. სიმაღლეზე მიკროავტობუსის ფანჯრიდან ხავაღ ნაწილს სულ ვერ ხედავ და თავი ცაში აფრენილ შეველმფრენში გგონია. ტაო-კლარჯეთში შეიღები მყავდა წაყვანილი, ალბათ, კერც გავგედავდი, რომ მცოდნოდა, თუ რა რთული ტრასები გვქონდა დასადგევი.

ულამაზესმა გზამ მიგვიყვანა მწვანეში ჩაფლულ სოფლამდე – ბაღილარამდე, რაც ქართულად ბაღებს ნიშნავს. ოპიზა – ქართული კულტურის უძველესი კერა. ფოტოზე V საუკუნის ოპიზის მონასტრის ნანგრევებია აღბეჭდილი. ტაძარი ჯვარ-გუმბათოვანი ყოფილა, დღეს, სრულიად განადგურებულია. უნდა გითხრათ, რომ მიუხედავად ამისა, ოპიზა მთლიანად და მონასტრის ნანგრევები დიდ შთაბეჭდილებას ტოვებს, რაც, ვფიქრობ, ფოტოებიდანაც ჩანს. სოფლის მცხოვრებლები ცივი ღვინოთა და კაკლით გაგვიმასპინძლდნენ. ვიგემეთ ოპიზის ცივი წყაროც და კვლავ ბავშვთ-ართვის ნიხს გზას დავუბრუნდით.

ხანძია. გრიგოლ ხანძთელი – „ზეციისა კაცი და ქუეყანისა ანგელოზი“, „უდაბნოს ვარსკვლავი“, „ქსნის ზღუდე“. „ქრისტიანეთა სიქადული“...

საავტომობილო გზაზე კვლევ ჩამოშლილი დაგვხვდა და რომ არა ხეენი არანგულეობრივი მძღოლის სიმარჯვე, მოგზაურო-

ბის გაგრძელებას ნამდვილად ვეღარ შევძლებდით. მაგრამ აქაც წმიდა ადგილების მადლი შეგვექცია. ფეხით ავუყევით ხანძთის ეკლესიისაკენ მიმავალ კლდოვან ბილიკს. კვლავ გამახსენდა დათოს მშვენიერი შედარება: უკომპრომისო ბუნება, უკომპრომისო ადამიანები... ბილიკი არა და არ მთავრდება. ნამდვილ პილიგრიმებს ვემსგავსებით და სწორედ მაშინ, როდესაც სრულიად არ მოველოდით, გამობრწყინდა ხანძთის დიდებული ტაძარი.

ღვთის ხელი ურევია, თორემ, აბა, საიდან, ერთბაშად გახენილი ამდენი მწვანე, ამდენი ნაკალული. ამ სიმაღლეზე, მთაში, ვაზს ნამდვილად არ მოველოდით. შავი ქურძის ნამტკბარი მტკვნებიდან უძველესი ქართული კულტურა გამოკრთოდა. პროფ. ალექსანდრე ფოცხიშვილმა რამდენიმე მტკვანი დიდი სახლებით თბილისში ჩამოიტანა და თითო მარცვლი აკემა მეგობრებს და კოლეგებს – წინაპართა მადლს აზიარა ისინი.

ეს ფოტოები გრიგოლ ხანძთელის წყაროსთან, ფერდობზე მშვენიერი სოფლის ფონზე გვაქვს გადაღებული. ამ სურათებზე კი თავად ხანძთის ეკლესიაა აღბეჭდილი. ტაძარი საეკლესიო მდგომარეობაშია. ეკლესიის გუმბათი ძლიერ არის დაზიანებული. გუმბათის საყრდენი ოთხი სვეტიდან ორიღაა დარჩენილი. ოპიზაშიც, ხანძთაშიც და სხვაგანაც შემორჩენილია „განძის მადიებულთა“ კვალი. მონასტრის შიგნით და კედლებზე ამოსული მკენარეებიც აზიანებენ ნაგებობას. როგორც ჩანს, მონასტრებსაც და სამრეკლოსაც საქონლის სადგომად ხმარობენ ადგილობრივი მცხოვრებლები.

დოლისყანა და ამ ეკლესიაში დატრიალებული საშინელი ტრაგედია ყველას გახსოვთ: „...შეველტოდა აშოტ კურაპარატი ეკლესიად და მოწყდეს იგი მახვლთა საკურთხეველსა ზედა და შეისუარა საკურთხეველი იგი სისხლითა მისითა, რამეთუ დაკლეს იგი მუნ, ვითარცა ცხოვარი... და სისხლი მისი, რომელ მაშინ დაითხია, აწვა იხილვების, ვითარცა ახალი“. მიუხედავად იმისა, რომ დოლისყანის მონასტერში საკურთხეველი აღარ არის, კედლებიც შეთორებულია და ფრესკებიც წაშლილი, მეცხრე საუკუნეში დადერილი სისხლი „აწვა იხილვების“, როგორც გაფრთხილება მათი, „ჟინც არა იციან, რას იქმან“:

დოლისყანის ეკლესია კარგად არის დაცული, გუმბათია დაზიანებული მხოლოდ. ტაძრის კედლებზე შემორჩენილი წარწერები კარგად იკითხება. ტაძარი თრად არის გაყოფილი. ზემოთ მეწყეთია, ქვემოთ კი –

სამეურნეო სათავსები.

ეს ჯგუფური ფორტო ეკლესიის წინ გადავიდეთ იქაურ ქართველ დუმბაძეებთან, ბოლქვაძეებთან, ჭილაძეებთან, გელაძეებთან... ერთად.

ბინდებოდა, როდესაც არტანუჯში შევედით. არტანუჯის ციხე ვახტანგ გორგასლის აშენებულია. ვახტანგს ამ მხარის ერისთავად თავისი ძუძუმტე არტავაზი დაუდგენია და ციხე-სიმაგრის გარდა მისთვის მონასტრის აგებაც უბრძანებია. VIII საუკუნის პირველ ნახევარში მურვან ერუს შემოსევის შედეგად განადგურებული არტანუჯი IX საუკუნეში აშოტ I კურაპალატმა აღადგინა და ქალაქიც დააარსა.

დავდივართ არტანუჯის ქუჩებში. ვათვალიერებთ დღეს პატარა, პროვინციულ თურქულ ქალაქს. არტანუჯის ციხეს საუკუნეთა მსახვრალი ხელი დასტკობია.

ვერც ეკლესიის ნაშთს ვაგნებთ და ვერც კურაპალატის საფლავის კვალს...

ამ ფორტოსურათზე აღბეჭდილია ერთერთ კაფეში მაგიდის ფეხებად გამოყენებული ღოღები ქართული ორნამენტით. ვინ იცის, რამდენი ასეთი წარწერიანი ქვებია გაზიდული და განადგურებული. ვინ იცის, რამდენი საიდუმლო გაიყოფეს მათ თან... იქნებ რაიმე გადარჩა კიდევ და არქეოლოგებს შესაძლებლობა რომ მიეცეთ, რამდენი საიდუმლო გაცხადდება ნანგრევქვეშ დამარხული.

ანტანუჯის ციხე-ქალაქიდან თხუთმეტობოდე კილომეტრში მდებარეობს სოფელი ენი-რაბათი. ვახუსტებთ მარშრუტს ალ. გუგუნავას შესანიშნავი გზამკვლევეით და სულ მალე შატბერდის მონასტერში ვართ.

ისევ გიორგი მერჩულის ცნობებს შევახსენებთ. შატბერდის მოსავლიანი მიწები

აშოტ კურაპალატმა შესწირა ხანძთის მონასტერს. მოგვიანებით აშოტის ძის, ბაგრატ კურაპალატის შეწევნით გრიგოლ ხანძთელმა შატბერდშიც ააგო მონასტერი, რომელმაც მხარი დაუმშვენა ხანძთას. შემდეგშიც ბაგრატმა კვლავ შესწირა: „ადგილნი მარჯუენი აგარაკად შატბერდსა, და ყოველი. რაეცა უკმმა, მისცა მისთვის სრულად საშენებლად“, როდესაც ბაგრატის ძმებმა დაათვალიერეს შატბერდი, მათაც „შეწირეს მრავალი შესაწირავი...“ შემდეგმაც არ დაახანა, შატბერდის სავანეში მოღვაწე ბერებმა ეროვნულ კულტურას ფასდაუდებელი საგანძური შემატეს.


ტაძარი ძლიერ დაზიანებულია. ჩამოცვნილია ქართული ასომთავრული წარწერების ფრაგმენტები. ეკლესიის ნგრევა ახლაც გრძელდება...

გამოფენაზე წარმოდგენილი ფორტოების უმრავლესობა მამაწმიდის ეკლესიაშია გადაღებული. არაგინ მოელოდა, რომ ძლიერ დაზიანებულ, გარედან არაფრით გამორჩეულ ეკლესიაში ამდენი უნიკალური ფრესკა დაგვხვდებოდა. წმიდანთა მხოლოდ სახეები წაუშლიათ.

ვიდებთ უკანასკნელ კადრებს. მამაწმიდაშიც მშვენივრად ლაპარაკობენ ქართულად. ეს კია, ქართული წერა-კითხვა არ იციან. გულთბილად ვემშვიდობებით სოფლელებს და დაღმართს მიეუყვებით.

ბურნხაც გამოჩნდა, ჩვენი მოგზაურობის ბოლო პუნქტი. ეს ქალაქი ჭოროხის ქვედა წელში მდებარეობს. აქედან ჭოროხის ჩრდილოეთისკენ უხვევს და საქართველოში შემოდის. ჩვენც საქართველოში ვბრუნდებით...

პარინე ივანიშვილი



მამაწმიდა

მინაწერი ფილმზე „ტაო კლარჯეთი“

თუ ქართველი ხარ, რას ფიქრობ!
თუ ვაჟკაცი ხარ, რას შვრები!
გესმის?-იქ ტაო-კლარჯეთში,
როგორ მღერიან ბავშვები?

ეგ ლამაზი კაბა-წინდა, ვინ მოგიტანაო,
ჩემმა ძიძამ, ჩემმა კაკამ, მან მომიტანაო.
ეგ ლამაზი ბეწლუნგები ვინ მოგიტანაო,
ჩემმა მდადემ, ჩემმა დიამ, მან მომიტანაო...
გურჯისტანის ყვავილები ვინ მოგიტანაო,
ჩემმა ნეფემ, ჩემმა ღმერთმა, მან მომიტანაო...

სული არ შეგეწამლება?
გული არ დაგენაცრება?
რა ქნან, სანამდე გიცადონ,
გაცივებულმა ტაძრებმა?!
გუმბათებს უამი დაბელავს,
ღროს კი ზავთი და ხინჯები,
ხედავ, რა ბოღმით ბუქნავენ,
ხორუმს კლარჯელი ბიჭები?!
ჩემო ციხევ და ნათელო,
ჭირიმე შენი გამჩენის!
შიგნით რას მერჩი ქართველო,
გარეთ გკყავს გადასარჩენი!

ზურაბ ბორბილაძე

მუჰაჯირობა

მუჰაჯირი არაბული სიტყვაა და ნიშნავს სამშობლოდან წასვლას, გასახლებას სხვა მხარეში.

ჰზარავს საქართველოს, ყველაზე მეტად კი მესხეთის მხარეს ამ სიტყვის გაგონება. მუჰაჯირობა მისი მრავალტანჯული ისტორიის კიდევ ერთი აუნაზღაურებელი დანაკარგია. პირველად იგი დაიწყო 1828-29 წლების რუსეთ-თურქეთის ომის დამთავრების შემდეგ, როცა მესხეთი დაუბრუნდა საქართველოს... იგი თანდათან გაძლიერდა მომდევნო წლებში, ბერლინის კონგრესის გადაწყვეტილებით, ადრე ოსმალეთის იმპერიის ქვეშევრდომობაში მყოფ გამუსულმანებულ მოსახლეობას მიეცა არჩევანის უფლება – შეეძლო მიეღო რუსეთის ქვეშევრდომობა ან ოსმალეთში გადასახლებულიყო.

არც ერთ შემოსევას, არცერთ მტერს იმდენი ზარალი არ მოუყენებია ისტორიული ზემო ქართლის (სამცხე-საათაბაგო) კუთხეებისათვის, რაც მუჰაჯირობამ მიაყენა. ძირძველი ქართული მიწა დაიცალა მოსახლეობისაგან. თითქმის დაცარიელდა კოლა, არტაანი, შავშეთი, კლარჯეთი, ლივანა, მურღული, მაჭახელი, ტაო, აჭარა, ქობულეთი. გავერანდა და გაპარტახდა მთელი რიგი სოფლები. ყოველივე ამის უმთავრესი მიზეზი იყო ომის შედეგად შექმნილი უმძიმესი ეკონომიკური და სოციალური პირობები, ახლად შემოერთებულ მხარეში რუს ხელისუფალთა მმართველობის ბარბაროსული ქცევები. სამწუხაროდ, ისინი ყველანაირად უწყობდნენ ხელს მოსახლეობის გადასახლებას. ასეთ საქმიანობას შორს გამიზნული პოლიტიკად ედო საფუძველად.

ბათუმის სამხედრო გუბერნატორისადმი მიმართვაში, რომელსაც ხელს აწერს კავკასიის არმიის მთავარსარდლის მოადგილე სვიატოპოლსკი, ვკითხულობთ: „ბათუმის ოლქის მიღებით რუსეთმა მიიღო ბუნებრივი სიმაგრე კავკასიის საზღვრების ყველაზე უფრო საშიშ კუთხეში, რომელსაც ჰყავს მებრძოლი და ნახევრად დაუმორჩილებელი მოსახლეობა, ხალხი, რომელიც ოსმალეთთანაა დაკავშირებული რელიგიით; ამიტომ იგი საშიშ ელემენტს წარმოადგენს ციხის შიგნით და მისი

იქ ყოფნა შეუძლებელია. ადგილობრივი მოსახლეობა უნდა მოვიცილოთ“. იგი მოითხოვდა ამ ხალხის ასიმილაციას ან გასახლებას.

ახლად შემოერთებულ რაიონებში მეფის მთავრობამ მაშინვე შემოიღო ახალი გადასახადები და საოცრად უხეში მეთოდებით საჩქაროდ დაიწყო მისი აკრეფა.

მწვავედ განიცდიდა ამ მდგომარეობას მაშინდელი მოწინავე ქართველობა. ილია მართალი წერდა: „ქართველობაც, ხელი გაუწოდებენ ძმებსა და დებსა, რომელნიც დღემდინ შენთვის დაკარგულნი იყვნენ და რომელნიც დღეს შენთანვე მოვიდნენ. შევეწივნეთ, რამათც შეგვიძლიან: ფულით, საჭმლით, საცმლით... ვაჩვენოთ, რომ ძმობა, ერთმანეთის შევლა და გატანა – უქმი სიტყვა არ არის ქართველობისათვის... რომ ამ ძმობაში გამოიკვანძა ჩვენი ბედი...“ სამწუხაროდ, ეს მოწოდება ამაო დარჩა. საქართველო თავადაც მძიმე მდგომარეობაში იმყოფებოდა და ღონე არ შესწევდა; მოძმისთვის ხელი გაეწვდინა. შემოწირულობანი, ცხადია, გროვდებოდა, მაგრამ ძალზე ცოტა... ვერ დაეხმარნენ, ვერ უშველეს... ვერ უპატრონეს. ბევრად მეტ სითბოსა და ყურადღებას საჭიროებდნენ ახლად შემოერთებულები. სამწუხაროდ, მათთან თითქმის არავინ მისულა, არავის სანუგეშო სიტყვა არ უთქვამს და ისინიც თანდათან, ტანჯვით, წვალებით, ტკივილით აიყარნენ და წავიდნენ... მათ ნაფუძარზე კი უცხო ტომის ხალხი დასახლდა. ესენი იყვნენ რუსები, სომხები, ბერძენები...

ასე დაიკარგა მარტო ქართული მიწა კი არა, ქართული გენიც.

მაგალითად, ისტორიული ტაო-კლარჯეთი თითქმის ორმოც წელზე მეტ ხანს (1878–1921) საქართველოს ფარგლებში იყო დაბრუნებული და ამ ხნის განმავლობაში არც ერთ დიდ მწერალსა თუ პოეტს არ მოეფიქრებია ჩასულიყო ამ ძირძველ ქართულ კუთხეში, ფეხი დაედგა მის მიწაზე, გაეველო გრიგოლ ხანძთელის ნაკვალევზე, სანუგეშო სიტყვა ეთქვა ათას ჭირ-ვარამ გამოვლლი ადამიანებისათვის და როგორმე, ეზრუნა აქ ქართული სულის აღორძინებისათვის, ქართული სკოლების გახსნისათვის...

ისევ და ისევ, „ჩვენებურების ქართულიდან“ გვირდა მოვიტანოთ ის მწარე ჭეშმარიტების სიტყვები, რომელიც ამ მხარის ხალხის ტრაგიკულმა ბედმა ათქმევინა მის ავტორს.

„დაკარგული ძმების დასაბრუნებლად სისხლი მართლაც დაიღვარა. მალე მართლაც მოვიდა ის ბედნიერი დღე, რომელმაც ძმა ძმას შეაერთა, დედა-საქართველოს დაუბრუნა თავისი ღვიძლი შვილი, მაგრამ დაბრუნებულ მიწა-წყალზე ცხოვრება ისე არ წარმართა, როგორც ამაზე, დიდი ილია ოცნებობდა. ქართველი ხალხი მთლიანად როდი იყო ამაღლებული ამ ერისკაცამდე. ქართველებს შორისაც იყვნენ ვიწრო ეროვნულ ნაჭუჭში გამოშფეფდებული კაცუნები. მათ აღმაცერად დაუწყვეს ცქერა მუსლიმან ძმებს. „თათარი“ დაუძახეს იმ ქართველს, რომელიც საუკუნეთა განმავლობაში ოსმალეთის იმპერიის ქვეშევრდომობაში ცხოვრობდა, მაგრამ ყოველთვის „გურჯი“ ერქვა; „თათარი“ მათთვის ოსმალეზსაც კი არ შეურქმევიათ. ამ ხნის განმავლობაში ქართული იყო მისი „ნენეს ენა“... რუს მოხელეებსაც ეს უნდოდათ. გააჩაღეს აგიტაცია-პროპაგანდა: „თქვენ თათრები ხართ და სათათრეთში უნდა გადასახლდეთ“. ამასვე აკეთებდნენ ოსმალეთის იმპერიის ემიგრებიც. მტერი ცდილობდა საქართველოს დასუსტებას, რასაც სულ მალე მიაღწია. რუსის საიმპერატორო კარის წარმომადგენლებმა და მაღალი ჩინის მოხელეებმა ბრწყინვალე აგარაკები გაიჩინეს. აქედან გადახვეწილი მკვიდრი მოსახლეობა კი ოსმალეთში ტყეებს ჩეხავდა დაუსახლებელ ადგილებში და ახალ სოფლებს უყრიდა საფუძველს, ანდა, იქიდან გადახვეწილი რომაელების, ბერძნებისა და სომხების ნასახლარზე კერას აჩაღებდა.

ამ ეროვნული ტრაგედიით შეძრწუნებული ილია ჭავჭავაძე მწარედ კითხულობდა: „ნუთუ ხალხი ჰტოვებს ყველაფერს, რაც კი მისთვის ძვირფასია, – მამულს, დედულს, სახლ-კარს, ადგილს, სადაც დაიბადა, საცა გაიზარდა, საცა უმარხია დედა, მამა, ძმა და მიდის სად? ოსმალეთში... ეს დაუჯერებელი, ტვინის შემარყეველი ამბავი მხოლოდ მაშინ შეიძლება

მოხდეს, როცა ხალხს ეტყვიან: ან აქ სიკვდილი, ან იქ სიცოცხლე... რამ მიიყვანა საქმე იქამდის, ამ განწირულებამდე, ამ სასოწარკვეთილებამდე? რამ და იმანო, ამბობენ ყველგან, რომ ახლად შემოერთებულ ქვეყანას კალიასავით მიესია თურმე, ყველა კალიაზე უფრო მსუნავი, უფრო ხარბი, უფრო გაუმაძღარი წვრილი ჩინოვნიკობა... საცა სამსახურიდამ გამოდგებული კაცი იყო, საცა გამოუსადეგი, უხეირო, თავზე ხელაღებული იყო, ამ ახალ ქვეყანაში მოხელეობა მიიღო, აბა რა კეთილს დააყრიან ხალხსა? აბა რა მხრით დაანახებენ ისინი რუსის მთავრობასა, რუსის მმართველობასა?... მთავრობა მთავრობა კი არ არის, წეწვა-გლეჯაა, ზედ მისევაა, თავზარია ხალხისათვის. ამის შემდეგ ნულარ ჰკვირობთ, რომ დღეს, მეცხრამეტე საუკუნეში, რამოდენიმე მაგალითი ენახეთ ხალხის მამა-პაპეული ბინილამ აყრისა და გარდახვეწისა... დეე, ამაზედ ჩვენს შემდეგ ისტორიკოსი განცვიფრდეს, ჩვენ კი ეს გულისტკივილით შევნიშნოთ და შევიტანოთ ჩვენს მატეანეში“.

... ქართველი ხალხის მატეანეში ცრემლითა და ოხვრით ჩაწერილი მუჰაჯირობის ისტორია დღესაც გულს უკლავს მკითხველს და მწარედ ჩააფიქრებს ჩვენი ქვეყნისათვის სამუდამოდ დაკარგულ იმ ასეულ-ათასობით ქართველის ბედზე (რომელთა რაოდენობა მიახლოებით მაინც, ჩვენდა სავალალოდ, არავის აღურიცხავს საქართველოში), რომლებიც თვალცრემლიანი განშორდნენ მამულს და ადარ ელირსათ მშობლიური ცის დანახვა.

„ოსმანლიში, წამოსულ ხალხსა ეგონენ კიდო გადმოუალთ საქართველოშიო. – ამა რუსებმა კარები დააყაფანეს, რკინის ფერდე ააფარეს. ჩიტმა ველარ გადმოუფრინა აქეთ. მე ბალვი ვიყავ, თქვენიდან გადმოსულები რომე იტირებდნენ ბათუმის მოგონებაზე, ჰალადვე მახსოვს. სულ ტიროდნენ – ეი, გიდი, მემლექეთო, შორიდან ვიცეცქირებით, ველარ გნახეთო. ჩემი ნენეი იტყოდა: – მემენატრა სულ ყველაი... სამოცი წელიწადი ვახდა, კუცდი, ქე გეიხსნას ჰუღუღიო (ეი. საზღვარი).“

ნანა ლუქაშაძე

წიგნიდან: მუსულმანი ქართველობა და მათი სოფლები საქართველოში

წიგნის დასაწყისში – „ისტორია ოსმალეთის ყოფილ მუსულმან ქართველთ საქართველოში“, რომელიც 1911 წლითაა დათარიღებული, ამ კუთხის დიდი ჭირისუფალი და მოამაგე ზაქარია ჭიჭინაძე გვაუწყებს, ასეთი სულ ოცდახუთნაირი წიგნი გამოვა ქართველ მუსულმანთა შესახებო... ოცდახუთი არა, ათამდე წიგნი კი ნამდვილად გამოსცა.

მან მოიარა მთელი სამხრეთი საქართველო, სადაც კი მისწვდა, სადაც მიუშვეს... მოიარა, ურმით, სახედრით... ყველაზე მეტად კი ფეხით... დაგლეჯილი ქალამნითა და თავისი მარად ღარიბული შესამოსლით... მოიარა, რათა თავის გატანჯულ მოძმეთათვის დედა ენის წიგნები და ქართული ანბანი მიეტანა... გარშემო უსხდნენ მას მუსლიმანი ქართველნი ყველგან, სადაც კი მისვლა შეძლო და იგი უამბობდა მათ საქართველოს დიდ წარსულს... მათივე წინაპართა ამბებს, ვახტანგ გორგასლის, დავითის, თამარის, გიორგი ბრწყინვალის, მეფე ერეკლეს საქმეთა საგმიროთა... უკითხავდა რუსთაველის, შავთელის, ილიას, აკაკის, ვაჟას წიგნებს... დადიოდა საკუთარი სახსრებით, სულ მცირეოდენი საგზლით... და შემდეგ მოუშუშარი ტკივილით გულდამძიმებული წერდა ამ კუთხეთა ისტორიას... შესაძლოა, მის ნაწერებში ზოგი რამ სადავო იყოს, და ეს ბუნებრივია. იგი არ ყოფილა საქართველოს ისტორიის მემკვიდრე და უცილობელი მცოდნე მისი... მას მხოლოდ ეროვნული თვითშეგნება და ტკივილი აიძულებდა... და მაინც, ხშირად ძალზე საულისხმო ფაქტებია მის წიგნებში აღნუსხული. ყოველ სოფელში უნახავს და აღუწერია ეკლესიები, ხალხის ყოფა, საერთოდ, ცხოვრება. ჩაუწერია მრავალი გადმოცემა, აქა-იქ-ღა გადარჩენილი წეს-ჩვეულებანი, ლოცვები, ქართული მეტყველების ნუშუშები, ადამიანებთან საუბრები.

ყოველივე ამაში ხალხის ხსოვნაში შენახული წარსულის ამბებია. საინტერესო და მტკივნეულია მათი მოსმენა.

დიდია მისი ღვაწლი საქართველოს ამ მრავალნატიანე კუთხის წინაშე.

* * *


ვინც საქართველოს ისტორია იცის, იმას ისიც ეცოდინება, რომ ძველად, ვიდრე იგი მტერთაგან დაეცემოდა, მანამდის მის ერთ უმთავრეს ძალას დასავლეთ საქართველო შეადგენდა. ვიდრე ქართველებს აქ ფეხი ჰქონდათ გამაგრებული, მანამ მათ მტერი ვერას აკლებდა. ეს იყო ერთადერთი უმთავრესი სამხედრო ძალა. ჩვენმა მტრებმა კარგად იცოდნენ ეს და ამიტომ მათ უმთავრეს ნატვრას ის შეადგენდა, რომ საქართველოსთვის ეს მოხდენილი მხარე ჩამოეგლიჯათ და მის შემდეგ ესენი სხვასაც ადვილად დაიპყრობდნენ. ოსმალებმა წადილი აღისრულეს: აუარებლის სისხლის ღვრით და დევნა-ოხრებით დაიმორჩილეს საქართველოს ის დასავლეთი ნაწილი, რომელიც ცნობილია და ქებული ძველისძველად, არამცთუ მარტო ისტორიულს წიგნებში, არამედ, უცხო ტომთა მწერალთა ნაწერებშიაც.

საქართველოს აღორძინებამ ჩვენის მწერლების, გამოჩენილის პოეტების, მთარგმნელების, თუ მხედართმთავრების სავანე-გმირთად დასავლეთ საქართველოს ეს მხარეა მიღებული, ანუ სამცხე-საათაბაგო.


თუ ოდესმე საქართველო იდიდებოდა და სახელოვანებდა, ვიტყვით თამამად, რომ ყველა ამ დიდების და სახელოვნების მიმნიჭებელნი და მწარმოებელნი აქაური პირები იყვნენ. მეთხუთმეტე საუკუნის გასვლამდის, ჩვენ ვერ ვნახავთ ვერცერთს ნაშთს ჩვენის ძველის ცხოვრებისას, რომ მას ამ მხარის ბეჭედი არ აჩნდეს. ვერ ვნახავთ ვერცერთ ძველ ქართულს ხელნაწერს, რომ ეს წიგნი ან ამ მხარეში არ იყოს დაწერილი, ან თუ სხვაგან დაწერილა, ამასაც-კი ეს მშვენიერი მხარე არ მიმოველოს.

...აქ აღორძინდა ძველისძველად სხვადასხვა ხელოვნება: ქვის მჭრელობა ჩუქურთმის, მიწათ-მზომელობა, ვაჭრობა, ეჭიბობა და სხვანი.


აქვე აღორძინდა ქართული მწიგნობრობა, ტაძრების შენება, მათი ხელოვნება, მხატვრობა; შემდეგ დროში ქართველთა მწერლები, მთარგმნელობა, სასწავლებლები და სხვანი. აქედან გამოვიდნენ თითქმის ყველანი ჩვენი



თორთომის ციხე შაღალ
კუნძულზე, მდინარის შუაში



ოთხთა ციხე, მდ. ოთხთა ეკლესიის
წყლის მარცხენა ნაპირზე



ერსეს ყალა. მესამე ციხე. უკან
მოჩანს ართვინის მთები

დიდებული პირები: შოთა რუსთაველი, დავით საათაბაგოელი, შავთელი, იოანე პეტრიძე (პეტრიწი), გიორგი მთაწმინდელი, და სხვანიც მარავალი, რომელთა მოთვლა აქ საჭირო არ არის. ამ მხარის ტაძრების სიმრავლეც ხომ ყველასათვის ჭეშმარიტია. აქ ძველათ აღორძინებული სასწავლებლების ისტორიაც ხომ ცნობილია. კმარა, მართო ერთი ხახულის სასწავლებელი აღვნიშნოთ. მოკლედ რომ ვსთქვათ, ეს მხარე კერა იყო იმ დიდებისა და სახელოვნებისა, რაც-კი საქართველოს მიენიჭა და აღმოუბრწყინდა ოდესმე. ყველაფრის დასაწყისს აქ ეძლეოდა აღორძინება და ამის შემდეგ იგი იფინებოდა და ვრცელდებოდა მთელს საქართველოს კუთხეებში. ასე რომ, დასავლეთ საქართველოს წინაშე და ამით სამსახურს დღესაც კი მოჰყავს კაცი განცვიფრებაში. ამიტომაც იყო, რომ ვიდრე საქართველო დაეცემოდა, მანამდე ქართველი მეფეების პატივსადებულ და საქებელ მხარეთ ეს ნაწილი ითვლებოდა. თვითაც უმეტეს ნაწილ აქით ცხოვრობდნენ. აქ გაძლიერდნენ ბაგრატიონთა გვარის წარმომადგენნი.

დღეს კი, ეს ოდესმე დიდებულად წოდებული მხარე, და თითქმის დაზარალებულიც ჩვენის ყოვლის დიდების და სახელოვნების, ოსმალთა მიერ დაპყრობის და დევნილების მეოხებით, დავარდნილა ძირს. აქ ყველაფერი დაქვეითებულია და ჩვენი ძველი ქართველები, ჩვენი გამოჩენილი მესხნი იმდროისანი, არ არიან, რაც ოდესმე ყოფილან. აქ ყველაფერი ქართველებისა ფერფლად ქცეულა. აქ მხოლოდ ერთადერთი ქართული ენა არსებობს. ისიც ზოგიერთ ალაგას, ყველგან არა, რომელიც სამი საუკუნის განმავლობაში ათასის წვითა და დაგვით შეუნახავთ მაჰმადიანთ ქართველთა. მაღლობა ღმერთს, რომ მათ, ამდენის ხნის განმავლობაში, თავისი დედა-ენა მაინც დაიცვეს, სხვას ვინ რაღას სთხოვს. ახლა ჩვენი ვაღია, რომ ამ ძველად აღორძინებულ ერის შთამომავალთ შვილებს ყურადღება მივაქციოთ და მათის განვითარებისათვის რამე ვიზრუნოთ. ეს იყო თითქმის ჩვენი მამა-პაპების ნატვრა, წაძლილი და ანდერძი.

...აქაურ ქართველ მაჰმადიანთ ქალებმა ხომ ქართული ენის გარდა სხვა ენა არ იციან. თავიანთის დამწყვედულის ცხოვრებით ფაქიხათ დაუცავთ მათ ქართული ენა და ზნეჩვეულებას; პირბადე, ტანსაცმელი კი, ოსმა-

ლური აქვთ. აქ ქალი, კაცი თუ პატარა ბავშვი ყველა ქართულად მღერის. ამ დღეებში მოვისმინე იმათი სიმღერა, რომელსაც „ნაღურს“ ეძახიან. ზოგიერთს ჩვენებურს უქმე დღეებს ინახავენ, მაგალითად 20 ივლისს ამათ წმიდა ელიობა შეინახეს. ერთ ალაგს აქაური ხოჯა იყო, გგარად კობალაძე და ამან თქვა: ვინც დღეს იმუშავებს ყანაში, იმას ყანა გაუხმებო.

ამაებს გარდა, სხვა წმინდა დღესასწაულებსაც უქმობენ და ხშირად სამხეთო და შეწირულებაც იციან. ...ხოჯამ თქვა, ჩვენ ჩვენი საგვარეულო ეკლესია გვაქვსო.

გავიცანი ერთი აჭარელი, სულეიმან-ბეგ ბეჟანიძე. ...იმან სთქვა: ბატონო, თქვენ ფიქრი ნუ გაქვთ, ჩვენ ქართულს ენას თქვენზე უკეთ შევინახავთ. თქვენ ერთი ეს ბრძანეთ, რუსულს თქვენში უფრო ბევრი ლაპარაკობენ, თუ ჩვენში თათრულსო? ჩვენმა უმეტეს ნაწილმა ბეგებისა და მოღებისა არც თათრული იციან და არც წერა-კითხვა, მაგრამ თქვენში კი ყველა უცხო ენაზე ლაპარაკობენო, ნამეტურ ქალები. ჩვენში კი ერთ ქალსაც ვერ ნახავთ, რომ ის თათრულად ლაპარაკობდესო.

...ამას წინათ ერთი მაჰმადიანი წასულა ოსმალეთში მუჰაჯირად და მერე ისევ მალე დაბრუნებულა. იქ დარჩა მხოლოდ ამის დედა და ცოლიანი ძმები. დედა, თურმე, უკან მოსტირის აჭარას და თავის შვილს უთვლის, ნეტავ ერთხელ კიდევ დამანახვა ჩვენი აჭარა, მანდაური ღრუბელიო და მერე გინდ მომკლა და ერთ დღესაც ნულარ მაცოცხლო. მანდღან წამოსულებს ცრემლები მოსდით და მწარედ სტირიან თავიანთ ქვეყნისთვის.

...მესხეთი ქართული ენის კერა იყო. აქ ამ ენის ლამპარი ენთო — „მესხნი სწავლითა ქებულიო“. მთელი ერის კუთხეებში მცხოვრებთ ქართველთ ენას მესხეთის ქართველთ სუფთა ენა აჩირადღნებდა. დღეს კი ეს ასე აღარ არის. მესხეთი ქართულ ენით ნატამალობს. ქართული ენის ვრდომა აქ იწყება იმ დღიდან, რაც ეს კუთხე ოსმალეთის სამფლობელოდ გახდა.

...ოსმალეთის მთავრობა სდევნიდა ქართულ ენას და სწორედ ეს დევნა იყო მის მიზეზად გამხდარი, რომ ზოგ ალაგს ეს დევნილი ენა მაინც შეინახეს ქართველ მაჰმადიანებმა.

გულდასაწყავ სიტყვებს ჩვენ ბევრს არას ვიტყვით არტაანის შესახებ. რა უნდა დავსწეროთ ამ ჩვენს ტომზედ, როცა ამ კუთხეში

დიდი ხანია, რაც ქართველნი მოისპნენ და აღიგავნენ დედამიწის პირიდად. ყოველივე გარდაიქმნა, გარდაშენდა, გადასხვაფერდა.

არა მგონია, სადმე ასე უჩუმრად და შეუმჩნევლად გადაგვარდეს რომელიმე ერი და აღიგავოს თვისი სამშობლო ქვეყნის ასპარეზზედ, როგორც ეს მოუხდათ არტაანის ქართველთ, ოლთისს და სხვათა.

...ყველა ამ ადგილებს ქართველთაგან ეწოდება **ზემო ქართლი** და არტაანის ნაწილს **ერუშეთი**.

...არტაანელნი და მთლად მესხ-კლარჯნი ისე ცხარედ ომობდნენ ოსმალებთან, რაისა გამო ოსმალთა დიდი შიში აქნდა მათ.

...აქაური ქართველნი იყვნენ ბჭენი ქართველთა და გასაღები სიბრძნის წყაროსი.

...ერუშეთის და ერუშნელთა სამწყსოს შეადგენდა ბანას, ანუ ბანელთ მღვდელთმთავრის სამწყსო. ბანას საეპისკოპოზო კათედრა თავის დროს იყო ერთი უშესანიშნავეს ძველთაგანი მთელ საქართველოში. ამის მსგავსი შენობა ცოტა არის.

1840 წელს მოგზაურ ნემეცს, — ბოტანიკს კოხს უნახავს ეს ტაძარი. იგი ვაკვირებით წერს, — რომ მთელს აღმოსავლეთში ჩემს თვალებს ასეთი არაფერი უნახავსო. ბანას ტაძრის მსგავსია მხოლოდ სტამბოლში სოფიის ტაძარი. იმ დროს ბანას ტაძრის გუმბათიც კი მთელი ყოფილა და საყდრის კედლებზე მდგარა. ...დღეს კი ყოველივე დამხობას და მოსვრას არის მიცემული. ამ კუთხეში ასე დაეცა არა მარტო ეს შთენი და ძველი, არამედ რამდენიმე და მრავალი.

ამ კუთხის შესახებ ქართველ მაჰმადიანთ შორის დაშთა მხოლოდ ის ცნობა გარდმოცემით, რომ ერუშეთს, ანუ ზარუშეთს ძველად ქართველები მდგარან და ქრისტიანები ყოფილან, ჩვენი ძველები ისინი არიან თურმე და ადრე ჩვენც ქართველები ვყოფილვართო, ხოლო მერე მღვთის ბრძანებით გავთათრებულვართო.

...ოლთისი საქართველოს ისეთივე ნაწილი იყო და კუთხე, როგორც არტაანი, ყარსი, შავშეთი, ლივანი, ლაზისტანი და სხვანი.

...დღეს ოლთისელ ქართველთ შესახებ ჩვენ ბევრი რამ აღარა ვიცით რა. იგინი მოწყვეტილნი არიან ჩვენგან და ჩვენ მათთვის. ერთმანეთის ცნობა კი არადა, არსებობაც დაგვა-

ვიწყდა. დღეს ოლთისში ქართული ენის ყოველივე ნატამალობს. ამ ნატამალობის უმთავრესი საფუძველი ისლამი გახდა და ოსმალის სასულიერო წოდება. და მაინც, ამ თემის ქართველ მაჰმადიანთ შორის ზოგიერთ სოფელში ქართული ენა დაცულ და შენახულ არს. მაგალითად სოფლებში — მორთულს, სალაჩურს, ტაოსკარს, ნარიანს, ფენიაკს, ოლთისს, კოსორს, ყარაფაფხს, შარდუს, აგუნდარას და სხვაგანაც დღემდე, თურმე, ქართველი მაჰმადიანები მშობლიურ ენაზე ლაპარაკობენ.

ისტორიიდან ვიცით, რომ შავშეთი შეადგენდა კლარჯეთის ნაწილს. კლარჯეთად იწოდებოდა მთელი დასავლეთი საქართველო სამხრეთ-დასავლეთ არმენიის და დასავლეთ საბერძნეთის საზღვრამდე.

შავშეთი შესანიშნავია ყველაფრით: ბუნების, არქეოლოგიის, გეოლოგიის, მინერალოგიის, ბოტანიკის, ზოოლოგიის, ისტორიის წინანიშნების მხრით... ის ძველთაგანვე შესანიშნავი იყო თვით მცხოვრებთა ზნით, ხასიათით, ჩვეულებით და ლაპარაკით.

...იხშირად მომხდარა, რომ საქართველოზე მოსული მტერი მარტო შავშელებს გაუდევნიათ.

განათლების და მწერლობის აღორძინების დროსაც შავშელებს თითქმის უპირველესი ადგილი ეჭირათ, უმეტეს ნაწილი ჩვენის საეკლესიო მწერლობისა შავშელები იყვნენ. თვით ექვთიმე, იოანე და ფაქიჩენილი გიორგი მთაწმინდელიცა. ასეთ მოღვაწე პირთ სახელების მოხსენებას რომ გავჰყვეთ, მაშინ ეს ერთობ შორს წავა, რადგანაც შავშეთი თავის წარსულის ისტორიულის ცხოვრებით და მსწავლულ პირთა რიცხვით სავსეა. როგორც უწყიან, თვით შითა რუსთაფელიც აქ გაზრდილა, ტბეთის ტაძრის მახლობლად დაარსებულ სასწავლებელში, იოანე შავთელიც, რომელიც თავის თავს შავთელად უწოდებს, აქაური ყოფილა. იმერხევს და შავშეთს შუა სძევს სოფელი შავშთა, სადაც დაბადებულა იოანე შავთელი. დღეს ეს სოფელი წარმოადგენს ნატამალს. აქ აღარაფერია დაშთენილი, დროს, ჟამს აღუგავია.

სასულიერო და სამოქალაქო მოღვაწეებს გარდა, შავშეთში სასულიერო პირთა რიცხვიც ძველთაგანვე დიდი მწიგნობრებისაგან

შესდგებოდა. ჩვენს მეტად ძველს ისტორიულ მწერლობაში, რომელიც კი გადარჩა ყოველნაირს ცეცხლს და უბედურებას, შესანიშნავი ადგილი უკავია ტბეთის ტაძრის ეპისკოპოსის, სტეფანე მტბევარის აღწერას, რომელ ეპისკოპოსიც მეთუ საუკუნის დასასრულს სცხოვრობდა და რომელმაც მიხეილ ახალციხელის ცხოვრება აშოტ ერისთავთა-ერისთავის ბრძანებით აღწერა. ასეთ მწიგნობარ მღვდელმთავრებით სავსე იყო შავშეთი.

როდესაც არტანუჯისაკენ ბაგრატიონები გაძლიერდნენ, ამათ პირველად იცნეს საქართველოს დაკნინებული მდგომარეობა. მათ თავს იდევს საქართველოს გაძლიერების საქმე; განიზრახეს ქართველთ დანაწილებულ თემთა შეერთება და დაკავშირება. ასეთ პირთ იმ დროს, მათ ერთგულნი და გამოჩენილნი შავშელნი რომ არ ჰყოლოდათ, მაშინ ეჭვი არ უნდა, ბაგრატიონები ვერც აფხაზეთს დაიჭერდნენ და ვერც მთელს საქართველოს შეაერთებდნენ ერთ გვირგვინოსან პირის ქვეშ, მაგრამ ეს მოხდა შავშელ გმირთა მეოხებით, რომელთა ღვწასა და ამაგსაც „ქართლის ცხოვრება“ ცხადად მოგვითხრობს.

...შავშეთში დღემდის დარჩენილა ორი ნაშთი ჩვენის ძველის დიდებისა: ერთი ოპიზის შესანიშნავი ტაძარი, ნათლისმცემლის მონასტერი და მეორე ტბეთის საკათედრო ეკლესია. ტბეთის ეკლესია მთლად სდგას. მისი მშვენიერი გუმბათი დიდის დიდებით გადმოზხერს შავშეთს. კაცს გული აუტირდება, როცა შავშეთს ნახავს, მისს ისტორიას განსხენებს და ამ ეკლესიას.

...დღეს შავშეთში ქართული ენა აღარ არსებობს.


...შავშნი ჩვენი მამულის წინაშე დიდის დიდებით ბრწყინავენ.

...როგორც კარჩხალის მთიდან, ისე არსიანის მთიდან, ჩირულის, მირატის, ეფერატის, არტაპანის და ოლთისის მთებიდან მთლად ჩანს დასავლეთ საქართველო, მთლად ჩანს ის ნაწილი საქართველოსი, რაც დღეს ოსმალეთს უკავია ე. ი. პარხალი, ლაზისტანი, თორთომი, ხახული, იშხანი, ვანის კუთხე და ბევრი კიდევ სხვა ადგილები. როცა კაცი კარჩხალის მთიდან შეხედავს მთელ დასავლეთ საქართველოს და წარმოიდგენს მის სივრცეს, სილამაზეს, მოხდენილობას და, აგრეთვე, იმას თუ ამოდენა ადგილებში რამდენი ქართველობა უნდა ყოფილიყო ძველათ დასახლებული, უნებლიეთ გული შეუწუხდება. სწორედ ასე მომივიდა მე.

როცა მირატის ხეობიდან დასავლეთ საქართველო დავინახე, როცა ჩემ თვალწინ გადაიშალა ჩვენი დიდებული სამშობლო — თვალუწვდენელი სივრცის მქონი საქართველო, რომლის საზღვრები საბერძნეთს და არმენიამდი მიდის. ამოდენი ადგილების დაკარგვა, ამოდენ ქართველ ხალხთა მოცილება ცხადი საქმეა, ჩვენი ძალოვნებისათვის დასაღუპი იყო. მე არ შემძლია, მკითხველს გარდაცეცე ის მწუხარება, რა მწუხარებასაც ჩვენი მამულიშვილი იგრძნობს იმ დროს, როცა ის ზემოხსენებულ მაღალს მთებზე ავა და იქიდან სულ ძველათ ამადლებულ და შემდეგ დაღუპულს და განადგურებულს საქართველოს ადგილებს გადახედავს.

ზაქარია ჭიჭინაძე

1913 წ.



გურამ პატარაიას გახსენება

„საქართველო დავიარე და დავინახე, თუ რა დიდი, რა უზარმაზარი მასალაა განწირული დავიწყებისა და ხშირად, დაღუპვისათვის. პირდაპირ ამიტანა ფანატიკურმა მისწრაფებამ, რაც შეიძლება მეტი მომესწრო, – მით უმეტეს რომ ჩემ თანამედროვეთაგან აღარავინ მისდევდა ამ საქმეს...“ სულ ახლახან წმიდანად შერაცხილი დიდი ექვთიმე თაყაიშვილის ამ მღელვარე სიტყვებით იწყება გურამ პატარაიას ბოლო ფილმი, რომელიც სამშობლოს მიღმა დარჩენილი სამხრეთ საქართველოს ძეგლებისადრე მიძღვნილი. შემთხვევითი არაა არც ის, რომ ამ ფილმს ავტორი ექვთიმე თაყაიშვილის ხსოვნას უძღვნის, ტექსტსაც თვითონ კითხულობს. სწორედ ამ ფილმში დარჩა გურამ პატარაიას დაღლილი, სევდით შეფერილი ხმა, რომელიც ძველი ტაო-კლარჯეთის, ოდესღაც დიდებული, აწ კი მიტოვებული და თითქმის იარქმინილი ეკლესია-მონასტრების ბედზე მოგვითხრობს. ამ ფილმში, ისევ ექვთიმე თაყაიშვილის ექსპედიციის მიერ 1917 წელს ჩამოტანილი უნიკალური ფოტოსურათების, ფრესკათა ასლებისა და ესტამპების შემდეგ, ჩვენ მთელი თავისი სიმშვენიერით პირველად დავინახეთ ოშკი, ბანა, ხაზული... სწორედ ამ ფილმით შევიგრძენით მათი დიდებულება. ვნახეთ ხალხი, რომელიც ისევე ინახავს თავის დედა ენას, რომელიც საოცარი სინაზით შეჰყურებს „დიდი საქართველოდან“ ჩასულ საპატიო სტუმარს. ეს მისი ბოლო ფილმია.

პირველი კი (არ ვეხებით მის მხატვრულ შემოქმედებას), ჩვენი სული რომ ამღელვარა და დამუხტა, ფერეიდნელი ქართველების ბედზე გვიამბობდა... „შორია გურჯისტანამდე“... ასე ერქვა იმ ფილმს. სულის შემხუთველი, გულის შემხუთველი ტკივილი რომ გვაგრძნობინა... და მარტო ტკივილი?.. ეს იყო მოუშუშებელი იარა.

გულის ფიზიკური ტკივილი აწუხებდა გურამ პატარაიას... გასაკვირი კი ის იქნებოდა, ასე რომ არ ყოფილიყო. დიდი, კეთილი გული ჰქონდა მას. ბედნიერიც იყო. იცოდა, რისთვის იღვწოდა... მუდამ მოუთმენლად მოველოდით მისგან ახალ და ახალ კინომოთხრობებს საზღვარგარეთ მოტოვებული ქართული კერებისა და სიძველეთა შესახებ... და ისიც დინჯი, დარბაისლური ქართულით გვიამბობდა... ეკრანიდან გვიჩვენებდა რუსთაველის ფრესკას, ქტიტორთა სახეებს, პალესტინის გადარუჯულ ბორცვებს, სადაც არაერთი დიდებული ქართული ტაძარი იდგა ოდესღაც... გვიჩვენებდა ჯვრის მონასტერს. გვიამბობდა პალესტინის სიძველეთა საიდუმლოებებზე, რომელიც უამრავ ქართულ ნააზრევსა და ნაფიქრს ინახავს...

შემდეგ იყო ათონი... „ათონის მატიანე“, ათონის სიძველენი. ეკრანიდან გვიმზერდნენ წარსულის დიდთა საქმეთა მოწმედ ჯერ კიდევ გადარჩენილი ფრესკები და ფრესკათა ფრაგმენტები, დიდი მთაწმიდელების მიერ შენახული ძველი ქართული ხელნაწერი წიგნები... იფურცლებოდნენ ეს წიგნები და მღელვარებით გვავესებდნენ. მხოლოდ ჩვენს დროში, კათოლიკოს-პატრიარქ ილია II-ის ღვაწლით მოხერხდა ამ წიგნთა თითქმის ყველა ფოტოპირისა და მიკროფირის ჩამოტანა ქართველთა ამ უძვირფასესი საგანიდან. უაღრესად ბევრი გააკეთა გურამმა ამ ხელნაწერი წიგნების გადასარჩენად. ქართველი კაცის ტკივილით მიდიოდა იგი ამ ხელნაწერებთან და ტაძრებთან და მათ ცივ, მიუსაფრად დარჩენილ სამყაროში, როგორც ლოცვისათვის ანთებული სანთელი „დიდი საქართველოს“ სითბო და სიყვარული მიჰქონდა.

ნაადრევი იყო მისი ამ ქვეყნიდან წასვლა. 55 წლისა გარდაიცვალა. ბევრი მოასწრო და გააკეთა ამ ხნის მანძილზე... მაგრამ ბევრი განუხორციელებელი ჩანაფიქრი დატოვა... ერთხელ, ტაო-კლარჯეთის ძეგლებზე საუბრის დროს თქვა, ძალიან საინტერესო მასალები დამრჩა. კიდევ ერთი ფილმი გამოვა. ახლა ამაზე ვმუშაობ, შემდეგ კი სინის მთაზე მინდა წავიდე... არ ისვენებდა, ჩქარობდა. უნდოდა,

რაც შეიძლება, მეტი მოესწრო... მეტი გაეკეთებია. მაგრამ ის, რაც გააკეთა და დატოვა, სინათლით მოსავს მის უდროოდ შეწყვეტილ სიცოცხლეს. ჩვენთვის კი, განსაკუთრებით პატივსაცემია მისი სახელი. ის სიძველენი, ის წიგნები, ის ტაძრები, რომელთა გადარჩენისა და ამოხსნის საიდუმლოს მან მთელი თავისი შემოქმედებით ძალა და უნარი ბოლო წლებში შეაღია, ქართული ეკლესიის სიმდიდრეა.

ბევრი რამ მოხდა მის სამშობლოში მისი ამ ქვეყნიდან წასვლის შემდეგ... ყველაფერი აიწიწა, ბევრი რამ დაიმსხვრა კიდევ... მაგრამ მისი ერთი ნატყვრა მაინც ასრულდა... უკვე „განიხვინე კარნი“ და ტაო-კლარჯეთში, მის დანატრულ წალკოტის მიწაზე ჩადიან ქართველნი...

მსუბუქი იყოს შენთვის გურამ, შენი სამშობლოს ღვთივკურთხეული მიწა.

მ.პ.

ტაო-კლარჯეთში გურამთან ერთად

ერთად ვიყავით. ერთად მოვიარეთ ირანი, ათონი, ტაო-კლარჯეთი... უამრავი ტკივილი, უამრავი სიხარული და შთაგონება განგვიცდია. მაშინ, 25 თუ 20 წლის წინათ, იოლი არ იყო იმ ქვეყნებში ფილმის გადაღება... განსაკუთრებით ტაო-კლარჯეთში. ოცნებით კი ბევრჯერ გვიოცნებია. ხშირად არა, მაგრამ ზოგჯერ ოცნებაც სინამდვილედ იქცევა. ასე იყო მაშინაც...

და აი, ერთხელ... იყო ერთი მეცნიერი, გვარად ანდერსი, ვკონებ, ინგლისელი... წერილი გამოუგზავნა ქალბატონ ელენე მეტრეველს; წერდა, რომ თურქეთში, ქალაქ დიარბექირში, სირიულ მონასტერში უნახავს ქართული ხელნაწერი. ქალბატონმა ელენემ მე და გურამს დაგვიძახა და გვითხრა, როგორმე, ეს ხელნაწერი უნდა ვიპოვოთ...

იქ ორი ანტიოქიაა. თურქებისა და სირიის. დავინტერესდით, მაგრამ თურქეთმა ვიზა არ მოგვცა. მაშინ ხერხი ვიხმარეთ და გავემგზავრეთ ჯერ საბერძნეთში, მერე სირიაში. იქ მაშინ ცხოვრობდა ქართველი ემიგრანტი ლევან საღარაძე – დიდებული კაცი. მან გაგვიხერხა ორკვირიანი ვიზა. შევიძინეთ მანქანა და წავედით. ჩავედით დიარბექირში და დავიწყეთ ამ მონასტრის ძებნა. ეს არც ისე იოლი აღმოჩნდა. რამდენიმე მონასტერში ვიყავით. პირდაპირი მისამართი კი არ გვქონდა, მაგრამ, ჩემის ღრმა რწმენით, ამ მოგზაურობაში გზას გვინათებდა უფალი. მოვნახეთ ერთ-ერთი მონასტრის წინამძღვარი. გამოვესაუბრეთ. ჩაგვიყვანა სარდაფში, რომლის სიდიდე 150 კვმ. იყო. მის შუაში, როგორც პირამიდა, ისე ეყარა ხელნაწერები. კედლებზეც თაროები იყო მიმაგრებული; მათზეც ხელნაწერები ეწყო. ეს ყველაფერი რომ გადაგვეჩრია, ორ თვეზე მეტი დაგვჭირდებოდა. აქაც, უფლის ნებით, ოცდაათი წუთიც არ დაგვჭირვებია და, ვიპოვეთ!

მანამდე გურამმა ნახა ერთი ხელნაწერი, მაგრამ იგი სომხური აღმოჩნდა. გავაგრძელეთ ძებნა და ზუსტად ოც წუთში ქართული ხელნაწერიც ვიპოვეთ. იგი თაროზე იდო. ჩვენს სიხარულს საზღვარი არ ჰქონდა. მიდგა ჯერი მის შეძენაზე. მონასტრის წინამძღვარი კატეგორიულ უარზე იყო.

ჯერ მივუთითეთ სომხურ ხელნაწერზე, ვითომ ის გვინტერესებდა. შევთავაზეთ თანხა. 2000 დოლარი დაგვიფასა. უჩვენეთ ქართულიც. მასში 1000 გვთხოვა. ვუთხარით, ამდენი არ შეგვიძლია და ისევ ამ ერთს ვიყიდით-თქო. როგორც იქნა, 800 დოლარად მოგვცა. მაშინვე წამოვედით ქალაქ ანკარაში. ხელნაწერი კი საბჭოთა კავშირის საელჩოში მივიტანეთ და დიპლომატიური ფოსტით ელჩმა ბატონ ე. შევარდნაძეს (მაშინ იგი ცკ-ის პირველი მდივანი იყო) გამოუგზავნა. ამოვისუნთქეთ. ამ წიგნით იქ ვინმეს რომ დავეჭირეთ, 10-15-წლიანი პატიმრობა არ აგვცდებოდა.

ანკარაში გურამი შეუძლოდ შეიქნა. ექიმებმა წოლითი რეჟიმი დაუწესეს. მე კი ბაზარში დავდიოდი, სადაც შემთხვევით თურქეთის ქართველები გავიცანი. წამოვიყვანე გურამთან. გაუუზიარეთ ერთმანეთს ჩვენ-ჩვენი საწუხარი.

ვიზა ორ დღეში გვითავდებოდა. ძალიან გვაწუხებდა ეს. ერთ-ერთმა ქართველმა გვითხრა, რომ აქ შინაგან საქმეთა მინისტრი გურჯია – აჰმედ გიუნეში, გვარად ბოლქვაძე. კარგი კაცია და მაგ საქმეს მოგიგვარებთო. მივედით. იმ დღეს თვითონ ანკარაში არ იყო. ჩვენი მონაცემები მდივანს დაუტოვეთ და ვთხოვეთ, შეგვხშიანებოდა. მართლაც, მეორე დღესვე დარეკა...

– ბიჭებო, მოდით, მოდით...

ქართულად ცუდად ლაპარაკობდა.. ძალიან კარგად მიგვიღო. ვუთხარით, ტაო-კლარჯეთის გადაღება გვინდა და ვიზა გვჭირდება-თქო. მან იუმორით გვითხრა:

– კი, ბატონო, ერთი ან ორი დღით გაგიგრძელებთო და პასპორტში ერთწლიანი ვიზა ჩაგვირტყა. ძალიან დიდი სუფრა გაგვიშალა. მოიწვია სულ ქართველები. მოიტანეს ძვირფასი ქართული სანოვაგე. ყველანი ქართულად ლაპარაკობდნენ. ერთად წავიმღერეთ კიდევ. მოვეფერეთ ერთმანეთს და დავშორდით.

დავბრუნდით თბილისში და ყველაფერი ბატონ ედუარდს ვუამბეთ. მაშინვე გამოიტანეს დადგენილება და შედგა მეორე ექსპედიცია თურქეთში. გამოგვიყვანეს მანქანა და წავედით. გადავიღეთ ლენინაკანიდან.

ჩავედით ტაო-კლარჯეთში და დავიწყეთ გადაღება. თითქმის ყველა ტაძარი გადავიღეთ. გადავიღეთ ნანგრევებიც. საოცარი სანახაობა იყო. სად არ ვყოფილვართ, მაგრამ ასეთი დიდი შთაბეჭდილება არსაიდან არ წამოგვეყოლია. იმ, თუ მთლიანად არა, ნახევრად დანგრეული, ხშირად გუმბათჩამოშლილი, ფრესკებგადასული, ჩუქურთმებჩამოცვენილი ტაძრებიდან ადამიანის ნიჭიერების თვალშეუღვამი სიდიადე შემოგვცქეროდა და მძაფრი განცდითა და სიხარულით გვაგვსებდა.

დაზიანებული იყო თითქმის ყველა ტაძარი და მხოლოდ რამდენიმე იდგა ასე თუ ისე კვლავ თავისი სახით, რომლებიც მჭიდროდ ჰქონდათ გადაკეთებული.

ვერც წლებმა, ვერც ჩვენი ქვეყნის თავზე დატეხილმა უბედურებებმა ვერ გაამკრთალა იმ ტკივილის განცდა, რომელიც მაშინ დაგვეუფლა. ახლაც მღელვარებით მავსებს მათი გახსენება – ოშკი, პარხალი, დოლისყანა, იშხანი, ოთხთა ეკლესია, ხახული, ხანძთა... გადავიღეთ ყველაფერი, რასაც კი მივუსწარი. გადავიღეთ უამრავი ასომთავრული წარწერა.

ერთ დღეს... პარხალის გადაღება უნდა დაგვეწყო. იმ საღამოს ჭოროხის ხეობაში, ერთ-ერთ დაბაში გავჩერდით ღამის გასათევად. იქაურმა პოლიციამ მოგაკითხა სასტუმროში და წაიღო ჩვენი პასპორტები. ჩვენი ბედი, რომ ერთწლიანი ვიზები გვქონდა. სანამ ანკარაში გაგზავნეს შეკითხვა, ორი დღე გავიდა. დედა-ქალაქიდან დადებითი პასუხი მოვიდა. დაიჯერეს, რომ ჯაშუშები არ ვიყავით, მაგრამ მაინც გეთხოვეს დაგვეტოვებინა იქაურობა.

ის ღამე იქ გავათენეთ. დილის ოთხ საათზე ავუყვით ჭოროხის ხეობას, სადაც გადავიღეთ უბრწყინვალესი ბაზილიკა პარხალი და დავბრუნდით ბურსისაკენ. იქ გავიცანით სერვეტ კიკვაძე – იქაური ქართველი.

გვინდოდა ქართული სოფლების გადაღება. სერვეტი ტურიზმის ბიზნესში იყო ჩართული, გაგვაცნო ქართველების ლიდერი აჰმედ მელაშვილი* (იგი რამდენიმე წლის შემდეგ ექსტრემისტებმა მოკლეს. ღმერთმა გაანათოს მისი სული). მეორე დღეს ქართული სოფლების გადასაღებად წავედით. შემოგვეხვივნენ და თითქოს სახლში ვიყავით, ისე გველაპარაკობდნენ ქართულად. სამი-ოთხი სოფელი მოვიარეთ. გადავიღეთ მათი ყოფა, სახეები, ბავშვები... სულ ყველაფერი. და, რაც მთავარია, იბერი მელაშვილის სიმღერისა და ცეკვის ანსამბლი. ამით დავამთავრეთ გადაღებები ტაოში.

* აჰმედ მელაშვილის შესახებ იხილეთ გვ. 183.


ჩამოვედით სტამბულში, სადაც ეს მასალები მაშინვე ჩავაბარეთ საბჭოთა კავშირის საკონსულოს. იმ საღამოსვე გაიქურდა ჩვენი მანქანა. იქ ფირები ეგულებოდათ, მაგრამ არ დახვდათ.

ამით დამთავრდა ჩვენი ექსპედიცია.

შემდეგ გაკეთდა ფილმი. ბევრი სიხარული მოგვიტანა ჩვენ ამ ფილმმა... ჩვენც და მაყურებელსაც.

ირაკლი ონოფრიშვილი

კინოოპერატორი



ექვე. დღეს ეს ტაძარი აღარ არსებობს

აჰმედ მელაშვილი



აჰმედ მელაშვილის სახელი ჩვენს ცნობიერებაში ამ ოცდა-თიოდე წლის წინ შემოვიდა. ექოსავით გადმოდიოდა მაშინ მისი ამბები ჩვენამდე და გვიზიდავდა... ის იყო ახალგაზრდა კაცი, სიყრმიდანვე დიდ, ერთობლივ საქართველოზე მეოცნებე და თანამედროვეთა სულებში ეროვნული თვითშეგნების გამოღვიძების მოთავე. დღეს ამაზე საუბარი, ასე თუ ისე, უკვე შეუძლებელია... ბევრი რამ, თუმცა ნელა, მაგრამ მაინც შეიცვალა მას შემდეგ. მაშინ კი ძალზე რთული და სახიფათო იყო ის გზა, რომელსაც იგი ადგა. შეეწირა კიდეც მას.

მწვავედ განვიცადეთ ჩვენ მისი დაღუპვის ამბავი და ის ტკივილი დღემდე მოგვყვება.

დაიბადა 1922 წელს, გარდაიცვალა 1980 წელს დარჩა მეუღლე ერვენ ჯინჭარაძე და ორი შვილი: ვაჟი იბერია და გოგონა თამარი.

იყო პროფესიით არქიტექტორი. მთელი თავისი შეგნებული ცხოვრების მანძილზე თავისი თანამოძმეების თვითშეგნებაში ქართული სულის გამოღვიძებისათვის იღვწოდა. გამოსცა ქართული წიგნები...

გამორჩეულად საინტერესოა მისი ჟურნალი „ჩვენებური“, რომლის პირველი ნომერი 1977 წელს გამოვიდა სტოკჰოლმში. სტოკჰოლმშივე იბეჭდებოდა მისი დანარჩენი ნომრებიც... მის თანამედროვეთა ცნობით, სწორედ ამ ჟურნალებისა და მათში დაბეჭდილი ღრმად ეროვნული წერილების გამო გასწირეს იგი. 1980 წლის 5 აგვისტოს ქვეყნის ნაციონალისტური ორგანიზაციის წევრებმა აჰმედ მელაშვილი მოკლეს, ხოლო მისი ვაჟი – იბერია დაჭრეს. დაკრძალულია ინგოლში, სოფელ ჰაირეს ქართველთა სასაფლაოზე.

რაც შეეხება ჟურნალ „ჩვენებურს“, მისი გამოცემა 1980 წლიდან შეწყდა... იგი ისევ განახლდა 1993 წელს. გამოდის წელიწადში ოთხჯერ... ჟურნალი თავისი ხასიათით ქართული, ეროვნული სულისკვეთებისაა.

* * *

აქედან მოჩანს ტაო და
აქედან მოჩანს კლარჯეთი,
საუნჯე ჩვენი სულისა,
ჯერ კიდევ დაუხარჯველი,
ხან სიხარულის ზაფხული,
ხან კი ზამთარი მტანჯველი,
მელანდებიან ნათელნი
მე, წინაპარნი გამრჯელნი.

მათ აჩრდილს ვეთაყვანები,
სისხლით და ხორციით მათი ვარ,
ბეშქენ და ბეჟას ხელები
ოქროს ზღაპარში ანთია.
ამიტომ მეგულდიდება,
ამიტომ ქედს არ ვიღრეკ და...
ჩემი ლამაზი წარსული
ციმციმ ვარსკვლავებს ირეკლავს.

მამია პარუანიძე



სადაც აკრძალეს საქართველო, იქ იქართველა

თვითმფრინავი სტამბულის აეროპორტში ეშვებოდა.

1969 წლის მაისის შუადღეს, განსაკუთრებით სსრკ-ს დედაქალაქიდან ჩამოსულთათვის, თითქოს საგანგებოდ გაეზობოთ და გაენათებინათ იქაურობა.

ეს პირველი შემთხვევა იყო, როცა საბჭოთა სამეაროდან, უფრო კი, საქართველოდან, თურქეთში ასეთი შემადგენლობის შემოქმედებითი ინტელიგენციის, მწერლების მოზრდილი ჯგუფი ჩადიოდა. იყვნენ ნოდარ დუმბაძე, იოსებ ნონეშვილი, არწილ სულაკაური, ბესო უდენტი, გურამ ბათიაშვილი და სხვები.

ჯგუფს თბილისში როცა ადგენდნენ, სწორედ მეც იმ დროს, ბათუმიდან ჩავედი. როგორც კი დამინახეს მწერალთა სასახლეში, მგონი, ნოდარ დუმბაძემ შეხდახა, – იქაურობისთვის ნამდვილად საჭირო კაციც შეგვეპოვებოდა. ასე ჩამართეს დელეგაციის სიაში.

და, აი, სტამბულში ვართ. ვინ დაგვხვდებოდა? მახსოვს მაშინდელი საბჭოთა საკონსულოდან ნოდარ კომახიძე იყო და, მგონი, რამდენიმე თურქი ჟურნალისტიც. მერე, მორიდებით, ცალკე მოგვიახლოვდა ერთი ხმელ-ხმელი, ოღნაე კოჭლი კაცი. ვატყობდი, უფრო ნემკენ ცდილობდა გამოსვლას. შორიდან კიდევ გამიღიმა. შევნივლდი, მიუეახლოვდი. დამაინტერესა, ვინ იყო, ასე ძველი ნაცნობივით რომ ცდილობდა მომსაღმებოდა.

ხელი გამომიწოდა, გადაამეხვია, თან ჩამწერწერდა, – აჰმედ მელაშვილი ვარ მე. ასე იცის, უფრო შენობით მოგმართავს. მერე, ჰკითხავ, – როგორ ხარ? კაი ვარო, გიპასუხებს.

თბილისში, უცხოელ თანამემამულეებთან კულტურული კავშირის სასოგადოებაში, ოთარ გოცინეიშვილისაგან რამდენიმეჯერ გაგონილი მქონდა მელაშვილზე, მაგრამ ასეთი შეხვედრას არ მოველოდი.

აჰმედ, როცა მე შესაუბრებოდა, განსაკუთრებით ცდილობდა იქ მეოფებს არ შეენიშნათ. მეც, ნემი მხრით, სვენს ჯგუფში მყოფ კავებულებს ვვრიდებოდი. (აშკარად ყველამ ვიცოდით, რომ ჩვენ გაგვკაყოფეს უშიშროებიდან მათთვის საჭირო კაცები

და ისინი კაი მაგარ ყურადღებას არ მოგვაკლებდნენ).

აეროპორტიდან სასტუმროში მისვლამდე აჰმედი გვერდიდან არ მომცილებია. თქვენს სამოგზაუროში ბურსაც არისო, მე იქ ვცხოვრობ, დაგხვდები და იქ უფრო ბევრ ამბავს გეტყვი თურქეთის ქართველებზეო. მე ძალიან გონჯაი თვალთ მიუერებენ აქ და ამიტომ ახლა დაგტოვებო, – გამიმხილა სასტუმროს ეზოში ახმედმა და მოსიარულე ხალხს შევრია.

რამდენიმე დღეში ბურსასკენ ავიღეთ გუზი. იქ, ერთ-ერთ სასტუმროსთან, სადაც უნდა დავბინავებულიყავით, ქართველები დაგვხვდნენ. მათ შორის აჰმედ მელაშვილიც იყო. აქ ნემთვის მღელვარე და დაუვიწყარი ერთი ეპიზოდი მინდა გავიხსენო. ჯერ კიდევ სტამბულში ყოფნისას ღია ბარათი მივწერე ნემს უნახავ მაშიდას, რომლისგან 50 წლის განმავლობაში ამბავი არ მიგვიღია. იგი ერთ ნევნებურ მუჰაჯირს ცოლად გაჰყვა 1929 წელს. მაშინ საზღვარი ჯერ კიდევ არ იყო ჩაკეტილი. ბათუმიდან სტამბულში გემი მიმოდიოდა. სტუმრად ქმრის შშობლებთან წასული ყოფილა, როცა საბჭოთა კავშირის საზღვარიც ჩაუკეტიათ. ასე, ამგვარად, მამიდანემი ჩარწა თურქეთში, მიწერ-მოწერაც ხომ შეწვეტივს და, აი, ორმოცზე მეტი წლის შემდეგ, მისი ძმისშვილი ვწერ წერილს, ამ და ამ დღეს ბურსაში, ამ და ამ სასტუმროში ვიქნები-მეთქი. რა თქმა უნდა, ოთხმოცდაათს მიტანებული ქალი იქნებ ცოცხალიც აღარ იყოს, მაგრამ მაინც...

ჰოდა, ბურსაში, სასტუმროსთან, აჰმედ მელაშვილი და სხვა დამხვდური იქაური ქართველები გვეპატიუებიან ერთ მახლობელ სოფელში, დადამებამდე წამობრძანდითო. იქ სულ მუჰაჯირი ნევნებურები ცხოვრობენო.

მანქანებში ვსხდებოდით. ისე იქნა, რომ მე ერთ-ერთ წინ მდგარ ავტომანქანის წინა საჯდომზე, ბესო უდენტის გვერდით მომიწია აღვილი. სვენთან იყო ნოდარ დუმბაძეც მეუფლით.

სანამ მანქანა დაიძრებოდა, წინ წითელი შუქფარი აინთო, წუთით ავტომობრობა შეეგა და, სვეულებრივ, ფეხით მოსიარულენი,

გადმა-გამომდინადან დაიძრნენ. და, აი, წვენკენ მომავალთა შორის ერთი ევარჯინანი, მადალი, მოხუცი ქალი შევნიშნე. ჭადარა თმებზე წაკრულ ლენაქს მოაფრიალებდა და, საოცარია, ისე მოირხეოდა, როგორაც მამანემს წვეოდა ხიარული. ელდა მეცა. ისეთი ცხელი ტალღა მოედო სხეულს, ადგილიდან ისეთი გაშმაგებით წამოვიჭერი, ბესომ შემომძახა:

– რა დაგემათა, ფრიდონ?

მე მანქანიდან სწრაფად გადმოვხტი და ტროტუარზე ასობით მომავალ ხალხში იმ მოხუცი ქალის ძებნა დავიწყე. მალე ისიც დავინახე. შევდექი. მის წინ აღვიმართე. ვთქვი, – თუ ისაა, კაი, თუ არა და, რაც მოხდება, მოხდება-მეთქი.

მოვიდა, მომიახლოვდა. მეც პირდაპირ გადავუდექი. სხეულით მომეყუდა. შემხედა, ება აუცახცახდა. მითხრა, – შენ ხარ, ჭოვ? (ე.ი. შენ ხარ ის, ვინაც სტამბულიდან მომწერათ.) პო, მე ვარ-მეთქი, ვუთხარი და ევარჯენს ხელი გაუშვა. კენესოდა, ტირიდა, მეხეოდა. იქვე გვერდით ნოდარ დუმბაძე, ბესო და წვენი სხვა მწერლებიც შევნიშნე. ნოდარის სახეზე მაშინ პირველად დავინახე ცრემლები.

სოფელში მე აღარ გავყოლივარ. აშქვდ მელაშვილიც წამორსა. მოგვიკიდა ხელი მამიდანემს და მე. თავის სახლში წავვიყვანა.

იქ, სხვების მოსვლამდე, აშქვდმა რამდენიმე საიდუმლო გამომხილა, პირველი – მთავრობის ერთი დახურული არქივიდან, რამდენიმე ტომი საქართველოს ძველი მასალები მიკროფირზე გადაღებული აგერ მაქესო. თუ გაბედავ წაღებავს. გაგატანო. დამისახება ერთი მეცნიერ მუშაკიც, თბილისში ვისზე გადაცემაც მოისურვა.

მაშინდელ დროში ასეთი რამის თავზე აღება რასაც ნიშნავდა, ალბათ, გასაკებია. ქაღალდში შეხვეული მოზრდილი ფირის გორგალი ჩემი ღაბაღის შიგა ჯიბეში ძლივს წავაძვინე.

შინ წამოსვლამდე ღაბაღა ხელიდან აღარ გამიშვია, წუთთაც აღარ მომიცილებია. არწილ სულაკაური დამცინოდა, მართლა აჭარველი ხარ, აბა, ამ თბილ მაისში რას დაათრევ მაგ საწვიმარასო. რა იცოდა იქ, ჯიბეში, რა განძი მელა.

აშქვდმა თავის სახლში მანქენა გამოსაცემად მომზადებული თავისი წიგნი „გურჯისტანი.“ მცირე რამ შენიშვნა, რწევები გაფუხიარე, რაც მაშინვე მიიღო. მერე, მგონი, მომდევნო წელს, წიგნი გამოიცა. წიგნი თურქულად იყო დაწერილი, მაგრამ ჩატანებული ჰქონდა ქართული ტექსტები, წვენი

ანბანი და მრავალი ილუსტრაცია, რამაც მრავალ შავრაზმელ-ნაციონალისტთა აღშფოთება გამოიწვია. ფაქტურად აშქვდი ამ წიგნს შეეწირა.

1980 წლის ტრაგედია ასე მომხდარა. მოფაშისტო ისლამისტები ავტომატებით, დამით შეჭრიდან მელაშვილებთან სახლში. აშქვდი იქვე დაცხრილეს. შვილს, იბერი-ასაც რამდენიმე ტყვია მოხვედრია.

დაჭრილი შვილი თურქეთულ ქართველებს სასწრაფოდ გერმანიაში გადაუფრენიათ, უმკურნალიათ, გადაურჩენიათ.

მახსოვს, მაშინ, გვიანობამდე, მამიდასთან ერთად, აშქვდის თჯახში დავერსი. ქართველებით დასახლებული სოფლიდან დაბრუნებული წვენი მწერლებიც, ყველანი, იქ შეიკრიბნენ. საუბარს ბოლო არ უხანდა.

სხვათა შორის, პირადად მე აშქვდმა ასეთი რამე მკითხა. თქვენში მუსლიმანი და ქრისტიანი ქართველები ერთმანეთთან კარგად ვერა ხართ? რატომ ვერა ვართ, ძალიან კარგად ვართ-მეთქი, ვუპასუხე. აბა ორი პუქუმათი (მთავრობა) რატომ გყავთ, ერთი თბილისში, ერთი ბათუმში.

აი, ამაზე, როგორც მახსოვს, მაინც და მაინც დამაჯერებელი ვერაფერი ვუთხარი.

იმ მიკროფილმის გამო, მიუხედავად ჩემი გამუდმებული ყურადღებისა და სიფრთხილისა, სტამბულიდან გამოშვებების წინ კინაღამ, წავერდი. დილით სასტუმროს კაფეში საუზმეზე მიგვიწვიეს. ბარგი მოიმზადეთ, პირდაპირ აეროპორტში წავალთ მოსკოვის თვითმფრინავზეო. სიქარეში, საუზმეზე მიმავალს, ღაბაღა ნომერში დამრჩენოდა. ნახაუზმევს რომ შევიხვედ და ოთახში ღაბაღა ვეღარ დავინახე, კინაღამ შევიშალე. იმ დროში ისეთი რამ საბჭოთა მოქალაქის ჯიბეში პოლიციელს რომ აღმოეჩინა, მეც დაღუპული ვიქნებოდი და თუ გაიგებდნენ, ვინ გადმომცა, ისიც.

წვენი ჩემოდნები და სხვა რამეებიც დამლაგებლებს, საუზმის დროს, დერეფანში გამოეხიდათ, რომ წვენი გამგზავრება დაეწყებოდა. მივიტერი, იქვე საკიარზე ჩემი პლაშიც ვიპოვე, მაგრამ ჯიბეში საბედისწერო გორგალი ვეღარ აღმოვაჩინე. იქვე, დახლზე დაკრძნობილი, გრძელუღვამეებიანი სასტუმროს მეპატრონე იღვა და, როგორც მეგონა, მე მომჩერებოდა. ბარგი უკვე გააქეთ, ჩემი ჩემოდანიც წაიღეს. მანქანებში სხდებიან წვენები. ვილაკები კიდევ მემახიან, – ფრიდონ, რას შერები კაცო, ვაგვიანებთ, ნქარაო. წავექნით ხელი და გავიდე, იქნებ გამანერონ, არ გამიშვან. ის უღვაწაო თურქი ისე მიეყრებდა, კატასტროფას ვეღარ ავც-

დები აღბათ-მეთქი, ვფიქრობდი. ერთი რამ გულში დავიფიცე, რაც უნდა მოხდეს, მეღაშვილზე ენა არ დავძრა. პოდა, მივბრუნდი, არეულდარეული, დაბნეული და პირდაპირ გაჯგიმულ სასტუმროს მეპატრონეს მივადექი. ნემი გაჭირვებული თურქული ვუხსნი, ჯიბეში ფოტოფირები მქონდა, თურქეთის ხედები, სახსოვრად გადავიღე, ვეღარ ვიპოვე, ამოულიათ.

– ფატი, ფატი! – გასძახა ვიღაცას და მეც, საითაც იყურებოდა, იქით შევვარდი. დამლაგებელი ქალი სატელეფონო კაბელების გვერდით, ციციქნა ოთახში, უცებ ნემკენ შემოტრიალდა. ქაღალდებშემოძრობილი ის საბედისწერო ფირის გორგალი მომანენა.

ეს იქ ძირს ვგლო, რაღაცებს მიხსნიდა აკანკალებული.

აღარ მისმენია მისთვის, ლაბადა კალთაში შევახვიე და გარეთ გავიჭერი. სანამ თვითმფრინავი შავი ზღვის თავზე, 10 ათას მეტრზე არ ამადლდა, სულ მოველოდი, დაგვაბრუნებენ-მეთქი.

ამჟღადს გამოტანებული ფახეული განძი თურქოლოგს, აკადემიკოს სერგი ჯიქიას გადაეგვი.

ამჟღ მეღაშვილის დაღუპვა ძალიან მძიმედ განიცადა, პირველ რიგში, თურქეთის ქართველობამ.

საშინელი ტკივილი მომაყენა მეც იმ უბედურმა ამბავმა. მაშინ დავწერე ლექსი „მომიკვლეს ძმა.“

„თქვენ არ იცნობდით,
ის სხვა იყო, არ ჰგავდა ეველას, –
ხადაც აკრძალეს საქართველო,
იქ იქართველა.“

ბათუმის ცენტრში, ერთ ძველ მეუღრო ქუნას მეღაშვილის სახელი დავარქვით.

ქართველ მწერალთა ჯგუფის იქ ყოფნის შემდეგ თითქოს ატმოსფერო ოდნავ მოთბა. ამჟღად, მგონი, ორიოდეჯერ საქართველოსაც ეწვია. ერთ-ერთი ჩამოსვლისას მას რატომღაც ჩემი თავი დაუმაღეს. არა, მაინც მინდა ბათუმში ჩავიდეთ, განუცხადებია თბილისში.

მე კი ამის შესახებ არაფერი ვიცი.

ერთი კვირა დღეა, ბათუმში ვარ.

კარგი ამინდია. ზღვისაკენ გასეირნება მოვიწადინე. გაზეთების საყიდლად „ინტერისტისკენ“ შევუხვიე. შავმა „ვოლგამ“ ჩამოიქოლა და წინ, სასტუმროს კიბესთან შეჩერდა, უკანა შუშაში, ჩემდა გასაოცრად, თვალი მოკარი ამჟღ მეღაშვილის სახეს,

კი, კი, ვიცანი, ისაა, ფეხს მოუეჩქარე. მაგრამ ეს რა ხდება? მანქანა ადგილს მოწვდა. ისევე ქალაქისკენ გასრიალდა. დერეფანში შევედი. მორიგეს ვკითხე... კიო, თთარ გიგინეიშვილს სტუმრები ჰყავს თურქეთიდან. ბატონი ოთარი ნომერშია, გინდა, დაგაღაპარაკებო, მეუბნება ადმინისტრატორი.

ოთარი ტელეფონით მოხოვს მასთან ავიდე. ახლავე მოიყვანენ მეღაშვილს და შეგახვედრებო. მამშვიდებს და მიხსნის, – ასე იყო საქმისთვის საჭირო. მითითება გექონდა, თქვენი შეხვედრა ახლა არ უნდა შემდგარიყო. დრო არ გვეყოფა, აგისხნაო. წუთი-წუთზე ახმედი აქ იქნება. შეხვდი ისე, თითქოს მოსკოვიდან წუხელ ჩამოხვედიო, მოხოვს ოთარი (გავამხელ – დღესაც არ ვიცი რისთვის იყო საჭირო ამისთანა სისულელეები). კარი გაიღო და აშკარად ჩანდა გაჯავრებული, განაწყენებული ამჟღადი, უღმილო, თვალებინადამებული, უხალისოდ გადამეხვია. გრძობდა, რომ ამ ტრიუკების შესახებ მე არაფერი ვიცოდი.

ეს ამბავი მგონი 1977-ში მოხდა. შემდეგ მე ამჟღ მეღაშვილი აღარ მინახავს.

ფრიდონ ხალვაში

რედაქტორის მიწაწერი

დაახლოებით, ამ ოცდაექვსი წლის წინ, ბათუმში ბატონმა ფრიდონ ხალვაშმა ბევრი რამ მიაშობო ამჟღ მეღაშვილზე... ღრმად შემძრა მისმა უეცარმა სიკვდილმა და ტკივილმა, ასეთი კაცის აღარყოფნა რომ ჰქვია ჩვენი ქვეყნისათვის.

მახსოვს, ბატონი ფრიდონი მისვენებდა ამჟღის მისდამი მოწერილ ბარათებს, რომელთაგან ერთ-ერთში ასეთი რამ ამოვიკითხე:

„ძმავე, კონვერტზე შენს მისამართს რატომ აწერ რუსულად. გამეხარდებოდა, მის მაგივრად ქართულ წარწერას თუ ვნახავდიო...“

ეს სიტყვები მტკივნეული იყო და ამიტომაც დღემდე მახსოვს. მან მაშინ არ იცოდა რუსული „სუკის“ ამბავი.

ამბობენ, გაურკვეველ ვითარებაში დაღუპულა... სამწუხაროდ, იგი ერთი იმათაგანი იყო, ვისი წასვლაც დააკლდა ჩვენს ქვეყანას... ხალხს ჩვენსას. დღეს კი, თურქეთი ჩვენი კეთილი მეგობარია და იქ გაგზავნილ კონვერტს აღარავინ აწერს რუსულად.

ხანძთის ზარი

(ნაწყვეტი მოთხრობიდან)

აღმართში ისევ გაჭირდა შეფერხებული სვლა. ბერს უკვე ფეხი ებლანდებოდა. საკუთარ გულის ძგერასთან ერთად მოშიტას ჩუმი შეძახილი, ჯორების დაღლილი ქშენა... და კიდევ ერთი საოცარი ხმა, რომელიც ვერ გამოერკვია და ყველაზე შემზარავი კი იყო! ხმადახშულ, სევდიან გალობას ჰგავდა... ცეცხლმოდებული ოპიზას ბერების გალობა მოაგონა ხანძთელს. მაგრამ აკოჭლებულმა ჯორმა ფეხი წაიკრა და ხმა უფრო აუუღერდა, ლითონის ბგერა გამოიღო. მიხვდა ბერი... რას არ იცნობს! ენადაბმული ზარის ჩათხრობილი გუგუნე იყო... და თითქოს მის ფიქრებს ეხმიანებოდა ეს გუგუნე.

„ვერა, ვერ გადავასწრებთ! ხილამდეც ვერ მივასწრებთ! დაილუპა ყველაფერი! ხელში ჩაუვარდათ ხახულის ღვთისმშობელი! ხანძთის ზარიც, ძელჭემმარიტიც, ოთხთავიცი, ხანძთელის ცხოვრებაც! და ისიც – ის ხელნაწერიც, ბოლოს რომ გადასცა მოშიტას!“

– არა! არა! გააჩუმე! ზარი გააჩუმე!

შემობრუნდა მოშიტა. დამნაშავესავით შეხედა სახედატანჯულ მხცოვანს. ჯორი შეაჩერა:

– იქნებ შევდომა ინებოთ? ზარს ზურგით წამოვიღებ, მამაო!

ხანძთელი ძლივს წამოეწია... ჯორის კეხს მისწვდა... სული ამოიბრუნა... მოშიტამ ზარის ჩამოღება დააპირა, მაგრამ ბერის ცივი, ძვალტყავა ხელი დაეღო მაჯაზე. მერმე თავად ბერმა შეუხსნა ზარს ენა, ხახაში ამოაძრო ლითონს და მოშიტას გადასცა...

– იქ, იქ დაჰკიდე! სამშვიდობოს! თულა გაასწრე! ხანძთის ზარის რეკით შედი დაურბევ საქართველოში! ხალხს მოუწოდე! – და უფრო დავარდნილი, სუნთქვაშეკრული კილოთი განაგრძო: – არა... მე ველარ წამოვალ... ხელს შევიმლი... მხოლოდ დაგავიანებ! – უეცრივ ისევ გაუწყდა კილო, გულის სიღრმიდან ამოსული მუდართით შეჰღალადა: – ხილამდე მიასწარი... ფრთხილად გადი ხიდზე, ვიწროა... ჯორები გავლენ მაინც. მერმე ფრჩხილები ჩაუშალე ძალა-ბოვას... ველარ გამოვლენ, ველარ! – და ხელი მდევრებისაკენ გაიქნია.

– მამაო, როგორ იქნება აქ დარჩენა? ის ურჯულონი ხომ... – სიტყვა შუატანში გაკვნიტა მოშიტამ და ქვაზე ჯიუტად ჩამოჯდა: – ვერ წავალ მარტოკა! არც წამესვლების! მხარით გადავიყვან!

– უგუნურო! არც რაი გესმის! გასწი მალე! – პირველად გაუწყდა გამზრდელი მოშიტას. – დროს ნუ ჰკარგავ! განა მარტო შენი და ჩემი საქმეა! თავი არ წაიწყმიდო – ეს ღვთისა და ერის საუნჯე შენი შემხედვარეა, აკლდამის საიდუმლოც შენ იცი... ბნელი განჯინისაც, შვილო მოშიტავ! – უკვე შეემუდარა გულშემოყრილი ბერი. – მე აქ დავრჩები... იქნებ შევაფერხო კიდევაც მღევარი!

ბერს უზომოდ გაეხარდა – უეცრად მიზანიც კი გამოუნახა თავის დარჩენას.

– ასე სჯობია, შვილო! ასე სჯობია... – და არგანი მოუნაცვლა, ზედ დაატეხა ჯორს.

დაიდრა ჯორ-ქარავანი. ბერმა სასოწარკვეთილებით დახედა თავის გატეხილ არგანს, ფიცხლავ შემობრუნდა და ბილიკი ჩასჭრა თავქვე... ყური აღარ უგდო მოშიტას მუდარას, მის დახშულ ძახილს... თავის თავსაც გაექცა თითქოს...

თაქნაქინდრული მიჰყვებოდა პირმოუმშრალ ბილიკს.

ახლა იგი სულ მარტო იყო. სულ მარტო. ღვთის ანაბარა! და ერთადერთი ფიქრის ლანძვი სველ ბილიკს ემჩნეოდა კვლებად. აი, მოშიტას მტკიცე ნატერფალიც! პირიქით მიემართებოდა კვალი, იქით, საიდანაც ოდესმე მაინც უნდა მოსულიყო მაშველი და თვისტომი. ახლა უენო ზარის სისწრაფით მიიკვალება ქარავანი!

სანთელივით გაღვდა ფიქრი. უნაპირო შვება იგრძნო. აღმართა თავი და გარემოს გადაჰხედა. ახლა იგი ქვეყნის წინაშე პირნათლად იდგა.

უეცრად მდევარი მოაგონდა: „უნდა მოიშალოს კვალი!“ დაღლილ საფეთქელში ახლა დარდი გაიჭედა... თურმე მას, განდგომილს, ღვთის ანაბარად დარჩენილს... მაინც არ შეუძლია არ იდარდოს, არა! შეუძლებელი ყოფილა ერის ცხოვრებისაგან განყენება, მარტოდ ყოფნა, უშფოთველობა, სულის სიმშვიდე...

...უმალ ამოქმედდა, გაიძრო ჩოხა და ჯვალის ახალუხის ამარა დარჩა. საოცრად მაღალი და გამხდარი გამოჩნდა... თითქოს უმწეოც და გაშიშვლებულიც.

კვალდაკვალ ათორია ჩოხა. მოფარცხა კვალი. ასე იარა ფეხმარდად და შეუჩერებლად. წელანდელ დალლასაც აღარ გრძნობდა. წელანდელს, როცა სიცოცხლისაკენ მიდიოდა... ახლა კი? ახლა თითქოს „სხვაგან“ მიდის... და მოჩვენა ბერს, რომ განვილილ სიცოცხლის გზას უკან მიჰყვება და თავისსავე ნავალს ჰფარცხავს... რაღაც არამიწიერია ეს გზა... ჰოდა, ეს მიწიერი დალლა რაღა ბედენა?

ღროზე მიდწია გზაჯვარედინს. იქ კი სულ უბრალოდ იგრძნო, რომ სიკვდილის შიში დაკარგა... ატალახებული ჩოხა ოდნავ შემოიწმინდა, ისევ ჩაიცვა და ლოცვად დადგა.

დიდხანს აღარ დასცალდა ლოცვა. უმალ მოსწვდნენ ოსმალონი. თვალი რომ მოჰკერეს, ხელად დასჭყვივლეს და მოიჭრნენ ცხენდაცხენ.

ადგილიდან არ დაძრულა ბერი. ორმოციოდ ოსმალონი შემოადგა მლოცველს. ზოგნი დაქვეითდნენ. იცნეს ოპიზას გალაგანზე ნანახი ხატისმტვირთველი. დამტვირთული ქართულით მიაძახა ალაი-ბეგმა:

– შენა ხარ, გურჯი-მოლა? სად წახვიდოდი? აბა, სად გადაძალე ბარგი-ბარხანა, გვითხარ, თორემ... – და უშვერი გინება გასისინდა ჰაერში.

„ხიდაძდე ვერ მიასწრებს შოშიტა!“ – ჭმუნვით ფიქრობდა ბერი.

– ჰა! – და ოსმალმა ცხენიდან ჩამოუსვლელად ბერს წვერში სტაცა ხელი, თავი აუქაჩა. – ღონღუზივით დაგკლავ!

– ვიცი სადაც არის განძი! მაცალეთ! – ძლივს მოიბრუნა სიტყვა ხანძთელმა.

ალაი-ბეგმა ხელი შეუშვა და ეჭვის თვალთ გადაჰხედა. არ მოეწონა. რაღაც ძალე დაუთანხმა მოხუცი. არა, შანთებით მაინც ამოართმევდა საიდუმლოს, მაგრამ ასეთ „წინდახედულობას“ მაინც არ მოელოდა გურჯი-მოლასაგან. მით უფრო ოპიზას შემდგომ...

– აბა, სად?

– აი იქ, ხანძთას! – ხელი აღმა ბილიკებისაკენ გაიშვირა მოხუცმა.

ალაი-ბეგმა ბილიკს აჰხედა, ჯორის კვალი შეამჩნია. ებევრა კიდევაც, წინ და უკან ნავალი... მერე ქვედა გზას გააყოლა თვალი. იქ კი კვალი არა ჩანდა. მაინც ანიშნა, რამდენიმე ასკერმა ცხენი მოსხლიტა იქით.

შემრწუნდა ბერი.

– ვფიცავ ყველაფერს!

– არა მჯერა, იქნებ მატყუებ?

უეცრივ რაღაც მოაგონდა ბეგს და ხელი მოიბრუნა...

– აბა, ამაზე დამიფიცე! – უნაგირზე მოდგმული აბგიდან ნადავლი ჯვარი ამოიღო, ფერხთით დაუგდო.

უმალ იცნო ჯვარი ხანძთელმა. მისეული ჯვარი იყო, ეფრემ ბერს რომ გადაჰკიდა განშორებისას. დაიჩოქა, სასოებით აიღო. რუჯის ფერი გადაჰკრაავდა ჯვარს. ძეწკვიც შეწვეტილი ჰქონდა. ხოლო ნაწვევებზე ორიოდ წითელი წვეთი იყო შემხმარი. ჯვარს ემთხვია ბერი...

– ვფიცავ ამ ჯვარს! – თავი აღმართა ბერმა, წამოდგა და აჩქარებით აღმართს შეუღდა.

– ჰო! აგრე, აგრე... სიცოცხლეს გაჩუქებ, გიაურო! ჩალმასაც გიფეშქაშებ! ჰო! ჰო! – როზროხებდა თავისი ოხუნჯობით ნაამები ალაი-ბეგი. ახლა კი ირწმუნა: კარგად იცოდა – „გურჯი-მოლა“ ტყუილად არ დაიფიცებდა ჯვარზე.

ცხენოსნებიც მობრუნდნენ და ამცნეს, რომ ქველა გზას არ ემჩნეოდა ჯორების კვალი.

ცოტა ზევით რომ აინაცვლეს, კეხდადგმული ცხენი დაინახეს და ახლა სულ დარწმუნდნენ. ყველანი მიჰყვნენ.

ამის შემხედვარე ბერმა კი უკლო სვლას. მართლაც უჭირდა აღმართში სიჩქარე. მით უფრო ახლა, არც ეჩქარებოდა რამე. პირიქით – ეგვიანებოდა... დიახ, ეგვიანებოდა კიდეც!

– ჩაფუხ! ჩაფუხ! ჩქარა იარე! – უტევდნენ განძს დახარბებული ასკერები და იარაღს უღერებდნენ.

– აცალეთ, ნელა იაროს, ხელში არ ჩაგვაკვდეს სულძაღლი! – ამშვიდებდა მათ უფრო შორსმჭვრეტელი ალაი-ბეგი.

„ახლა სად იქნებიან ნეტავ!“ – თავის საფიქრალს სულიერ-უსულოზე ერთობლივ ფიქრობდა ბერი.

მაგრამ ხანძთას რომ ააღწიეს და ჯორ-ცხენები იქ არ დახვდათ, ცეცხლი მოედო ალაი-ბეგს. უძალე დაითრია მღუმარე ბერი.

– ენა ამოიდგი! სად არიან? დამაცალე, ყველაფერს გათქმევენებ. ჰეე, ყარა-მურთაზ, შენი ხელობა გვაჩვენე! – გადასძახა ფეხმრუდე და სახეოფურა ასკერს. ამავე დროს ხალხი დაახვია, ხანძთის სენაკები და ქვაბურები მოახილვინა.

ამაო ძებნის შემდეგ ოციოდე კაცი გამოჰყო და მღევრად ახლა ქველა გზაზე აფრინა.

გრიგოლ ბერი კი ხანძთის საყდრის დარკინულ კარზე გააკრეს გარედან. კარის რგოლებს გამოსდეს საბელი.

გაკრული ბერი გაფაციცებით ადევნებდა თვალს, თუ როგორ სჩხრეკდნენ ოსძალნი ხანძთის ყოველ კუნჭულს.

მარბიელებმა გადმოჰყარეს დარჩენილი ხატები და საეკლესიო ჭურჭელი. ააფორიაქეს ბერ-მონაზვნების დარჩენილი ძველმანები და ავეჯი, გასტენეს საოსტიენე და მარანი. მაგრამ ამას არ სწუხდა ხანძთელი. ერთილა ჰქონდა სადარდებელი – შემთხვევით არ მიეგნოთ სამარხისათვის. იქით გახედვაც ეშინოდა.

უეცრივ იქით დაიძრნენ ასკერები... ალაი-ბეგიც იქით მიიქცა. შეძრწუნდა ბერი, ხოლო, როცა მის მიერ ზედ დაყრილი შეშა და ჩინჩხვარი გადმოშალეს და საკუთარი ეპიტაფია ნათლივ დაინახა, დაუფარავი გმინვა აღმოხდა ჰერობილს.

– მაცალე, მაცალე, მეტად აგაკვნესებ! – წამოეტანა ჩოფურა ასკერი.

ველარ გაუძლო გრიგოლმა ამ საშინელ სამზერს, თვალები დახუჭა და თავი ჩაქინდრა... „მან მოიყვანა, მან თავად მოიყვანა აქ! მან გასცა, დიახ! გასცა! აბა რა ეთქმის? სხვა სახელი არ დაერქმის ამ საქციელს!“ – გული ჩაუწყდა ბერს. ამ წუთში იგი მზად იყო მოეჯიჯგნა თავისი ძვალტყავა სხეული... და ფეხებზე, როცა შეშა მოაყარეს და მიუწეწკეს, სიამეც კი იგრძნო.

– ეგეც შენ, იუღას მსგავსო! ეგეც შენ!

მახლობლად კიდეც დაჰყარეს შეშა. ალაი-ბეგის ბრაზიანი ხმა ჯერ გულის მიღმა ესმოდა ბერს, მერმე უეცრად გუჟანში ჩავარდა. მის ხმას გაშმაგების ხრინწი უფრო გაჰკრავდა, ვიდრე ხარბი სიხარულის კილო. განცვიფრდა კარზე გაკრული, გვერდულად გაჰხედა აკლდამას.

იქ შეშა და ჩინჩხვარი აღარ იყო. იგი აქ გადმოეტანათ, მის მახლობლად. ხოლო საფლავის ქვაზე ჭილობი გაეშალათ, ზედ ფეხმოკეცილი ალაი-ბეგი იჯდა და ჯავრობდა... იჯდა და ჯავრობდა!

„მაშ შემა დასჭირდათ! იპოვნეს კიდევაც! მხოლოდ შემა!“ სიხარულის ელდა ეცა ბერს. მაშ იგი პირნათლად ყოფილა ხანძთის კარზე გაკრული! არაფერი შეუცოდავს!

ნებსითი თუ უნებლიე! არავითარი! – ხმამალა ირწმუნებდა თავის უწუმარ ფიქრებს და ეს შეგნება ისეთ ნუგეშად ეფინებოდა, სულ ნათლივ ვერც კი გრძნობდა, რა ხდებოდა ირგვლივ... და მახლობლად ცეცხლი რომ აანთეს და ზედ საყდრის კარზე აგლეჯილი რკინის ურდული მიუფიცხეს, მაშინლა მიხვდა, რად დასჭირდათ ასკერებს შემა.

– აბა, ყარა-მურთაზ, დავიწყით! – მიაძახა ალაი-ბეგმა და თავი მიიბრუნა. ხასიათად ჰქონდა – პირველი გმინვა და ხორცის შიშინი სძაგდა... მაგრამ ჯიუტები უფრო ეჯავრებოდა, ეს გურჯი-მოლა კი, საოცრად ჯიუტი ჩანდა.

ყარა-მურთაზმა გულისპირი ჩაუხია, მოხუცს უბიდან წელანდელი ნათავისარი ჯვარი გადმოუვარდა, ზღურბლის ქვაზე დაეცა. ალაი-ბეგმა ყური შეასწრო ვერცხლის ქლერას, ხელად მობრუნდა, ახლოს მივიდა...

– ამ ჯვარსაც იპარავდა! – გულიანად გაიკვირვა და ვიწრო შუბლი უფრო მოეწურა, სურდა რაღაც მახვილი ეთქვა... ხასიათად ჰქონდა – სურვილი მუდამ უსწრებდა აზრს. მოიფიქრა და ყბები წინასწარ გაებადრა:

– გაუთბე და უბეში ჩაუდე! – ცეცხლში ჩააგლო ჯვარი და თავისი ჭკუამახვილობით მოხიბლულმა მეჩხერი კბილები გარეთ გადმოაწყო.

– იტყვი თუ არა? – ყარა-მურთაზმა ჯერ შიშველ მკლავზე დაადო გახურებული ურდული. უმალ ტრუსის სუნი ავარდა, ხოლო ბერის ძვალტყავა მკლავზე შავ-ყვითელა იარა აიფუთქა.

შეირხა გაკრული, კენესით დარეკეს კარის რგოლებმა. სიტყვამიუდგომი ტკივილი შეეჭიდა მოხუცის გულს. კრიჭაში გასხლეტილი გმინვა აღმოხდა.

– ჯერ სად ხარ! იტყვი თუ არა? – ახლა მარცხენა ხელი დაკრუნჩხა შანთმა.

– ღმერთო, მიშველე! სიკვდილო, სად ხარ!? – მოხუცმა ისევ შეიკრა კრიჭა, მხოლოდ ბაგეები უთრთოდნენ, ხანდახან კბილებს უჩენდნენ...

– რა კბილები ჰქონია ამ მოხუცს? – გაავებულად ჰკვირობდა ალაი-ბეგი.

წამება კი გრძელდებოდა... ჯერ ყველა თითი დაუთუთქეს, მერმე მკლავებზე შემოაწვეს ძარღვები. გულისპირიც ცეცხლით ჩაუსერეს, მაგრამ ბერი სდუმდა. ხანდახან გმინვას ლოცვასაც ამოაყოლებდა... ბოლოს გალობა გააბა გმინვით...

– ძელჭეშმარიტო! ჯვარო ძლიერო...

– ჯვარი მონატრა! ახლავ მიართვით! – ისევ გაიბადრა ბეგი.

ჩოფურა ასკერმა ნაკვერჩხალი მოქექა და გამოსწია...

ჯვარის ვარვარმა თვალი მოსჭრა ბერს, ურდულის შანთისა აღარ ეშინოდა. სულ ერთია, მთელი სხეული ეწვოდა და სტკიოდა, მაგრამ გავარვარებულ ჯვარს უფრთხობდა მლოცველი, მხოლოდლა ჯვრის მმოსავი ხანძთელი... საკუთარი ჯვრის შიში ზარავდა ხანძთელს, იმ ჯვრისა, გულ-მკერდზე რომ ამდენ ხანს სასოებით უტარებია!

უეცრივ ჯვარზე მიმხმარი ეფრემ ბერის სისხლი მოაგონდა. თვლები დახუჭა. მკერდზე რაღაც საშინელი სიმძიმე იგრძნო. ტკივილი აღარ უგრძენია, აღარ... მხოლოდ... ჰო, ეს სუნი! დამწვარი ხორცის სუნი! საკუთარი ხორცისა!.. გულის აღმრევი სუნი აწამებს ტანჯულს. ფიქრსაც ურევს. მკერდიდან ასული ოხშივარავით ერევა ფიქრს... როყოდ მოაგონდა, რომ დღეს მარხვავა... რომ დღეს მას არც არაფერი უჭამია... არა, საჭმელი არა... სწყურია! ახლა მიხვდა, რომ საშინლად სწყურია, ხახაც ჯვარივით გავარვარებული თუ აქვს! ამის გამოა მთელი ტანჯვა და ტკივილი!

– წყალი დამალევინეთ მომაკვდავს! წყალი! აგერ, ახლოს სჩქევს! ხანძთის წყარო!..

უეცრივ შეშინდა ბერი. იგრძნო, რომ ტკივილსა და წყურვილს ვეღარ აიტანს. ვეღარ გაუძლებს. არა, სიკვდილის კი არ ეშინია, არა, არ თქვას... არ წამოცდეს, რასაც ჰფარავს! განძის ადგილსამყოფელი! თავისი აკლდამის საიდუმლო!

ოჰ, მოჰკალით, ჩააწვინეთ თავის სასურველ აკლდამაში... ჩააწვინეთ! ამოიღეთ იქიდან, რაც იქ არის გადამალული!.. წაიღეთ! თუნდაც გადაჰყარეთ! მას კი, მის დაღლილ-დატანჯულ სხეულს აღირსეთ საკუთარი აკლდამა!

– სიკვდილი მაღირსეთ! სიკვდილი!

– არა, ჯერ გვითხარ!

უფრო შეკრთა გრიგოლი: მამ ხმამაღლა უთქვამს რაღაც! თავადაც არ გაუგია, ისე! ვაითუ ხორცმა ვეღარ გაუძლოს, ვეღარ აიტანოს ამდენი ტანჯვა და ბარემ თავად წამოროშოს სიტყვა საშინელი და წარსაწყმედი!

ამდენს იღვწოდა, ამდენს ებრძოდა და თრგუნავდა ხორცსა და ნუთუ მაინც ავობა ხორცმა – ხატი და ჯვარი გააწირვინა! ნუთუ ეშმაკის კერძი გახდა მკაცრი, წმიდა ბერი, უკანასკნელი ხანძთელი, გრიგოლ-მცირე!?

– ფუი ეშმაკს! ფუი ეშმაკს!

...მაგრამ ახლა ნეკებზე რომ ჩაიტანა შანთმა შუშუნის, ბერი საშინელი სიცხადით მიხვდა, რომ ვეღარაფერს დაჰფარავს... იტყვის... მიაფურთხებს და ეტყვის ყველაფერს. აი, სიტყვა თავად აწვება ყელში. კრიჭა შეკრული აქვს, მაგრამ გმინვამ რომ შეუხსნას კრიჭა – ხელად „სიტყვა“ ამოასწრებს. დიახ, ყელში „აკლდამა“ აწვება ბერს. აკლდამა! უნდა დაივიწყოს და არ ავიწყდება. უნდა სხვაზე იფიქროს... აი, თუნდაც, ჰო, მართლა, ახლა შოშიტა... ვინ შოშიტა? ჰო, მისი გაგზავნილი... ახლა უკვე კარგა ხანია ხიდს გასცდებოდა. მღევრები კი გაგზავნეს, მაგრამ ვეღარ!.. დიახ, ვეღარ!.. სამშვიდობოს იქნება გასული!

„აკლდამა“ „აკლდამა“ – ვიღაც მაინც აწვეთებს საშინელ სიტყვას, ოჰ... არა! იმას ფიქრობდა – რაღაც დააბარა შოშიტას... მნიშვნელოვანი და არ კი ახსოვს! აღარ ახსოვს! მეხსიერება დალატობს, მხოლოდ აკლდამა ახსოვს! კლდეში გამოღებულ, თავისი და აღარც თავისი აკლდამა! მთელი ქვეყანა ახლა ამას რომ ედავება!

მაშინ მოეშვებინა. ალბათ ჩამოხსნიან და სადმე მიაგდებენ. სული ამოხდება ბოლოს... დაისვენებს. ესლა უნდა, მხოლოდ ესლა.

– იტყვი, შე წყეულო?

ბერმა ძლივს გააჩილა ჩამქრალი თვალები და წაიჩურჩულა...

– ვიტყვი...

ყველანი დაღუძნენ, შემოადგნენ. ბერმა ჯერ ცეცხლში ჩაკიდებულ ჯვარს შეხედა, მერმე სახე აკლდამისაკენ მიიბრუნა და შეკრულ კრიჭას სათქმელად ძალა დაატანა... უეცრივ საშინელი რამ იხილა. დიახ, თვალნათლივ დაინახა – აკლდამიდან სავედრებელად იშვერდნენ ხელებს, მას ევედრებოდნენ უძველესი ხატები, წმიდანები, მოციქულები, ჯვარცმული მაცხოვარი, ღვთისმშობელი თავის პირმშოს მას ავედრებდა, მას – ხანძთელს... გრიგოლ-მცირეს...

აუღერდნენ ჯვრები და ლითონის საბრძოლო დროშები, საოცრად აშრიალდნენ ხელნაწერები, გრაგნილები, ნუსხები... საფლავებიდან წამოიზარდა ყველა ხანძთელი. ყველანი ხმამაღლა ლაღადებდნენ მისი ეპიტაფიის სიტყვებს: „შეუნდე, ვინც შენდობა ბრძანოს!“... „შეუნდე, ვინც შენდობა ბრძანოს!“

შემაშფოთებელი იყო ხატების ეს გოდებ-ვაება და კრიჭა ვეღარ გახსნა ბერმა... ვეღარ შეძლო სიტყვის ამოდგმა. აი, უნდა თქვას – „აკლდამა!“ და არ ამოდის სიტყვა, ხმა არ არის, ხმა!

ისევე შებრუნდა ყველაფერი – ახლა გავარვარებული ჯვარი და ურდული ადგა ცეცხლიდან. ისევე აშინდა ხორცი და ფიქრი.

ამ დროს კარიბჭესთან რაღაც ჩურჩული შეიქნა. იქით მიიქცნენ ოსმალინი. შეეგებნენ მობრუნებულ მღევართ.

გრიგოლმა ახლა იქით გაჰხედა შიშით და... ჯვორი დაინახა. არა, არ შემცდარა, ნიშანდობლივად დაუკვირდა – კოჭლობაც კი შეამჩნია ჯვორს.

– ნუთუ? ვაიმე... შოშიტავ?! – ჩაიკვნესა ბერმა და ისეთი სევდა შემოაწვა, თითქოს ახლა სულში ჩაუდგეს გავარვარებული ურდული.

თუკი ყველაფერი დაიღუპა, რაც შოშიტას გაატანა? თუკი შოშიტამაც თავი შეაკლა? ვისღა შეუნახოს? არაჲინ რჩება ადგილის მცოდნე... რაღა ბედენაა, აკლადამის განძი სამარეს დარჩება თუ მტერს?

...და როცა ისევ შემოეხვივნენ ოსმალნი, ბერი შინაგანად მოტეხილი იყო. მას აღარაფერი აკავებდა. უიმისოდ ითქმოდა ყველაფერი, უიმისოდ!

დარკინული კარი აუღერდა ანაზღად. თითქოს შიგნიდან შემოჰკერეს კვერი. ბერმა თავი მიახალა კარს, ყურით მიეკრა. არა, ეს ხმა ზურგს უკან არ იყო. შორიდან მოდიოდა.

სმენა დაძაბა, მაგრამ ხმაურობდნენ ოსმალნი. ერთი ვნიასი ჰქონდათ... მაინც ესმის! მაინც! ნამდვილად ზარის ხმა არის! ზარის!? მაგრამ ზართან ერთად შეფრიალებული გულიც რომ აუღერდა, მაშინ კი ეჭვი შეეპარა – იქნებ ეს მხოლოდ მას ეჩვენება... მას – ზარის ხმის უსაზღვრო მსურველს! ან იქნებ ეს სიკვდილის ზარია და მის მეტს არავის ესმის?

– ჩუმაღ! – მან ისეთი საშინელი ხმით დაიძახა, რომ ყველა გახევედა. ყარა-მურთაზს შანთი შეაცივდა ხელში, ყველანი სმენად იქცნენ – მტერიც და მოყვარეც.

კარჩხალის ქედის თავიდან მკაფიოდ მოისმოდა ზარის ფიცხელი რეკვა! ნუგეშად და ბრძოლის ხმად ვრცელ გარემოს ეფინებოდა.

– მაშ, ზურგით აუტანია, ზურგით... ყოჩაღ, შოშიტავ! – თვალები აენტო ბერს და ისეთი შვება იგრძნო, სრულიად მოჰკვეთა სხეულის ტკივილი და ურვა.

აღაი-ბეგმა ხელი ჰკრა ყარა-მურთაზს, შანთი გამოსტაცა.

– მაშ რაღას იტყვი?! – მეტად უშვერი სიტყვა შესძახა მოხუცს და სახეში მიუმიზნა შანთი. მაგრამ გაშმაგდა ყოვლად სათნო ბერი. შოშიტას ძალა მოიცა. კარზე ამყად მოიზიდა, ამომშრალი ენის წვერი კბილებში მოიგდო, მოიკვნიტა და სისხლთან ერთად სახეში შეაფურთხა მტარვალს.

აღაი-ბეგმა ველარ მორატყა მიზანში შანთი. წიხლი მოინაცვლა და გამეტებით ფერდში ჰკრა კარზე გაკრულს.

ნაკრავის ძალით ერთბაშად საყდარში შეიღო კარი და ხანძთელი პირნათლად წარსდგა თავისი დიდი სეხნას – გრიგოლ დიდის კედელხატულის წინაშე.

გამფრთხალი მტრედები აფრინდნენ ხანძთიდან.

როცა კარი ისევ გამოსწიეს და შანთი აძგერეს მოხუცს, იგი აღარ შერხეულა.

უკანასკნელი ხანძთელი უკვე მძიმე და ვალმოხდილი ცხოვრების მიღმა იყო... ხოლო ნაჭარბ ილეკრო-ვერცხლისაგან ჩამოსხმული ხანძთის ზარი, მომავალ საუკუნეებში წასულ იმედით არხედა თავის ხალასსა და საამო ხმას.


ლევან გომიშა

მწერალი





კაბადოკიის ერთ-ერთი ტაძრის
ფრესკა, რომლის მიხედვითაც
შეიქმნა ყოვლადწმიდა
ღვთისმშობლის ქართული
ხატი «შენ ხარ მუნასი»



კაბადოკია

კაბადოკია

ლეთის წყალობით, საოცარ ქვეყანაში მოხვდით (ტერმინს – „ქვეყანა“ საგანგებოდ ვხმარობ, რადგან თავისი მნიშვნელობით ეს სწორედ ქვეყანაა და არა ერთ-ერთი მხარე დიდი სახელმწიფოსი), მას კაბადოკია ჰქვია.

იგი საოცრებაა, რომელთანაც პირველი შეხებისთანავე გავიწყდება ყველაფერი, რაც მის შესახებ იცოდი... ეს სანახაობა მიწიერის შთაბეჭდილებას არ ტოვებს.

მხოლოდ გონებისა და ემოციის დამშვიდების შემდეგ აღიქვამ, რომ იგი რეალურია.

კაბადოკია მოიცავდა მცირე აზიის ცენტრალურ ნაწილს და წარმოადგენდა უძველესი აღმოსავლური ცივილიზაციის კულტურის ცენტრს. აქ ჩამოყალიბდა ხეთური ეთნოსი და ხეთების სახელმწიფოს ძირითად ტერიტორიად იქცა.

I საუკუნიდან კაბადოკია შევიდა რომის იმპერიის შემადგენლობაში და რომაული აღმოსავლეთის ცენტრად იქცა. მისი დედაქალაქი კესარია (ახლანდელი კაისერი) კი მთელი აღმოსავლეთის საეკლესიო მეტროპოლიის ცენტრად გამოცხადდა.

მოგვიანებით კაბადოკია ბიზანტიის იმპერიაში შედიოდა, XV საუკუნიდან კი ოსმალეთის სახელმწიფოს შემადგენლობაში მოექცა.

საქართველოსათვის კაბადოკია, პირველ რიგში, წმიდა ნინოს, წმიდა გიორგისა და მრავალ დიდ, მსოფლიო მნიშვნელობის წმიდანთა და ღვთისმეტყველთა სამშობლოა, რაც თავისთავად მოწმობს ამ კუთხის უდიდეს მნიშვნელობას ჩვენთვის.

არსებობს მოსაზრებაც, რომ უძველესი კაბადოკიელები, რომლებიც ხეთთა სახელმწიფოს ნგრევის შემდეგ დასახლდნენ ამ ტერიტორიაზე, ქართველთა წინაპრები იყვნენ. იოსებ ფლავიუსი გვამცნობს, რომ „კაბადოკიის ტერიტორიაზე მცხოვრები უძველესი ტომი ცნობილი იყო მესხების სახელწოდებით“. ამ მოსაზრებას სხვა მეცნიერებაც იზიარებენ. ე. ხინთიბიძის გამოკვლევით, დიდი კაბადოკიელი მამები – ბასილი დიდი, გრიგოლ ღვთისმეტყველი და გრიგოლ ნოსელი ეროვნებით ქართველები იყვნენ.

„ქართველ ხალხს უშუალოდ ევროპული ქრისტიანული ცივილიზაციის ფორმირებაშიც მიუღია მონაწილეობა. სავარაუდოა, რომ ბიზანტიის კულტურულ პროცესში გარკვეული წვლილი ეროვნული წარმოშობით ქართველ მოღვაწეებსაც მიუძღოდეთ. ბიზანტიის იმპერიაში შემავალი პონტოსა და კაბადოკიის პროვინციებში ხომ უძველესი დროიდან ცხოვრობდნენ ქართველური ტომები – კოლხები, მესხები, ჭანები, ტიბერენები, ხალიბები და ა.შ. ისიც უნდა აღინიშნოს, რომ აღმოსავლეთ საქართველოს – იბერიის, ანუ ქართლის მეზობელი სწორედ ბიზანტია იყო, რომლისკენაც, ბუნებრივია, ქართველები განათლ ების მისაღებად თუ პოლიტიკურ – კულტურული მოღვაწეობისათვის მიისწრაფოდნენ. 1962 წელს ჩვენ მიერ წამოყენებული იყო ჰიპოთეზა იმის თაობაზე, რომ დიდი კაბადოკიელი წმიდა მამები – სორციელი მამები – ბასილი დიდი და გრიგოლ ნოსელი ეროვნული წარმოშობით ქართველები უნდა იყვნენ. ჩვენი არგუმენტაცია 1965წ. გაიზიარა პროფესორმა გ. გოზალიშვილმა და თავის მხრივ გამოთქვა ვარაუდი, რომ ასევე ქართული წარმოშობის უნდა იყოს მესამე დიდი კაბადოკიელი წმიდა მამა, ბასილის უახლოესი მეგობარი – გრიგოლ ღვთისმეტყველი. (ე. ხინთიბიძე. ჟურნალი „ჯვარი ვაზისა“, 1993 წ.).

ამგვარი ვარაუდის მტკიცება და არგუმენტაცია, რაღა თქმა უნდა, მეცნიერთა საქმეა. ჩვენ კი საოცარი სანახაობით გაოგნებულებს, ეს ყოველივე ერთ უთქმელი სიხარულით გვაკვსება.

იმ გრანდიოზული შთაბეჭდილების გადმოცემა, რასაც მიწის ეს პატარა ნაწილი მნახველზე ახდენს, სიტყვით და თუნდაც კინოკადრით შეუძლებელია.

პირველი, რაც მნახველს აოგნებს, არის ლანდშაფტი, ვულკანური წარმოშობის თეთრი მთები, რომლებიც პერიოდულად იცვლიან ფორმას, ღრმა ნაპრალები და ხეობები, ერთმანეთთან დაკავშირებული გვირაბები და ლაბირინთები. გამოქვაბულებში, რომლებიც თითქმის ყველა მთაში რამდენიმე გვხვდება, უძველესი დროიდან ცხოვრობდნენ და დღესაც ცხოვრობენ ადამიანები, რადგან აქ ზაფხულში საოცარი სივრილე, ზამთარში კი სითბოა. ამის გამო ბერძნები კაბადოკიელებს ტროგლოდიტებს – გამოქვაბულში მცხოვრებთ უწოდებდნენ. ასეთი ლანდშაფტი ქრის-

ტიანულ ხანაში ერთ-ერთი განმაპირობებელი იყო აქ განსაკუთრებული სამონასტრო-საეკლესიო მშენებლობისა და სამონაზვნო ცხოვრებისა.

ყველაზე დიდი და მნიშვნელოვანი სამონასტრო კომპლექსი დღემდე შემონახულია გიორეშეში. დღეს აქ მუზეუმი სახელწოდებით „ღია ცის ქვეშ“.

კომპლექსი მთლიანად კლდეშია ნაკვეთი. იგი მოიცავს ეკლესიებს, კაპელებს, სატრაპეზოებს, აკადემიებსა და სენაკებს.

აქ შემუშავებულია საგამოქვაბულო არქიტექტურის ურთულესი სისტემა, სადაც რამდენიმე იარუსად განლაგებული სათავსები ერთმანეთს ვიწრო კიბეებისა და გვირაბების საშუალებით უკავშირდება.

ეკლესიები სხვადასხვა დროსაა მოხატული. ამდენად, ფრესკები მკვეთრად განსხვავდება ერთმანეთისაგან. დღემდე შემონახული უძველესი საეკლესიო მხატვრობა VIII-IX საუკუნეებს განეკუთვნება.

ილიანლისი. იგი პატარა ეკლესიაა. შედგება ორი ნაწილისაგან. ერთი მთლიანად მოხატულია. ფრესკები გვიანდელი, სავარაუდოდ XIII-XIV საუკუნისაა. ერთ-ერთ კედელზე გამოსახულია იმპერატორი კონსტანტინე დელოფალ ელენესთან ერთად. აქვეა წმ. გიორგისა და წმ. თევდორეს გამოსახულებები. ეკლესიაში განირჩევა ნახევრად ქალისა და ნახევრად მამაკაცის უცნაური ფიგურა. ეს გახლავთ ონოფონოსი. ლევენდის თანახმად, იგი ცნობილი იყო, როგორც თავქარიანი ქალი, რომელმაც ღმერთს შესთხოვა, დაეცვა იგი მამაკაცთა ცდუნებისაგან. ღმერთისაგან შესმენილს, თეთრი წვერი გაეზარდა და დაემსგავსა საშინელ არსებას. სწორედ ასეა გამოსახული ეკლესიაში ონოფონოსის ფიგურა – ქალის მკერდით და მამაკაცის გრძელი, თეთრი წვერით.

გიორეშეს სამონასტრო კომპლექსი ცალკეა გამოყოფილი. ესაა დედათა მონასტერი, რომელიც კლდის საკმაოდ დიდ ნაწილს მოიცავს. მასში ცალკეული სათავსები რამდენიმე იარუსადაა. სართულებადაა განლაგებული სატრაპეზოები, სენაკები, სამლოცველოები, ეკლესიები ერთმანეთს ძალზე რთულად სავალი კიბეებითა და გვირაბებით უკავშირდება.

ანალოგიურია მამათა მონასტერიც.

სამონასტრო კომპლექსის ყველაზე შთაბეჭდავ ადგილს წარმოადგენს **კარანლიკის** ე.წ. ბნელი ეკლესია, რომელიც ზომით, ალბათ, ყველაზე დიდია. იგი თავის დროზე კლდეში ორ იარუსად ყოფილა განლაგებული. ამჟამად მისი შემომსახვრელი გარეთა კედლები მთლიანად ჩამონგრეულია.

გარემოს ერთ-ერთი მნიშვნელოვანი ნაგებობაა **სანდალიის** ოთხგუმბათიანი ეკლესია, რომელიც სვეტების ორ წყვილს ეყრდნობა. თუმცა, აქვე უნდა აღინიშნოს, რომ გამოქვაბულ ეკლესიებში სვეტებს მხოლოდ დეკორატიული მნიშვნელობა აქვს. სანდალია მთლიანად დაფარულია ძველი და ახალი ალთქმის სურათებით. ფრესკები XIII-XIV საუკუნეებს განეკუთვნება.

უძველესი მხატვრობის ნიმუშები გვხვდება **წმიდა ბარბარეს ეკლესიაში**. აქ, სხვა ეკლესიებისაგან განსხვავებით, პირვანდელი მხატვრობა ახალი ფენით არ გადაუფარავთ, ამიტომ იგი მკვეთრად განსხვავებულია. წითელი საღებავით მოხატული დეკორი, რომელიც შედგება გეომეტრიული ორნამენტებისა და ზომორფული გამოსახულებებისაგან, მე-8 საუკუნეს განეკუთვნება.

ეკლესიის გვერდით მოთავსებულია პატარა ზომის აკლდამა, ალბათ, პატარა ბავშვისთვის.

არც ერთ ეკლესიას თუ სხვა ნაგებობას გარედან ტრადიციული ფორმა არა აქვს. აქ ყველაფერი კლდეშია ნაკვეთი. როცა მთაში გამოჭრილ კარში შედიხარ, არასოდეს არ იცი, რა დაგხვდება იქ.

ერთ-ერთ ასეთ, ჩვეულებრივ კარს უკან იმალება **გიორეშეს სამონასტრო კომპლექსის** უმნიშვნელოვანესი ნაგებობა – **ტოკალის ეკლესია**, რომელიც რთული არქიტექტურითა და გადიდებული ზომებით გამოირჩევა. გრანდიოზული ინტერიერი საოცრად ამაღლებულ განწყობილებას ქმნის. შთაბეჭდილებას აძლიერებს მხატვრობა, რომელიც მთლიანად ფარავს ეკლესიის კედლებს. სავარაუდოა, რომ ფრესკები სხვადასხვა დროს უნდა იყოს შესრულებული. ტოკალის ეკლესიიდანაა ღვთისმშობლის დიდებული სასწაულმოქმედი ხატი, რომლის მიხედვითაც შეიქმნა ქართული ხატი დედ ღვთისმშობლისა „შენ ხარ ვენახი“.

მხატვრობის ძირითადი თემა ქრისტესა და მარიამის ცხოვრებაა.

ტოკალის ეკლესიას აქვს მიწისქვეშა ჩასასვლელი, სადაც სხვადასხვა დანიშნულების სათავსები და სენაკებია.

ის, რაც რამდენიმე ნაბიჯის მანძილიდან შეიძლება ჩვეულებრივ მთად ან დიდი ზომის ქვად მოგერვენოთ, აუცილებლად აღმოჩნდება სენაკი ან კაპელა, ფრესკებით დაფარული ეკლესიის ფრაგმენტი ან აკლამა, სატრაპეზო ან სხვა სპეციალური დანიშნულების სათავსი... და ასე, ყოველ ნაბიჯზე...

საოცარია, რომ ამ ერთი შეხედვით თეთრქვიან ხრიოკზე მშენივრად ხარობს ვაზიც და ხეხილიც. დღემდე შემონახულ ყველა ეკლესიის სახელწოდებას ჩვენამდე არ მოუღწევია.

სამონასტრო კომპლექსი ძალიან დიდ ტერიტორიაზეა გაშლილი. მისი სხვადასხვა ნაწილი ერთმანეთს უკავშირდება ურთულესად სავალი კანიონებით, რომლებიც სიღრმეში სულ უფრო და უფრო ვიწროვდება და ბოლოს გაუთავებელ ბნელ გვირაბებად იქცევა. თუმცა აქ მიღებულ ემოციასზე საუბარი წარმოუდგენელია; დაახლოებით ეს ასე შეიძლება აიხსნას: შიში, აღფრთოვანება, რეალობის შეგრძნების დაკარგვა.

გიორემედან რამდენიმე ათეული კილომეტრითაა დაშორებული კაბადოკიის მეორე საოცრება, მიწისქვეშა ქალაქი **კაიმაკლი**, რომელიც ჯერ კიდევ ჩვენს წელთაღრიცხვამდე არსებობდა.

ქალაქი დღეს მუზეუმად არის ქცეული, მის ირგვლივ კი ახალი ქალაქია გაშენებული, იგივე სახელწოდებით.

აქ მოსულ ქრისტიანებს შეჰყვარებით ეს ადგილი, გადასახლებულან და ისედაც გრანდიოზული მიწისქვეშა ქალაქისათვის შეუმატებიათ სამლოცველოები, სენაკები და სხვა მათთვის საჭირო სპეციალური ნაგებობები. დღეს კაიმაკლი მიწაში რვა სართულის სიღრმეზეა. სამლოცველოების, სატრაპეზოების და სენაკების გარდა აქ შემონახულია მარნები, სადაც ღვინის სურნელი დღემდე იგრძნობა. აქეთ საგანგებო საპაერო გვირაბები, რომელთა საშუალებითაც რვავე სართულს მიეწოდება ჟანგბადი. არის წისქვილი უზარმაზარი ქვებით, საძინებელი ოთახები და აკლამები. ყოველივე ეს წარმოუდგენელ შთაბეჭდილებას ახდენს

დღეს კაბადოკიაში უმეტესად თურქები ცხოვრობენ, ცხოვრობენ თავიანთი რწმენით, ადათ-წესებით, მაგრამ პატივს სცემენ იმ წარსულს და კულტურას, რომელზეც თავიანთი ყოფა აქვთ დაშენებული. პატივს სცემენ და უვლიან კიდევ... და მხოლოდ ამის წყალობით, ასე კარგად შემონახა ყველაფერი, რაც მანამდე ქრისტიანებს შეუქმნიათ.

კეთილმოსურნე და ღიმილიან ადამიანებს, წინაპართა გამოცდილებით, საცხოვრებლად ისევ გამოქვაბულები აურჩევიათ.

კაბადოკიელთა უძრავლესობა ხალიჩების ქსოვით არის დასაქმებული. საოცარი სანახაობაა პატარა ქუჩები და ძველი ნანგრევები მოფენილი ულაშაზესი, ჭრელი ფარდაებით, ნოხებით, ხალიჩებით.

აქ არის უნიკალური კოლექციები, ყველა დროისა და ყველა ქვეყნიდან ჩამოტანილი ნაკეთობები. თითოეულ ნახელავს განსაკუთრებული დანიშნულების გარდა თავისი ისტორია და ტრადიცია აქვს.

არის ხალიჩები, რომელთაც მხოლოდ დეკორატიული დანიშნულება აქვთ. ზოგი მხოლოდ ლოცვისათვის არის განკუთვნილი, ზოგი სამგზავრო ან მოსასვენებელი. დედებისაგან ქალიშვილებისთვის გადასაცემ ფარდაებს ტრადიციულად ერთი და იგივე ზომა და ფორმა აქვს.

გარკვეული ფერი და ფორმის ორნამენტები ხშირად წერილის დანიშნულებას ასრულებენ. მაგალითად, ქალი მომავალ ქმარს აგებინებს, როგორ სახლში სურს ცხოვრება და რამდენი შვილი უნდა, რომ ჰყავდეს.

არსებობს რელიგიური ხალიჩები, სადაც ცალკეული ორნამენტი სხვადასხვა ლოცვას აღნიშნავს. ერთი სიტყვით, ხალიჩა ფერის, ზომისა და ორნამენტების მიხედვით ისე იკითხება, როგორც წიგნი.

ასეთია, თვალის ერთი გადავლებით, უძველესი კულტურის ქვეყანა, რომელიც მიწიერის შთაბეჭდილებას ნამდვილად არ ტოვებს.

ჰიმიო კაპანაძე

ტელეჟურნალისტი



ჰოი, წმიდანო და ღმერთშემოსილნო მამანო და დედანო კლარჯეთისანო! შეგ წყალეთ მონანი ესე თქუენნი და გვითხოვეთ შენდობა შეცოდებათა ჩუენთა აურაცხელთა, დღესა მას განკითხვისასა და ამას ცხორებასა დაგვიცავით საფრთხეთაგან ეშმაკისაჲთა და მზაკუარებათაგან კაცთაისა.

ტკბილო მამანო და დედანო სულითა და გონებითა საუკუნომცა არს საკსენებელი თქუენი.

შინაარსი

გრიგოლ ხანძთელი. საგალობელნი ადვსებისანი. საქვეყნო სათხოვარი	8
არა დიდ არს სამოცდაათი წელი	10
თურქეთის საქართველოში	13
დრონი მოვალნის, კარ გაიღების თავადა	15
მ. ღორთქიფანიძე. ამონარიდი წიგნიდან: – ბაგრატიონთა ღვთიური წარმომავლობის შესახებ	28
გრიგოლ ხანძთელი. ქებაჲ კლარჯეთისა უდაბნოთაჲ	33
ქადაგება უწმიდესისა და უნეტარესის, სრულიად საქართველოს კათოლიკოს-პატრიარქის, ილია II-ისა	34
ი. ჯავახიშვილი. კლარჯეთში... (ამონარიდი წიგნიდან)	37
ხოჯა ნ. ჯიჯანიძე. გურჯული ვაიზი	38
პ. ინგოროყვა. საქართველოს სინაჲ, ანუ კლარჯეთის თორმეტი საგანე	42
ე. (ნელი) გიგოლაყვა. ვარსკვლავი უდაბნოთაი	44
შ. ფუტყარაძე. კლარჯეთის ქართული	51
დ. ბაქრაძე. ქვეყნის ეს ნაწილი	56
ილია მართალი. ოსმალის საქართველო	58
ი. ამირხანაშვილი. ტაო-კლარჯეთის ლიტერატურული სკოლის ისტორიიდან	61
მ. დიდებულიძე. ტაო-კლარჯეთის მხატვრობა	66
ე. სილოგაყვა. პატრიარქის ტიტული X ს-ის პარხლის წარწერაში	71
ე. თაყაიშვილი. 1917 წლის ექსპედიცია ტაო-კლარჯეთში	76
ლ. გუდიაშვილი. ტაო-კლარჯეთში ექვთიმე თაყაიშვილთან ერთად	81
თ. კობლაძე. საუბარი ახალციხის, ტაო-კლარჯეთისა და ლაშეთის ეპარქიის მმართველ, ეპისკოპოს თეოდორესთან	83
პავლე ინგოროყვას სურათთან	86
მ. წიკლაური. დიდი მეუდაბნოს ხორცთაგან განსვლა	87
ლ. კალანდაძე. ქარდუ... ურარტუ... ხეთა... შუმერი	89
გ. ლეონიძე. დიდება მიწას, რომ გეაკვანათ	91
ნ. ვასეიშვილი. ტაო-კლარჯეთის ხუროთმოძღვრება	92
თ. საყვარელიძე. ტაო-კლარჯული ჯვარ-ხატები	95
თამარ მეფის იამბიკო. მზეობს ცის ქვეშე	101
შ. ამირხანაშვილი. ხახულის ღვთისმშობლის ვედრების ხატი	103
რ. ბერიძე. ბექა და ბეშქენ ოპისრები	104
ზ. ჭუმბურიძე. „ნაშრომი პიეს უკუნისამდე“	105
ნ. სულაყვა. ტაო-კლარჯეთის ჰიმნოგრაფიული სკოლის ისტორიიდან	111
საგალობელნი	115
ე. მაჭავარიანი. IX-X საუკუნეებში მოხატული ქართული ხელნაწერები	117
ჯ. ღვინჯილია. მდუღარებაჲ სულისაჲ	121
მიტროპოლიტი კონსტანტინე. დგანან ტაძრები და ცის სივრცეს აპობენ	125

ვახტანგ ჯობაძე.....	126
გრ. აბაშიძე. ფესვი ჩამრჩა შენს მიწაში.....	129
რ. ბარამიძე. გიორგი მერხულე – ქართული პროზის დიდოსტატი და მშეენებელი. მონაზვნური ცხოვრების წესი გრიგოლ ხანძთელის „ცხოვრების“ მიხედვით.....	130
ს. მარი. ნიკო მარის მოგზაურობა შავშეთ-კლარჯეთში (თარგმნა ზ. თორიამ).....	137
ქართული ეკლესიები თურქეთში (უცხოელ ავტორთა შთაბეჭდილებები).....	144
ა. კალანდაძე. ოშკის მძლე ტაძარო.....	154
მიტროპოლიტი ანანია ჯაფარიძე. აფხაზეთი და ტაო-კლარჯეთი ქართველთა ეროვნული კონსოლიდაციის კერები.....	155
ც. არღაშელია. რად მწუხარე ხარ, სულო ჩემო, რად მწუხარე ხარ... „შენს ჩუქურთმებს ძილში ვხედავ.....	159
მ. ივანიშვილი. რა განძი გვქონია.....	166
ზ. გორგილაძე. მინაწერი ფილმზე „ტაო კლარჯეთი“.....	170
ნ. ლეჟავა. მუჰაჯირობა.....	171
ზ. ჭიჭინაძე. წიგნიდან: მუსულმანი ქართველობა და მათი სოფლები საქართველოში.....	171
გურამ პატარაიას გახსენება.....	178
ი. ონოფრიშვილი. ტაო-კლარჯეთში გურამთან ერთად.....	179
აჰმედ მელაშვილი.....	182
მ. ვარშანიძე. აქედან მოჩანს ტაო და.....	182
ფ. ხალვაში. სადაც აკრძალეს საქართველო, იქ იქართველა.....	183
ლ. გოთუა. ხანძთის ზარი (მოთხრობა).....	186
ქ. კაპანაძე. კაბადოკია.....	193
ლოცვა წმიდა მამათა და დედათა მიმართ.....	196
შინაარსი.....	197



რედაქტორი თინათინ კობალაძე

სარედაქციო კოლეგია

მიტროპოლიტი ანანია ჯაფარიძე, ანდრია აფაქიძე,
მონაზონი ევგენია, ეპისკოპოსი თეოდორე,
ზურაბ თორია (პასუხისმგებელი მდივანი), დეკანოზი მიქაელი,
ზაზა სხირტლაძე, ვივი ღამბაშიძე, ედიშერ ჭელიძე.

კორექტურა წაიკითხა ნანა ლეუავაძე

კომპიუტერული მომსახურება მანანა უკლებასი,
თამარ ბუჯიაშვილისა და ნატო გურამიშვილისა

საქართველოს საკატრიარქო

„ჯვარი ვაზისა“ №2

თბილისი, ერეკლე II-ის №1

ტელ.: 98-95-21

GEORGIAN PATRIARCHATE

"JVARI VAZISA" (The Cross of Vine) №2, 2005

1, Erekle's square, Tbilisi

ГРУЗИНСКАЯ ПАТРИАРХИЯ

"ДЖВАРИ ВАЗИСА" (Лозовый Крест) №2, 2005

Тбилиси, пл. Ираклия II-го, №1

ჟურნალში გამოყენებულია გ. ჭანიშვილის რუკის ფრაგმენტები

დაიბეჭდა „საქართველოს მაცნეს“ სტამბაში
თბილისი, გრ. რობაქიძის ქ. №7^ა

თბილისი

2005

აცხოვნე, უფალო, ერი ჩუენი და აკურთხე
სამკვიდრებელი ჩუენი. ძლეუად ჯუარითა ბარ-
ბაროხთა ზედა ღმრთივდაცულსა ერსა ჩუენსა
მოანიჭე და საფარველსა ქუეშე შენსა დაიცევ,
რათა ვიტუოდეთ, უფალო, დიდებად შენდა.

ქართული ანბანი

ა	ა	ა	a	1
ბ	ბ	ბ	b	2
გ	გ	გ	g	3
დ	დ	დ	d	4
ე	ე	ე	e	5
ვ	ვ	ვ	v	6
ზ	ზ	ზ	z	7
თ	თ	თ	t	8
ი	ი	ი	i	10
კ	კ	კ	k	20
ლ	ლ	ლ	l	30
მ	მ	მ	m	40
ნ	ნ	ნ	n	50
ო	ო	ო	o	60
პ	პ	პ	p	70
ჟ	ჟ	ჟ	ǰ	80
რ	რ	რ	r	90
ს	ს	ს	s	100

შ	შ	შ	sh	200
ჩ	ჩ	ჩ	ch	300
ც	ც	ც	ts	
ძ	ძ	ძ	dz	400
წ	წ	წ	tsʰ	500
ჭ	ჭ	ჭ	ʧ	600
ხ	ხ	ხ	ch	700
ყ	ყ	ყ	q	800
ღ	ღ	ღ	gh	900
ვ	ვ	ვ	v	1000
გ	გ	გ	g	2000
დ	დ	დ	d	3000
ე	ე	ე	e	4000
ვ	ვ	ვ	v	5000
ზ	ზ	ზ	z	6000
თ	თ	თ	t	7000
ი	ი	ი	i	8000
კ	კ	კ	k	9000
ლ	ლ	ლ	l	10000

